


當陽縣志 第一冊

南志 84

1020 10

82

10



原序

粵自列侯貢俗太史觀風方陳輿獻上之天府歷三代漢唐以迄今茲代有成書凡山川之勝方物之殊人情土俗之瀟瀟詰士賢臣之出處以及政賦德教之繁盛衰靡不具載所以詳攷稽資治化也我

朝定鼎後興學崇文廿餘年來博求典籍其於天下之志乘一書不啻勤勤勸纂矣然或海澨山陬篇殘簡斷續先啓後必待其人予茲讀當邑一志而有感焉予以已酉季夏銓授當陽卽聞吾鄉遊楚者道邑荒疲狀謂彈丸僻邑萬山交錯加以兵燹之後土蕪人稀成爲予難之予曰士人服古入官行吾志焉爾敢與地方爭難易哉及乎捧符就道叱馭星馳履境之初憑車流覽遠望玉泉紫蓋諸峯鬱蒼綿亙近漱沮漳清溪諸水澄澈縈環雖凋敝之遺村煙落落而民風淳樸易於爲治固不得以彈丸視之矣蒞任後適值上憲檄徵邑志乃知邑志尙無成書所存斷簡殘篇方經攝篆婁公與邑之薦紳碩彥遠蒐近輯擗管成帙授之梓而未告竣也亟取藁本披讀則見夫山川紀也方物詳也名臣大儒文章政教悉班班可考也纖巨靡遺瞭如指掌矧其間摘詞簡雅寓意風規足爲千百世之鑒觀所謂續先啓後必待其人者婁公與邑紳其攸歸與諸君子任其勞予竊享其逸矣雖然予之所應爲者諸君子有以先之諸君子之欲爲而未逮者予安可不有以助之學宮之傾圮未修也城垣

當陽縣志

卷首

序

宜昌印書館承印

樓櫓之敝缺未補也武安文定諸名蹟炳々麟々皆未能輪奐聿觀也從此漸次整理俾廢者俱興誠守土者之責也予敢不勉與

康熙九年歲在庚戌仲春月

賜進士出身知當陽縣事古任城李芳佳木氏撰



當陽縣志序

當陽古權國余向應春官試北上道經斯地者三見其山川秀麗風俗敦龐因意其中名臣碩儒政事文章與夫忠孝節烈之人瑰異奇特之行必有卓卓堪紀者惜不獲披覽邑乘一印證之歲辛亥適奉

命承乏茲土亟取邑志閱之炳々麟々垂光簡冊者不一而足深喜符吾向者所意攷此志成於康熙八年距今百餘歲矣

聖天子文教覃敷海隅咸若斯邑雖僻處山陬雲蒸霞蔚而起者卽名區不過焉百年未輯殊爲闕典余有志纂修而未逮也會壬子大憲彙修楚北通志檄縣採訪事實以備編輯沂陽童君隨以儒學所藏續修志稿進凡所紀述頗爲整理但其中舛譌遺漏亦復不少因集薦紳耆彥設館迴峯書院往來商榷取舊稿釐定之分門別類刪其太繁補所未備雖拘文牽義難言美善而微顯闡幽片長不遺且一爲披覽而吏治民風治亂得失燎若指掌官斯土者卽此因地制宜不亦可攬其全而裕如乎今夏帙成都人士索序於余余回憶向時道經此地一過客耳豈料卽是邑之主人哉此中不無宿緣焉因不揣固陋而序之
乾隆甲寅夏五古賓黃仁題於玉陽官署之款洽軒

當陽縣志

卷首

序

一

宜昌印書館承印

序

國朝當陽縣志自康熙八年煥然一新然明季餘氛未靖士庶未盡還集採訪雖周不無脫漏越

今上戊寅歲前侯 苗公率邑先輩博搜密訂已臻大備未幾他遷不及授梓已酉續奉

命司鐸於茲蒞任後簡閱書籍得底抄讀之喜且懼謂一經蠹蝕必遺他年亥豕之譌因諭同學諸公勉其續纂成書適 制憲畢公督修省志引下數學署隨攜抄本白明府 黃公公

慨然以爲任召集邑紳諸先生囑其事增於後文酌於前以勳其成因以總理之任屬續固辭不獲命勉應之然實仗 賢侯之明斷與諸公之直方其所是者進之非者退之不敢與以已見昔孔子成春秋於義尙曰竊取矧謏陋如續敢以筆削自多乎哉準是非之公而已是爲序

乾隆五十九年歲次甲寅夏五新陽童繼撰



續修當陽縣志序

恩光 篆當陽兩稔於茲既周行四境察其地勢西北高而東南下西北多連山東南多平原
廣野沮漳襟帶其間合流入大江遇漲或江水盛溢則沮漳過不得出往往潰決氾濫隴
畝化爲沮洳恩光乃勸督居民繕修隄防期以堅厚令下皆踴躍趨事隄成而昏墊息又以
其暇籌增書院膏火凡有修舉不敢廢墜士民益翕然信從今年連奉臺使檄催修邑志遂
取舊籍檢之蓋有二本曰舊志者修於康熙時曰續舊志者修於乾隆末今曠七八十載未
有增輯於是延都人士之淹雅端亮者分任採訪考輯而恩光商榷編次徵引舊志比附近
事稍創體例定爲類若干爲卷若干惟是山中書缺有問故老率多零落諷稽蒐討病不廣
遍藁成未敢自是質之年丈監利王子壽比部然後授梓僉謂恩光宜爲之序則論之曰志
於邑無所不載顧有體焉繁則寡要簡又近略欲斟酌而歸於至當難矣然尤貴乎其識今
夫當邑介居荆襄郢峽間南北衝要爲兵家所必爭自春秋三國至
昭代開國之初暨嘉慶咸豐間盜賊出沒邑最苦蹂躪今幸

朝廷威稜震疊烽燧已消然豫防不可弛也瀕川之民託命惟堤桑土綢繆未遂高枕無虞也
若夫閭閻利病政令教條所設施有百年不變者有數年輒變者有一年數變者不審其宜
則輕改與膠固兩失之至如簪纓甲第之蔚興貞廉節義之相望雖清淑萃鍾人爭砥礪

當陽縣志

卷首 序

三

宜昌印書館承印

抑豈非賢長吏興起教化風動而鼓舞之效與凡若此類筆之於書來者考鏡得所率循所
謂前事之不忘後事之師也由是言之則志不徒恃其體而又貴善用其識恩光治行無足
稱述第念夙奉 先相國訓誨及 家大人教迪一行作吏不敢不勉又適遇茲役思藉
手爲來者告且答父老勤勤見推之意故謹舉其大且遠者次第紀載而其他則有所不暇
書同治五年歲在丙寅孟秋月知當陽縣事儀徵阮恩光撰

續修當陽邑志序

曩者柏心嘗驅車至玉陽矣其境南連吾郡西直夷陵北走襄鄧東襟郢鄧竟陵沮漳二川縈回如雙練岡巒迤邐原隰龍鱗桑麻布野略似豫州風景及覽其城郭之峻整學宮試院之閎邃又與其邦人士遊皆彬彬然尙文學崇禮讓竊歎壯哉縣而風氣愿慤可喜也時方兵後求觀邑志不可得今年冬邑侯

孝通明府以書來郵其手纂志乘云焘檄續修凡若干卷屬加商榷且徵序焉蓋當陽志一修於康熙時再修於乾隆末今且三矣急發藁本繹之義例謹嚴詞氣淵雅不以繁博是務而徵引皆有典據不以新僻是誇而包舉極於宏纖大旨因舊志所網羅加以裒輯稍變其門類確然可爲信史也柏心竊惟方志之興肇於周官土訓誦訓與形方訓方諸職凡一邑中山川險易田賦高下政事修墜風俗奢儉物產饒瘠與夫官吏士女之偉績高行莫不備載非以馳騁淹洽爲夸炫耳目地蓋將以懸古今之鏡著得失之林使後來有所取法如射立儀的車循軌轍若是乃爲善耳然而有三患患例之冗也詞之野也紀述之失倫也夫志體同於史者什九特其大要主綜核不主褒譏稍爲同中之異綜核矣又無三者之患然後號爲良史而不媿今觀茲志庶幾良史遺風乎明府爲儀徵

當陽縣志

卷首 序

四

宜昌印書館承印

相國之孫 賜卿太守之令子文學淵源紹聞有自宜其深明著作之體權篆甫二載惠愛洽於四境堤防賓興諸務尤汲汲修舉不遺餘力茲復蒐考文獻勒爲一書悉本典則不獨風流爾雅近古儒吏又以知其通達治體才足經方致遠將起而任

朝廷簡擢膺股肱方岳之選非但區區以一邑報稱者因不辭而僭序諸首簡賜進士出身

誥授奉直大夫刑部廣西司主事年世愚弟王柏心拜撰



續修當陽縣志序

志者一邑之史也歷代史冊如天文地理之類有關於考據者則謂之志



國朝一統志及直省通志依次編集要皆聚邑志而掇其精華則邑志較通志爲加詳有不得不詳者也當邑本荆楚域山川秀麗甲於荆南至其民風醇樸易於爲治尤非他邑所能及
余自己未夏蒞任茲土下車伊始亟取舊志披讀以攷厥源流大率體例悉備而近事則多闕文蓋自乾隆甲寅重修後閱七十餘年中間湮沒爲不少也越明年會邑紳商推謀所以續修此志者徧加採訪得十餘帙公餘有暇將加編次旋以軍需旁午民力不支未敢率爾舉行嗣余調任沙羨未幾出守燕南僕僕風塵此舉更無從過問私衷耿耿也頃得邑侯阮孝通明府書云奉檄續修邑乘今脫稿矣俟就正於監利比部王子壽先生即付劄牘分編者爲袁廉叔鄭石雲兩明經皆余同年友曩所共商推者且以余曾加採訪囑余爲之序噫此固余有志未逮者也得明府以玉成之夫復何憾明府爲儀徵相國文達公之孫今太守賜卿先生之家嗣也家學淵源政聲卓著本楚中循良冠冕今此手編邑乘必能萃擷經史周諮博考以彙爲成書更非余所能企及余既不獲贊襄其事猶得郵寄一言附諸簡端以留爲雪中鴻爪且與此邦人士結一重翰墨緣也是爲序
同治五年歲在丙寅仲春月知直隸順德府事宜興任道鎔撰

當陽縣志

卷首 序

五

宜昌印書館承印

續修邑志序

邑侯阮孝通先生之宰茲邦也以相國孫又秉名父之訓不鄙夷敝邑因俗爲治加意拊循政平而訟理士悅而民和自堤防賓興諸務靡不修舉甫及二載疊奉臺檄催修邑志按敝邑志乘一修於康熙時再修於乾隆末至今且七八十年未事續纂典籍缺少傳聞寥落衆有難色先生獨毅然圖之延召儒流會議增輯若者任採訪若者任集贊先生乃創爲體例區分門類而手自纂次既成則義法謹嚴咸中典則衆謂宗信獲預編次宜有言以識之宗信承學既淺齒又居鄉先達後力謝不敏衆皆強之不休乃謹述其顛末焉夫僻陋巖邑介在山谷間雖未得與通都壯縣相提並論然竊嘗得諸載籍所紀與故老傳聞矣茲非山陽公子登臨徙倚之區乎蜀漢上將雄烈不凜然如生乎朱子發之闡明易旨胡文定之羽翼春秋遺書不猶有存者乎才人英雄則如彼大儒淵源則如此而皆萃此一方然則敝邑雖褊小其何慚於上國又况數千年來良有司煦嫗而化導之遺愛未沫其挺紫蓋玉泉沮漳之英靈而起者或高勛上第或忠節著聞以及孝子順孫貞女節婦聯翩繼跡紛綸照耀爲山川增壯者指不勝屈今先生皆網羅掇拾登之竹冊而條貫統飭無雜無漏號爲信史誠曠代盛事哉宗信既爲敝邑幸益願與邦人士女爭自琢磨蒸成善俗以副聖朝時雍光被之休風而無負賢侯裒輯表章之盛意也不尤懿與同治丙寅仲秋月治下晚生鄭宗岱謹識

序

民國二十二年十月咸以湖北第九區督察專員就任宜昌十一月出巡諸縣首至當陽至之日以戌刻抵治所越長坂自西門入市燈光澈上與星河相映而街衢整肅敷石瑩匕亦既歎斯邑之必有可觀矣既達縣署其門樓卽榜曰仲宣樓此漢末寓公之遺跡也是時江陵熊君明春杏圃方爲邑令與咸詳述政事首稱當陽土田饒沃計畝得七十萬爲九區諸邑所不及而民足衣食又稱當陽文化殊絕縣立小學外公立私立諸小學統計得二百餘所薦紳先生之博通國故者又大有其人甚矣哉治斯邑而談教養之道固自易易矣令又告我曰邑中賢士不無元祐君子之爭斯貴有以處之咸曰易詩不云乎維桑與梓必恭敬止第以此義勉諸賢宜乎其可以輯穆也咸留此二日措置斯事卽引經以解之而糾紛果定濟濟多士可謂克廣德心者矣咸於是調閱志乘令曰志頗難求也徵於城坊故舊之家亦渺不可得及出巡諸縣歸以十二月五日召第一次區行政會議於宜昌令又來會乃假貸於某氏攜以示咸並申重印之旨而屬咸爲序咸檢讀茲篇知此志修於清康熙九年續於乾隆五十有九年再續於同治五年迄於今又六十八年矣此六十八年中事變方殷雖山川城郭晏然如舊而人物之代謝與政教之改革恐十倍於前朝續修之不可緩亦旣明矣方今之務教養爲急而養尤過之觀斯邑林木鬱鬱蠶絲適宜而產棉亦殖沮水商舟有助懋遷他日汽車旁達其東南可歷荊州而下其西北可歷宜昌遠安而上闔邑人士儻勤求科學繼農田而攷工則富力之充幾可甲宜昌八邑是則使者之所深望也至先聖先賢允爲多士楷模文如胡文定武如壯繆侯其陵墓皆在近郊科學雖新而明德惟舊師資豈遙遠哉今賢令重印茲篇卽續修之佳兆八邑之中宜昌志將重纂矣遠安秭歸二志脫稿待刊宜都亦重印舊籍與當陽同咸忝察八邑碌碌無所補惟念斯邑山川之人秀文之美物產之富佇看農工並興丕振鴻業其爲人也宜取則關胡以表章國性而闔里雍匕和風洋溢他日遊斯土者必有樂而忘歸之意仲宣可作當亦自訂其文矣二十三年元月涿鹿呂咸箸青謹序

當陽縣志

卷首

序

六

宜昌印書館承印



序

運鈞讀文選至王粲登樓賦雅愛其文辭及讀魏志本傳裴注引典論亦盛稱粲長於辭賦并獎茲編信所謂騁騏驎於千里者也賦稱挾清漳之通浦倚曲沮之長洲又稱北彌陶牧西接昭丘吾讀其辭吾未知斯樓之安在也而李注文選引荊州圖記曰當陽東南七十里有楚昭王墓登樓則見所謂昭丘本乎是則昭丘已在當陽東南而樓且在昭丘之東其不在今日之縣治亦明矣按縣治述古蹟稱東城在治東一百四十里今荊門州治東卽古當陽縣城然則今之縣治其方位既與古殊其稱仲宣樓則謂在玉陽山頂舊誌謂卽城南樓惟賦內沮漳並舉不應在今縣治古麥城在沮漳之間庶幾近之又稱昭丘當在麥城西距縣治五六十里然則今日之當陽城既非古城則所謂仲宣樓者亦必在沮漳之間與昭丘麥城相近乃與賦合

運鈞贛清江人也吾先祖行商於黔遂爲黔人清末應試入北都浮沈農署者十有七年足不出都門一步戊辰之秋轉赴南都去秋以舊友涿鹿呂公督察湖北第九區兼治宜昌招我來助乘循巡屬縣得載筆追陪首至當陽縣尹熊公歷述斯邑山川之美土地之富人文之秀物產之饒予得審聽於旁穆然生愛慕之思又登玉泉歷長板景行古人而於仲宣一樓尤遐想不能置及辭當陽赴遠安傍沮水行而後歎所謂曲沮長洲者果質而不妄典論所稱於辭無所假良足信歟今熊尹以縣志難得擬卽舊籍而重印之請呂公爲序而並及於

當陽縣志

卷首

序

七

宜昌印書館承印

鈞自惟不學際茲嘉會敢不罄愚以附於篇此堂堂壯縣自仲宣以次於唐公孟浩然杜觀於後梁如梁震於宋如唐介子方胡安國諡文定朱震子發侯仲良聖師何參於明如袁宏道石公袁中道小修皆紀名於流寓而小修之文近中郎石公之爲宰能斷參之博學孝義聖師之清端勁直子發之著漢上易解文定之纂修春秋子方之直聲動天下震之不慕榮利而觀有名兄浩然亦好義節惟仲宣以名公之胄蔡邕且稱爲異才如運鈞者庸乚當陽過客耳以擬十一賢而自居何地其悚懼果何如乎僭附斯篇亦第自慚其微幸而已民國二十三年甲戌元月貴筑漆運鈞謹序





序

當陽縣志昉於前清康熙九年係以劉子鴻之舊藁為嚆矢而由李大令芳增纂而出者也嗣後一修於乾隆五十九年再修於同治五年補續於光緒十五年卷列十九門分十二考據賅博採輯精良如伍子胥築驢磨二城則本之酈道元水經注權國在南郡當陽非之今當陽則本之杜預左傳注洵屬允當惟以周將軍墓卽周倉墓是否與陳壽三國志相整以三家市卽三戶津是否卽項羽敗章邯之三戶津此中尙不無疑問余以民國甲戌督察九區行政而當陽實為轄縣行部時見關陵圯敗正在集款修葺而當陽熊大令明春復慮縣志之年久失修也計同治五年至今已近七十年矣滄桑變幻迥異疇曩文獻蕩佚識者疚心則重修斯志自為急務然採訪編纂顯微闡幽又非且暮間事也都人士之稽古者咸惴惴於舊版之無存其新者益無從著手故重刊舊志尤為急務乙亥春熊大令以此商之於余余嘉其意在網羅舊聞也爰慫恿付梓以為抱殘守缺之一助比者地方多故軍書旁午民鈔職方之訓人望太史之軒得有斯志庶幾古人之流風餘韻洋溢於玉泉紫蓋間乎特余媿不文而雍容揄揚潤色鴻業尙有待於博雅之君子云爾

民國二十四年乙亥仲春湖北第九區行政督察專員羅經猷識於宜昌公廨

當陽縣志

卷首

序

八

宜昌印書館承印

序

當邑介荆襄間東有萬城麥城西接夔陵地勢險要固久為鄂西重鎮也沮漳二水匯流入江組練如畫山川靈淑多諸祖道場民風儉樸夙號易治改革以還因縣治距省較遠國軍不易到達土匪乘機騷擾為患閭里年來人民生計艱窘繁富之區浸成疲敝良可慨也上年明春捧檄來宰是邦適

總座蔣公蒞鄂清剿之後目睹地方元氣凋殘善後諸端急待整理乃考查民間疾苦凡編組保甲訓練壯丁開闢道路修復堤防勸辦積穀提倡生產種種要政依度進展用是地方秩序敕平得紓列憲西顧之憂人民方慶

總座蔣公暨列憲之生成明春亦得仰沐 高厚少藏鳩拙顧屢奉大府檄徵縣志一書詢之民間幾如鳳毛麟角不勝惴然懼文獻失考且無以應大府之命此守土者之責也遂就商財委會 諸縉紳先生謀重修僉曰修志誠為急務若開局採訪人才經濟一時力有未逮且非短時所能蒞事曷就舊志翻印不亦易厥成乎明春乃呈明專座呂公奉令報可遂覓得前清同治丙寅年重修舊志十本 光緒己丑年續修四本付諸剞劂用敘其巔末如次時民國二十三年歲次甲戌江陵熊明春謹序

當陽縣志

續修姓氏

主修

署 當陽縣知縣 阮恩 光江蘇儀徵人

協修

當陽縣學教諭 陳桂 辛天門副榜

當陽縣學訓導 石易 誠黃岡舉人

總纂

邢部廣西清吏司主事 王柏 心監利人甲辰進士

分編

候 補 府 經 歷 袁 宗 岱 瓚江蘇拔貢

監局

拔 廉 方 貢 鄭 宗 岱

孝 廉 方 正 羅 驥 鳴

孝 廉 方 正 王 映 蘭

庠 廉 方 生 張 守 銘

當陽縣志

卷首

修志姓氏

宜昌印書館承印

考輯

庠 歲 拔 廩 拔 歲 庠 生 馮 步 瀛

參訂

廩 拔 歲 庠 生 鄭 宗 星

舉 拔

歲 舉 拔 貢 劉 德 華

歲 舉

歲 舉 貢 王 金 鍊 浦圻教諭

歲 舉

歲 舉 貢 高 士 純

歲 舉

歲 舉 貢 姚 錦 江 德

歲 舉

歲 舉 貢 熊 孝 曾

歲 舉

歲 舉 貢 汪 南 金 輝

歲 舉

歲 舉 貢 胡 炳 輝

採訪 咸豐十年至同治五年兩次採訪



附載歷代纂修姓名

明萬曆四年 丙子

任夢榛 字山甫南直休甯人署縣事留守司經歷

姚會 邑孝廉

葛希俊 邑明經

崇禎三年 庚午

曾應賓 字君利福建人安陸府通判

黃聖年 字逢永廣東南海舉人儒學教諭

羅繼思 邑明經

葛睿 邑庠

陶大賢 明經

聶登第 邑庠按舊志謂庚午重修第出其家藏舊書志以備采輯乃得成書

國朝康熙八年己酉

主修

婁肇龍 字 山陰人署縣事荆門州同

當陽縣志 卷首

歷修姓氏

協修

王圖永 儒學訓導

魏承韓 邑典史

纂修

楊州彥 邑進士

栗引之 邑 恩貢

采輯

許登儁 邑庠

李映蘭 邑庠

參訂

張肇元 貢生

曹嗣吉 貢生

熊廣生 邑庠

乾隆二十三年續修未梓姓氏
主修

歐陽煥 明經

陳宏志 邑庠

汪鴻印 邑庠

賈克生 邑庠

熊虞 貢生

羅明慧 貢生

苗肇岱 邑令

纂修

方 璩 儒學教諭

郭孫俊 邑進士

林可法 邑舉人

乾隆五十九年 甲寅

主修

黃 仁 字安宅 邑令

纂修

童 辯 儒學教諭

郝 遴 儒學訓導

葉文在 邑副榜

郭孫煥 邑明經

羅啓鰲 邑明經 兼陽訓導

劉學夔 邑貢生

當陽縣志 卷首

歷修姓氏

一一

宜昌印書館承印

分修

熊經壁 邑廩生

曹世煥 邑廩生

參閱

張維植 江陵人 署儒學教諭

考正

夏永謙 河洛巡檢

馬 棟 邑典史

校理

謝方升 邑庠

熊映鑣 邑廩生

羅開泌 邑廩生

采輯

袁揆廷 貢生

謝世安 鄉賢

李傑臣 貢生

楊先祐 貢生

胡作材 廩生

陳維翰 廩生

馬化龍

任世寶

賀松茂

羅啓蘇 候選衛守禦

監刻捐版

楊啓淵

貢生 以上名次職銜俱依續舊志原文

廖述安 廩生

符光廷 邑庠

羅思詠

趙廷梓

席久祥 以上俱邑庠

當陽縣志

卷首

歷修姓氏

三

宜昌印書館承印

續修當陽縣志凡例

- 一 邑乘自 國初迄今凡三修修於康熙初者曰舊志修於乾隆末者曰續舊志板皆無存今此續修凡錄兩舊志原文皆注明於後不敢掠前賢之美也書中亦有概稱舊志者
- 一 續舊志分九門今增爲十二門曰方輿曰建置曰政典曰武備曰祀典曰祠宇曰職官曰選舉曰人物曰列女曰藝文曰雜錄共十九卷
- 一 方輿志首星野次疆域次沿革次山水次古蹟次風俗次物產次祥異其事紀附沿革後陵墓附古蹟後續舊志列沿革於疆域前意在原古茲列疆域於沿革前意在崇時定其疆域而後考其沿革也又續舊志列事紀於沿革表中限於篇幅轉覺難詳今另作沿革表而以事紀附後似較明晰至於祥異舊載賦役後今移置方輿末以祥異亦方輿中事也
- 一 建置志首城池一邑之根本也次公署宣化之地也次堤防興利除害工程之大者也街衢津梁附城池後坊表雜建附公署後塘堰附堤防後各從其類也
- 一 政典志首賦役利用厚生爲政之本也倉儲所以足食蠲恤所以保民故入之次學校次書院考棚及各項公田皆所以興賢育才也庶而後富養而後教政之常經莫要於此續舊志無政典門而列賦役於選舉後載學校於建置中今皆改歸政典至蠲恤尤政典之

當陽縣志

卷首

凡例

宜昌印書館承印

大者亦查省志補入

- 一 武備志首兵防兵以衛民也次寨堡寓兵於農也次兵事得失之林可爲前鑒也至於民壯保甲依續舊志附兵防後

- 一 祀典志首 文廟示尊崇也次 武廟以陵寢所在視他邑加隆也次 文昌宮已升入中祀與 武廟同也次壇廟凡有祀典者皆志之也續舊志列典禮於賦役軍政之前今列祀典於政典武備之後先成民而後致力於神也至名宦鄉賢忠義節孝各祠例得附文廟後又宋儒胡文定公墓在邑境建有專祠續舊志列古祠中今附於 文廟之末以文定羽翼聖經已從祀兩廡故也

- 一 祠宇志祠宇何別乎祀典也首古祠前代所尊崇民間所供奉也次寺觀別乎古祠也續舊志附寺觀於仙釋傳後今改歸祠宇志至於商民會誦似非邑志所宜詳然亦域中營建之大者續舊志載其一二茲備載之附古祠後

- 一 職官志首令佐次師儒次武職次封爵各立一表循良忠烈師範等傳皆附於表後續舊志有溺職官於人物宦蹟中者今皆改正增立忠烈傳而以客將附焉

- 一 選舉志首薦舉次制科次貢生次武科次雜選次世職次封蔭續舊志於科目皆列表今分類編次似較明晰有傳皆載人物志



一 人物志首宦蹟次孝友次忠義次篤行次文苑次隱逸次耆壽次流寓次仙釋其義勇附忠義後續舊志無義勇傳而附耆壽於隱逸後茲另立耆壽傳所以重引年之典也所增人物必有實蹟均以採訪爲憑善善從長不盡溢美也

一 列女志首節婦次烈婦次貞烈次賢母其孝婦附烈婦後壽母附賢母後節孝貞烈已蒙旌表者尙矣亦有守志待旌年例已符先給匾額者茲並載之以光潛德示獎勵焉

一 藝文志分爲上中下三册上册首賦次碑文次碑記中册首序次記次傳次墓誌次論次說次贊次銘次紀略次跋次題後下册皆詩古今體悉備每類以時代相次庶幾便於披覽所載詩賦文詞必邑中山川古蹟城郭宮室有關於掌故及忠孝節義之有關風化者方得收入不徒以詞藻爲功也

一 雜錄首叢談雖語多不經要必實有其事亦一邑休咎所關也茲依續舊志列於卷末

一 續舊志於舊志原文及分注旁引多所刪減今擇其要者一一補入至於徵引故事非正史者皆不載

當陽縣志目錄

卷首

序

目錄

卷一方輿志上

星野

卷二方輿志下

山川

物產

卷三建置志

城池 街巷津梁附

卷四政典志上

賦役 屯田附

卷五政典志下

學宮 學額學田

修志姓氏
圖

凡例

疆域 形勝附

沿革 有表事紀附

古蹟 陵墓附

風俗

祥異

公署 坊表雜建附

堤防 塘堰附

倉儲

郵

書院 膏火田

考棚 卷價田

當陽縣志

卷首

目錄

宜昌印書館承印

賓興公田

卷六武備志

兵防 民壯保甲附

砦堡

兵事

卷七祀典志上

文廟 有表

卷八祀典志下

武廟 祭田附

文昌宮

壇廟

卷九祠宇志

古祠 會館附

寺觀

卷十職官志

令佐 有表循良忠烈傳附

師儒 有表師範附

武職 有表

封爵

卷十一選舉志

薦舉

制科

貢生

武科 武選附

雜選 例職附

世職



封典

卷十二人物志上

宦蹟

卷十三人物志下

篤行

耆壽

卷十四列女志上

節婦

卷十五列女志下

烈婦孝婦附

卷十六藝文志上

賦

卷十七藝文志中

序

墓誌銘

孝友

忠義義勇附

文苑

隱逸

流寓

仙釋

貞烈

賢母壽母附

碑文

碑記

記

傳

論

說

當陽縣志

卷首

目錄

二

宜昌印書館承印

贊

銘

紀略

跋

題後

卷十八藝文志下

四言古

五言古

七言古

五言律

五言排律

七言律

五言絕


七言絕

卷末雜錄

叢談

補遺

翼宿圖



丹元子步天歌云
翼二十二星大難
識上五下五橫著
行中星六箇恰似
張更有六星在何
處二三相連張畔
附



當陽縣志


卷首


圖 翼宿圖

宜昌印書館承印

疆域總圖

每方二十里





當陽縣志

卷首 圖 疆域總圖

二

宜昌印書館承印

總分全圖

邑共四十八總在本城內外者曰上
二三四五總在四鄉者四十三總





當陽縣志

卷首

圖總分圖

三

宜昌印書館承印

山水總圖



當陽縣志


卷首

圖山水總圖

四

宜昌印書館承印

縣城垣圖







高陽縣志

卷首 圖 縣城地圖

五 宜邑中書館承印

縣官廨圖





玉陽書院圖


當陽縣志


卷首

國陳宮廟圖

六

宜昌印書館承印





縣試院圖


高陽縣志


卷首

圖 玉陽書院圖

七

宜昌印書館承印






縣文廟圖


嵩陽縣志

卷首 圖 縣試院圖

八

宜昌印書館承印







武陽縣志

卷首

九

宜昌印書館承印





關陵圖


當陽縣志


卷首

關武廟圖

十


宜昌印書館承印






文昌宮圖

常陽縣志 卷首 圖 關陵圖



十一 宜昌印書館承印



富陽縣志

卷首

圖文宮圖

十一

宜石印書館承印

玉泉寺圖





紫蓋寺圖


當陽縣志

卷首


圖 玉泉寺圖

十三

宜昌印書館承印



龍泉寺圖



當陽縣志

卷首

圖紫蓋寺圖

十四

宜昌印書館承印



當陽縣志

卷首

圖龍泉寺圖



十五

宜昌印書館承印

當陽縣志卷一

方輿志上

星野

史記天官書翼軫荊州舉全楚也晉書天文志南郡入翼十度江夏入翼十二度則皆楚之北也當陽一邑耳非星野所專屬詹詹援引奚為者然自邑而積之邑積為郡郡積為行省得為楚一也自行省而析之行省為析郡郡析為邑得為楚又一也當邑密邇古荆楚於翼宿躔次為近攷星躔每一度約二百五十里分地於楚獨不能分星於楚乎不能分星獨不能分度乎且古之封國不及百里者多矣然皆有分星以觀妖祥故裨竈梓慎子韋甘石之流得用專門著稱當邑壤地有過小諸侯者仰占躔度謹書次舍察元象以修人事又烏可少哉志星野

史記天官書辰星以其宿命國正四時仲夏夏至夕出郊東井與鬼柳東七舍為楚又太史公曰二十八舍主十二州斗秉兼之所從來久矣吳楚之疆候在熒惑占於烏衡增

漢書地理志楚地翼軫之分壘也今之南郡江夏零陵桂陽武陵長沙及漢中汝南郡盡楚分也增

晉書天文志南郡入翼十度

當陽縣志

卷之一

方輿 星野

宜昌印書館承印

唐書天文志翼軫鶉尾也自房陵而東盡漢之南郡鄖都羅權翼與味張同象又地理志復郢襄房為鶉尾鶉尾者象鶉鳥之尾也又謂之烏帑

星經玉衡主荆

宋志北斗第二星曰璇其分楚又太微垣上台二星一主荆揚天市垣西藩十一星南第三星為

張衡云帝座東南一星曰司空主墳星楚分

按分野之說防自帝王世紀左氏以日食星孛占列國之變漢志尤詳以戰國十二屬牛女十二星七雄屬斗七星五車五星而天市垣二十二星又雜有所屬晉天文志出李淳風詳於天而不知地唐十道志出梁載言詳於地而略於天鄭樵取天竺說華夏僅占牛女下十二國而規外分壘華夏所不見利瑪竇言天九重日月五星各居一重廿八宿在第二重地五大洲中國在五大洲中百分之一其說又荒唐無所究竟旨哉明王禕之論分野也其言曰分野視分星古不謂地也地有彼此之不齊而分野在天則一定而不易分野者按列星所屬之分而言也鄭氏所謂星土星所主土是也其國在此而星則在彼彼此若不相配而其為象未嘗不相屬非地之在北者其分野在天亦居北地之在南者分野在天亦居南也循是說也談星野者亦無所庸其附會矣



又按府志云寰海內外皆天所覆理應無私舉大地言在大地全得一天以中土爲女宿之十二國而以十六星分次就中土言則中土又全得一天以州郡爲列舍而以度數分次約之一郡一邑各有二十八舍之分野但人未能究耳今之日者亦以七政二十舍推人祿命如謂天之所覆者廣則一人之休咎何足係於天哉昔賢立法儻亦各有深旨也歟
按先儒論分野之說賈公彥謂古者分封之日歲星所在之辰僧一行謂是大地山河之首尾與雲漢之列宿升降相應二說不同其實一也公彥言其流一行則推其源而已惟大地山河首尾與雲漢旁之列宿相應故古者歲星在其地則受封雖千百世皆如是占可也
以上續修志

當陽縣志

卷之一

方輿

星野

一一

宜昌印書館承印

疆域

古者茅土受封不過百里慎固封守有定制也自分天下爲郡縣而歷代變置廣狹懸殊焉國家聲教覃敷車書混一邑之疆域似無庸深論然宣化承流責在守土百里之外不同風非偶然也當邑本瘠土而西枕夷陵北跨臨沮東連鄂都南帶沱江在山水之交爲四達之地截長補短廣袤約百五十里因地制宜識者於此觀治術焉志疆域

東至荊門州之三界冢七十里至州治一百二十里西至東湖縣之土溪舖七十里至縣治一百五十里南至枝江縣之祐春坪六十里至縣治一百八十里北至遠安縣之木瓜舖四十里至界山六十里至縣治七十里東南至江陵縣之新埠河七十里至縣治一百五十里西南至宜都縣之三界場八十里至縣治二百一十里西北至南漳縣趙家河一百八十里至省垣水路九百五十里陸路九百里至京師水路六千一百三十里陸路三千六百八十里

總甲

邑本四十六總

舊志明初省縣入州兼有沿江馬良荆臺德化四鄉旋與荆門分壤以沿江馬良入荆門以荆臺德化屬當陽初轄三都尋分八都今爲四十六總

今分爲四十八總在城內外

日上二三四五總在四鄉者四十三總曰瓦窰曰沙溪曰謝柏曰官墻曰脚東曰香爐曰胭脂曰土橋曰週二曰合溶曰花栗曰滋泥曰沙倒曰榴花曰魚兒曰清洋曰金沙曰深港曰紫蓋曰易家曰黑龍曰黃石曰玉泉曰大蓮曰小蓮曰尖總曰板總曰夾馬

初止尖板一總今分爲三曰普通曰章

鄉曰乾溪曰鞏河曰洪市曰清水曰苦竹曰桑林曰清溪曰鴻橋曰海堰曰漳河曰呼兒曰三洲曰黃連

市鎮

邑之鄉市曰河溶舊志作合溶在治東南五十里曰清溪治東北四十里曰化寺治東南二十里曰雙蓮寺治西南五十里曰脚東港即古葛藤在治東四十里曰觀音寺即漳河口在治東北九十里曰胡家場治東南十五里曰萬城治東南百二十里江陵交界曰官塢治東四十里曰半月山治南五十里曰鴉鵲嶺治西七十里東湖宜都交界

形勝附

左傳江漢睢漳楚之望也
魏王粲登樓賦挾清漳之通浦兮倚曲沮之長洲背墳衍之廣陸兮臨皋隰之沃流
唐董挺關廟記疊嶂回擁飛泉迤邐
元徐驥明倫堂記曰西枕峽山東帶漳水
明袁昌祚四公祠記曰臂引宛洛腋控秦韓背連巴蜀膺附襄沔昔人所稱用武之地也續舊志
舊荊州府志山谷險隘沮漳流通在萬山之中為四固之地

當陽縣志

卷之一

方輿

疆域沿革

三

宜昌印書館承印

沿革

荆易為楚而地則同郢遷於鄢而名則同因時變置列國且然自分天下為郡縣而一代之興必有所改革以成一代之法史家所為詳地理一志也當陽本漢縣襟江帶漢跨有沮漳幅員之闊亦云壯哉至三國而南北分屬六朝以降或省或攝名以時殊所隸之郡不一而疆界不可勝識矣爰攷歷代廢興之由橫列而詳註之庶幾因革損益覽者監焉作沿革表

沿革表

朝代	郡所以領縣者也	州縣所改者也	縣
禹貢	荊州		
周春秋	楚國		
秦	南郡		郢縣
漢	南郡 <small>漢初為臨江國</small>		江陵
景帝中元年	南郡		析江陵地置當陽縣
魏	南荊州 <small>治宜城棗陽間</small>		當陽
晉	武甯郡 南郡		析當陽地置長甯縣按長甯後改為長林今荊門州

宋 南郡

南郡

當陽

齊 南郡

南郡

當陽

梁 末為西魏所逼遷都江陵

上黃郡

在今南漳別立章山郡於漢水之東

析當陽地置安居縣

西魏 後周

荆州總管府

以當陽及編縣地置平州領漳川安遠二郡

析當陽地置綠林縣按綠林城在今荆門東南沙洋地

隋 開皇七年

南郡

改平州為玉州屬總管府

按漳川當在今縣治東北境內

唐 武德四年

南郡

置基州於長林東尋復置平州

改昭邱縣曰荆臺縣尋廢入當陽屬南郡

貞元二十一年

江陵郡

改平州為玉州

廢玉州

五代 南平國

荆州

荆南節度使高季昌以荆門縣為荆門軍移治當陽

復置當陽縣屬荆門軍

宋 開寶五年

荆門軍

復置當陽縣屬荆門軍

當陽縣志

卷之一

沿革

四

宜昌印書館承印

昭甯六年

江陵府廢荆門軍

復置當陽縣屬復州

元 祐三年

復於長林地置荆門軍

徙荆門軍治當陽

紹興十四年

荆門軍

改荆門軍為荆門府仍治當陽

十六年

復州今沔陽州地

仍置當陽縣屬荆門州

端平三年

荆門府

徙治萬城屬荆州府

元至元十四年

改荆門府為荆門州移治古城按古城在今州治東

未幾仍置當陽縣屬荆門州

明 洪武初

荆門州

由萬城徙復舊治即今治地

嘉靖十年

改安陸州為承天府

當陽縣隨荆門州隸承天府

十三年

改承天府為安復陸府

縣仍隨州隸安陸府

嘉靖十年

改承天府為安復陸府

縣仍隨州隸安陸府

清朝 順治元年

升荆門州為荆門直隸州

當陽與遠安同屬荆門州

乾隆五十六年

按舊志謂自萬城徙復舊治在洪武四年考祥異志及職官魏忠傳皆作洪武十三年當以

十三年為是至於明初省縣入州及仍置縣復屬州年月俱未合並存之以備參考

附沿革考

邑在荆山之南南郡之北春秋時本楚境秦置郢縣屬南郡漢析江陵地別置當陽此當陽命名之始按史記項羽傳已有當陽君之稱又似為秦時所置豈秦時為邑名漢時乃以名縣歟漢時當陽并荆門地古城在今州治東南有古權國城杜預左傳註謂權國在南郡當陽非今之當陽也後漢書地理志註杜預曰縣東有權城楚武王所克荊州記曰縣東南有麥城據此則縣治在麥城西北由來久矣晉隆安時析當陽地置長甯縣長甯建於東則當陽漸徙而西厥後梁析為安居隋改為昭邱其治皆在荆臺鄉地今縣治東境也北周時曾置平州隋改為玉州尋廢唐武德中復置平州改玉州繼仍以當陽名縣縣治即玉州治則玉陽山下之建治當自玉州始舊志謂玉州在古臨沮縣地按今當陽西北及遠安南漳皆古臨沮地宋開寶中復置當陽縣屬荊門軍南渡以後或改當陽為荊門或徙荊門於當陽元至元中遷州治於古城而縣治乃得仍其舊明洪武初徙治萬城尋復舊治即今治也嘉靖時縣隨本州屬承天府國朝改承天為安陸屬仍舊乾隆五十六年升荊門為直隸州領二縣當陽遂為壯縣云

當陽縣志

卷之一

方輿

沿革

五

宜昌印書館承印

事紀附

周惠王元年楚武王克權使鬬緡尹之以叛圍而殺之遷權於那處使閻敖尹之杜預注南郡編縣東南有那口城

匡王六年楚令尹越椒以若敖氏之族將攻王師於漳漳水

敬王十四年吳入郢楚子涉按即伍員驢磨二城以攻麥城引沮漳以灌紀南城增

敬王三十一年楚昭救陳卒於城父葬於是邑故稱昭丘舊志

新莽地皇元年新市王匡王鳳與馬武王常共起兵於綠林山中增

漢獻帝建安十三年曹公南征劉表會表卒子琮代屯襄陽遣使請降先主在樊不知曹公卒

至至宛乃聞之遂將其衆去過襄陽荊州人多歸先主衆十餘萬日行十餘里別遣關侯乘

船數百艘使會江陵曹公以江陵有軍實恐先主據之將精騎五千急追之一日一夜行三

百餘里及於當陽之長坂先主棄妻子走趙雲身抱弱子即後主也保護甘夫人即後主母

也皆得免難張飛將二十騎拒後據水斷橋瞋目橫矛曰身是張翼德也可來共決死敵無

敢近者先主斜趣漢津適與關侯船相值共至夏口增

建安二十四年先主為漢中王拜關侯為前將軍假節鉞是歲關侯率衆攻曹仁於樊城曹公

遣于禁助仁秋大霖雨漢水氾濫禁所督七軍皆沒禁降關侯又斬將軍龐德梁郟陸渾羣

盜或遙受印號為之支黨威震華夏曹公議徙許都以避其銳遣人勸孫權躡其後許割江

南以封權又遣徐晃救曹仁關侯引軍退還權已據江陵侯至當陽衆遂散乃西保麥城權遣將邀擊於臨沮侯與子平及都督趙雲俱遇害增

後漢章武間吳伐魏當陽舊志

吳志羊祜以西陵降附自襄陽引兵向江陵欲因所過水以船運糧揚聲將破堰以通步軍陸

抗聞之使張威急破之祜至當陽聞堰敗乃改船以車運大費功力增按此當在今荆門地

晉太康元年以平吳功封鎮南將軍荊州都督杜預爲當陽侯舊志

隆安五年以沮漳降蠻立武寧郡樂鄉長林二縣舊志

南齊書北上黃在今蠻文勉德寇汝陽今遠安太守戴元賓棄城奔江陵豫章王巖遣將劉仵緒討

之至當陽勉德降增

後晉天福初南平王高季昌開府於荆臺設貢院於軍治南按宋書高季昌於後唐同光三年封南平王治江陵至晉天福初爲南平王者高從誨乃季昌之子

也

宋咸淳末元兵襲當陽縣尉謝徽明及二子死之舊志

元至正十二年紅巾賊俞君正再陷荆門知州聶炳力戰死賊支解之葬於縣治西十五里舊志

明成化初鄖陽劉千斤石和尚李胡子後先嘯聚詔官軍擊敗之都御史原傑招集流亡八萬

五千餘人仍徙遠安數百戶以實當陽立漳河口巡檢司舊志

當陽縣志

卷之一

方輿 事紀

六

宜昌印書館承印

崇禎九年賊再入境橫尸遍野火光燭天南至江百里皆焦土舊志

崇禎十五年闖賊屯襄陽諸郡皆下邑不能支居民咸避難於江南江南旋潰轉徙而北仍匿

山谷間不能安其居舊志

崇禎十六年闖賊設僞令僞弁縣境苦之舊志

國朝順治元年甲申川賊張獻忠既陷荊州旋至夔陵分其衆掠當陽不堪其擾舊志

順治二年乙酉四月闖賊餘孽一隻虎攻邑城不下引去七月會高袁諸賊復圍之城陷殺掠

殆盡及行以丁壯繫馬前南至荊州驅之填壕掘城皆死於城下舊志

二年冬賊張九儒入據縣城大爲民害初九儒本武弁隸左良玉麾下後叛爲賊盤踞興山一

帶四出殺掠至是因荊門進士劉延禧叩關入城籍民爲兵不從者剔筋敲骨死於炮烙民

食樹皮至人相食戶口幾絕舊志

右歷代事紀依舊志附沿革後問考正史有所補遺至歷代戰守之事在邑境有關於軍政

者另編兵事列武備門



當陽縣志 第二册

111
2812
2



當陽縣志卷二

方輿志下

山川

國主山川邑亦宜然資險阻阜財用清淑之氣於是萃焉歷代建置往往以山川得名各崇其在封內者而已當邑雖蕞爾而水環沮漳平分楚望玉泉紫蓋領袖羣峯靈秀所鍾非偶然矣豈徒登高臨流藉爲名勝哉志山水

山

玉陽山在縣署西北又名仲宣臺縣治主山也自青谿山入境分爲二支西支玉泉爲紫蓋東支之盡則爲玉陽左襟沮水右帶玉泉羣峯環繞烟樹萬家誠一邑之偉觀

鳳山在治西四里玉陽山之來脈也兩翼舒張其形如鳳故名亦名金鳳山

五鳳堆在治南傳漢時五鳳八龍見此故名去堆三里許卽龍鳳川亦名八龍潭五鳳洲見述異記

玉泉山在治西三十里初名覆舟山高九百丈上時有異氣非煙非霧亦名堆藍山下爲玉泉寺隋智者道場寺旁有智者洞北有顯烈山顯烈祠在焉東爲石鐘峽下有乳窟水邊茗草蘿生葉如碧玉名僊掌茶見李白詩序古稱棲霞靈巖玉泉國清爲天下四絕袁中道云玉

當陽縣志

卷之二

方輿 山川

宜昌印書館承印

泉尊特紫蓋寬博青溪秀媚玉泉堂奧也紫蓋門戶也青溪園囿也遊者以漸而入彌深彌妍可謂得遊山三昧矣

紫蓋山在治南五十里頂方而四垂若繖蓋狀林石皆紺色故名道書所謂三十三洞天也山半有紫蓋寺後有孝先閣碧霞洞煉丹井下有綵水甘馨異常舊傳葛玄鍊丹於此又爲樊夫人昇仙處登其上江帆在目東南諸山皆可指數誠治南一名勝也荊州記曰山有石金每雲晦輒見金牛出食光照一山卽金之精耳

柴紫山與紫蓋相連五代僧天皇道悟居此有石室甚幽

九子山在治北十里九峯聳翠紫翠網縵山麓有仙姑洞石磊砢如旋螺傳爲曹何二仙姑棲真處

錦屏山在治北五里沮水繞其西南

狼尾山在治南五十里

龍泉山在治東北十五里重岡疊巘翼抱若城中峯高聳其下爲龍泉寺左爲龍泉相傳卽遠公卓錫湧泉處後有遠公洞右爲胡文定公墓

武安山在治北倒流橋之西羣峯層折如相拱揖

許由山在治東十里沮水與玉泉會於其前



方山在治東四十里層嵐聳翠最爲幽勝宋唐子方曾讀書於此上有紫金觀讀書臺邑人劉

續祖有方山八景詩

石爐一元至正年造
石塔一明正統年造

廣福山在治東清溪所自出

萬壽山在方山南八里上有廟明時建

香爐山在治東四十里有石爐一碣一鐫有元至正壬申仲秋月數字

玉明山在治東十四里前環漳水後擁諸峯順治十八年里人創修殿宇名雙峯院

三星山在治東六十里唐僧一行道場有三井在寺左右乃一行鑿以禳三星者有塔高一丈

五尺又傳司馬子微曾修真於此

圓臺山在治東六十里

雲臺山去圓臺里許上有燦霞觀石塔巋然傳爲唐玉真公主建撰文者陳宗遜書碑者庾遠

也東有赤土坡鴻門塚仙女山金雞塚東南有雙塚鳳凰諸山

鎮頭山在治南七十里西瀕沮漳上有梳妝池四時不涸前邑令李一陽曾濬之東北有德勝

山

朝陽山一在麥城堤首上有古觀沮漳夾繞人煙繡錯亦擅一方幽勝一在縣西五十里上有

朝陽觀

當陽縣志

卷之二

方輿 山川

一一

宜昌印書館承印

秣馬山近萬城相傳關帝督荊州時秣馬處其下有軍器窖犯之卽雷電作云

鐵山在治西北分脈青谿

綠林山在治東北百二十里漢王常馬武起兵處西魏時曾以此名縣

按古綠林縣城在今荆門沙洋地
距綠林山百餘里因山在境內故

以名縣

明月山在治南四十里

青谿山在治西北三十里爲邑西障本名青山有泉曰青谿故云山發自房陵之景山東支爲

荆山西支爲青溪諸山酈道元云尋源浮谿最爲深峭述異記云青谿秀壁諸山洞多乳窟

盛宏之云稠木旁生凌空交合危樓傾岳恆有落勢風泉傳響於青林之下巖猿流聲於白

雲之上泉側多結精舍郭璞遊仙詩云青谿千餘仞中有一道士殆指此耶溪水曲折里許

東注於沮屬當境者三之一山上寺觀則今屬遠安云

妙峯山在治東北五十里

雲夢山與青谿山連上有三石高丈餘方廣如之名曰鐘鼓石其上可容數坐石紋如方罨傳

鬼谷子對弈處又傳諸葛屯兵處古徑蒼幽晴嵐縹緲亦勝地也

仙神山在治西六十里羣峯環抱清晨常有異氣

揚旗巖在治北四十里詳見紫堡

音寺巖在治西三十里舊有一音寺峯巒重疊爲玉泉中路

梯兒巖在治西十五里卽西屏山石徑險絕雲壑幽深上有觀音殿文昌閣

佛耳巖在治西十五里壁立沮水之濱巖間有洞躋攀頗艱

七孔巖在治西三十里壁立如削下有七孔故名

聖母洞在聖水寺前歲旱民取水祈雨多應

真武洞在玉陽山麓巖上勒有真武洞天四字

高家洞在治北五十里怪石臨溪洞口豁開行數十步頗平曠可容數百人雲氣嵌空陸離萬

狀已復巉石突起絕無徑路捫蘿直上得小竇蛇行乃得度復平曠如前漸細爲門忽石筍

倒垂距地尺許下有漚窅不可測投以石轟轟有聲仄足避潭抱巖乃得度巖間石乳幻結

悉作佛龕藉榻坐如塑像洞後有穴達他洞微露曦光過此幽闐寂泠霧氣逼人無敢窮

其底者按山半有孔如城門由斜徑上不知爲石穴行數百步隔小峽上爲南臺高十餘丈

廣數丈旁山如獅面山如球下山如屏澗水當其右藉以利灌溉云

臥龍洞在治北五十里山頂一窟深不可測探者如入鼠穴數十步乃得平曠處高廣十餘丈

石乳螺結蝙蝠倒棲其上一徑斜通闊數尺深約里許泉自中出清冷可掬按山有洞一甫

入甚狹歷丈餘豁然開朗高八九丈廣十餘丈遠數十丈可容數千人

白龍洞在治北六十里卽白龍溪溪流逕鞏河入沮水洞臨溪澗峭壁峻响緣巖右行仄徑

當陽縣志

卷之二

方輿山川

三

宜昌印書館承印

達山腰洞作三窟高廣可十餘丈石壁玲瓏或作五色石田七畛如阡陌狀清泉外注下瀉

於溪深入輒有氣逼人燈炬皆息洞後有穴可通呼應人語其中皆能響答按洞中有數百

蝙蝠不得常見外有樟樹十餘株土人結舍其中以避流寇云

百家洞在治西二十里洞懸沮水之澗陡逼無徑由山頂委折乃得入

遠公洞在龍泉西山半巖間晉慧遠跌坐處

楞伽峯在玉泉東七里爲神秀道場唐僧法瑱自玉泉至度門夾道皆植松因名七里松

己公嶺在治西二十里唐僧齊己曾結廬於此因名

九女廂在治北削壁千尺俯臨沮水遙望若張素幕山半有洞深廣數丈土人因鑿數十窟以

避寇

三牛嶺在治北六十里山脊三石形似臥牛

以上續舊志

鐵人谷在治北七十里山谷間有四石甚巨鐵色人形故名

將軍山在治北七十里山半屬遠安

藏馬谷在治西十五里近乾溪

巖兀洞在藏馬谷控山帶水古木參差

紫雲山在治東南百餘里傳元無聞和尚誦金剛經有紫雲見故名 以上五山依舊志補人

水

沮水左傳山海經皆作唯出鄖陽府房縣漢為房陵屬漢中景山荆山之首東南流逕遠安縣青谿注之又東逕當陽城玉泉

注之又南逕麥城西楚昭王墓東又南入天津湖與漳水合舊志

漳水出自南漳荆山東南流過蓼亭折而西南過古編縣城按城當在今石人山之南至縣北清溪注陽荆門西北南漳界上

之又南過麥城與沮水合入天津湖漢書地理志注禹貢南條荆山東北漳水所出東至江

陵入陽水陽水入沔行六百里按陽水即楊水在今江陵縣地水經注龍陂水經郢城南東北流曰楊水江陵縣志楊水發源於紀山逕龍陂橋入海子湖宋史孟珙傳沮漳水自江陵城西入江因障而東之俾繞城北入於漢據此則沮漳入沔當是宋末水道又方輿紀要云孫吳時引諸湖及沮漳水浸江陵以北地以拒魏兵舊志云東南出沙

號為北海則沮漳會楊水自三國時已然顏師古漢書注之文當本於此今江陵長湖濱有關沮口是其故道也

倒灣右會沮水分二支一支過枝江界會沱水入江按此一支今已淤塞一支過萬城由荊州入江按古時沮漳入江在江陵赤岸近世江徙而北遂由筲箕窪入江云

按沮漳二水網絡羣流入邑境而始大然以之視漢不過十之一其視江則百之一耳迺

與江漢並稱楚望母亦逼近郢都王氣所鍾楚之富强肇基於此周頌漆沮洛卜漑澗殆

此類與

澧水在治東南按水經註漳水逕麥城南澧水注之山海經曰澧水出東北宜諸之山今合涖

東南有數港入漳沱水當在其中惜不能詳

沱水舊志謂水自江出逕縣治東南與沮漳合又經枝江縣境東入於江爾雅水自江出為沱

當陽縣志

卷之二

方輿 山川

四

宜昌印書館承印

按今枝江縣境董市江口一帶即沱水也按沮漳南流過枝江界右分一支出鴛子口即沮漳會故道今已淤塞俗名乾河

清水出治東廣福山西注於漳亦曰白蓮池即白社明李賢清溪記曰一水縈迴清澈可愛

玉泉在玉泉寺階東有泉湧出俗名金鵲池郭璞遊仙詩序稱玉泉潛行九萬八千里通天竺

注震且指此玉泉流至山門外珠泉北來注之折流而東逕已公嶺又東過治南入于沮按

玉泉入沮在治東南七里俗名三里港

珠泉在翠寒山下近智者洞每鼓掌即串珠而上東流與玉泉合

熨斗陂在治東南八十里按郡志綠林山水流逕圓臺山南匯為熨斗陂唐李端赴蜀詩云琵琶

寺裏響空廊熨斗陂前野戍荒指此宋末郡守吳獵嘗過走馬湖熨斗陂西北至李公匱

以限戎馬今麥城東南十餘里有走馬堤

金沙灘在治南一百二十里流沙如金沱江之灘也山海經曰沮漳之淵有神蠶其狀人面羊

角虎爪出入有異光殆謂此也今治南十餘里亦有金沙灘沮水之灘也未知孰是

昭溪港在治北六十里近三牛嶺一水迴環仍與漳合傳楚昭王返國經此

金龍潭即遠公洞在治北十五里龍泉山下傳宋徽宗時建明堂遣吏取水於潭投金龍鎮之

故名

紅泉為金龍潭旁流

淬劍池寰宇記云在當陽治北傳歐冶子淬劍處近昭溪港
補遺

柘林灘在治東南六十五里

天津湖在治東南沮漳合流匯而爲湖今沙倒滋泥等總地
插桅溝在治北一百里漳水之西

石龍灘在插桅溝上石砍橫亘水中高可丈餘方冬水淺聲如瀑布舟人由石罅架木爲梁拽
舟乃得上爲漳水第一險處

胥寓港在治東南麥城磨城之間一名子胥港

若竹溪在治北二十里

當陽縣志

卷之二

方輿

山川
古蹟

五

宜昌印書館承印

古蹟

邑無論大小莫不有古人遺跡以寄託於山川形勝之間景仰前徽感慨係之矣當陽本
漢縣歷代沿革往往名隨地遷舊志所載權國綠林故城皆今荊門地茲闕而不載載其
在境內者疆界有定制不致附會也志古蹟

東城在治東一百四十里今荊門州治東卽古當陽縣城見水經注五代高氏曾移荊門軍於古城
元至元間亦移荊門府於古城皆指此今荊門地

麥城在治東南五十里沮漳二水之間傳楚昭王所築三國時關侯爲孫權所襲西保麥城卽
此

驢城在治東南五十里亦夾沮漳二水

磨城與驢城對隔沮漳水二城傳伍員築以攻麥城者諺云東驢西磨麥城自破

糜城在治東南六十里地名八渠傳蜀將糜芳守江陵時築

荊臺縣故城在治東六十里稱荊臺鄉今荊門交界處

萬城在治東南一百二十里本名方城傳是五代高氏所築方輿紀要方城或云孫吳所築宋末荊湖制置使趙方

曾繕此城子葵復鎮荊湖避父諱改爲方後改爲萬舊有六門東曰紀山嵐秀西曰江州雲
物南曰海湖煙月北曰平埜風林十字街前曰總門曰石開門明初曾徙縣治於此又有三

江六渡口皆沒於河

舊志一作唐郭子儀修未知何據

仲宣樓本在玉陽山頂舊志謂卽城南樓一樓也而荆襄互爭借爲名勝考荊州仲宣樓乃五代高季興建本名玉沙樓又名望江樓宋陳堯咨始改此名襄陽距沮漳尙遠則樓在本邑無疑惟賦內沮漳並舉不應在今縣治古麥城在沮漳之間庶幾近之舊志無所考

長坂在城西一里詳事紀

道旁有碑刻有長坂雄風四字爲當陽八景之一

橫矛處在治東北五里名官橋乾隆二十四年邑令苗肇岱重修立石

壽亭侯印宋紹興間洞庭漁人獲送寺中淳熙四年僧眞慈將獻東宮夜發光怪乃止宋司馬

知白有記

按漢壽地名亭侯爵名印文當曰漢壽亭侯宋司馬知白記止曰壽亭侯印未知何據附記

別部司馬印

關某司馬印皆三連環紐玉泉舊志云此二印至元世尙存又胡琦傳云別部

司馬印方一寸其一印方一寸五分兩環相連系於紐文半譌惟司馬二字可辨今失

智者洞爲智者靜修處袁中道云石理甚堅中若夏屋洞下有井與大江爲盛衰

幻霞洞在堆蓋山石紋如霞故名洞前有柴紫菴詳寺觀

寒亭在智者洞左菩提菴古木蕭森下有溪流景色幽絕宋人詩話云玉泉山寒亭過客多題

詠一名翠寒

白蓮池在清溪寺右晉遠公至此掬水浴白蓮生水面因名又名白蓮社

當陽縣志

卷之二

方輿 古蹟

六

宜昌印書館承印

丹井在紫蓋山葛仙翁鉉煉丹處今僅智井耳

鐵鑊在玉泉寺內隋大業十一年造

張燕公碑在度門寺唐張說撰文盧藏用書

唐賢詩碣宋慶歷間荆門軍守曲臺謝公錄唐人玉泉詩八篇刊石康熙四年邑紳楊州彥樂

山金粟引之重建碑亭

曹將軍港按讀史方輿紀要權水出西蒙諸山北流太子岡會流爲曹將軍港唐曹全最劉巨

容敗黃巢於此因名

按當在今荆門北境

文定書院

詳古蹟胡文定墓

北山書院在沮水北宋朱震朱巽兄弟讀書處

讀書臺在治東四十里方山上宋唐介讀書處

時習館宋侯仲良讀書處舊文昌閣地

太子岡在治北元文宗爲太子時駐蹕所也百官進食皆不受惟啜一茶克學詩云玉輅金根

駐此岡一卮鳳髓進霞觴豈知四十餘年後老樹殘蟬送夕陽

按岡在荆北境今鍾祥界上

梳妝樓在玉泉寺宋明肅皇后自蜀入都曾過此及貴因建此樓黎巽詩畫樓不可見寥落秋

草荒鏡作空山月無人更理妝

龍眉龍角宋明肅皇后賜以鎮山者今失

鐵塔在玉泉寺山門外

鐵釜在玉泉寺內釜有三各重三千斤二爲元至正五年造一爲十一年造

鐵鐘在玉泉寺內鐘有二一爲元至大元年造一爲延祐七年造今存又雲板一宋元祐七年

造今失

三公臺在城西南明萬曆時中丞趙賢守藩王旋巡泉鄧林喬三公問俗登此

三家市在治東南六十五里柘林灘上相傳舊有小市久廢舊志謂卽三古戶津地

蓮花坪在治西五十里鄭家坡下相傳陸地生蓮今大蓮小蓮二總名本此

八景附

紫蓋晨鐘

龍泉夜月

堆藍晚翠

長坂雄風

鷓岸漁歌

錦山牧豎

玉橋秋雨

金嶺朝烟

當陽縣志

卷之二

方輿

古蹟

七

宜昌印書館承印

陵墓附

關聖陵在治西五里今章鄉總地背西面東門臨沮水四望平曠水外山環亦形勝也陵爲土

阜高二丈甃石爲垣加扶欄其上周二十餘丈墓門有碑書漢時官爵覆以亭亭前數武卽

寢殿也考之吳歷孫權以諸侯禮葬之此邦之人相沿墓祭歲以爲常宋開寶中詔置守塚

三戶淳熙中襄陽太守玉銖始建祭亭環以垣牆樹之松柏元至元中玉泉山僧慧珍翦其

荆榛封其邱壟作祠門以表之明成化三年勅修武安王墓邑令黃恕請立廟春秋祀之見

關陵紀略 此廟祀之始餘詳祀典

楚三王墓在涇沈湖之濱今兩河口柏木港花栗園諸處往往有華表出地尺餘明崇禎元年

耕夫偶啓一壙見墓門扁閉亟掩之大抵地近荆鄂歷代多貴戚家不必皆楚王墓相傳近

紫蓋山有五代高氏暗塚七 舊志

楚昭王墓在治南八十里 舊志

按王粲登樓賦曰西接昭丘昭丘當在麥城西距縣治不過五六十里今治南七十里卽枝

江界

荆王墓在黃泥岡岡上舊有楚莊王廟按漢唐宋封荆王者三漢荆王賈在淮東宋荆王元儼

未嘗之國惟唐荆王元景高祖莫嬪子貞觀十年徙封荆尋爲荊州都督有惠政後以罪誅

此其墓耶 舊志

周將軍墓在治東南五十里麥城之西乾隆二十三年邑令苗肇岱加修勒石

相傳有耕夫掘地見碑刻有周將軍數字其名

號年月不可辨邑令聞之故有此舉

按三國志關侯傳同時遇害者子平及都督趙累而無周倉之名今天下廟像列周而遺趙心竊疑之夫以陳壽帝魏之見於蜀漢諸臣應多闕略固不得以周將軍為亡是公若明明都督趙累載在史册名位當在周倉之右而反略之何也何也附載於此以備參考

胡光祿墓在治北二十里苦竹溪宋崇甯中胡文定為蔡京所嫉退居漳濱迎父 名淵就養卒

葬於此後贈光祿大夫今湖南衡山縣亦有胡淵墓未知就是 舊志

胡文定墓在治北十五里龍泉寺右舊志謂墓祠即文定故宅後改為文定書院古松合抱者

環墓四十三株荆門舊志亦云文定卒葬龍泉山三子寅宏甯俱貫荆門乃湖南湘潭亦有

胡文定墓省志則云寧後徙湖南卒於湘潭豈湖南諸墓乃諸公子窆耶 舊志

幹廉訪墓在治西十五里有碑云山南江北大道肅政廉訪使幹公之墓 舊志失其名按元時改按察使為此稱

聶州牧墓在治西十五里聶公名炳江夏人元至正間守荆門州甫半載淮漢賊起州城不守

炳出募土兵復其城未幾賊再至炳晝夜血戰死之葬於此土乾隆二十五年知縣苗肇岱

率士民加修勒石定界置守墓者 舊志

當陽縣志

卷之二

方輿 陵墓

八

宜昌印書館承印

樊妃塚在治北二十里按張曲江詩序云鄧城西北有大古塚數十觀其封域多是楚諸王而

年代久遠不可復識惟直西有樊妃塚因後人為植松柏故行路皆知之 舊志

白骨塚在西門外 舊志

義塚五一城西一河溶一清溪一魚兒一譚家岡 見通志

風俗

列國之詩皆曰風風者何風行四方而國俗之異同於此見也古者侯伯受封其幅員小者不逮今一邑國自有風俗卽邑自有風俗矣記曰修其教不易其俗齊其政不易其宜守斯土者睹風俗之醜疵當亦知所從事焉志風俗

圖經云男勤耕耨女重桑麻

隋書云荆俗率敬鬼尤重祠祀屈原爲制九歌由此安陸府志云當陽事簡俗樸勤農尙儉正月元旦先期必潔庭宇更桃符書鬱壘於門五鼓出方於各廟焚香沿門賀歲十五日上元迎紫姑以下將來蠶桑並占衆事又好爲龍燈竹馬鼈山之戲士民觀燈者絡繹於道累跡駢肩郭門不閉輒達曉

三月清明家家以紙錢麥飯掃墓標墳遊人多擔榼挈壺於東郊西屏間爲蹋青之行

五月五日門前懸艾葉飲蒲酒婦女多簪繭虎彩蛛間一解粽而競渡者寥寥焉

七月十五日中元最重家家設庶饘焚袱錢以祭其先已嫁女老幼悉歸甯謂之過月半

八月十五中秋節俗多不拜月猶尙瓜果餽餽交相餽遺

九月九日多賞菊泛萸士夫輩往往於錦山西屏最高處登臨眺覽唱和以詩

十二月二十四日拂塵祀竈謂之過小年爆竹聲紛紛不絕

當陽縣志

卷之二

方輿 風俗

九

宜昌印書館承印

三十日家家書宜春字具牲醴祀神祭祖闔家聚飲爲團年飯宗族間交相辭歲爆竹鼓樂聲

喧徹曉 以上續舊志

通志論曰江漢被西岐之化筆路開南國之風風氣之醜樸可知也史稱其民喜巫鬼尙淫祀至今猶有存者夫元公倡道二程誕降紫陽南軒宦遊講學非楚地歟趙復入北方而魯齋諸人始聞有道學得其書而讀之躋於鄒魯不難也而綴文者咸沾沾於湖畔莫愁隄邊歌曲豈有當於化民成俗之意也哉

舊志曰當陽士夫樸茂好修蓋猶有周南之遺風焉西北多山谷其民質嗇習於勤苦獨東南近江陵市井所在稍競聲利大約婚嫁往來均於禮不甚遠惟居喪作佛事供賓客鼓吹焚唄之聲不絕於耳此其疵也

物產

自禹貢詳三品之金職方重丹銀之利歷代土貢見於史志者間有異同當邑本荆楚地所產皆日用尋常之物不列於土貢可不志志之以備其體亦可見民風之醇樸焉志物產

當邑家業耕穫所植百穀頗饒嘉種稻分秔糯麥別來牟曰棉曰苧曰麻曰豆載之不勝載也水之族若鯉魴鯽鱖鯉鱔鱧鱉螺蚌之屬亦紀之不勝紀也樹之屬松栝栢桑柘梓桐槐柳楓榆其種不一菓之屬梅杏李桃梨柿棗栗橘柚橙柑其種不一蔬之屬早韭晚菘露葵霜薤其種不一藥之屬枸杞菜萸菖蒲芍藥葛朮艾蘇半夏牛膝其種不一羽之屬有百舌畫眉蒼鷹錦雉老鶴毛之屬有虎豹鹿麋兔豺獺其種不一至於家之所畜鵝鷄羊豕其種不一要皆各邑所同也惟有玉泉仙人掌茶不常見舊志

舊志論曰嘗讀禹貢而深歎古人用心之醇也籍其所有而民不以爲病故可得而籍也及覽職方物土之宜視禹貢不啻殺焉此卽旅葵之志也考山海經荆山其陰多鐵其陽多赤金而禹貢亦惟金三品然則首山之銅卞巖之璞皆不誣也宋人得玉而獻之非果忠田父得珠而棄之非果愚懼禍也然則方產之志如之何紀其常而已或曰美斯傳傳斯志常何紀爲雖然大美不言不言之美美矣哉常也者有其美者也美也者失其常者也

當陽縣志

卷之二

方輿 物產

十

宜昌印書館承印

國家貢篚不尙異物各從其土爲可繼焉猶然禹之明德也然則方產之不可深論也明矣

補遺

鵝鴿

邑產見通志

花生

本川種本省所產當邑最先

祥異

符瑞之說聖世弗尚矣顧天有風雨之不時地有山川百物為妖水毀木饑豈偶然者
史家所以志五行也當邑本蕞爾其氛浸災祥不關於通省之休咎然通省所同者非一
邑所得私也茲考其在境內者著之於篇於以占豐耗重民生焉志祥異

漢元康四年己未邑獲白虎見丹鳳

晉永嘉三年己巳七月邑地裂三處各廣三丈三尺長百餘步

梁大寶元年庚午甘露降邑境按樂書元帝本紀南平王恪等奉牋湘東王有云甘露泥枝降
乎當陽之境

宋淳熙三年丙申夏荊門軍旱冬大饑八年九年十年皆旱按宋時當陽屬荊門軍

紹熙三年壬申荊門軍大雨逾旬水潦為災

元至大三年庚戌秋七月水

泰定三年丙寅秋八月地震

至順三年壬申秋七月荊門諸屬縣水田廬多漂沒

至元元年乙亥冬十二月芝草生於覆船山一本五幹高尺有二寸一本二幹高五寸有奇幹
皆兩歧二本相依附瑰奇如珊瑚枝其高者結為華蓋慶雲之狀

明洪武十三年庚申大水時縣治萬城水囓城西北盡陷乃徙復舊治

宏治二年己酉旱四年五年相繼大旱

嘉靖五年丙戌旱

十一年壬辰夏大水

十八年己亥夏旱

萬歷四十五年丁巳彌月不雨蝗食禾苗殆盡

崇禎二年己巳三年庚午相繼旱虎多噬人

六年癸酉地震玉陽山夜鳴玉陽觀中木魚忽自開合旋有城陷之難 在甲戌年

十三年庚辰旱飛蝗蔽日民間產牛一身二首二尾

十六年癸未冬桃李花

國朝

順治四年丁亥虎狼遍山谷噬人甚衆有村落無子遺者

六年己丑大水

十五年戊辰夏大水西山蛟起水決城外隄數十丈附郭民舍皆漂沒男女溺死者甚衆是月
有暴風自南來聲如雷所過拔木廬舍盡傾池塘皆涸

十七年庚子大旱無禾

康熙七年戊午大水
二十九年庚午旱饑

四十四年乙酉大水

六十一年壬寅旱

雍正元年癸卯大旱

五年丁未春大雨決旬水潦無麥

十三年乙卯大旱

乾隆十年乙丑夏秋大水

十四年己巳大水

十七年壬申大旱無禾

按通志是年水與此異大抵邑之西北常旱東南常水不足奇也

二十三年戊寅大有年

三十三年戊子旱

三十六年辛卯水通志作旱

四十三年戊戌麥大熟夏大旱次年春大饑民食樹皮殆盡

五十年乙巳大旱無禾

五十一年丙午麥大熟夏大水蟲食禾苗

當陽縣志

卷之二

方輿 祥異

十二

宜昌印書館承印

五十二年丁未大有年斗米百錢

五十七年壬子旱

五十八年癸丑夏大水羅家灣堤決沙倒滋泥等總淹沒殆盡有莊姓民人舉家數十口同溺死

嘉慶二十一年丙子大水

道光六年丙戌春二月晦有物首如懸帆光赤尾長丈餘自東而西旋沒夏六月大水東南堤防皆決居民多溺死者

十一年辛卯十二年壬辰相繼水大饑

十五年乙未旱蝗至十六年冬始止

二十一年辛丑春大雨決旬饑

二十八年戊申東南水

咸豐五年乙卯冬十一月池塘溪港有水處皆無風自動波浪三四尺有頃始定

六年丙辰夏旱

七年丁巳夏旱蝗食禾苗殆盡惟治北黃鵠灘有鷹數百啄蝗空中蝗避去不為禾苗害

同治四年乙丑夏六月大水西北山中五處同日蛟起人畜漂沒者甚衆東南湖鄉氾濫尤甚

五年丙寅春三月大水北山蛟起沮漳上游田產廬舍多漂沒舟楫多傾覆人畜溺死者甚衆

東南下流豆麥被淹夏大水堤防多決東南無秋

當陽縣志卷二終



當陽縣志卷三

建置志

城池

城所以保民池所以保城方城漢水全楚之形勝則然非所論於一邑當邑負山阻水城小而固介乎荆宜之交為川楚衝要昔人所稱用武之國則城池又不僅一邑之保障也夫設險守國政之常經預備不虞古之善教金湯之籌在守土者深加意焉志城池

城周六百四十丈有奇高二丈厚丈二尺門四東曰紫蓋南曰鳳川西曰玉陽北曰清漳樓櫓亦四其北曰仲宣樓敵臺守舖各七水門五皆甃以甄石城西北跨玉陽山東南以沮水玉泉為池西北則引真武港水環之明成化間鄖陽劉石之亂州同知嚴端通志作陽築土垣廣一里袤

一百二十步尋圯知縣姜英復築之正德中知縣劉理始甃以石北瀕沮水築石磯以障之水怒輒囓城隆慶間知縣張松疏河故道捍以長隄水患稍弭議修城未果萬歷三年守道通志作參議

王旋巡道通志作會事鄧林喬知府趙睿詳請拓築董其事者署縣事經歷任夢榛知縣方岳也崇

七年甲戌寇薄城以女牆低故陷九年知縣區懷瑞增築女牆浚濠而深之

國朝順治二年闖賊餘孽高李等踞西山中再陷城毀為平址十二年知縣唐彥襄修復規模粗具歷久易圯以上舊志康熙四十四年署縣事縣丞張士祺重修雍正五年以後知縣王仲桂周

當陽縣志

卷之三

建置 城池

宜昌印書館承印

垂典相次補葺乾隆二十四年知縣苗肇岱詳請增修大浚城濠闊二丈深一丈長六百九十

丈嘉慶元年教匪之難官兵攻擊城多墮壞二年知縣汪雲銘重修以上通志

咸豐元年知縣董文煜募貲重修浚濠深如舊八年知縣黃鐘鳴補葺以上新增



街衢附

正街在縣署前自東門至西門

南門街自南門至正街

北門街自北門至大奎閣

玉陽街在署後自玉陽山下至北門街

府館街在署前自照牆外至城

雲路在學宮前

新雲路在大奎閣南 新修

董家巷在縣署西自玉陽山至西門正街

草街自東門外至龍神祠

順城街自西門外至漢忠烈祠

子龍街自西門外至長坂坡

河街自北門外至北關廟

當陽縣志

卷之三

建置

街衢

津梁

津梁附

邑之渡有六曰沮河曰漳河曰合洛曰清溪曰黃鵠曰蘇河 舊志 又乾溪義渡咸豐中增設

邑之橋見舊志者十有二曰官橋 在治北五里相傳即張飛橫矛處一說在倒流橋未知孰是 曰玉陽 在治西一里元至大間建 曰太平 在治西二里 曰三里 在治

東南七里明景泰三年重建 曰朝天 在治東十里 曰謝河 在治東十五里 曰普通 在治東六十里明景泰二年重建 曰普濟 在治北六十里明正統十三年重建 曰洋子港 在合洛明景泰四年

典史張銘建萬曆時知縣胡朝里修 曰倒流 在治北六十里按輿地紀勝謂即張飛據水橫矛處 曰順化曰玉虹 今基址不可考

補遺者五日真武 在治西半里 曰伍公曰萬善 在治東南 曰上板曰下板 在合洛相傳俱伍公建

新建者八曰雙虹二橋 在治東四十里邑神羅啓蘇領建 曰鴻德 在清溪市邑監生宋教宗市民嚴自起領建 曰起鳳 在清溪西 曰玉龍 在官場邑民魏光宗嚮產助費乃成 曰

利涉 在治東五十里楊樹港 曰結緣橋二 在官場香民黎適臣建

官地坐西門外每年租錢共七貫零備修四門吊橋之資 續舊志

附載桑林總豁免夫馬碑示

當陽縣正堂何 爲查案立碑以垂永久事據桑林總鄉保江必學邵士裔程啓敷老民張開卜艾純一江必堯陳應宗具稟桑林一總地窄民稀內有瓦窰烏溪二港乃通安襄大道凡遇上憲按臨必須穩搭浮橋奉前縣衛諭令該總上三甲搭修瓦窰港下三甲搭修烏溪港李南生搭修清溪河各浮橋其應差夫馬均免僱覓給有印照在案恐事遠年湮易於朦混應請立碑垂久等情前來據此查該總居民既須幫搭浮橋自未便分僱夫馬照稟批示外合行勒石曉諭爲此仰該總士庶人等知悉嗣後門戶差役以及鄉保甲長仍照舊一律輪當倘逢上憲按臨該總保甲督同業戶修搭上下浮橋毋許貽誤其應用夫馬永免僱備各宜凜遵毋違特示 見續舊志

當陽縣志

卷之三

建置

津梁

公署

三

宜昌印書館承印

公署

古者布政聽訟之所謂之公廨漢晉以來曰廳事唐曰州宅今之公署其義一也當邑屢遭兵燹公署之廢興因之歷年增修規模悉備矣出則聽政入則退食戴星胡以勞鳴琴胡以逸因時制宜存乎其人牧民者勿以公署爲傳舍焉可志公署

縣署舊在玉陽山東南半里明洪武元年知縣祁守道徙治萬城十三年知縣魏忠徙復舊治自是知縣張義劉琨相繼增修其制則正堂廳事三楹西偏爲贊政廳軒前爲露臺兩翼爲六房而承發司鋪長司居東架閣庫居西前爲儀門儀門之西爲賓館東爲土地祠祠東舊爲預備倉天啓中知縣胡如川徙倉於賓館之後以其地爲 武廟三義祠然囹圄居東賓館居西迎賓於倉禁之間非制也崇禎甲戌正堂燬署縣事經歷張維然修復

國朝順治二年以後公署全燬正佐皆視事合溶八年士民捐修捲棚三間玉枝棚三間內衙十餘間 按即今署地 知縣句延齡始視事城中十二年知縣唐彥裘增修捲棚二間六房十二間皂隸

棚二間順治十七年知縣朱景辰修寅賓館仍舊處康熙三十三年知縣俞廷瑞修坐樓五間三堂三間儀門三間雍正七年知縣王仲桂補修頭門儀門捲棚大堂乾隆二年知縣全沆請帑修理及科房六間捐修 上諭牌坊一座 以上舊志 嘉慶元年教匪之難署多墮壞二年知縣汪雲銘重修道光三十年知縣董文煜重修上諭牌坊一座凡頭門坐樓花廳以次補葺咸豐八

年知縣黃鐘鳴增修東書房三間十年知縣任道鎔重修內書房三間

照牆一座 頭門三間 儀門三間 大堂三間 川堂三間 一堂三間 坐樓五間 坐

樓東廚房三間 坐樓西書房三間 坐樓前左右廂房各三間 二堂東書房南北各三間

書房東廂房三間 二堂西花廳三間 花廳西小書房三間 二堂前左右門房各三間

大堂前左右科房共八間 儀門內左右班房共六間 儀門東土地祠三間

倉廩十間在署東 詳見倉儲

庫房一間在大堂西

監獄在儀門外西南隅

典史署在縣署西自縣署頭門內側入 舊在西門內 嘉慶時改建 巡檢司署在河溶同治二年募資新建按巡

檢舊在漳河口明成化時都御史白圭奏設

國朝乾隆六年知縣全沆以河溶界接江陵五方雜處詳准移防以資彈壓

分防千總署在玉陽街按舊在西門內玉陽山之西南嘉慶元年燬後詳准將故址變價移

建於玉陽街至今因之

按舊志載布政司按察司行臺俱在縣署東府館在署南明萬歷時知縣李啓元以按察司

行臺故址作 學宮地以布政司行臺為察院府館今廢又縣丞主簿二署舊在縣署東明

當陽縣志

卷之三

建置 公署 坊表

四

宜昌印書館承印

時員已汰基址久廢申明亭旌善亭明成化年建今廢陰陽學舊在縣東醫學舊在縣西今

俱廢 坊表 附

上諭坊在縣署儀門內 道光三十年知縣董文燦重建

德配天地道冠古今二坊在泮池左右 咸豐九年知縣黃鐘鳴燬磚重建

沮漳雅化玉紫清風二木坊在縣門左右

節孝總坊在東門內節烈祠前 咸豐十一年知縣任道鎔建

按舊志載坊表二十日希聖曰育賢 在學宮前左右 曰承流曰宣化曰沮水澄波曰滇蜀通衢 俱在縣門左右 曰

承宣曰撫字 在布政行臺前 曰激濁曰澄清 在按察行臺前 曰冬官 為劉謙建 曰奉直大夫 為張游建 曰清朝御史 為劉煥建 曰

五馬 為何毅建 曰聯捷進士曰理卿廉憲 為李讓建 曰凌雲 為向安建 曰鵬程 為何治建 曰應奎 為倪儒建 曰騰蛟起

鳳 為朱玉建 今俱廢

雜建 附

大奎閣在 文廟東南為城內適中之地明天啓間縣令胡如 建崇禎間邑庠梁耀汪士傑

重修

國朝以來屢有補葺同治四年邑令阮恩光倡捐重建甃石為基承以石柱頗增舊制高出城

堞矣

三元閣在城外東南今廢

文峯塔在治東南十六里科甲冢上咸豐八年邑令黃鐘鳴相度其地倡捐重建共七級高九十九尺空其中螺旋而上可眺江漢亦勝景也塔東建一祠宇奉祀文昌而守之以僧形家謂塔作辰戌二門上元中元宜開戌門下元宜開辰門云

青雲塔在東門外演武場東嘉慶元年廢

迴峯塔在治東南五里玉泉入沮處地名三里港嘉慶元年廢

育嬰堂在東門內雍正十三年知縣全沆建今圮

養濟院在東門外乾隆二十四年知縣苗肇岱重建

演武廳在東門外廳前爲演武場又前有照牆一座乾隆中重建

當陽縣志

卷之三

建置

雜建
堤防

五

宜昌印書館承印

隄防

當邑西北多山東南多水萬壑奔赴匯爲沮漳夏秋泛漲輒爲民患昔人有言爲政勿言興利但思除害害除而利斯溥夫害在水潦則利在隄防矣因民之所利而利之雖勞不怨牧民者宜深加意焉志隄

鄭公堤在北門外按邑因岡爲埔北臨沮水植羣流奔赴匯爲洪濤往往越故道嚙縣城城外之民不能安堵明嘉靖壬辰知縣劉瑄於城外東北捍以石磯數年而圯隆慶庚午知縣張松於河北二里許疏故道自西口至東口袤千五百弓抵舊河徑達合溶於南岸築長堤廣十丈高二丈又築新堤於城之西北約三百五十弓高廣如前萬歷間堤稍決知縣鄭汲加修鞏固民享其利因以名堤天啓間河又決知縣胡如川增修至今賴之舊志

六堤在沮漳會流之西爲滋泥沙倒二總民命所關在沙倒總者曰麥城曰沙倒曰羅家灣在

滋泥總者曰細魚曰滋泥曰菜湖合之爲六堤

一麥城右衛軍堤八十五丈民堤二百九十六丈

一沙倒灣右衛軍堤一百七十二丈二尺五寸民堤六百六十七丈七尺五寸

一羅家灣民堤八百五十四丈五尺右衛軍堤十三丈

一細魚港右衛軍堤五十丈荊衛軍堤九十丈民堤八百四十二丈

一滋泥湖左衛軍堤十二丈右衛軍堤二百五十二丈荊衛軍堤九十丈民堤一千四百零六丈

一菜湖荊衛軍堤六百三十七丈民堤一百七十八丈

以上六堤肇自明成化時 國朝康熙年間奉文著爲定章官督民修按畝派夫軍堤責成軍戶民堤責成民戶每年勘明詳報豁免軍需雜徭勒石豎沙倒總以上舊志滋泥坑隄在滋泥總之西上自細魚隄首起蜿蜒而西沿滋泥港而南至菜湖堤尾止長三千餘丈高五六尺歷年既久圯於水同治乙丑邑令阮 督居民加修高廣倍於舊上防山溪積潦下防江水逆行與六堤相爲層齒居民德之增

三區在沮漳東岸上區對麥城沙倒中區對羅家灣下區對細魚港通名三區官雖督率並未結報每農隙後飭令堤長糾集居民於單薄處所各按段如式修補一有潰缺通區協力搶築又漳河俗名東河沮河謂之西河閔家場一帶逼近東河地處低窪水患不能全除至土橋謝柏花栗各總西河直流兩岸居民均行築堤漸弭水患矣續舊志

荊堤在魚兒總濱臨川江江陵在其下流嘉靖間江水兩決荆民漂沒無數萬歷初當事者以本邑既隸承天護堤之民不切痛癢乃將前堤內除九百五十丈仍屬當陽其李家埠一帶一百九十丈召民朱依二等一百二十八戶居其上責令修守准免兩縣門差本縣尉每歲

當陽縣志

卷之三

建置 堤防

六

宜昌印書館承印

勘驗遂爲成規乾隆五十三年萬城堤潰荊州軍民漂沒更甚五十四年總督畢 親詣勘明命居民新修大支堤接連馬山長五千二百六十二弓以衛荊堤委前令萬 勘估督理飭縣居民看守兩堤亦照前豁免雜徭

堤之在合洛者明萬歷初水決曹家口引沮水旁洩壬子歲漳水亦西潰與沮水合於上流五里許故道遂竭貿遷不通歲戊申知縣李啓元築曹家口障之旋潰乙卯知縣李一陽謂兩河並築狂瀾難挽置曹家口獨濬漳河遵故道邑庠謝曰源李公溥殷芝等募貲集事道光初永興菴堤復西潰引漳水旁流故道再竭十六年知縣王朝枏募資修築高廣倍於舊排漳水遵故道至今便之

附載沙倒滋泥二總豁免差徭碑記

康熙五十九年知縣王國禎詳稱縣屬山河雖與濱襄瀦漢之害不同而水自沮漳而下有麥城菜湖等處六堤約一萬一千弓有奇自奉禁止協修而六堤盡歸湖民修築歲逢山河水漲獨力加修不無繁苦是以歷任前令查湖糧百碩有零除正供而外概與豁免今據堤民張孟涵等請詳勒石總期垂久遠以杜將來變更相應具文申詳俯念六堤工力皆湖民獨任其勞 恩賜勒石永豁將來徭役俾修築得有專責安陸府張 批仰候巡憲批示繳荆南道殷 批仰安戎府同知確查妥議詳報戎府李 行縣轉詳遵查得麥城菜湖等處

處共一萬一千弓原係閩縣照畝派夫協修及奉禁協派之後歲歲防護凡有加幫挽築皆歸沙倒灣滋泥湖二處獨任其責在二處之田僅糧一百石零九斗五升三合田較通邑無窪下故有沙倒滋泥之名其近河田地逐年外受崩洗內受挖壓而正供錢糧既與山田同一輸納一有外派未免利害不均是以以前令做別屬漁租河糧疲租尾糧之免例止令納其正賦凡遇軍供雜役悉與開豁乃容或有之之預計耳堤民張孟涵等具詞請勒石使垂久遠並非此時有軍供雜徭而求免一例派差者也今遵將永免雜派緣由開具六堤工程並田畝糧數相應具文詳覆憲台俯念沙倒滋泥之名地非膏腴可知糧碩無幾有六堤歲修之勞雜徭業經前令允其豁免應請勒石永禁仰乞轉詳批示遵行戎府轉詳荆南道荆南道殷批外派雜徭久經嚴禁而沙倒灣滋泥湖二處獨任加幫挽築之責尤當永行開豁以甦民力如詳行縣勒石用垂永久仍取其碑摹報查繳既雍正元年知縣王復以陋規申詳按察司批據沙倒滋泥二處隄工原係居民自行修築並未動支錢糧典史喬起蛟藉稱查驗需索陋規雖審無過付卽自認三錢五分亦屬贓私應卽斥革究擬但事在恩詔以前姑從寬免仍嚴行申飭以觀後效敢再肆行無忌卽行詳請斥革並飭該縣嗣後親行查驗毋得再委典史致滋擾累並干參咎仍取嗣後不得再行苛剝委查各遵依據報繳按六堤之民自

當陽縣志

卷之三

建置 堤防

七

宜昌印書館承印

國初到今一切軍供雜徭俱經各前縣豁免雖曰率由舊章殆亦實見獨力修築民力難支云附載魚兒總豁免差徭碑記

當陽縣正堂黃 爲請示勒石以垂久遠事據魚兒總生監符光廷謝世安蕭韻張汝謨唐士賓何士瑄劉維俊等呈稱緣生等魚兒總之隄因離荆尚遠江陵之民難於防護上憲定議借當之民守荆之堤准免一切雜徭載在邑志乾隆五十三年萬城堤潰前堤外復修大支一堤接連馬山保障舊堤總督畢仍飭令總民看守欣逢福星臨邑久荷覆照已准入志爲此稟懇賞准勒石以誌不朽等情據此除批示外查此堤關係甚重前奉 文飭令該總里民逐年撐幫好爲看守准免一切差徭久經遵行在案茲據前情合行出示曉諭爲此示仰軍民人等知悉嗣後凡遇一切差徭概行准免永爲定例各宜凜遵毋違特示

續舊志

塘堰

堰九十二其爲一名者曰古曰舊曰平曰舊汊曰香新曰雙莫曰孤生日放生曰天生曰邊曰長冲曰小門曰倒流曰倒流橋曰長流陂曰高草曰蒲草曰假草曰深曰藕曰蕪葉曰葛藤曰大蓮曰新蓮曰小蓮花曰大蓮花曰黃沙曰金沙塘曰黑冲曰黃土曰蘇水曰清水曰白水曰尖山曰峯山曰雲陂曰海曰牛角曰鷹子曰鴨兒溪曰石板曰牛車曰拖槍曰半工堰曰官火燒堰曰瓦子汊曰瓦窰曰窰安曰岩屋堰曰馬家曰易家曰于家港曰周二港曰樊家堰曰鞏河曰馮橋曰姚溪曰石龍其爲名一而再見者曰深曰長曰長流曰邊山曰蓮花曰河曰三汊曰桑林名一而三見者曰大曰草曰青谿曰香爐在一處凡四見者曰新終焉皆官地明天啓間知縣胡如川奉文變價充餉

舊志

當陽縣志卷三終

當陽縣志

卷之三

建置

塘堰

八

宜昌印書館承印



當陽縣志卷四

政典志上

賦役

古者因田制賦量力而役任地任民其法一歸於中正後世賦役紛更民不堪命矣我朝懲前代之弊汰無名之征賦役一書垂爲令典故雖瘠土之民而咸安耕作輸將恐後亦可見輕徭薄斂

帝澤入民之深也茲臚列之俾後此守土者率由不忘云爾志賦役一戶口人丁

明以前不可考

萬歷元年編戶一千三百八十四口七千一百五十八丁二千五百六十一

萬歷十四年編戶一千七百二十四口三千四百三十四丁四千九百三十六

天啓二年編戶一千七百六十口三千四百六十九丁四千九百三十八

崇禎十五年丁二千三十知縣倪瑞應詳請平丁每糧一石隨丁六斗八升八合九勺七抄五撮

國朝

順治三年編戶逃絕丁一千八百八十四丁四斗存丁一百四十五丁六斗

當陽縣志

卷之四

政典 賦役

宜昌印書館承印

順治七年起至康熙四年陸續添懇存丁七百一十丁八斗九升八合二勺豁免運夫人丁三

康熙二十一年至五十年六屆編審添丁二百六十六丁八斗六升四合一勺六抄開除人丁

一千一十四丁二斗六合六勺實在人丁一千一十二丁七斗九升三合四勺應納丁銀照糧攤派以免私丁賠累

康熙五十五年起至乾隆三十一年十一屆編審增益滋生人丁三百三十二丁欽奉

恩詔永不加賦按在康熙五十年實在人丁一千三百四十四丁七斗九升三合四勺

乾隆五十八年造報民數一十五萬二千一百一十九口以上續舊志

謹按以上所載丁數前後不甚相符邑自嘉慶初年曾遭兵燹文卷全燬無從核對以後戶口丁銀俱依嘉慶道光以來報銷檔冊實數載入

嘉慶二十五年造報民數二十萬零二千六百八十四口

道光三十年造報民數二十六萬八千六百九十八口

咸豐十一年造報民數二十九萬一千五百七十六口

同治三年造報民數三十一萬三千七百二十八口

謹按原額人丁二千三十丁見前每丁派銀九錢六分四釐該徵銀一千九百五十七兩六錢九分七釐內奉文豁免運夫人丁三丁除丁銀二兩八錢九分三釐實在人丁二千



二十七丁又除荒蕪人丁九百六十九丁一升三合八勺計除荒蕪丁銀共八百六十五兩七錢六釐

實成熟人丁一千五十八丁九斗八升六合六勺實徵丁銀一千八十九兩九分八釐

一原額田三千五百一十七頃一十七畝二分六釐八絲

上田一千五十五頃一十五畝一分七釐八毫二絲四忽每畝科秋糧米五合該米五百二十七石五斗

七升五合八勺九抄一撮二圭每石派銀一兩九錢二分一釐九毫五絲四忽零應徵銀一千一十三兩九錢七分六厘

七毫六絲九忽零

中田一千四百六頃八十六畝九分四毫三絲二忽每畝科秋糧米四合該米五百六十二石七斗四升

七合六勺一抄七撮二圭八粒每石照例應徵銀一千八十一兩五錢七分五釐二毫二絲零

下田一千五十五頃一十五畝一分七釐八毫二絲四忽每畝科秋糧米三合該米三百一十六石五斗

四升五合五勺三抄四撮七圭二粒每石照例應徵銀六百八兩三錢八分六釐六絲一忽零

夏稅絲照官米一石帶科稅絲二錢七分八釐四毫一絲二忽零該絲一十觔二兩四錢四分三釐四毫一絲秋糧內派

一原額地四千八百六十六頃四十二畝五分六毫五絲

上地七百五頃八十二畝九釐七毫七絲每畝科秋糧米四合九勺九抄七撮四圭五粒八粟該米三百五十二石七斗三升

當陽縣志 卷之四

政典 賦役

一一

宜昌印書館承印

四勺八抄八撮五圭每石照例應徵銀六百七十七兩九錢三分一釐八毫九絲零

中秋地六百四十一頃八十三畝六分七釐六毫八絲三忽每畝科秋糧米三合九勺九抄九撮九圭九粒九粟該米二百五

十六石七斗三升二合六勺六抄四撮三圭每石照例應徵銀四百九十三兩四錢二分八釐

四毫五絲六忽零

中稅地二百九十九頃二十五畝七分八釐六毫七絲七忽每畝科夏稅大小二麥三合九勺九抄九撮九圭三粒一粟該麥一百

一十九石七斗三合一勺四抄七撮一圭每麥一石折銀一兩二錢二分二釐二毫七絲二忽共銀一百三十四兩三錢二

分五釐二毫二絲七忽零

下地七百五頃八十二畝九釐七毫七絲每畝科夏稅大小二麥三合該麥二百一十一石七斗四升六合二

勺九抄三撮一圭每石照例共銀二百三十七兩六錢一分五釐七毫六絲一忽零

荻柴地五十二頃七十八畝二分九釐五毫每畝科夏稅大小二麥四合該麥二十一石一斗一升三合一勺

八抄每麥一石共折銀二十三兩六錢九分二釐六毫一絲九忽零

湖柴地八十六頃八十七畝一分八釐八毫每畝科夏稅大小二麥四合該麥三十四石七斗四升八合七勺

五抄二撮每石照例共折銀三十八兩九錢九分四釐七絲六忽零

湖草地八十二頃八十六畝七釐一毫每畝科夏稅大小二麥三合該麥二十四石八斗五升八合二勺一抄

三撮每石照例共折銀二十七兩八錢九分五釐一毫九絲二忽零

煤炭地三頃五十七畝三分二釐七毫每畝科稅大該麥一石七升一合九勺八抄一撮每石照前則例

共折銀一兩二錢二釐九毫四絲七忽零

山鄉地二千二百八十七頃四十八畝一分一釐六毫五絲每畝科夏稅大小該麥三百四十三石一斗二升二合一勺七抄四撮七圭五粒每石照前則例共折銀三百八十五兩四分二釐九絲

七忽零照官米一石帶科夏稅二錢七分八釐四毫一絲二忽零該絲四觔六兩三錢九分二釐三毫五絲七忽零

桑地一十一畝八分五釐每畝科桑絲七錢三分二釐六絲七忽零該絲八兩六錢七分五釐

一原額塘湖三百六十六頃九十八畝三釐五毫五絲

塘三百六頃八十七畝四分三釐三毫五絲每畝科秋該米一百二十二石七斗四升九合七勺三抄四撮每石照前則例應徵銀二百三十五兩九錢一分九釐三毫八絲二忽零照官米一石帶科夏稅絲二錢七分

水湖三十頃六十畝二釐九毫每畝科夏稅大該麥九斗一升八合八撮七圭每石照前則例共折銀一兩三分二毫五絲一忽零

荒湖四十二畝八分每畝科夏稅大該麥一升二合八勺四抄每石照前則例共折銀一分四釐四毫八忽

零湖壩二十九頃七畝七分七釐三毫每畝科夏稅大小該麥八斗七升二合三勺三抄一撮九圭每石照前則例共折銀九錢八分一釐一毫四絲零

一原額山四千六百八十二頃五十七畝八分九釐一毫三絲

松草山七百三十二頃三十四畝九分六釐七毫七絲每畝科夏稅大該麥二十一石九斗七升四勺九抄三圭一粒每石照前則例共折銀二十四兩六錢五分四釐六毫五絲九忽零

荒石山三千九百五十頃二十二畝九分二釐三毫六絲每畝科夏稅大小該麥二十七石三升九合三勺八撮一圭四粒每石照前則例共折銀三十兩三錢四分二釐七毫五絲四忽零

原丈量陸科米一斗八升二合四抄三撮照前則例應徵銀三錢四分九釐八毫七絲八忽零

以上原額田地塘湖壩山共一萬三千四百三十三頃一十五畝六分九釐四毫一絲

科秋糧官民米二千一百三十九石二斗六升三合九勺七抄三撮額徵併加增共銀四千一百一十一兩五錢六分七釐六毫五絲九忽一微三塵七纖五渺

大小二麥共八百七石一斗七升六合七勺二抄該銀九百五兩七錢九分一釐一毫三絲六忽二微二塵六纖八渺

稅桑二絲一十五觔一十五兩六錢八分四釐秋糧內帶派

原荒田地塘湖壩山共一萬二十七頃七十一畝八分八釐四毫三絲一忽原荒米麥共一千六百四十二石四斗八合五勺三抄三撮原荒銀二千五百二十六兩五錢五分三釐三毫六絲七微八塵六纖九渺康熙二十六年起至乾隆二十六年年底節次墾糧總共銀

當陽縣志

卷之四

政典 賦役

一千八百一十四兩六錢四分一釐六毫六絲七忽六微零細冊詳載賦役全書

實荒地塘山七千二百二十一頃二十八畝四分七釐一毫五絲三忽一微一塵實荒糧

麥六百六十二石七斗四升三合三勺五抄六撮五粒三粟實荒銀七百一十一兩九錢

一分一釐六毫八絲四忽三微一塵一纖九渺二漠六茫乾隆十年奉文開除冲壓田地

一十頃八十二畝六分二釐一毫九絲

實成熟田地塘山六千二百一頃四畝六分六絲六忽八微九塵實成熟糧麥二千二百七

十九石六斗二升五合四勺七抄五撮三圭四粒七粟除冲壓糧麥四石七升一合八勺六抄一撮六圭

止此數每秋糧一石派銀一兩九錢七分四厘八

毫五絲一忽零每麥一石派銀一兩一錢二分二厘一毫七絲二忽

該銀一千一百五十五兩二錢九釐二毫一絲二忽零除荒銀四百五十七兩七錢一分二

厘五毫五絲一忽零實徵銀六百九十六兩二錢五分三釐一絲五忽零除冲壓銀一兩二錢四分三厘六毫四絲五忽

零止此數

以上人丁田地塘湖壩山九釐餉並墾派丁銀等項共銀八千二百五十八兩二分九釐二

毫六絲七忽七微五塵三渺九漠九茫內除豁免運夫丁銀及荒銀冲壓丁條餉銀丁隨糧派又雍正七年

當陽縣志 卷之四

政典 賦役

四

宜昌印書館承印

起至乾隆三十六年共十二年民賦墾帶丁銀總銀一百二十二兩零六分四釐七毫八

絲墾帶丁銀另款作收詳見後

實徵銀五千五百三十一兩六錢四分二釐九毫一絲九忽一微七塵一纖六渺二漠九沈

六沙三灰二漂以上舊志

謹按閩邑原額田地山塘湖壩共一萬三千四百三十三頃一十五畝六分九釐共科糧

麥二千九百四十六石四斗九升一合額徵銀五千一十七兩三錢五分九釐除荒蕪糧

麥六百七十二石五斗五升八合八勺計除銀八百八十七兩四錢一分三釐實成熟糧

麥二千二百七十七石三斗一升一合九勺每糧麥一石派條銀一兩五錢共征條餉銀四千三百

兩八錢六分自嘉慶以後至今

一更民田坐落官田

原田地一十一頃九十七畝實徵租餉並丁銀四十三兩九分二釐更民九釐餉銀一兩

四錢四分九釐見舊志 按此項仍舊案

謹按閩邑民賦地丁更民正雜各項共銀八千一百八十二兩六錢一分九釐內除荒蕪

銀二千八百九十一兩七錢二分二釐又除豁免故夫丁銀三兩八錢九分三釐外又加

康熙二十一年增墾銀七錢五分七釐又加二十二年增墾銀五錢五分四釐又加二十

六年增墾銀二兩五錢一釐又於乾隆二十一年奉文墾派二十三四五六等年新墾丁銀四錢二分八釐又加乾隆二十一年增墾銀二兩一錢三分二釐又奉文墾派乾隆二十七八九三十三十一等年新墾丁銀三錢四釐又加三十六年增墾銀一兩一錢七分又加四十二年增墾銀八錢一分四釐

實徵銀五千二百九十六兩九錢一分八釐以符起運存留驛站隨漕四款正額數目

一起運項下依嘉慶以後定額開載

徵墾銀二千一百一十八兩二錢四分五釐隨徵加一一耗羨

一存留項下依嘉慶以後冊卷開載

徵墾銀一千二十兩三錢二釐隨徵加一一耗羨

解款

裁缺俸工燈夫等銀一百九十四兩八錢五分

部寺解費銀四兩四錢八分八釐

鄉飲銀二兩七錢九分一釐

裁汰民壯工食銀一十二兩

憲書銀二兩五錢八分九釐

當陽縣志

卷之四

政典 賦役

五

宜昌印書館承印

科舉銀一兩八錢五分五釐

會試舉人長夫銀五兩五錢八分

歲貢花紅銀四兩八錢八分三釐

以上各款共解銀二百二十九兩三分六釐所存留銀七百九十一兩二錢六分六釐

以作坐支俸工祭祀役食廩糧等項之用

官俸

知縣俸銀四十五兩

巡檢俸銀三十一兩五錢二分

典史俸銀三十一兩五錢二分

教諭俸銀二十一兩五錢此款仍舊請領訓導其扣減見後

以上四款例應赴 司請領

祭祀

文廟二祭銀四十兩

崇聖祠二祭銀七兩

名宦鄉賢二祭銀七兩

關帝三祭銀四十兩

文昌祭品銀二十三兩八錢三分

社稷壇二祭銀十兩

山川壇二祭銀十兩

常零壇祭銀五兩

邑厲壇三祭銀十一兩

香燭米折銀一兩五分

厲祭米折銀一兩二分二釐

鄉飲二次銀四兩

孤貧

原設孤貧額內九名額外八名共十七名每名日給布花口糧銀七釐奉文遇閏加增小建扣除年額共支銀四十二兩五錢四釐

按祭祀孤貧二項依嘉慶以來定數支放

儒學品俸 以下各項分別照數扣減詳見後

教諭俸銀三十一兩五錢二分

當陽縣志

卷之四

政典 賦役

六

宜昌印書館承印

教官加品銀四十八兩

役食

門子二名工食銀十二兩

經制皂隸十四名工食銀八十四兩

迎送皂隸十二名工食銀六十兩九錢九分九釐

民壯十八名工食銀一百八兩

民壯加銀增十兩

件作二名工食銀十二兩

禁卒八名工食銀四十八兩

捕役八名工食銀四十八兩

庫子四名工食銀二十四兩

斗級四名工食銀二十四兩

轎傘夫七名工食銀二十四兩

典史門子一名工食銀六兩

典史馬夫一名工食銀六兩

典史皂隸四名工食銀二十四兩

巡檢弓兵十名工食銀四十兩六錢六分六釐

巡檢皂隸二名工食銀十二兩

教官齋夫六名工食銀三十六兩

教官門斗五名工食銀十四兩

北門渡夫工食銀三兩五分

右品俸役食共二十一項俱依嘉慶以後定額開載道光三十年奉文每兩內扣三成並六分減平支放所扣銀兩彙解司庫充餉

看守 關陵墓夫二名工食銀十二兩

安陸戎府民壯六名工食銀三十六兩

沔陽沙鎮弓兵二名工食銀十二兩

協編新鎮弓兵五名工食銀十兩一錢六分六釐

安陸健夫工食銀四兩八錢八分

縣屬健夫工食銀四十二兩三錢五分八釐

按縣屬額設十四舖共舖兵三十六名每年額支銀一百五兩八錢九分六釐由存留

當陽縣志

卷之四

政典 賦役

七

宜昌印書館承印

項下坐支銀七十兩一錢七分五釐餘銀赴司請領歸款嗣於咸豐八年奉文裁汰舖兵六成銀四十二兩一錢五釐同扣存安陸府舖兵六成銀七兩三錢二分共銀四十九兩四錢二分五釐另文批解司庫充餉

廩膳

廩生二十名餼糧銀四十八兩

膳夫二名工食銀十三兩三錢三分三釐

右廩膳並前役食共八項亦依嘉慶以後銀數開載道光二十三年奉文每兩不扣三成止扣六分減平其減平銀兩彙解司庫充餉

以上坐支祭祀孤貧並品俸廩膳役食等項共銀一千七十六兩二錢扣舖兵六成銀錢在內又赴司請領教職加俸祭祀補荒等銀四百二十兩二錢三分四釐其應扣三成六分減平銀兩係請領時就平扣收合前坐支

各項共銀一千四百四十兩五錢三分六釐每年支解共銀一千三百五兩二錢九分七

釐又坐支各官編俸知縣二十二兩七錢七分四釐 巡檢典史共六十三兩四分共銀九十五兩七錢一分四釐又另文批解裁

汰舖兵六成銀四十九兩四錢二分五釐外有各項扣三成及六分減平銀兩并解司庫

充餉

一驛站項下

徵墾銀一千九百八十兩五錢二釐隨征加一耗羨

原編驛站見舊志

鄂東驛支應銀四十二兩無問

代編沔陽州原編豐樂驛支應銀十兩

原編走遞夫馬

排夫二百五十名內扣除本縣橋傘夫六名抵經制外餘走差二百四十四名每名銀七兩二分共銀一千七百八十六兩八分

脚馬四十五匹每匹銀二十四兩帶問銀四錢共銀一千九十八兩

代編沔陽州原編鍾祥縣除新增價銀派鍾祥編徵外本縣實編銀一十八兩四錢二分八釐

八毫帶問銀三錢七厘二毫共銀一十八兩七錢三分六釐右驛站夫馬二項共銀二千九百五十四兩八錢一分六釐係本邑原編額徵之數詳見舊志至於康熙十年後所設排夫名數

及抽調緣由開載於左

排夫三十名工食銀二百十九兩六錢康熙四十七年抽夫五名工食銀三十六兩六錢解道補給蒲圻縣增夫工實食又雍正三年裁夫十二名工食銀八十七兩八錢四分解道移司充餉

存排夫十三名工食銀九十五兩一錢六分乾隆四年奉文遇問加增小建扣除

脚馬三十匹該草料並馬夫獸醫工食藥餌等項銀六百四十二兩雍正四年裁馬六匹乾隆二十三年奉文全裁如數解司充餉

當陽縣志

卷之四

政典 賦役

八

宜昌印書館承印

兵部項下

夏秋折色起運

江濟水夫二十二名每名工食銀四兩九分五厘該銀九十兩九分每兩京扛銀一分三釐該銀一兩一錢七分一釐一毫

七絲每兩解官盤費七釐該銀八錢二分一釐四毫

又照依協濟徒多轉折等事案內徑支本縣正項以抵各處協濟銀二百七十兩二錢九分八釐九毫以上見舊志

按右二項連前原編額徵驛站共銀三千三百七十七兩一錢九分八釐內除荒蕪銀一千二百九十六兩四錢二分九釐九毫又除豁免故夫丁銀二錢八釐四毫又除冲壓豁免銀三兩一錢八分六釐八毫又除增墾徑解司庫抵補重丁歸入起運充餉銀三十六兩八錢七分一釐三毫

實徵銀一千九百八十兩五錢二釐內有每年排夫工食銀兩應於本縣額編驛站內動支銀九十五兩一錢六分又驛站項下編設買馬銀二百一十兩一錢七分四釐又丁墾銀九百八兩七錢二分八釐又裁減夫馬工食工料等銀七百六十六兩四錢四分係批解司庫充餉依現在報銷冊卷實數

又囚糧每米一石作銀一兩二錢自咸豐十年起年終核數抵解驛站等銀

一隨漕征聖原額一百七十八兩一錢五分三釐內除荒故丁銀

實徵銀一百七十七兩八錢六分九釐隨征加一耗羨楞木松板銀二兩二錢二分八釐四毫

運米官軍行月二糧米一百四十九石九斗三升每石折銀四錢該銀五十九兩七錢二分

三六耗蓆輕費銀一百三兩六分三釐五毫每百兩解准銀一兩該銀一兩三分七毫

淺船解費共銀七兩一錢一分除荒故丁外實徵銀七兩一錢七釐

運糧官盤費銀五兩

右各項係解糧庫現在報銷冊卷核與舊志相符

一漕米

原額兌軍漕糧本色正米每秋糧一石派正米二斗六升三合該米五百五十七石一斗每石加耗米四斗該耗米二百二十

二石八斗四升正耗共米七百七十九石九斗四升康熙十一年奉文每正米一石隨征贈貼米二斗該贈貼米一百一

十一石四斗二升總共正四二耗額徵米八百九十石三斗六升除乾隆十年夏水災案

內豁免正四二耗米三斗一升二合七勺實徵正四二耗米八百九十石四升八合三勺

自乾隆七年奉文酌定每米一石折銀一兩買米交兌嗣於乾隆四十一年奉文酌定每

米一石徵銀一兩四錢五分共徵銀一千二百九十九兩五錢七分每年批解糧庫

謹按漕米額數及折價銀數現在報銷冊卷與舊志相符又於咸豐七年奉巡撫胡文忠

當陽縣志

卷之四

政典 賦役

九

宜昌印書館承印

減定新章每米一石徵錢四貫四百文其派解銀數仍舊每石折銀一兩四錢五分著為

定章

一門攤茶稅正項共銀二十兩一錢八分除荒銀十兩九分實徵銀十兩九分

一民糧代派額租每糧一石派銀一厘九毫五絲四忽零該銀二兩三錢五分八釐三絲三忽內除冲壓豁免銀七釐

二毫七絲六忽實徵銀二兩三錢五分七毫五絲六忽三微三塵九纖四渺九茫

謹按賦役各項舊志所載名色尙多國初迄今屢奉裁汰歸於畫一茲沿舊志參以現在報銷冊卷其已彙入起運存留各項者不復臚列必欲考厥源流自有賦役全書在

一雜稅

田房稅銀儘徵儘解無定額

牛驢稅銀儘徵儘解無定額

典當稅銀每家五兩現存四家共銀二十兩

按舊志載典當十二家自嘉慶及咸豐初年先後歇業共八家帖已繳銷

牙帖稅銀乾隆二十五年奉文酌定稅銀三兩其咸豐七年奉到帖稅新章開載於左

偏僻上帖四張每張年徵稅銀一兩五錢共徵銀六兩

偏僻中帖十四張每張年徵稅銀七錢五分共徵銀十兩五錢

偏僻下帖六十九張每張年徵稅銀四錢五分共徵銀三十一兩五分

右牙帖稅銀四十七兩五錢五分自咸豐七年奉到新章陸續領帖由牙釐總局造册移縣彙案徵解此依同治四年報解檔册

屯田附

一枝夔長遠四所屯田一百四十八頃二十六畝四分五釐額徵糧四百七十石一斗三升五

合二勺每糧一石徵屯餉銀四錢八分應徵屯餉銀二百二十五兩六錢六分五釐每餉一兩徵丁銀二釐七毫三絲六忽應徵丁銀

六錢一分八釐

共徵屯餉丁銀二百二十六兩二錢八分三釐隨徵一應征耗羨銀二十兩八錢九分一釐

於嘉慶十三年奉文歸縣征收批解司庫

又屯餉項下原幫運銀每餉一兩徵銀三錢三釐八毫三絲九忽應徵銀六十八兩三錢四分八絲七忽又奉議加津

每餉一兩加銀一兩二錢一分二厘三毫應徵銀二百七十三兩三錢六分三毫四絲八忽

共徵原幫加津銀三百四十一兩七錢一釐於嘉慶十三年奉文歸縣徵收批解南糧道庫

一襄陽衛屯田五頃八十畝三分

額徵屯餉銀二十兩二錢九分九釐隨徵加一應徵耗羨銀二兩二錢三分二釐九毫

當陽縣志 卷之四 政典 屯田 倉儲

倉儲

十

宜昌印書館承印

額徵資役銀十六兩五錢八分七釐又閒丁銀八錢合前正耗共銀三十九兩九錢一分

八釐九毫歷年批解司庫見襄陽衛檔册

右准襄陽衛移覆開載同治四年由縣移查又稱此屯止有操舍等軍向無運軍亦無徵幫造船等

項卷載此屯實存男女一萬四千五百七十九丁口

一荊州正左右三衛屯田歷由縣中備文移查未據造册移覆

倉儲

國以民爲本民以食爲天故爲政首在足食而養民必先貴粟然則倉儲本古法亦見聖朝保赤之深恩也當邑負山帶水西北常苦旱東南常苦潦九年之耕曾無一年之蓄卒有百里之水旱將何以恤之牧民者守此積聚雖至於紅朽可也志倉儲

常平倉在縣署東

東倉廩十四間曰五日穀曰豐曰登曰民曰安曰物曰阜曰慶曰歌曰大曰有曰泰曰平每

字爲一廩

橫倉廩五間曰常曰滿曰盈曰厚曰生每字爲一廩

按以上常滿盈厚生五廩道光年間因陰雨過多先後倒塌無存又五穀豐登四廩倉板朽壞有屋無廩前縣令董文煜任內詳明本州有案

現存民安物阜慶歌大有泰平等字號計十厥
存制斛一制斗一制升一 俱奉藩司檄發

原儲穀一萬石嘉慶元年教匪掠食當經詳報有案繼於十一十三二十二二十二等年奉
文買補如額又附嘉慶元年逆產入官租穀五百八十四石二斗七升七合八勺共穀一
萬五百八十四石二斗七升七合八勺道光十五二十一二十二二十四二十六二十九
三十等年緩缺南糧案內奉文碾運荊州府倉共除穀七千九百四十一石五斗四升四
合二勺均未奉文買補自咸豐初年至今
實存常平倉穀二千六百四十二石七斗三升四合六勺

社會

原額四十九社存穀四千八百七石六斗六合四勺內除嘉慶元年教匪焚掠除穀三千四
百二十七石九斗八升二合八勺均經詳請委員勘明報銷在案
實存二十八社共存穀一千三百七十九石六斗二升三合六勺
各總社倉穀數
沙溪社會存穀六十三石四斗四升九合九勺
謝柏社會存穀八十一石八斗六升一合

當陽縣志

卷之四

政典 社會

十一

宜昌印書館承印

胭脂社會存穀七十石六斗九升二合九勺
土橋社會存穀五十二石九斗二升二合三勺
金沙社會存穀一十二石九斗四升四合
深港社會存穀二十二石三斗四升二合一勺
易家社會存穀三十二石二斗一升四合五勺
黑龍社會存穀四十八石二斗三升六合六勺
紫蓋社會存穀五十三石二斗二升二合一勺
牽河社會存穀一百三石四斗六升八合五勺
小蓮社會存穀六十二石七斗四升五勺
大蓮社會存穀六十三石一斗二升四合五勺
尖板社會存穀九十二石七斗五升二合 按此總自嘉慶後分為三總尖總四十一
石零板總三十石零夾碼總二十石零
玉泉社會存穀一十五石九斗九升一合
普通社會存穀八十一石六斗九升五合三勺
清水社會存穀九十石六斗六升三合五勺
桑林社會存穀七十六石二斗八升八合

三洲社倉存穀一十石八斗八升三合五勺
黃連社倉存穀二十七石八斗七合九勺
官壩社倉存穀二十五石八斗七升
苦竹社倉存穀二十八石九斗八合
脚東社倉存穀二十一石三斗七升
週二社倉存穀七石一斗七升一合五勺
榴花社倉存穀二十二石八斗九升三合六勺
清洋社倉存穀二十石一斗四合四勺
花栗社倉存穀四十二石三斗八升
魚兒社倉存穀八十四石五斗九升六合
海堰社倉存穀六十三石三升

當陽縣志

卷之四

政典

社倉
蠲恤

十二

宜昌印書館承印

蠲卹

天災流行國家代有周禮荒政十二凡以聚萬民耳歷代發倉廩減租稅載在史冊者甚詳我國家聖聖相承視民如傷偶遇水旱盜賊之災則恩詔頻頒無一夫不被其澤茲考其在本邑者著之於篇俾耕鑿愚氓咸歌帝力焉志蠲恤

宋乾德元年癸亥秋七月詔免荆南管内夏稅之半按邑在五代之季屬荆南

紹興四年乙卯春閏二月詔荆門軍及歸峽公安歲貢上供更與免按邑在宋時屬荆門軍

嘉定二年己巳秋七月蠲荆門軍民賦

元至大二年庚戌秋七月邑大水令尙書省賑之

至順元年庚午秋七月荆門諸屬水詔以入粟補官鈔及勸率富人出粟賑之

明嘉靖十八年己亥春三月車駕幸承天謁顯陵給復承天三年按嘉靖時邑隸承天府

萬曆三十三年乙巳秋九月免承天旱災田稅

天啓元年辛酉秋九月免承天災傷田稅

按明時蠲賑湖廣者甚多詳見通志

國朝順治二年乙酉奉

恩詔地畝錢糧自順治元年五月初一日起按畝徵解凡加派遼餉新餉練餉召買等項悉行

蠲免其大兵經過地方仍免正糧一半

康熙元年壬寅楚軍會勦西山餘賊各州縣役民夫運米有死者三年戕平蠲免各州縣丁錢糧接官兵進剿西山屯糧於邑城役民夫數萬轉輸之苦當陽爲最詳見兵事

康熙二十四年至二十八年接年蠲減通省錢糧邑得與焉按自此以後蠲免通省者甚多詳通志

乾隆十年乙丑邑境斑鳩灘地方被蛟水冲塌民田所有錢糧照數開除以是年爲始嘉慶元年至三年疊奉

恩詔凡被賊各州縣錢糧蠲免三次邑得與焉

二年丁巳秋七月各州縣被旱乏食給賑三月並予房屋修費邑得與焉

三年戊午春奉

恩詔來鳳當陽二縣賑濟本色米共八千一百六十九石三斗給修房屋銀共三千三十七兩

一錢又當陽賑穀折銀三千八百九十八兩七錢七分七釐五毫

四年己未春三月荊門州并當陽遠安二縣賑濟湖南撥款米七千石穀折銀三萬三千一十

三兩七錢七分五釐內當陽動支被旱賑剩米一千七百六石七斗穀折銀五千六百五十

三兩一錢五分五釐給修房屋銀四千三百七兩一錢

當陽縣志

卷之四

政典 蠲恤

十三

宜昌印書館承印

八年癸亥春三月蠲免被賊滋擾四十二州縣錢糧邑得與焉其餘州縣減緩有差以上俱見通志



當陽縣志卷

政典志下

學宮

古者化民成俗莫不由學學者經術治行之本源範圍天下而不過也我朝文教覃敷無遠弗屆雖蕞爾一隅莫不首建膠庠以為興賢育才之地典至隆也生其時者觀宮牆之美富襲芹藻之芬芳涵育薰陶名教自有樂地其無負所學也可志學宮

學宮在縣署東殿宇如制東西兩廡前為戟門即大門門左為名宦祠右為鄉賢祠又前為櫺星門為泮池左右兩坊環以垣牆牆外為雲路殿後為明倫堂堂前左義路右禮門明倫堂東北為崇聖祠祠前東偏為土地祠為尊經閣明倫堂西為忠義祠祠前西偏為敬一亭歷年補葺規模畢具矣

按舊志學宮舊在玉陽山麓宋以前不可考元至元中張公彥文官職未詳知縣王元賓興建厥後知縣趙珪增修至順中舊志稱邑監侯未載姓名重修明洪武初曾隨縣治徙萬城尋復舊知縣魏忠興建在縣署西所謂玉陽山麓也凡山帶水氣象巍峨既而遷於玉陽山西南論者以為不吉嘉靖丙午知縣侯嘉祥遷於治北洪市坪與學署相距五里中隔一水非制也萬歷庚午知縣胡朝遷於治南報恩寺之左文廟北向尤非制也已酉年知縣李啓元教諭余蛟始徙入

當陽縣志

卷之五

政典 學田

宜昌印書館承印

城以臬司行臺故址作學宮至今因之然終不若玉陽山麓之盡善也初泮池在櫺星門內論者以為逼天啓中知縣胡汝川徙於門外以啓聖祠不宜偏處遷於明倫堂後又以文廟不宜右昂建大魁二元二閣於東南建兩坊櫺星門外左曰希聖右曰育賢此皆明時規模也國朝順治二年城陷殿廡祠宇俱燬惟櫺星門明倫堂尚存十三年知縣唐彥裘修復襄其事者教諭黃鳴陽訓導饒亮士有記載藝文志十六年知縣許毓仁重修啓聖祠康熙元年大軍進剿西山餘賊屯糧於城中其時學宮俱圯二十四年知縣俞廷瑞修復四十六年知縣伊逢吉教諭王禹書重修四十八年署知縣張士祺補修兩廡雍正十年知縣王仲桂修啓聖祠明倫堂乾隆四年知縣全沆重修大成殿十八年知縣陳富有教諭方璵補葺啓聖祠明倫堂二十四年知縣苗肇岱重修啓聖忠義名宦鄉賢各祠大成櫺星二門東西兩廡及明倫堂尊經閣敬一亭正副二齋又於雲路拓基建兩坊作外泮規模宏敞煥然改觀五十四年知縣萬年椿重修大成殿嘉慶元年教匪之難學宮多圯二年知縣汪雲銘奉檄重建同時教諭王發臺訓導劉士儒六年汪雲銘又捐修忠義祠道光十五年知縣王朝枏諭監生張永貞捐修大成殿二十六年知縣董文煜募貲重修啓聖祠二十八年又重修明倫堂咸豐九年知縣黃鐘鳴倡捐重修大成殿大成門泮池左右兩坊

教諭署在啓聖祠後嘉慶二年教諭王發臺重修大堂道光二年教諭蔣祥齡重修廳事



訓導署在忠義祠右嘉慶二年訓導劉士儒重修
學額

廩生二十名
增生二十名

文武學額各十六名

按邑庠原額十三名咸豐九年經督撫學院會奏以當邑紳民捐餉銀數遵例請加文武
學額各一名於咸豐十年奉到 部覆又同治二年三院會奏遵例請加文武學額各二
名於同治三年奉到 部覆合原額共十六名其每屆廣額一次者不具載

學田 續舊志列賦役中

金家塔學田一分計水田五十畝陸田二十畝每年完預支租錢三十六千文 佃民劉士榮

蓮花坪學田上一分計水田二十畝陸田二十畝每年完預支租錢十八千文 佃民張洪才

蓮花坪學田中一分計水田三十五畝陸田三十畝每年完預支租錢三十千文 佃民陳沈照

蓮花坪學田下一分計水田十五畝陸田十畝每年完預支租錢十二千文 佃民胡榮祥

右學田四分在大蓮總 舊志作二分茲因佃民係四戶列為四分

黃泥畝學田一分計水陸田十八畝八分每年完預支租錢七千五百二十文 佃民游正剛

當陽縣志

卷之五

政典 學田

一一

宜昌印書館承印

黃泥畝學田一分計水陸田十三畝八分每年完預支租錢五千五百二十文 佃民游正華

黃泥畝學田一分計水陸田十一畝四分每年完預支租錢四千五百六十文 佃民游正耀

右學田三分在謝柏總 舊志作一分茲因佃民係三戶列為三分

榴花總 地名祖師殿學田一分計田六畝三分每年完預支租錢四千五百文 佃民李宏祥

四總 東關外 學田一分計田三畝每年完預支租錢三千文 佃民徐德修

以上學田共九分 國初迄今佃民屢易歷年既久滋生弊端同治四年經儒學陳縣諭
飭正紳清丈實數保舉佃民當堂稟種仍責令不時稽查免致日久弊生其租銀改為
錢限定九月預支交正紳經管除納條餉正供外以作歲科兩試儒學廩保送攷路費及
年終支給貧生之資其餘作為副賓與縣內正賓與同時支發著為定章另詳碑誌法
已備也雖然有治法尤貴有治人載其清靜守而勿失是所望於後之君子

按本邑各項公田多不載佃民姓名為其常有更替也茲因學田酌定新章係依佃民九戶列為九分附載姓名以備將來清查至舊志
所載陸家塚田乾隆中已撥入賓興項下詳見後

附雲路店房一間租錢四千文 見續舊志

書院

古之教民自國而鄉皆有學州序黨庠則耆老在焉所以上賢而崇德也後世置學官建文廟釋奠之禮特隆學校遂為官司矣則惟書院課士猶有古學校之遺意焉邑之書院前代不可深考 國初迄今屢有增置規模漸備文學亦蒸蒸日上矣因文見道其亦無負古之學者歟志書院

玉陽書院在南門內坐南向北門臨大街其制頭門三間門內左右廂房各一間儀門三間門內左右齋房三間講堂三間舊志上有樓曰文昌閣左右夾室各一間堂後為宅門門內左右書房各三間後堂三間上有書樓舊志堂後有圍房九間今圮

按玉陽書院舊在玉陽山上即四賢堂詳見古祠明季熾康熙戊午縣令俞廷瑞募資移建於南門內北向顏曰迴峯其制則門樓一座講堂三楹曰麗澤上有文昌閣後堂曰主敬上有書樓規模粗具歷久漸圯乾隆十六年教諭方駿典史王廷相倡捐重修稍復舊觀二十四年縣令苗肇岱募資重修始割間田及義捐田共五百六十八畝以其租為束脩膏火之資道光四年奉文撥還玉泉田一百畝道光十六年縣令王朝枏重修書樓三間至於租田道光咸豐間屢有增置咸豐十年縣令任道鎔改租銀為租錢酌定章程就中撥出義學修金之資同治四年縣令阮恩光籌資千八百緡發典生息以為將來增置田產之資又以迴峯非古名改題門額仍為

當陽縣志

卷之五

政典 書院

三

宜昌印書館承印

玉陽書院云

膏火公田

龍泉寺田二百五十畝

清水總乾隆二十四年寺僧清德捐

原租銀六十三兩零咸豐十年縣令任道鎔酌定章程每年預支租錢一百五十八貫八百二十一文

玉泉寺田一百七十一畝七分六釐玉泉總

按舊志乾隆二十四年寺僧起山捐田二百五十畝內有前任川湖總督蔡毓榮置田百畝以供玉泉香火者道光四年奉藩司檄撥還玉泉寺存田一百五十畝及前縣令苗肇岱將公項贖回玉泉絕產二十餘畝實存書院田一百七十一畝七分六釐原租銀四十三兩二錢七分咸豐十年改折預支租錢一百六十串一十文

烏鴉藤廟田二十八畝花栗總

原租銀十四兩咸豐十年改折預支租錢二十五串二百文

三星寺田四十畝四釐以上見續舊志

原租穀十六石每年籽驗收租嘉慶六年佃民呈請無論豐歉每年折租銀六兩四錢前縣令汪開雲批准在案咸豐十年改折租錢十九串一百文

新增

石龍坑田十七畝黃石總道光二十五年監生張開耀捐充

原案載田三石四斗原租銀六兩八錢咸豐十年改折預支租錢十七串
分水堰田二畝五分漳鄉總道光二十六年文童陳文洪捐充

原租銀一兩咸豐十年改折預支租錢二串

瓦窰坑田一百二十五畝深港總咸豐八年監生劉敏五捐充

咸豐十年改定預支租錢四十七串六百文

朱家湖田四十一畝五分大連總咸豐十年監生慎世傑捐充

每年預支租錢三十二串

又同治四年縣令阮諭閩邑士民捐錢一千八百串發與生息以為增置膏火田租之費

按書院束修膏火章程隨時增益詳見碑記

舊志論曰書院之制創自宋聘名儒主講席所以補學校之不逮岳麓嵩陽紫陽白鹿復乎
尙矣迨有明諸賢講學東林其遺風雖宗楊氏而聲譽太高不能無流弊焉今書院課士重
舉子業然所讀者四子五經之書所窮者濂洛關閩之學因文見道追蹤前賢庶不負 聖
朝作人之意也夫

當陽縣志

卷之五

政典

書院

四

宜昌印書館承印

考棚附

考棚在學宮東半里居城之中南向門臨大街背北門城道光二十九年縣令董文煜募資創
建其制照牆一座東西二棚頭門三間龍門三間點名棚一座大堂三間左門房三間右官廳
三間宅門內穿堂一間二堂三間左花廳三間右書房四間小廚房二間東號舍前一進十四
間後進十二間西號舍前一進十四間後進十四間照牆左店房一所共四進皆二間所收店租作
考棚歲修資
圍牆周八十餘丈

按當邑舊無考棚縣試之日坐多士於公署風雨無所蔽諸生苦之道光之季年時方承平
闔閭豐樂邑令董公募資創建三年而後成董其事者於東南隅建一祠顏曰董公書院奉
木主其中將以報功也且董公多善政資興其尤著者今以董公書院為賓興公館每年五
月中旬核算資興及各項公費仍奉祀董公云

董公書院在龍門左即賓興公館大門三間堂三間堂後房三間廚房三間

卷價公田

咸豐二年職員羅崇光捐錢二千四百串發典生息以為歲科縣試及甄別月課卷價之資咸豐七年邑紳公請置田以垂久遠共置田二分又撥入充公田一分自此卷價公項遂有定數云

小蓮總姚家西畝田二十三石每年預支租錢一百串咸豐七年邑紳公置

小蓮總姚家東畝田七石每年預支租錢三十串咸豐七年公置

漳鄉總石簡墾田十一石一斗每年租穀三十三石三斗歲款驗收咸豐七年王相書等捐充公項首士稟請撥入卷價項下歲有豐歉穀價亦有

低昂尚恐不敷卷價之用咸豐七年在文峯塔經費內撥錢二百串作本生息均交首士經管每年與賓興同日核算俟有餘之日增置田產

以上租錢租穀交殷實公正首士經管每遇縣試給禮房錢三百零二串四百文以為縣試及書院甄別月課卷價之資三年之間兩次給發均有章程碑記暨考棚內

當陽縣志

卷之五

政典

卷價

賓興

五

宜昌印書館承印

賓興公田

官墾總陸家家田三分每年租銀十六兩七錢

按此本學田乾隆三十八年縣令王楫詳府立案撥入賓興項下

乾溪總田一分每年租錢十緡以上租銀租錢著為定數

按此本荒地遠安交界處道光十六年縣令王朝枏與遠安會勘墾而分之此其歸本邑者黃石總煙墩包田一分每年取租穀二十八石咸豐四年邑紳公置此一分歲款則驗籽收租

鴻橋總井溝河田四石五斗每石每年取預支租錢十八緡咸豐五年公置

鴻橋總琵琶洲田二石每年取預支租錢八緡咸豐七年公置

小蓮總姚家東畝田一分每年取預支租錢三十緡咸豐八年公置以上三分取租較輕無分豐歉永為定數

以上租穀租錢均交殷實公正紳耆經管生息每年五月十七日齊集賓興館核算登簿除朝致鄉會兩試照章給發外餘項仍存生息以為增置田產之資

按周禮鄉大夫以鄉三物教萬民而賓興之謂以賓興禮舉其賢者能者也後世襲此嘉名以飲助寒峻猶得古人之遺意當邑僻處山陬素乏賓興之資每遇春秋兩闈士多裹足邇年來竭力區畫置為公田雖未必多士歡顏於寒素不無小補焉顧名思義其亦無負古之賢能與

當陽縣志卷五終




當陽縣志 第三冊

40260.155

38.2

23



當陽縣志卷六

武備志

兵防

天生五材誰能去兵百年不用可也不可一日而無備邑介荆襄鄖宜之交為用武之國分防兵額足以資彈壓供急遞耳卒有烽火之警則此地首罹賊禍而後援之以兵蹂躪之餘繼以轉運民不堪命往事其前鑒矣思患預防則守禦之不可不亟講也志兵防遠安營分防當陽各汛塘共一十五座馬步兵共一百三十六名

駐筭當陽城汛

領哨千總一員

協防右司外委一員

駐防馬兵八名戰兵六名守兵三十六名

駐紮清溪河汛

協防左司外委一員駐防守兵八名

駐紮河溶汛

前司把總一員

當陽縣志

卷之六

武備 兵防

宜昌印書館承印

駐防馬兵二名戰兵四名守兵十九名

分防各塘兵

慈化寺塘守兵四名

官塢塘戰兵一名守兵四名以上東南路

易家坪塘守兵五名南路

普通寺塘守兵五名西南路

蓮花坪塘戰兵一名守兵四名

玉泉寺塘守兵四名以上西路

七孔岩塘守兵三名

峽口塘守兵四名以上西北路

張王廟塘戰兵一名守兵三名北路

清水鋪塘守兵四名

鴻橋塘守兵四名

漳河口塘戰兵一名守兵四名

以上東北路 按北路舊有塞口山塘乾隆中縣令衛肅以巡檢司移防河溶而漳河口密瀾深山易於藏奸移塞口山塘於此

急遞舖

原設馬三十二匹雍正十年裁減八匹乾隆三十三年奉文全裁



總鋪在城

東南通荊州曰金沙鋪按舊有合洛鋪後裁

西通宜昌三鋪曰黃沙曰玉泉曰蓮花

西北通遠安三鋪曰梯子曰峽口曰馬家

東北通荊門三鋪曰清水曰桑林曰鴻橋

按邑之兵制宋時隸荊門軍明成化初鄖賊劉千斤之亂都御史白圭奏撥遠安千戶所官兵一百名輪戍當陽萬歷時都御史孫應鳌奏請撤回明季流寇之亂生民荼毒當邑尤甚無防禦故也我朝定鼎初西山餘孽時出爲患順治十年始撥安協中軍一員來邑駐防康熙五年改撥荊門營守備六年改設把總十年仍以守備駐防十八年復改把總二十年始撥遠安營千總一員把總一員協防外委二員分防駐劄共馬步官兵一百三十六名至今因之

民壯附

邑之民壯原編一百名除扣解辰州軍餉十一名扣解安陸府貼役十名又奉文裁減十九名所存聽役尙六十名後復奉文裁減實存民壯十八名詳賦役志

舊志論曰民壯古之鄉兵也募民間之壯者爲之而領之以主薄其器械皆自備無事則擇其尤者守城池護庫獄有警則策以應敵此民壯之舊制也屢奉裁減所存惟供縣役非復昔之民壯矣附載於此以備參考

當陽縣志

卷之六

武備 民壯

一一

宜昌印書館承印

保甲附

當邑城鄉四十八總總設鄉約一人或二三人保正二三四人不等每十家爲一牌十牌爲一甲有甲長牌頭輪流充當其鄉約保正令紳耆公舉驗充三年更替凡例禁之事責令稽查首報至於衛所軍戶或另設軍保或歸民保清編各總稍有不同

按周禮大司徒施教法於邦國都鄙使之各以教其所治民令五家爲比使之相保五比爲閭使之相受四閭爲族使之相葬五族爲黨使之相救此後世保甲所自始宋王安石祖其意籍鄉村之民二丁取一十家爲保保丁皆授以弓弩教之戰陣其要在於訓練齊民使皆可用以減募兵紓民力頗得府兵之遺意有司奉行不善未收實效明王守仁撫贛時檄各屬嚴行十家牌法令居城郭者十家爲甲在鄉村者村自爲保各自糾舉分別懲治奸宄無由藏匿所至削平諸賊及蔡懋德備兵嘉湖倣之爲簡便保甲法亦有成效至我 聖祖仁皇帝諭訓諄諄於保甲尤爲急務至乾隆十七年本省臬司明德議刊條規嚴行清編二十二年又總督莊有恭咨清徹底復查其要在責成道府督率所屬無分城市鄉村水陸居民及雜色人等俱造入煙冊每十戶爲一牌有牌頭十牌爲一甲有甲長而率之以保正其牌頭照舊輪流承應保正甲長令紳耆公舉點充三年更替凡例禁之事責令稽查首報條規最爲明備至今因之

寨堡

當邑西北岡陵東南川澤人烟散處無大村落歷代流寇之亂居民或因山為險或阻水為固適足以禦小醜耳至

國朝嘉慶初教匪滋擾奉旨山地則扼險結寨平地則浚濠築堡務期聯絡聲勢與官軍相犄角此寓兵於農之至意亦堅壁清野之良法也承平日久其遺址猶有存者著之於篇以示安不忘危云爾志堡寨

百寶砦在治西北五十里四壁峭削下瞰沮水山下為通遠安大道

觀音砦在治西北五十里形如頓鼓四面壁立石工於山腰鑿路架木為梁乃得上明季邑人史孔修重修上有觀音廟故名彝陵葉太史鐵菴撰有碑記咸豐初年重修為西北砦垣之冠

擊鼓砦在治西北五十里峭壁摩空後臨沮水嘉慶初教匪之亂居民憑險其上數年始歸咸豐二年重修以上三砦鞏河總

揚旗砦在治西北四十里鞏河三洲黃連交界處山形如獅高五六里踞其巔東望荊門塔山西望夔陵巫峽諸峙在目青溪玉泉列其南沮水繞其北形勢最為險峻上有廟曰祖師殿歷代流寇入境三總之民扼險於此得安堵焉

當陽縣志

卷之六

武備

三

宜昌印書館承印

朝陽砦在治北六十里山勢陡峻上可容數百家咸豐二年重修

汪家砦在治北六十五里咸豐二年重修

紀公砦在治北七十里距汪家砦十里有警則互相聲援頗得守望相助之意咸豐二年重修

趙家尖砦在治北七十里上可容數百家咸豐二年重修以上四砦三洲總

胡家大砦在治北七十里咸豐二年重修黃連總

雲臺砦在治北八十里山勢聳特上有祖師廟咸豐二年重修

武安砦在治北八十里本武安山峭壁凌雲形如浮圖登其上可眺江流歷代恃以禦寇咸豐三年重修

馬甲砦在治北九十里四面壁立高入雲霄上可容數千人石垣重門最為險固咸豐二年重修

五雲砦距馬甲砦七里小而銳壁立千尋咸豐二年重修以上四砦呼兒總

大砦在治東北七十里

馬頭砦在治東北八十里

馬安砦在治東北九十里

白馬砦在治東北一百里插梳溝之西明季流寇之亂有教諭職王任乘白馬上砦任斃於賊

奔入岩賊追至見岩垣有赤人持大刀往來巡視賊大驚遁去岩中人俘賊問其故共以爲神

魏家岩岩在治東北一百里

五峯岩在治東北一百里四面壁立下瞰漳水插桅溝環其北小漳河繞其南頂有五峯上可

容萬人爲漳水上第一險峻咸豐中修

栗林岩在治東北一百里咸豐二年修

葛家岩在治東北一百里

寶石岩在治東北一百二十里以上九岩漳河總

祥雲岩在治東五十五里香爐總

方山岩在治東四十里清溪之南

牟家岩在治東北四十里

向家岩在治東北五十里

井溝河岩在治東北五十里

歇馬岩在治東北五十五里

長岡嶺岩在治東北五十里

當陽縣志

卷之六

武備 寨堡

四

宜昌印書館承印

周家灣岩在治東北六十里

茶葉觀岩在治東北五十里

權子岩岩在治東北五十里以上八岩鴻橋總

尙家岩岩在治東北五十里

將軍岩在治東北五十五里

樓子岩岩在治東北五十里

鴉子山岩在治東北四十五里

扎營岩在治東北五十里

五岳岩在治東北五十五里

回紫岩在治東北七十五里

萬丈岩岩在治東北八十里

尖山岩在治東北八十里以上九岩海堰總

漳河口土堡今圯

台溶土堡今圯

兵事

邑在荆峽之交爲用武之地歷代烽火頻警生民塗炭事紀載之詳矣其前代戰守之事及國朝翦除餘孽平定小醜凡在邑境有關於軍政者備載於此亦可見用兵之方略焉誌兵事宋末襄樊陷荊州守臣張夢發陳危急三策其二曰城荊門軍當陽界玉泉山增明崇禎七年春正月流寇陷縣城署縣事之府照磨何名代理典史之經歷沈名漳河口巡檢司徐萬化死之居民死傷甚衆會鎮竿副將楊正芳率步卒五百人兼程進剿賊衆宵遁邑人建楊公祠以祀之詳見古祠舊志十一年賊伏西山時出焚掠巡撫方孔炤駐縣堵剿楊羅二將追賊至黃蓮坪食盡道窮戰死

舊志

按楊羅二將舊志闕名今查東湖縣志軍內載崇禎十一年督師楊嗣昌駐彝陵明年賊犯境檄副總兵楊世恩荊門州守羅安邦赴援云云或卽此二人附載以備參考

十三年巡撫宋一鶴監軍道孔貞會督理京營太監劉元斌總兵孫一元以兵駐縣進剿賊隊逼近邑境時爲官兵所獲九月招降賊目白貴駐紮乾溪一帶以資捍衛舊志

十四年春二月張獻忠自蜀中東竄時督師楊嗣昌困獻賊於梓潼賊宵遁督師偵得之度其間道於某日可抵當陽傳檄下縣預爲之備屆期果至賴都司楊治及降營白貴等力守縣

當陽縣志

卷之六

武備 兵事

五

宜昌印書館承印

城賊不能下國朝順治三年丙戌春大軍由縣入山追賊至遠安還七月招降賊目廖得勝

鎮縣復叛安陸副將賈三省以兵過縣追之

四年丁亥闖賊餘孽一隻虎入寇至合溶鎮旋退又土暴周國酉與叛民周宗習據百寶砦將作亂知縣孫茂槐單騎上聞檄安陸協鎮唐同荊將呂破砦斬之餘黨平

順治五年戊子春西山土暴復亂知縣扈坤遇害守道石巡道李副將萬率兵至縣聞賊會伏誅引兵還七月虎賊陷宜城往還皆經當陽境內苦之

順治六年己丑虎賊出遠安逼近當陽邑荊鎮總兵鄭四維會兵堵剿大破之乘勝窮追其部將呂騰蛟戰死

順治十年癸巳虎賊餘孽李來亨突出當陽劫掠清溪一帶荊將汪吉追戰死之自是荊鎮發兵輪戍遠安邑借爲蔽以上俱舊志

順治十四年春荊鎮遊擊黃名世以兵屯向家坂在治西北賊夜襲其營守備劉某戰死見荊州府志

康熙元年壬寅李來亨等盤據竹房興巴一帶憑險不下至此三省會勦秦軍上庸蜀軍巫山

楚軍當陽轉輸絡繹兵夫不下數十萬二年七月我師退保當陽冬益以禁旅復由當陽進三年秋大破之掃穴無遺類是時地小事繁夫馬征徭本邑爲最舊志

嘉慶元年教匪陳得本劉秀石嘯等聚千餘人由東湖竄入邑境二月城陷典史馬棟死之知

縣黃仁尋遇害城內士民抗節捐軀者甚衆時賊勢方張將復南竄及聞遠安賊首趙之國至乾溪爲鄉團所滅自荊門來者亦被鄉勇遏擊外援遂絕乃踞城不敢出總督畢沅待衛將軍舒亮以大軍至四面攻擊城中食盡七月破城滅之事聞所有出力之官紳兵勇及陣亡殉難者賞恤有差詳人物志

二年賊首姚之富齊王氏王廷詔由歸巴興山東竄將軍明亮參贊德楞泰以大軍追剿水陸並下約夾擊於當陽賊分二隊後隊王廷詔將趨當陽巡撫汪新分兵守當陽東湖以防荊州

三年春賊首張漢潮劉成棟等衆數萬竄入楚境邑民戶出一丁同戍遠安之西風壘三月賊衆大至奪險而出卡勇死者甚衆賊突黃連寺而東掠涪溪河而南至楊家港冒官兵旗幟晨趨河溶巡檢夏永謙死之居民及鄉勇死者無算賊四出焚掠南至柘林灘折竄而東五月五日賊踞觀音寺連柵數十里威勇侯額勒登保由襄陽水陸並下邀擊於南漳斬獲大半餘賊北竄是時縣城戒嚴賊聞有備不敢近

四年賊首徐天德由南漳竄當陽將向荊州將軍明亮總兵孫清元迎擊於天柱山在治東斬獲五十里大半時漳河夏漲賊不能西渡乃沿漳北竄官兵追至觀音寺遇伏賊於楊公橋旋追剿入南漳山中

當陽縣志

卷之六

武備 兵事

六

宜昌印書館承印

五年春教匪竄入楚境當邑及宜都鄉勇同守東湖之宋家壘邑紳樊安邦領其衆賊初不敢近會天大霧賊冒霧度險出其後卡衆失利紳勇死傷殆盡總兵孫清元以大軍至賊遁八月賊復由故道出邑令汪雲銘率鄉勇防堵甚嚴賊循西山經遠安而北自此境內無賊蹤民獲安堵云

咸豐四年夏廣匪上竄昭通鎮王國才迎擊於江陵之龍陂橋大破之餘賊千餘人竄至合涪繞縣城而西黃石總保正黃義盛以鄉勇邀擊之尋遇害會鄉勇雲集賊始遁

當邑僻在山陬西望巫峽北界鄖陽萬山險峻綿亘二千餘里介乎川陝之交爲自古盜賊出沒之路恃險負固時出爲患叢爾一邑適當其衝往往受禍最先而又無險可守及大軍進剿取道於茲挽粟飛芻疲於奔命明季之亂村落幾墟國家休養生息二百餘年矣而流離未盡復生齒未盡蕃也魯語云瘠土之民莫不向義勞也當邑地瘠民勞則風俗之醜樸也宜哉



當陽縣志卷七

祀典志上

文廟

夫崇德報功載在祀典而功高天下德被後世則生民以來未有如孔子之盛者也歷代加封號崇時祭體制亦云備矣我朝追王五代詔天下郡縣學皆以太牢祀孔子而從祀諸賢亦隨時釐定焉其所以闡揚聖道者視前代為加隆則一邑之廟祀自當以學宮為最重謹錄其制度禮樂彙為一帙冠諸祀典以示尊崇焉志文廟

大成殿正位

至聖先師孔子神位

祭品

簋一帛

爵三

登一

鉶二

簋二

簋二

籩十

豆十

俎三牛一羊一豕一

東配

復聖顏子

當陽縣志

卷之七

祀典 文廟

一

宜昌印書館承印

述聖子思子

西配

宗聖曾子

亞聖孟子

祭品東西各一具

簋一

爵三

鉶二

簋二

簋二

籩八

豆八

俎二牛一羊一豕一

東哲

先賢閔子損

先賢冉子雍

先賢端木子賜

先賢仲子由

先賢卜子商

先賢有子若

西哲

先賢冉子耕

先賢宰子子

先賢冉子求

先賢言子假

先賢顓孫子師

先賢朱子熹



祭品東西各一具

簋一帛 爵三 鉶一 簠一
籩一 籩四 豆四 俎一
俎一羊一豕一

東廡先賢

公孫橋 林放 原憲 南宮适 商瞿 漆雕開

司馬耕 梁鱣 冉孺 伯虔 冉季 漆雕徒父

漆雕哆 公西赤 任不齊 公良孺 公肩定 鄔單

罕父黑 榮旂 左人郢 鄭國 原亢 康潔

叔仲會 公西與如 邾巽 陳亢 琴張 步叔乘

秦非 顏喲 顏何 縣亶 牧皮 樂正克

萬章 周敦頤 程灝 邵雍 公晰哀 高柴

西廡先賢 澹臺滅明 宓不齊 公治長 曹卣 公孫龍

蘧瑗 商澤 巫馬施 顏辛 石作蜀 公夏首 后處

樊須 顏高 壤駟赤 秦商 秦祖 秦冉 公明儀 公都子

當陽縣志 卷之七

祀典 文廟

二

宜昌印書館承印

奚容蒧 顏祖 句井疆 秦祖 縣成 公祖句茲

燕伋 樂欬 狄黑 孔忠 公西蒧 顏之僕

施之常 申棖 左邱明 秦冉 公明儀 公都子

公孫丑 張載 程頤

按以上從祀諸賢宋以前皆稱封爵明嘉靖九年改稱先賢某子至宋儒周張程邵五子嘉靖時稱先儒崇禎十五年改稱先賢位在七十子下漢唐諸儒之上國朝俱稱先賢不稱子

東廡先儒

公羊高 伏勝 毛亨 孔安國 后蒼 鄭康成

范甯 陸贄 范仲淹 歐陽修 司馬光 謝良佐

羅從彥 李綱 張栻 陸九淵 陳淳 真德秀

何基 文天祥 趙復 金履祥 陳淵 方孝孺

薛瑄 胡居仁 羅欽順 呂枬 劉宗周 孫奇逢

陸隴其

西廡先儒 高堂生 董仲舒 毛萇 杜子春 諸葛亮

穀梁赤

- | | | | | | |
|-----|-----|-----|----|-----|-----|
| 王通 | 韓愈 | 胡瑗 | 韓琦 | 楊時 | 尹焞 |
| 胡安國 | 李侗 | 呂祖謙 | 黃幹 | 蔡沈 | 魏了翁 |
| 王柏 | 陸秀夫 | 許衡 | 吳澄 | 許謙 | 曹端 |
| 陳獻章 | 蔡清 | 王守仁 | 呂坤 | 黃道周 | 湯斌 |
- 以上兩廡先賢先儒位次謹遵同治二年禮部奏請頒發文廟祀位圖登載
兩廡祭品東西各一具
- 籩一 爵三 簋一 簋一 籩四 豆四 俎一

每歲春秋二仲月上丁日致祭先期五日恭錄正殿及崇聖祠祭祀榜前期三日正獻官公服立明倫堂閱榜用印畢鼓吹發榜凡列名者俱公服從事

前期三日分職事設戒牌誓牌於明倫堂南向正獻官率各官公服詣堂前行一跪三叩首禮戒誓生捧戒牌西向讀曰欽遵令典於 月 日丁 行釋奠禮官生執事人等自今日始沐浴更衣各宿別室不飲酒不茹葷不弔喪不問疾不聽音樂不理刑名致齊二日同宿齊所精白乃心各加敬謹戒之哉又讀誓牌曰國有常憲明神鑒焉讀畢懸戒牌於致齊所設誓牌於戟門外凡與祭官生各給齊牌一

當陽縣志 卷之七 祀典 文廟 三 宜昌印書館承印

前期二日執事恭陳祝版於明倫堂案上恭書祝文正獻官公服北向恭閱訖用黃綾覆蓋安明倫堂正中祭前一日鼓吹引導恭捧祝版安於正殿祝案正獻官詣神位前上行一跪三叩首禮其安崇聖祠祝版禮亦如之

前期一日洗滌祭品陳列於明倫堂正獻官省視黍盛務期豐潔申時設省牲所設香案贊行省牲禮執事者各司其事正獻官就位詣香案前三上香執事者牽牲過香案前省畢贊一揖禮成瘞毛血生於割牲時以碟取毛血捧詣正殿正獻官奉安神位前贊行一跪三叩首禮其於崇聖祠及配享從祀之位奉安毛血禮亦如之

祭之日四鼓正獻官分獻官陪祭官朝服率與祭生出齊宿所由德配天地坊及櫺星門左右入文東再由大成門左右入陰陽官報聲鼓 鼓初嚴 鼓再嚴 鼓三嚴 鼓四嚴 各官起立整冠帶執事 鼓三嚴各武西 節初後後疾 生依次序立於露臺下

贊魚樂舞生序立 執事者各司其事 盥洗 正獻官就位 分獻官就位 陪祭官就位

啓戶、瘞毛血 瘞毛血生詣 神位前一叩與捧毛血出 唱迎神典舉迎神樂 奏昭平之章 唱行上香禮引

獻官升東階 贊詣先師香案前 跪 叩首 司香跪 上柱香 三上瓣香 叩首 興 以次引詣

四配位前上香 儀復位 引出殿右門 唱分獻官行上香禮 引分獻官一升東階入左門一升西 贊詣東哲位前

上香 詣先賢位前上香 復位 唱行三跪九叩首禮 興行初獻禮 興舉初獻樂 奏宣平

之章 舞羽籥之舞 贊行初獻禮 引正獻官詣醴尊所 司尊者酌醴 司者帛奉帛 司爵者奉

爵入殿詣 先師位前 跪 叩首 獻帛 獻爵 叩首 興 詣讀祝位讀祝生詣案前三叩 跪左門 樂止 舞止 贊讀祝典唱樂起 舞起 贊三叩首興 以次酌醴奉帛爵詣 四配位 前奠獻儀 復位唱 行分獻禮在正獻官詣 配位時贊 酌醴奉帛爵詣 酌醴奉帛爵詣兩 廡 先賢位前奠獻儀 復位唱 行亞獻禮典唱舉亞獻樂 奏秩平之章 舞羽籥之舞亞獻無帛 餘如初獻 復位 儀復位 唱行終獻禮典唱舉終獻樂 奏敘平之章 舞羽籥之舞如亞復位 典唱 羽籥之舞退 唱 行飲福受胙禮贊詣福胙位 跪 飲福酒 受福胙 三叩首 興 復位 唱謝福胙 三 跪九叩首 興 徹饌典唱舉徹饌樂 奏懿平之章唱送神 典唱舉送神樂 奏德平之章唱三 跪九叩首 興 樂止 唱司祝者奉祝 司帛者奉帛 司香者奉香 司饌者奉饌 恭送 燎所 詣望燎位 焚祝帛香饌 既燎 復位 闔戶 禮成祝文 維某年月日某官某致祭於 至聖先師孔子曰維 先師德隆千聖道冠百王揭日月以常 行自生民所未有屬文教昌明之會正禮和樂節之時辟雍鐘鼓咸恪薦於馨香泮水膠庠益 致嚴於籩豆茲當仲春祗率彝章肅展微忱聿修祀典以 復聖顏子 宗聖曾子 述聖子思子

當陽縣志

卷之七

祀典 文廟

四

宜昌印書館承印

亞聖孟子配尚饗 樂章

昭平 迎神

大哉孔子 先覺先知 與天地參 萬世之師 祥徵麟紘 韻答金絲 日月既揭 乾坤清夷

宣平 初獻有舞

予懷明德 玉振金聲 生民未有 展也大成 俎豆千古 春秋上下 清酒既載 其香始升

秩平 亞獻有舞

式禮莫愆 升堂再獻 響協鼗鏞 誠孚疊獻 肅肅雍雍 譽髦斯彥 禮陶樂淑 相觀而善

敘平 終獻有舞

自古在昔 先民有作 皮弁祭菜 於論思樂 惟天牖民 惟聖時若 彝倫攸敘 至今木鐸

懿平 徹饌

先師有言 祭則受福 四海贊宮 疇敢不肅 禮成告徹 毋疏毋瀆 樂所自生 中原有菽

德平 送神

冕繹峨峨 洙泗洋洋 景行行止 流澤無疆 聿昭祀事 祀事孔明 化我蒸民 育我膠庠 右旋宮之樂 六章乾隆八年

頽下闕里
詔直省府州縣通行之

樂器

- 麾旛二
- 晉鼓一
- 鑄鐘二
- 編鐘十六枚
- 特磬一
- 編磬十六枚
- 歌鐘歌磬各十枚
- 琴六
- 瑟四
- 鳳簫二
- 洞簫六制始於漢
- 龍笛
- 匏笙六
- 堦二
- 篪四
- 祝一
- 敬一
- 手版六一名木笏樂舞舞譜名曰文生之用未詳所自

第一成

- 予正立羽籥植
- 明正立兩手微拱羽籥如十字
- 玉向西首微側右足進前籥平指西羽斜舉
- 金正面身微蹲籥斜舉羽植
- 生外向兩足並籥植羽倒指內少垂
- 未正立面向外兩手相並推內羽籥植
- 展內向兩足並籥內指羽植
- 懷身向內面轉向外足句後籥指內羽植如十字
- 德正立籥植近肩羽平衡如十字
- 振身俯向東面轉向西兩手伸出羽籥斜交
- 聲向內身俯兩足並羽籥植地
- 民內向羽植籥斜指
- 有正立籥平舉過肩羽植
- 也外向面仰兩手推出羽籥斜舉

當陽縣志卷之七

祀典 文廟

五

宜昌印書館承印

大身微向外兩手推向外羽籥並植

俎向內身俯內足進前籥斜指下羽植

千正立籥斜舉羽植

春正面身微蹲籥植過肩羽平額交如十字

上正立籥平衡羽植籥上

清向內兩足並籥內指羽植如十字

既正立籥平衡羽斜指東

其正立左手伸出籥斜舉羽植近左肩

始正立俯首羽籥如十字

第二成

式正面身微蹲兩手並羽籥植

莫外向身微俯面微仰籥高舉斜指外羽植

升正立羽籥如十字

再身微蹲面向東籥植近肩羽衝膝上

響正立羽籥向下斜交

成正面身微蹲羽籥如十字

豆外向籥下垂右手伸出羽植

古身微向外羽籥偏外如十字

秋向內兩手伸出羽籥植

丁正立籥植居中羽衝籥上

酒身俯向外外足進前趾向上羽籥斜交

載正立身俯籥平衡羽居中植籥上

香正面左足虛立籥衝膝上羽植

升正立兩手高拱過額羽籥如十字

禮內向內足虛立籥斜倚膝羽植

愆內向起內足兩手相並推向外羽籥植

堂正面右足句後兩手高舉羽籥斜交

獻正微蹲面向西羽植近肩籥衝膝上

協正面向內外足進前內趾虛立羽籥並植

鼓 正面向外內足進前外趾虛立羽箭並植

鏞 正立箭總羽倒指東

誠 身俯向西面側向東箭平指羽植如十字

孚 正立首微俯羽箭植

疊 正面起左足箭高舉羽植

馗 正立箭植過肩羽平額交如十字

肅 內向首微俯兩足並羽箭如十字

肅 俯身偏外起外足羽箭如十字

雍 正立兩手伸出羽箭並植

雍 內向箭斜指內羽植箭上

譽 正立箭平舉右手微伸出羽植

髦 正立左手伸出箭平舉羽植近左肩

斯 正面起右足羽高舉箭植

彥 正立箭植居中羽衡箭下

禮 身微向東右足進前羽倚肩箭平指東

陶 正面身勢向東兩手高舉羽箭推向東並植

樂 身微向西左足進前箭倚肩羽平指西

淑 正面身勢向西兩手高舉羽箭推向西並植

相 正立羽箭斜交

觀 仰面向內兩足並羽箭如十字

而 正面身微向東箭下垂羽倚肩

善 身俯面微仰向內抱內膝羽箭斜交如十字

第三成

自 正立箭下垂羽植

古 向外身俯兩足並羽箭斜交

在 正面身微蹲兩手推向內羽箭植

昔 外向起外足羽箭植

先 正面右足交於左羽箭如十字

民 向西身俯左足進前箭下垂羽植地

當陽志卷之七

祀典 文廟

六

宜昌印書館承印

有 向東身俯右足進前箭下垂羽植地

作 正立箭平衡羽植居右如十字

皮 正面左足句後箭斜舉過肩羽植

弁 正面屈右足左足伸出趾向上箭平羽植居中

祭 正面屈右足羽箭偏左如十字

榮 正立身俯羽箭植地

於 內向兩手相並羽箭斜指內

論 正面身勢向外兩手高舉羽箭斜交偏外

思 向內身俯起內足箭衡斜羽植

樂 正立箭下垂衡斜羽植箭上

惟 正面屈左足羽箭偏右如十字

天 正面屈左足右足伸出趾向上箭斜垂羽斜舉

牖 正立箭羽向右斜倚肩

民 正立羽箭向左斜倚肩

惟 正立箭平衡羽高舉

聖 仰面向內箭平指羽植如十字

時 外向箭平指外羽植如十字

若 正立身俯羽箭如十字

彝 外向箭平指外羽植

倫 正立羽箭偏內如十字

攸 正立身俯箭斜植地羽植

敘 正立兩手相交羽箭並植

至 正面屈左足羽箭如十字

今 正面屈雙足箭平衡羽植居右

木 正面屈雙足羽箭植

鐸 俯首至地羽箭如十字

舞器

羽 箭 節

崇聖祠正位五位皆南向

肇聖王木金父公正中

裕聖王祈父公東一室

詒聖王防叔公西一室

昌聖王伯夏公東二室

啓聖王叔梁公西二室

祭品五案同

籩一 爵三 釶二 簋二 簋一 籩八 豆八 俎二一羊一豕一

東配西向

孔氏孟皮

顏氏無繇

孔氏鯉

西配東向

曾氏點

孟孫氏激

祭品東西各一具

籩一 爵三 簋一 簋一 籩四 豆四 俎二一羊一豕一

東廡

周輔臣惇頤之父

程珦珦頤之父

蔡元定沈之父

當陽縣志

卷之七

祀典 文廟

七

宜昌印書館承印

西廡

張迪載之父

朱松熹之父

祭品東西各一具

籩一 爵三 簋一 簋一 籩四 豆四 俎二一羊一豕一

禮節與正殿同惟不用樂

祝文

惟

王弈葉鍾祥光開聖緒盛德之後積久彌昌凡聲教所覃敷率循源而溯本宜肅明禋之典用申守土之忱茲屆仲春秋聿修祀事配以

先賢孔氏

先賢顏氏

先賢曾氏

先賢孔氏

先賢孟孫氏尙

饗

文廟歷代封祀及立學表

朝代	封諡	祀典	立學
周魯哀公十七年	封諡 <small>題額賜予</small>	祀典 <small>配享從祀</small>	立學
漢高帝十二年		立廟於孔子舊宅	命天下郡國皆立學
武帝年		過魯以太牢祀孔子	為博士官置弟子五十人
元朔五年			
元帝永光元年	詔孔霸以所食邑八百戶奉祀		
平帝元始元年	追諡孔子為褒成宣尼公封孔均為褒成侯世襲以奉祀		
三年			詔立學官郡國曰學侯國曰校
光武建武五年		幸闕里遣大司空祀孔子	
明帝永平二年		令學校皆祠孔子	
十五年		親祀孔子及七十二子於闕里	
章帝元和二年		親祀闕里作六代之樂	
和帝永和四年	改封孔子後孔損為褒尊侯		
靈帝光和元年		畫孔子及七十二弟子像	立鴻都門學
魏文帝黃初二年	以孔羨為宗聖侯		
當陽縣志 卷之七 祀典 文廟表 八			
齊王正始二年		以太牢祀於辟雍以顏子配	宜昌印書館承印
晉武帝泰始三年	改封宗聖侯孔震為奉聖亭侯	詔太學及魯國四時以三牲祀	
宋孝武帝孝建元年		詔孔子廟制同諸侯禮	
齊武帝永明三年		詔釋奠先師設軒懸之樂六佾之舞牲牢器用悉依上公禮	
北魏 <small>孝文延興三年</small>	以孔乘為崇聖大夫		
太和十六年	改諡孔子為文宣尼父		
十九年	封孔珍為崇聖侯	親祀闕里	
陳臨海王光大二年	封孔英哲為奉聖侯		
北齊	封三十一代孫為恭聖侯	詔月朔行禮	
北周 <small>靜帝大象二年</small>	追封孔子為鄒國公		
隋文帝	諡宣聖尼父	詔州縣學以春秋二仲月上丁釋奠 按此丁祭之始	
唐高祖武德二年		立廟於國子監	
七年	以周公為先聖孔子為先師配	親臨釋奠	
太宗貞觀二年	尊孔子為先聖顏子為先師配	罷周公專祀孔子	
四年		詔州縣學皆作孔子廟	
十一年	尊孔子為宣父		

二十年			詔州縣釋奠用上丁日以刺史縣令爲祭主祀以少牢無樂
二十一年			初以左邱明卜子夏公羊高穀梁赤大勝高堂生毛萇孔安國戴聖劉向鄭衆賈逵杜子春馬融虞翻鄭康成服虔何休王肅王弼杜預范甯二十二人從祀
高宗乾封元年	贈孔子太師免孔氏子孫賦役	親祀闕里	
總章元年	贈顏子太子少師曾子太子少保並配享	太子釋奠	
中宗嗣聖七年	封孔子爲隆道公		
睿宗太極元年	以闕里近祠三十戶供灑掃贈顏子太子太師曾子太子太保		
元宗開元八年			
十三年			
二十七年	追諡爲文宣王服袞祭贈十哲及曾子等六十七人公侯伯爵	親奠孔子宅遣使以太牢祀墓	令天下州縣立學
二十八年		樂用官懸舞用八佾	
代宗大曆元年		詔春秋二仲月上丁釋奠以三公攝行事	
後唐明宗長興三年		國學祠堂成始釋奠設宮懸	
後周太祖廣順二年	賜曲阜令孔仁玉緋魚袋	初定七十二賢祠享各陳酒脯	
宋太祖建隆三年	親撰文宣王贊	車駕幸闕里拜其墓曰夫子聖人也百王取則安得不拜	
太宗太平興國三年	以孔宜襲文宣公免孔子庸調	用一品禮立十六戟於廟門	

當陽縣志 卷之七 祀典 文廟表 九 宜昌印書館承印

至道三年			賜太學御書六經
真宗大中祥符元年	加諡元聖文宣王追封聖父齊國公聖母顏氏魯國太夫人聖配元官氏鄒國夫人	至闕里謁孔子廟遂拜其墓	
二年	進顏子齊國公闕子以下皆公餘弟子皆侯左邱明以下皆伯	詔太常定州縣學禮器之數	
五年	定諡至聖文宣王		
仁宗景祐元年	賜飛白書殿榜金字篆牌		命藩府皆立學
八年	詔齊國公像易以九章之服		
慶歷四年		詣太學特再拜	以范仲淹請詔州縣興學校
神宗元豐六年	封孟子鄒國公		
七年		孟子配享擲揚雄韓愈從祀	
徽宗崇寧元年	追封孔鯉泗水侯伋沂水侯		
三年		詔名文宣王殿曰大成殿顏孟配享圖以王安石配享	
大觀二年		以子思配享	
四年	詔孔子像執鎮圭用王者制	增門戟二十四	
政和三年		以王雱從祀	
五年		以樂正克配享孟子廟	
欽宗靖康元年		罷王安石配享猶列從祀	

高宗紹興二年	孔氏挈族於衢詔以孔玠襲封		
四年			令府州縣皆置學
七年			
八年	賜衍聖公孔玠衢州田		
孝宗淳熙四年		罷王雱從祀	
甯宗慶元元年		是年金人立孔子廟於闕里	
理宗淳祐元年		以周程張朱從祀謝王安石	
度宗咸淳三年		以顏曾思孟配享升顯孫於十哲以邵雍司馬光從祀	
元世祖中統二年時在宋理宗開慶中		詔有可歲時致祭月朔釋奠	
成宗大德十年		行釋奠禮性用太牢	
十一年	加號曰大成至聖文宣王		
武宗至大二年		制春秋二丁釋奠用太牢	
仁宗皇慶二年		以許衡從祀	
延祐三年	追封孟子父郊為國公母仇氏為邾國宣獻夫人	春秋釋奠仍用宋制以顏曾思孟配享	
文宗至順元年	加封聖父為啓聖王母為啓聖王夫人顏子竟國復聖公會子邾國宗聖公子思子沂國述聖公孟子邾國亞聖公	以董仲舒從祀	

當陽縣志

卷之七

祀典 文廟表

十一

宜昌印書館承印

三年	封聖配為文宣王夫人		
順宗元統元年		命江浙省範銅為聖廟祭品	
明洪武元年	獨孔子後賦給灑掃役戶百	詔天下儒學各建先賢祠春秋附祭制春秋二丁釋奠	
四年		加增籩豆之數性用熟樂六奏	
五年		罷孟子祀尋復	
十四年	詔以後聖像毋用土繪		
十五年		詔天子通祀孔子頒釋奠禮節	
十七年		勅每月朔望府縣官以下詣廟行香	頒禁例勒石明倫堂謂之臥碑
二十六年		頒大成樂於天下 文廟	詔天下府縣立學賜學權增師生膳
二十九年		進祀董仲舒罷揚雄祀	
永樂四年		服皮弁行一奠四拜禮	
宣德八年	詔賜孔諤進士授春坊中允	以吳澄從祀	
正統二年	優免先聖子孫徭役	以胡安國蔡沈真德秀從祀	
三年		禁祀孔子於釋老宮自兩廡升無繇子哲伯魚配享啓聖王	
成化十二年		增籩豆十二樂舞八佾	
十六年		詔所在過孔門者皆下馬	

當陽縣志

卷之七

祀典 文廟表

十一

宜昌印書館承印

宏治八年

以楊時從祀

嘉靖九年

改尊孔子曰至聖先師顏子復聖曾子宗聖子思述聖孟子亞聖其餘弟子為先賢左邱明以下為先儒罷封爵去肖像用木主

定國學鐘豆十天下鐘豆八樂六佾四配鐘豆六十哲鐘豆四兩廡如之罷申黨公伯寮秦冉顏何荀况戴聖劉向賈遠馬融何休王肅王弼杜預吳澄從祀改林放遠瑗鄭元鄭衆盧植服虔范甯各祀於其鄉增祀啓聖公通胡瑗歐陽修陸九淵從祀專祠祀啓聖公以顏無繇曾點孔鯉孟孫激配享又以周輔臣程珦蔡元定朱松從祀

以薛瑄從祀

隆慶五年

以陳獻章胡居仁王守仁從祀

萬曆十二年

以羅從查李侗從祀

崇禎十年

改左邱明及宋儒周邵程張朱六子皆稱先位七十子下

國朝順治元年

定月朔釋菜禮月望行香儀及進士釋褐釋菜禮

二年

尊為大成至聖文宣先師孔子

九年

詔四配十哲及東野周張程朱之後各世襲五經博士

十四年

定尊稱曰至聖先師孔子

頒 御製臥碑於天下府州縣學明倫堂左

康熙二十三年

勅懸 御書萬世師表額於天下

二十九年

立文廟下馬碑

三十九年

詔以閔子端木子後世襲博士

詣孔林謁 先聖墓勸 御製詩於石

當陽縣志

卷之七

祀典 文廟表

十一

宜昌印書館承印

四十一年

四十九年

詔直省同城武職一體行禮

五十年

定文廟樂章

五十一年

詔以言子後為世襲博士

五十四年

詔升朱子於十哲之次配享

五十九年

詔以下子後為世襲博士

雍正二年

封先師五代為王更啓聖祠為崇聖祠以閔子損冉子雍冉子耕顯孫子師有子若之後為世襲五經博士

改幸學為詣學復林放蘧瑗秦冉顏何鄭康成范甯從祀又以縣宣牧皮樂正克公都子萬章公孫丑及諸葛亮尹焞魏了翁黃幹陳淳何基王柏趙復金履祥許謙陳澧羅欽順蔡清陸隴其從祀又以張迪從祀啓聖祠定天下廟建忠義孝弟節孝祠

三年

詔避聖諱除四書五經外凡遇此字加曰

定天下丁祭用太牢

四年

勅懸 御書生民未有額於天下

乾隆二年

詔以韓愈後為世襲博士

復以吳澄從祀

三年

勅懸 御書與天地參額於天下

升有子於哲位下子之次

三十三年

定正殿曰大成殿門曰大成門

嘉慶四年

勅懸 御書聖集大成額於天下

道光二年

勅懸 御書聖協時中額於天下

以劉宗周從祀

頒 御製訓飾士子文於天下 文廟

三年			以湯斌從祀
五年			以黃道周從祀
六年			以陸贄呂坤從祀
八年			以孫奇逢從祀
二十三年			以文天祥從祀
二十九年			以謝良佐從祀
咸豐元年	勅懸 文廟	御書德齊倫載額於天下	以李綱從祀
二年			以韓琦從祀
三年			以公明儀從祀
七年			以公孫儒從祀
九年			以陸秀夫從祀以孟皮配享崇聖祠
同治二年	勅懸 文廟	御書聖神天縱額於天下	以毛亨方孝孺呂柟從祀

當陽縣志 卷之七 祀典 文廟表 十二 宜昌印書館承印

名宦祠在大成門左

漢馮野王 晉杜預 唐田仁會 宋謝徽明又祀忠義祠內 元張彥文

國朝楊宗仁

鄉賢祠在大成門右

梁鄧元起 元衛應辰 張灝 明歐陽琦 梁國相 國朝梁焜

梁山金

祭品二祠同

帛一 爵三 籩四 豆四 俎一羊一豕一

禮節二祠同

每歲春秋丁祭前一日潔掃祠宇蠲滌祭器執事生繕祝版承祭官省視桑盛務期精潔
 釋奠禮畢承祭官公服詣祠致祭唱就位 迎神贊詣香案前 三上香 跪 獻帛 三
 獻爵叩首 讀祝 叩首 興 復位唱跪 三叩首 興 送神 焚祝帛 望燎 復
 位 禮成

名宦祠祝文

維某年月日某官某致祭於

名宦之靈曰卓哉羣公懋修厥職澤沛生靈功垂社稷今值仲春謹以牲帛醴齊用仲明薦尚饗

鄉賢祠祝文

維某年月日某官某致祭於

鄉賢之靈曰於惟羣公孕秀茲邦懿德卓行弈世流芳今值仲春謹以牲帛醴齊用仲明薦尚饗

忠義孝弟祠在明倫堂右祠額止忠義二字

宋謝徽明

明徐萬化

副將楊公失名

明金大赤

熊穎捷

陶冶

陶鑄

國朝呂騰蛟

汪吉

馬棟

黃仁

蕭文燦

按嘉慶初士民殉難者尙多未邀祀典不具載詳見人物志忠義列傳

祭期祭品禮節與名宦鄉賢祠同

忠義孝弟祠祝文

維某年月日某官某致祭於

忠義孝弟之靈曰惟靈稟賦貞純躬行篤實忠誠奮發貫金石而不渝義問宣昭表鄉閭而共式祇事懋彝倫之大性摯我蒿克恭念天顯之親情殷棣萼楷模咸推乎懿德綸恩特闡其幽

當陽縣志

卷之七

祀典 祠

十三

宜昌印書館承印

光福字維隆歲時式祀用陳尊俎來格几筵尚饗

節孝祠在東門內咸豐十一年知縣任道鎔建祠內牌位名次甚多詳見列女志

祭期祭品禮節與忠義祠同

節孝祠祝文

維某年月日某官某致祭於

節孝之靈曰惟靈心爭皎潔德著柔嘉抱璞完貞全閨中之亮節竭誠致敬彰閩內之芳型茹冰檠而彌堅清操自勵奉榮區而匪懈篤孝傳徽幽光特荷乎絲綸令典永昭於祠宇祇循歲祀式薦尊醪尚饗

胡文定公祠在治北十五里清水總龍泉寺之右祠在墓前即文定書院故址道光十六年縣令王朝枏捐俸重修凡享堂三間廂房兩間門樓一間今漸圯每歲春秋與社稷壇同日致祭其祭品禮節與名宦鄉賢祠同餘詳陵墓

按胡文定在宋崇寧間爲蔡京所擠退居漳濱卒葬於此明成化初邑令黃恕奏請春秋祀國朝祀典舊志未詳道光中縣令王朝枏既修祠宇訪諸地方耆舊相傳乾隆中有文定後裔胡蘭詳准奉祀蘭卒無子祀絕因嘉慶元年教匪之難文卷全燬詳請藩司及原屬之安陸府查案飭遵奉批以曾遭水火文案不全等因是以無從詳請祀典其祠宇亦年久漸圯每歲在書院膏火項下撥錢五貫八百文以爲祭祀之費至今因之

當陽縣志卷七終



當陽縣志卷八

祀典志下

武廟

昔韓昌黎有言祀而徧天下者惟社稷與孔子為然關聖為漢名臣而廟祀徧天下與孔子等何其盛歟記曰法施於民則祀之以關聖之忠義固已氣塞天地光爭日月其足為後世法也固宜國家追崇之典視前代為加隆當邑陵寢所在春秋既專官致祭而城中廟祀仍歲時不廢焉雖曰神道設教要亦見功德在人不可泯也志武廟

武廟在縣署東文廟之右舊本縣署地明天啓中改建凡為殿三日拜殿曰正殿正殿後曰三義殿故一名三義祠每朔望行香於此道光初後殿燬改作僧房時藉作賓館焉

關帝廟在治西五里即陵寢也墓前數武為寢殿神像冕旒執圭範銅為之故一名銅殿殿前有廊左右各五間又前為大殿重簷四垂規模悉備又前為拜殿殿前左右畫廊各十二間又前為戟門為馬殿左右有門門前左右為鐘鼓樓又前為三元門陵之大門也門前為漢室忠良石坊左右列華表高丈餘又前為神道碑上書封號官爵而覆以亭在銅殿左者為啓聖宮在大殿左者為八角亭亭上勒有辭曹行像亭後為春秋樓樓下則承祭官齋宿所也在啓聖宮前亭前為齋房為庖廚在拜殿左在大殿右者為伯子祠祠後為佛堂在拜殿右者為僧房

當陽縣志

卷之八

祀典 武廟

宜昌印書館承印

廟左為博士署重以外垣四面環繞袤三百餘步廣二百餘步規模壯麗今漸朽矣餘見陵墓

按陵之有廟始於明成化三年縣令黃恕請於朝立廟春秋祀凡曰殿者三日門者二曰堂曰祭臺各一十五年鎮守太監章貴來謁墓謂廟必有寢捐金建堂於廟後縣令姜英董其役英復節俸資高其門垣頗增舊制宏治十年縣令劉松重修嘉靖十五年太保都督陸炳司禮太監黃錦共捐俸金令守備太監張方撤而新之增建石坊及鐘鼓樓繚以垣牆而守之以僧萬歷卅一年縣令馮仕修伯子祠於大殿之左崇禎十三年閣督楊嗣昌巡撫宋一鶴倡捐重修國朝康熙十七年總督蔡毓榮倡捐重修三十四年督撫倡率通省醵金重修凡殿樓門垣皆鼎而新之董其事者荊州太守魏勳也見舊志及陵廟紀略乾隆二十一年縣令苗肇岱詳請通省欽助重修二十四年工竣四十八年布政司永慶檄令黃德荊襄鄭宜施及安陸八府各州縣捐俸重建凡陵寢戟門馬殿春秋樓伯子祠及博士署皆煥然一新見續志嘉慶元年教匪之難殿宇多壞八年縣令王文然奉檄重修歷久漸朽道光元年因沮水西徙逼近門垣縣令張開雲詳准重修并於河岸修石磯以障之水怒輒圯六年水大漲河徙而東去陵門數百步人謂神靈呵護云三十年縣令董文煜集歲修貲益以考棚公費重修寢殿咸豐五年縣令馬晉圖重修馬殿八年縣令黃鐘鳴重修



伯子祠按自乾隆三十年來撥祭田租歲入五十餘金作歲修費然工鉅而費少動用常不敷邇來殿宇漸朽率皆擇其已甚者亟加補葺工之細者不具載
歷代封號

按後漢景耀三年追諡壯繆侯宋大中祥符七年封忠義神武王崇甯元年封忠惠公大觀二年封武安王宣和五年封義勇武安王建炎二年封壯繆義勇王清熙十四年封英濟王明洪武元年復稱漢壽亭侯二十年建廟於順天正陽門內嘉靖中稱義勇武安王萬曆十八年加封帝號四十二年加封三界伏魔大帝神威遠震天尊關聖帝君
國朝順治九年夏禮部題准三界伏魔神威遠震天尊

勅封忠義神武關聖大帝康熙時

勅封協天伏魔大帝雍正五年奉

旨追封關帝三代公爵州縣皆建專祠春秋二仲及五月十三日皆祭以太牢地方官朔望行香如文廟禮乾隆三十三年奉

勅加封忠義神武靈佑關聖大帝向以博士承祭春秋官祀縣令行禮四十六年總督舒常奏言當陽章鄉爲

關聖陵寢重地與他處僅有廟祠者不同請以宜昌總兵及該管之安陸知府輪往承祭以昭誠敬其章鄉一切夫馬採買軍需概予豁免

當陽縣志 卷之八

祀典 武廟

宜昌印書館承印

制曰可按自乾隆五十六年改屬荆門直隸州以後秋季則州牧承祭

道光七年奉

勅加封仁勇八年奉

勅加封威顯咸豐二十年奉

勅加封護國三年奉

勅加封保民四年奉

勅升入中祀加封三代爲王並奉

頒發祝文樂章

正殿春秋二季及五月十三日祭品

簋一帛 爵三 登一 釧二 簋二

籩十 豆十 俎三牛一羊一豕一 五月十三有果品五盤

禮節

每歲春秋二仲諷吉致祭及五月十三日致祭先期三日至祭之日一切禮節與

文廟同惟無分獻

春秋二季祝文咸豐四年頒發

維某年月日某官某致祭於

忠義神武靈佑仁勇威顯護國保民

關聖大帝神位前曰維

神星日英靈乾坤正氣允文允武紹聖學於千秋至大至剛顯神威於六合仰聲靈之赫濯崇

典禮於馨香茲當仲春用昭時享惟祈昭格克鑒精虔

五月十三日祝文

惟神九宇承庥兩儀合撰崧生嶽降溯誕聖之靈辰日午天中屆恢台之令序聰明正直壹者也

千秋徵辟蠶之隆盛德大業至矣哉六幕肅馨香之薦爰修懋典式展明禋必芬時陳精誠

鑒格尙 饗

樂章

格平之章迎神

懿鏢兮焜煌神威靈兮赫八方偉烈昭兮累禋祀事明兮永光達精誠兮黍稷馨香儼如在

兮洋洋

翊平之章初獻 有舞

當陽縣志 卷之八

祀典 武廟

三

宜昌印書館承印

英風颯兮神格思紛綺蓋兮龍旗刺桂醕兮盈卮香始升兮明粢惟降鑒兮在茲流景祚兮

翊昌時

恢平之章亞獻 有舞

觴再酌兮告虔舞干戚兮合宮懸歆苾芬兮潔獨扇巍顯翼兮神功宣

靖平之章終獻 有舞

鬱鬯兮三申羅籩簋兮畢陳儀卒度兮肅明禋神降福兮宜民宜人

蘇平之章徹饌

物惟備兮咸有明德惟馨兮神其受告徹兮禮終罔咎佑我邦家兮孔厚

康平之一章送神

幢葆歲蕤兮神聿歸馭鳳軫兮騶虬駢降網緼兮餘劬緝願回靈盼兮德洽明威

康平之二章饗燎

蕉蒿列兮燎有輝神光遙燭兮祥雲霏祭受福兮茂典無違庶揚駿烈兮永奠疆畿

後殿三代神位皆南成豐四年奉旨加封爲王

光昭王正中
裕昌王東一室

成忠王西一室

祭品

饗一帛 爵三 簋二 簋二 籩八 豆八 俎二羊一豕一

禮節與 崇聖祠同

祝文

惟

王世澤貽庥靈源積慶德能昌後篤生神武之英善則歸親宜享尊崇之報列上公之封爵錫命優隆合三世以肇禮典章明備恭誦吉日祇事薦馨尙 饗

祭田

共田六百八十畝乾隆十年奉文酌撥水陸田二百四十畝給博士承種乾隆三十年前縣令衛

詳請撥田二百四十畝每年租銀五十五兩經典史徵收除納正供外餘存縣庫作歲修報銷餘田二百畝仍歸住持僧承種以供香火

文昌宮

史記天官書謂斗魁戴隆六星為文昌宮將相祿命屬焉漢儒以為即周禮六宗之司中然則文昌為天神其陰陽下民弼成文教乃其職也國朝列入典祀及咸豐四年奉旨升入中祀與武廟等典至隆矣舊志列壇廟中茲表而出之附於文武廟後重明禮昭肝鬻庶有合於崇報之典歟志文昌宮

文昌宮在東南城上道光十五年知縣王朝枏募貲重建按舊志載文昌閣在東門城樓嘉慶中遷至今地甃石為基高丈餘背城面北易名曰宮歷久漸圯道光中撤而新之加舊基高與城等南其向凡為殿者二曰正殿曰拜殿又前為門距雉堞數武甃磚為坊高出堞上殿左右平地為僧房殿後平地為園最後當街為門即昔之前門也地址共袤三十餘丈廣十餘丈祭制

謹按嘉慶六年奉

旨文昌帝君仿照關帝廟制列入祀典春二月初三日聖誕致祭秋季以奉文日致祭禮與武廟同惟不用樂咸豐四年奉

旨升入中祀春秋二仲諷吉致祭及二月初三日致祭一切祭品禮節與武廟同並

當陽縣志

卷之八

祀典 文昌宮

五

宜昌印書館承印

頒發祝文樂章

春秋二季祝文

惟

神道闡苞符性敦孝友並行並育德侔天地以同流乃聖乃神教炳日星而大顯仰鑒觀之有

赫示明德之維馨茲當仲春用昭時享惟祈秋

欽格克鑒精虔

二月初三日祝文

惟

神功參橐籥撰合乾坤溯誕降之靈辰三台紀瑞度中和之令節九宇承暉若日月之有光明闡大文於孝友如天地無不覆載感至治於馨香爰舉上儀敬陳芳薦精禋罔斁

神鑒式臨尙饗

樂章

不平之章迎神

秉氣兮靈躔翊文運兮赫中天颯旌兮戾止雕俎兮告虔迓神庥兮於萬斯年

倣平之章初獻

神之來兮簞簟式陳神之格兮几筵式親極昭彰兮靈貺致獨潔兮明禋升香兮伊始居歆兮佑我人民

煥平之章亞獻

再酌兮瑤觴燦爛兮庭燎之光申虔禱兮神座儼然降兮帝旁黍醴潔兮齊漱將綏景運兮靈長

煜平之章終獻

禮成三獻兮樂奏三終覃敷元化兮繫神功馨香達兮脗嚮通款明德兮昭寅衷

懿平之章徹饌

備物兮惟時告徹兮終禮儀神悅懌兮鑒在茲垂鴻佑兮參治重熙

蔚平之一章送神

雲駢駕兮風旂招神之歸兮天路遙瞻翠葆兮企丹青願迴靈眷兮福我朝

蔚平之二章望燎

網緼降兮元氣和神光燭兮梓潼之阿化成耆定兮橐弓戢戈文治光明兮受福則那

後殿

謹按嘉慶六年禮官議覆

當陽縣志

卷之八

祀典 文昌宮

六

宜昌印書館承印

文昌帝君三代姓名查無確據未便請加封號謹擬增製牌位一分牌面用文昌帝君先世神位字樣紅飾金書春秋致祭行二跪六叩首禮餘同前殿

祭品

帛一 爵三 劔二 簋二 籩二 豆八 俎二羊一豕一

春秋二祭祝文嘉慶六年 頒發

祭引先河之義禮崇反本之思矧夫世德彌光延賞斯及祥鍾累代炯列宿之精靈化被千秋為人文之主宰是尊後殿用答前麻茲值仲春肅將時祀用申告虔秋

神其格歆尙 饗

二月初三日祝文咸豐四年 頒發

維

文昌帝君道備中和神超亭毒稟貽謀而允紹欽毓聖之有基雲漢昭回際嶽降嵩生之會馨香感格興水源木本之思式肇明禋用光彝典尙祈神鑒享此清芬

壇廟

考之祭法凡有功烈於民者皆祀之所謂民成而致力於神也國家崇德報功視前代為更備雖蕞爾一邑而山川神祇及忠孝節烈之有關風化者莫不謹遵令典歲時致祭於以祈豐穰災且化民而成俗也其所裨豈淺鮮哉志壇廟

社稷壇在城外東南教場之右築土為基三面有陛各三級級以周垣四方皆有門祭時由北門出入按孝經援神契曰社者土地之主禋者百穀之長鄭元謂古者官有大功則配食其神句龍有水土功故祀社稷有播種功故祀稷唐宋以來分祀合祀無定制木主石主無定形明洪武初始停配享合社稷為一壇用木主祭則設於壇上至今因之每歲春秋二仲月上戊日出主於壇左社右稷

祭品

帛一黑 爵三 釧一 簋二 籩四 豆四 俎二羊一豕一

禮節

祭之日承祭官朝衣行三獻禮三跪九叩首

祝文 乾隆九年 頒發

維

當陽縣志

卷之八

祀典 壇廟

七

宜昌印書館承印

神奠定九州粒食萬邦分五色以表封圻育三農而蕃稼穡恭承守土肅展明禋時屆仲秋春敬

修祀典庶芟七松柏鞏磐石於無疆翼翼黍苗佐神倉於不匱尙 饗

風雲雷雨山川壇在西門外長坂坡制與社稷壇同按周禮大宗伯之職曰燹燎祀司中司命

風師兩師鄭衆注風師箕也兩師畢也漢以丙戌祀風師於戌地已丑祀兩師於丑地宋人

兆風師於西郊祀以立春後之丑日兆兩師於北郊祀以立夏後之申日雷師之祀起於唐

天寶中宋元因之明洪武初於風雷雨之外加以雲合為一壇續舊志

每歲春秋二仲日上戊日合祭於壇風雷雨雲居中帛四山川居左帛二城隍居右帛一

白色其餘祭品與社稷壇

禮節與社稷壇同

祝文

維

神贊襄天澤福佑蒼黎佐靈化以流形生成永賴乘氣機而鼓盪溫肅攸宜磅礴高深長保安

貞之吉憑依鞏固實資捍禦之功幸民俗之殷盈仰神明之庇護恭修歲祀正值良辰敬潔

豆籩祇陳牲幣

先農壇在東門外舊志載籍田四畝九分乾隆二十四年知縣苗肇岱重修查丈除祠基壇址

五分三釐實籍田四畝七分一釐歲收粟五石至三石不等僅供祭祀糝盛費料粟數及祭費每年造冊報銷祠壇基地橫七弓二尺長十七弓周圍垣牆上橫十九弓中橫二十三弓下橫七弓中長十七弓東抵張界西抵教場並朱張界南抵朱張界北抵教場續志每春奉文以耕籍日致祭禮同山川社稷祭畢耕籍行九推禮農夫終畝勸農有資

祝文

神肇興稼穡粒我蒸民頌思文之德克配彼天念率育之功常陳時夏茲當東作咸服先疇洪惟九五之尊歲舉三推之典恭膺守土敢忘勞民謹奉彝章聿修祀事惟願五風十雨嘉祥恆沐於神麻庶幾九穗雙歧上瑞頻書於大有

八蜡神位附立於先農壇內自雍正六年奉文始每季冬上戊日致祭禮節視先農稍殺焉

按八蜡一曰先嗇二曰司嗇三曰農四曰郵表畷五曰貓虎六曰坊七曰水庸八曰昆蟲張載以昆蟲爲害不當祭易以百種謂百種者五穀之種也明邱濬云夏爲嘉平殷爲清祀周爲大蜡秦謂之臘漢因之按八蜡之昆蟲非祭昆蟲祭神之主昆蟲者也易之誤也又蜡臘雖皆舉於十二月然考之禮本屬二祀俱有明證漢儒合而一之亦誤也

常雩無壇卽於風雲雷雨壇中設社稷先農山川之神每歲孟夏以奉文日致祭禮與社稷壇

當陽縣志

卷之八

祀典 壇廟

八

宜昌印書館承印

同祝文

恭膺詔命撫育羣黎仰體彤廷保赤之誠勤農勸稼俯懷葭屋資生之本力穡服田令甲爰頌肅舉祈年之典惟寅將事用申守土之忱黍稷惟馨尙冀明昭之受賜來牟率育庶俾豐裕於蓋藏

邑厲壇在北門外乾隆二十五年重築定界勒石

按祭法王立七祀有泰厲諸侯五祀有公厲大夫三祀有族厲又士喪禮疾病禱於厲鄭氏謂漢時民家皆秋祠厲明洪武三年上以兵革之餘死無後者其靈無所依命議舉其禮禮官奏春秋傳曰鬼有所歸乃不爲厲古者七祀於前代帝王公卿大夫之無後者皆致其祭豈無所爲而然哉後世以爲涉於淫詔遂不舉行而無依之鬼乃附士民爲禍福以邀享祀蓋無足怪今欲舉其祀宜於京都王國各府州縣及里社皆祭之使災厲不作是亦爲民除害之一端也上然之京師謂之泰厲王國爲之國厲府州謂之郡厲縣謂之邑厲民間爲鄉厲著爲定式至今因之按今各州稱州厲壇

每歲清明日七月望日十月朔日致祭先期承祭官告於城隍廟屆期迎城隍之神出至壇所列邑中無祀神於側祭品羊三豕三飯米三香燭酒楮皆具行二跪六叩首禮

祭文

時值陽和節居清明野原荒塚醮祭頻臨憐爾孤魂斬祀無人具我酒饌潔我柔盛來飲來
食無犯無驚清明日

律叶夷則風露淒其凡民有主祭祀以時惟爾孤魂飄蕩無依我將我奠飲斯食斯共為靈鬼

衛我郊圻七月望日

月維孟冬北風其涼凜凜霜雪黯七郊荒憐爾孤魂依附無方我將我奠來飲來嘗逍遙境

內永獲厥祥十月朔日

城隍廟在儒學東歲無常祀春秋二仲附享於山川壇三月清明七月望日十月朔日主享於

邑厲壇凡水旱祈禱皆特設祭

按易曰城復於隍又曰地險山川邱陵後世專藉城郭池隍以為固然則城隍之祀其即山林川澤之祀而推焉者也唐李縉雲城隍記謂祀典所無惟吳越有之然成都城隍祠為李德裕所建張說有祭荊州城隍文杜牧有祭黃州城隍文則不獨吳越為然矣又蕪湖城隍建於吳赤烏二年南燕慕容儼梁武陵王祀城隍神皆書於史又不獨唐為然宋以後其祀遍天下或賜廟額或頒封爵甚或遷就附會各推一人以為神之姓名如鎮江慶元甯國太平華亭皆以為紀信龍興贛袁吉安建昌臨江南康皆以為灌嬰是也長樂國經云漢御史

當陽縣志

卷之八

祀典 壇廟

九

宜昌印書館承印

周苛守滎陽為項羽所烹令郡邑皆附郭立廟祀之城隍之祀疑或自此昉歟古皆有爵號明洪武時改稱某府州縣城隍之神至王崇簡云蜡祭水庸居七水則隍也庸則城也此正祭城隍之始亦存以備參考云舊志

呂祖殿在玉陽觀之右同治三年士民重修

按純陽呂祖歷代已有封號 國朝嘉慶十年江南河督徐准禮部咨覆奉

旨列入祀典嗣經 內閣奏請加封奉

旨加變元贊運四字於原號之上行文河督遵於淮郡地方建祠崇祀至各省原有廟宇應令

地方士民自行供奉一體遵照每歲春秋二仲月諏吉致祭

祭品

果品五盤

饅首五盤

蒸糕五盤

餅四盤

高頂一盤

龍神祠在東門外草街頭

年重修

每歲奉文致祭



當陽縣志卷九

祠宇志

古祠

邑之壇廟列祀典者詳矣至玉泉亦有顯烈祠河溶亦有文昌宮他如雙忠祠四賢堂楊公祠之類皆前代有功德於民至今祠宇未盡廢也附於壇廟則湮抑之寺觀則誣茲別為一類列於祠宇之首雖曰民間尸祝然蜀祭諸葛潮祀昌黎人心所繫千百世不忘可也志古祠

雙忠祠在治東南七十里柘林灘上舊祀申包胥屈原二大夫今廢按遺址猶存俗名老廟坡

北關廟在北門外河街

顯烈祠在玉泉寺北內祀關聖珠泉經其前嘉慶二十二年丁丑傅相阮文達公方制楚閱兵過此題額曰最先顯聖之地

漢忠義祠在西門外內祀張桓侯趙常山以都督趙累等三人配乾隆二十四年縣令苗肇岱倡建

張趙祠在治北五里官橋今廢

張桓侯廟在西門外咸豐二年居民重建

當陽縣志卷之九 祠宇 古祠

宜昌印書館承印

文昌閣在東門城樓道光三十年重建按乾隆二十八年邑人吳極捐地二分以廣基地

文昌宮在河溶又文峯塔亦有文昌宮內附祀劉猛將軍

青雲閣在清溪內祀文昌

四賢堂在玉陽山舊祀宋儒唐質肅胡文定朱漢上陸象山四先生亦名玉陽書院今廢

二趙祠在萬城祀宋趙方趙葵父子今廢

四公祠在玉陽觀旁邑人建舊祀明巡撫趙賢巡道王垓鄧林喬郡守趙睿四公報修城之功也今廢

楊公祠一在北門內明崇禎間鎮守副總楊正芳有捍賊功邑人建祠祀之今為白衣菴木主

猶存一在河溶久圯前邑令王械倡捐修復有碑記其事祠前借修塘汎云

節烈祠在署右今遷神牌於東門節孝祠內



會館附

禹王宮即湖南會館一在西門外長坂坡下湖南商民公建一在河溶下街同治初年長沙鄭敦祜倡捐鼎建

關帝宮即山陝會館一在東門內乾隆丁未西商建成豐中重建一在清溪

萬壽宮即江西會館一在西門外乾隆壬寅年豫章商民公建一在河溶

天后宮即福建會館在河溶鎮

鄂城書院即武昌會館一在南門內道光十七年修一在河溶鎮道光八年建

按當邑民風醱樸務重農桑市井中懋遷服賈者大半自遠方來僑居既久各建祠宇以為恭敬桑梓地聳翠流丹足令山川增色矣舊志止山陝江西兩館茲推而廣之附於古祠後亦見商賈輻輳為民物滋豐之一助云

宜陽縣志

卷之九

祠宇 古祠

二

宜昌印書館承印

寺觀

祇園蘭若幾徧寰區論者恆以方外置之然名山大川林泉幽勝之處往往樓閣參差照耀雲霞詞客騷人於此騁遊覽奇吟詠焉矧前代碑碣及鐘鼎遺文流傳於琳宮梵宇間閱千百年猶有存者雖蕞爾一邑其勝蹟為不少也著之於篇以備稽考當亦藝林所不廢云志

寺觀

玉泉寺在治西三十里即智者禪師道場隋開皇初勅建賜寺額詳玉泉志乾隆二十四年知

縣苗肇岱倡捐修毘盧殿天王殿並寺前石橋餘詳山水

東禪堂有講經臺般舟堂救書樓西禪堂有十方堂藏經閣文殊樓傳燈樓

柴紫菴在玉泉寺左有堂曰淨名明萬歷時公安袁宏道建宏道與其弟中道嘗讀書於此

大通寺在玉泉寺東楞伽峯亦名七里松

度門寺在玉泉寺東即神秀道場有碑唐張說撰文盧藏用書

一音寺在玉泉寺東亦智者道場今廢俗呼為音寺岩見山川志

大雲寺在治西南二十五里乃真公蘭若即南菴

龍泉寺在治北十五里晉孝武時慧遠法師駐錫處

清溪寺在治東四十里晉遠公道場明永樂十三年重建

觀音寺在東北九十里漳河口隋大業己酉年建為邑中十五寺之一溪河自東北來繞寺後

而右南入於漳漳河自西南來經寺前而東又折流而南兩水滌洄四山環繞亦勝境也
觀音寺在河洛元至正間建

紫蓋寺在治南六十里唐貞元中天皇悟禪師建餘詳山水

慈化寺在治東南二十里唐黃龍禪師建左環溪水右帶沮河

富里寺在治東南五十里

報恩寺在治南一里山水縈環林木幽秀爲附郭諸刹之冠

三星寺在治東六十里傳爲唐一行禪師道場

郝母寺在治東四十里元延祐七年廣福禪師建

雲披寺在治東三十五里

洪山寺在治南三十里

聖水寺在治南四十里唐德宗時爲道明禪師建寺前有石洞名聖母歲旱禱雨多應

紫荊寺在治南六十里明永樂十三年勝義禪師建

普通寺在治南七十里

潮音寺在城西北隄上層峯拱向林木清幽

圓通寺在治北五十里晉遠公道場內有晉武帝點明宣德二年了能重建

當陽縣志

卷之九

祠宇 寺觀

三

宜昌印書館承印

普濟寺在治北六十里永樂間秀峯禪師結廬於此

五印菴在治北明天啓間孝廉栗聯芳建

天符廟在城外東南

泰山廟在治南二十里

水府廟一在草街一在北門鄭公隄

玉陽觀在玉陽山明崇禎間主簿王家棟重建

永興觀在治東唐元和中創建宋廢明天順初重建於東門外

燦霞觀在治東六十里圓臺山唐玉真公主建

紫金觀在治東北四十里方山上



當陽縣志卷十

職官志

令佐

古者設官所以治民而親民之官莫如守令漢時所以重二千石也後世重內輕外吏道多雜宋以文臣出知州以朝臣強幹者為知縣州縣之權始重循良卓異代有傳人矣邑本漢縣北周以降曾改為州刺史多不載即令長亦有失傳者茲因舊志按年編次以承尉附焉作令佐表

令佐表一 自漢至元作一表

朝代 令長 自漢至元縣丞以下俱無考

漢 馮野王 有傳

宋 劉虹 有傳

陳 周宏直

隋 皇甫昆

唐 田仁會 平州刺史 有傳

盧壽童

當陽縣志 卷之十

職官 令佐表

宜昌印書館承印

貞元中 張贛

鄭見利

黃馴

謝徽明 有傳

張彥文 有傳

王元賓 有傳

趙珪

以上十三員內惟田仁會係刺史張彥文官職未詳茲沿舊志列縣令中附此以備參考

令佐表二 自明初至咸化末作一表

朝代 令 丞 巡 檢 典 史

明 武 祁守道 有傳

魏忠

徐福

胡原宏

樂永 蔡榮 海陽人

楊鐸 西安人



靖嘉	德正	治宏	明	化	天順	泰景	統正	德宣		
侯嘉祥 有傳 張模 舉人 高英 選貢 沈序 監生 祝繼昭 海甯人 許昆 監生 蔣能佐 吉水人 謝體鼎 監生	張鐸 監生 黃潛 舉人 趙神甫 舉人 陳章 有良吏稱 劉瑄 監生 武儀 舉人 阮華 居官廉介	徐恆 監生 胡伯安 舉人 胡振遠 舉人 陳貴 內江人 廖和 監生	令 主 簿 典 史	劉松 舉人 姜英 有傳 劉誠 舉人 黃恕 舉人 陸玘 舉人 李自慶 四川人 涂堯弼 四川人 萬建善 山東人 王好耕 山東人 李恩 山西人 王登魁 九江人 李如春 九江人 閻三德 北直人	婁義 監生 方海 人和 廖弼 新喻人 張銘 永新	盧璣 監生 王著 慶雲人 劉文光 閩中人	張迪 監生 朱子惠 大庚人	蔡浩 海陽人		
<p>以上各員俱本舊志惟縣丞三名稍移在成化以前至巡檢八名未必盡在成化時茲無從考核但依舊志原文開列</p>				<p>有惠政按劉松重修關陵在宏治十年見前祀典志</p>						
<p>令佐表三自明宏治至高歷作一表</p>				<p>當陽縣志卷之十 職官 令佐表</p>						
<p>宜昌印書館承印</p>										

秦覺 雲陽人
李映魁 祥符人
俞詔 荳田人
周士宏 南陵人

吉行健 有傳
吳蒙 都昌人
張松 有傳

方岳 富順人
張維翰 安縣人
胡朝 有賢能稱

李履純 杞縣人
王國珍 順天人
馮君來 台州人

趙思基 有傳
鄭汲 南城人
方維翰 平陽人

曹養正 有傳
羅應曉 秦州人
馮仕 號慕溪錢塘人

李啓元 晉江人
巽之宮 沙河人
李一陽 浙江人

吳士忠 歙縣人
卜汝隨 有傳

令佐表四 自明天啓至崇禎作一表

楊宗仁 蓬州人
張正倫 馬湖人
黃良翰 上虞人
彭璋 仕州人

楊朝英 蘭陽人
張繼興 涇陽人

毛存仁 長洲人
符洛 江蘇人
蘇棗 山東人

王三顧 山東人
胡夢陽 江蘇人
楊象賢 雲南人

李旻 歲貢
金萬珊 徽州人
王時卿 江西人

馬公寅 四川人
蔣明臣 浙江人
原奇 江西人

徐上選 浙江人
陳心學 北直人
華應元 浙江人

龍琛 涪州人
李寬 黃巖人
徐世良 餘姚人
任仲德 西充人

鄭進 金谿人
陳應元 台州人

郭汝應 龍泉人
王相
陳作新 廣西人

黃舜章 廣西人
黃朝恩 福建人
黃福科 江西人

周文藻 江西人
黃日熙
區環 福建人

羅繼美 四川人
蕭繼定 福建人
劉嘉祥 四川人

黃拜仁 陝西人
宋德隆 江西人
聞應庸 浙江人

李時會 福建人
郭紹春 福建人
李昞 福建人

明 令 主 簿 巡 檢 典 史

胡汝川 安慶人

任鼎 宜興人

張拱端 華亭人

王秉直 陝西人

區懷瑞 有傳

倪瑞應 有傳

凌經世 南直人

王家棟 仁和監生

胡日省 平湖人

徐萬化 有傳

張啓明 華亭人

仵鳳才 陝西人

張其維

陳朝昇

孟文邦

周時鈺

當陽縣志 卷之十

職官 令佐表

三 宜昌印書館承印

令佐表五

國朝

治順

令

巡

檢

典

史

孫茂槐 有傳

扈坤 關東人

句延齡 大同人

冀彌煥 河內人

倪三策 直隸人

唐彥袞 浙江人

徐天麟 善政人

許毓仁 廣甯人

朱景辰 將樂人

門可榮 有傳

李芳 任城人

李遙 有傳

鄒永颺 有傳

王運宏

劉溥 直隸人

葉大成

鄧輝

言嘉典 浙江人

曹一勤 富平人

桂一鰲 池州人

柳維邦 金華人

邵從龍

沈汝造

高翥

李成德 吳縣人

鮑宏域

魏承韓 通州人

高宏名

初任基 蓬萊人

喬起蛟

鄭起榮

當陽縣志 卷之十

職官 令佐表

四

宜昌印書館承印

正雍

隆乾

王國貞 北直人

張士琪 署

伊逢吉

祝長庚 有傳

俞廷瑞 四明人

王仲桂 壽張人

全沈 鄆城人

周垂典 長沙人

鄭章武 易州人

陳富有 灤州人

周裔和 兗州人

苗肇岱 寶應人

王紀曾 進士

程瑄 進士

金祖昌 進士

衛肅 有傳

呂宗顯 旌德人

鄭德榮 仁和人

印天和 嘉興人

胡鏞 武進人

閻恆太 肅州人

李家撰 山陰人

曹熙 吳縣人

王廷相 岷山人

張維元 山陰人

蔡乾初 會稽人

張國祚 山陰人

當陽縣志 卷之十

職官 令佐表

賀朝冕 丹陽人

王 械 福山人

何偉儒 寶靈人

范 鐸 鄧縣人

萬年椿 衡陽人

黃 仁 大竹人

汪雲銘 仁和人

王文然 仁和人

蔣遇春 宜興人

李玉林 成都人

劉廷模

陶 洽 會稽人

石 珣

關維紀 臨桂人

袁方杜

陳希武 四川人

林萬年 福清人

張開雲 南皮人

牛夢錕 安邑人

胡 楷

王朝枏 四川人

邱上東 鎮平人

崔志伊 山西人

孫治溥 衡水人

賀 榮 歷城人

董文煜 朝邑人

陳恭禮 宿遷人

顧賜麟

單應璜

蔡 浩

湯承瑞

夏永謙 丹徒人

杜萬仁 大興人

王允梅 新城人

朱若桐 祥符人

金泰璋 鎮洋人

鍾士仁 淑浦人

盧盛渚 武陵人

曹 林 武威人

余鶴椿 龍游人

白生文 山丹人

丁廷芝 固始人

陳 劭 會稽人

費玉成 大興人

張兆蘭 石人

劉紹光 武進人

馬 棟 大興人

馬 棟 大興人

三年	咸豐 馬晉圖 <small>正黃旗 漢軍</small>		周安鎬 <small>山陰人</small>
六年			阮傳鈞 <small>會稽人</small>
七年	黃鐘鳴 <small>浮梁人 附年</small>		李以珍 <small>秀水人</small>
九年	任道鎔 <small>宜興人 拔貢</small>	張光旭	
十年		宋青雲	
同治元年	方兆科 <small>桐城人 舉人</small>		劉獻之 <small>湖南人</small>
二年	阮恩光 <small>儀徵人 現任</small>		何漢章 <small>湖南人</small>

當陽縣志 卷之十

職官 令佐表 循良

六 宜昌印書館承印

循良傳

漢

馮野王字君卿上黨潞人奉世子幼通詩年十八上書補當陽長以治行入為左馮翊遷扶風太守弟立相繼為郡時有大馮君小馮君之號

宋南北朝

劉虬字靈預一字德明本南陽人徙居江陵虬少而抗節好學須得祿便隱宋泰始中仕至晉平王驃騎記室授當陽令罷官歸家靜處斷穀餌朮及胡麻齊永明三年詔徵為通直郎不就竟陵王致書通意虬答曰虬四節臥病三時營灌暢餘陰於山澤託暮情於魚鳥甯非唐虞重恩周召宏施建武二年卒子二之遴之亨齊武帝嘗詣虬見二子曰之遴必以文章顯之亨必以功名著後果然增

唐

田仁會長安人永徽中為平州刺史歲旱自暴以禱甘霖立沛歲大熟民歌頌之官至太府少卿

元

張彥文保定人至元間任時縣治新創彥文安輯撫循以興學校為急務

按彥文與王元賓同時位縣令上其時郡邑新附彥文當是守

臣但舊志未詳

明 王元賓至元中來知縣事時兵燹之餘學校廢元賓乃相舊基修復如制按在至元十四年與張濟文同時

魏忠洪武中任初邑治萬城圯於水十三年忠詳請徙復舊治增修廨宇創學興教士民誦之姜英福建政和舉人成化中任蒞事公勤臨民平易關西川便道置馬遞自是邑為通衢生殖以蕃惠政甚多擢監察御史按邑之夫馬日繁實始於此

侯嘉祥梧州人嘉靖中知縣事時邑始改隸承天多徵求川路夫馬初非額設嘉祥多方措置不計德怨役雖煩而民不擾有羅仲仁者夜殺二弟以盜告嘉祥察其詞色叱之曰汝殺弟當誰捕仲仁懼伏一邑稱神明焉

吉行健四川西充人以孝廉來任卓練有幹才廉恕不擾幾於刑措張松字湛源廣西宜山舉人隆慶中任為政廉平時境多流寇松設法捕之邑賴以安沮水壅決壞城松疏河道築長隄數百丈以捍之三月竣工遂為永利性好山水公餘吟詠不廢

任夢榛休寧監生萬歷初以留守司經歷來署縣事有幹略恩威兼著時奉檄修城舊本土垣榛築以磚勤督有方民樂趨事期月而竣復以餘力纂修邑乘亦其功也趙思基廣東番禺舉人萬歷中任精明疆直法無所撓未久解任去民甚思之曹養正綿竹舉人萬歷中知縣事有風裁釐弊輕徭狂無冤民嘗云吾以三無負者官此一方

當陽縣志

卷之十

職官 循良

七

宜昌印書館承印

奈何以民之性命供吾喜怒以民之膏血殃吾子孫尋卒士民感泣如喪所親

卜汝隨字心源益都歲貢萬歷中任為政清嚴簡靜時合溶為商民輳集地常苦盜隨為設柵編里甲民賴以安後奉檄督解軍餉赴沅以勞瘁卒於道柩經本邑民為攀號

區懷瑞字啓圖廣東人崇禎間令是邑有幹略流賊嘗率大隊攻城民皆震怖瑞猶剪竹蒔花從容應敵防禦不疏賊解圍去又素工詩所著有玉陽草

倪瑞允字清厓當塗歲貢崇禎末任治尚清靜無裨政初邑中有鬻田已盡而丁存本戶者民甚苦之值供審瑞允令丁隨糧轉照糧過戶遂為成例至今稱便云

國朝

孫茂槐萊陽人順治初單騎之官身衣皂綈多補綴甫下車瘞遺骼招撫流亡時亂後少牛民以力耕槐見輒下馬流涕士有不能自存者給之食而嫉惡甚嚴有蠹民者立杖殺之邑西北有土賊周國酉等擄百寶若為民害槐上聞勦平之未幾以疾卒在官一載囊無長物上憲憫其清苦咸贈以金扶輓歸參考通志

門可榮字維光遼東海州人以父蔭為郎英敏有幹略時沮河西隄防久決軍戶率不任修築榮詳請上憲令軍民合修初邑中里役十年輪應者曰當年曰斗級歲費悉出其所籍煩重累民榮請除之民稱便焉以上舊志

李遙號襄水睢州人以進士起家清勤有幹略蒞任時軍需旁午遙面折都統根將軍念邑小而衝有不便民者次第除之或以常規獻却不受軍中需煤急督者欲減其值遙備陳伐煤之苦於上憲力抗兩章京督者聞之王王怒遙單騎至荆謂謁者曰當陽令見王盛氣以待遙詞氣不屈縷陳民苦乃改容稱良吏邑困以蘇他如新學宮毀淫祠清賦稅嚴保甲善政頗多手著鐸書簡樸茂者董其鄉務期戶曉未及一載告歸公暇題詠甚多而玉泉關異文定墓碑黜邪崇正尤爲儒者之文

祝長庚 人才識練達撫字心勞折獄尤明允適西山遺孽嘯聚境內震駭長庚密率兵役星夜往獲首亂者置之法餘黨悉散未幾卒於官民感泣焉

鄭永颺昆陵人甫下車詢民疾苦力除陋弊嘗曰養馬者去害馬耳當邑凋殘之餘還定安集維余之責徒以法令繩民豈能堪值以水郵造萬斛艘邑不勝困颺面陳上官形於愁歎卒格於議乃貸以償凡爲邑補殘缺救困窮約捐金三千有奇蒞任既久官民相習勸農之暇歷覽青溪玉泉諸勝嘯詠移日去官時士民遮道感泣

衛肅字伯恭號蘭町河南濟源人乾隆甲戌進士由翰林院編修充山東副主考來宰當邑課士勸農雖嚴寒盛暑無倦容戊子大軍赴滇過荆門邑方辦夫馬芻豆民力難支時肅奉文陛見歸歎曰邑僻小詎堪此時 藩司駐荆門肅單騎往見訴以難辦狀反覆辯論卒減十之九

當陽縣志

卷之十

職官 循良

八

宜昌印書館承印

又恐胥吏射利諭各總廉正士代辦數日事竣士民悅服庚寅擢授都察院經歷未之任卒於邑宦囊蕭索極難歸里卽素被刑者亦欣然解囊迄今口碑在道有召杜之風焉以上續修志

汪雲銘浙江仁和舉人嘉慶元年教匪之變官軍雲集上憲以銘有幹濟才命宰是邑七月復邑城善後事宜銘皆以身任之時川陝流寇出沒無常銘率鄉勇設卡防堵又奉檄督修寨堡必親至其地相與區畫擇紳耆有識量者董其役有警則濟以軍器火藥俾人自爲戰與官軍相犄角至此賊再入境不敢近邑城遇寨堡輒引去皆銘預備之功也其防守有方不辭勞瘁邑人至今稱之

蔣遇春江 宜興人嘉慶十年蒞任時教匪初平民方還定春加意撫字課農桑平訟獄務期實惠及民民亦愛戴之嘗自顏其堂曰子來堂解任時行李蕭然士民遮道攀轅淹留盡日雖素被譴責者亦爲之感泣

董文煜字質生陝西朝邑舉人道光二十五年蒞任煜性嚴明勤於爲治案無留牘百廢俱修倡建考棚措置賓興及試卷費皆極力經營爲士林所深賴咸豐二年粵匪竄楚境土匪緣此爲奸煜執首亂者數人置之法境內肅然三年奉調鍾祥士民祖道稱觥至千人云

忠烈傳

宋

謝徽明弋陽人謝枋得字舉之伯父也以特奏授當陽縣尉攝縣事天基節上壽元兵奄至徽明出戰死之二子趨抱父屍亦死入祀名宦忠義二祠舊志

國朝

黃仁字安宅四川舉人乾隆五十六年選當陽令其時民間有潛習邪教者仁以事關大逆不敢輕發嘉慶初乃繫匪首於獄七未具而賊已起城中賊黨甚衆仁知不濟遣子士騏懷印綬赴州次日城陷仁厲聲罵賊遇害甚慘時丙辰二月十五日也事聞奉旨入祀忠義祠子士騏襲雲騎尉後改中書科中書

馬棟字雲浦直隸大興人由翰林院供事選當陽典史在官有聲嘉慶元年教匪嘯聚城外棟率居民守西門不就寢者三晝夜及城陷棟與其妻胡孺人對縊於庭事聞入祀忠義祠

蕭文燦漢川舉人乾隆末官儒學訓導嘉慶元年教匪陷城焚學署燦墮樓死事聞入祀忠義祠

夏永謙丹徒人官河洛巡檢嘉慶三年川匪入境謙糾合鄉勇數百人籌防堵會官兵失利賊長驅入洛鄉勇不能支謙與次子存寬陷陣死之妻印氏聞亂墮樓死存寬妻程氏先殺其一

當陽縣志

卷之十

職官 忠烈

九

宜昌印書館承印

子一女亦自經謙長子妻陸氏及婢女海棠乳媪高陳氏等一家殉難者十人見通志

徐萬化明季任漳河口巡檢崇禎七年流寇陷邑城署縣事何名失署典史沈名失及萬化死之會

鎮箠副將楊正芳以步卒進剿賊始遁正芳後因戮力逐賊沒於王事邑人祠祀之詳見兵事及續舊志忠節傳

補遺

附載

呂騰蛟荆鎮遊擊順治六年王二等賊犯遠安境荆鎮總兵鄭四維遣騰蛟進剿深入沒於陣忠勇之氣感動三軍見荆州府志按續舊志忠節傳謂是年虎賊出遠安逼近當邑騰蛟追戰死之入

祀邑忠義祠

汪吉鳳陽人荆鎮遊擊嚴於紀律得士卒心順治九年虎賊寇遠安吉以兵擊之殺賊無算遇伏戰死見荆州府志考續舊志忠節傳順治十年虎賊餘孽李來亨突出當陽劫掠清溪一帶吉追戰死之入祀忠義祠

右呂汪二公與楊副總俱客將續舊志雜於人物忠節傳中今改附職官忠烈傳後餘詳

兵事

儒學

古者學校無專官周以樂正立四教而統之以大司徒若鄉學則耆老在焉所以尚賢而崇德也漢置學官始有博士宋於州郡置教授其制尚未備國朝損益明制府州縣皆置學官所以振興文教樂育人才者至矣邑之學官前代多闕茲沿舊志舉其可攷者按年編次以示弗諼云爾作儒學表

儒學表

朝代 教諭

明 葉子白 永平人

鄭 崇 福建進士卒於官遂家焉子振翰林編修

訓導

胡茂彰 舉人

陸叔遜 新昌人

沈 俊 新昌人

吳 嚴 松潘人

尹 翽

徐本固 合州人

當陽縣志

卷之十

職官 儒學表

十

宜昌印書館承印

景泰

天順

化成

宏治

孫 達 懷南人

劉 垂

楊 洲 昆明人

孫 達 懷南人

陳 剛 天甯人

王 相 天甯人

徐 集 眉州人

蔡 睿

周鳳陽

楊 亨

盧 銳 墊江人

奚 仁 鶴慶人

李勝宗 安縣人

陳 印 永嘉人

董 列 甯波人

程 箕 樂溪人

郭文華 安南人

王 巽 孝豐人

陳 惠 合州人

嘉靖

黃 楷 江津人

支 楫 瀘縣人

宋 佐 臨桂人

左 祐 建昌人

史 詠

石巨川 有傳

楊 璋 化州人

徐 登 越雋人

戴 賞 永嘉人

楊文煥 閬州人

吳 瑞 涪州人

姚志仁 蘆州人

李景春 湖口人

檀用傳 馬平人

胡維禎

賀逢堯

曹珩 石阡舉人

劉宜 宜城人

瞿成名 黃岡舉人

沈文輔 興隆衛人

姜宗魯 均州人

張允祖 鳳陽人 歲貢文

余蛟 咸陽人

辛以忠 永昌人

王如春 陽城人

夏裳 咸陽人

閔旦

鄧林春 邵陽人

王可相

謝遇

李天華

傅應裘 富順人

王尙國

郭泮

夏宗什

譚鎬

王國士

李詩

王一冕

高應選 江夏人

駱尙儒 澧州人

當陽縣志 卷之十

職官 儒學表

十一

宜昌印書館承印

王芳 有傳

鄭應畿 台州人

李瑤春 澧州人

張南 威遠人

羅芝 威遠人

黃柯 汝甯人

孫斯佑

廖世卿 石門人

陳大賓 零陵人

劉一鶚 泰和人

王道溥

譚汝廉 醴陵人

袁崇吉 公安人

周休

蔡相衡 羅田人

黃吉 興國人

房宜奐 歸州人

張文煥 岢陽人 簡樸有操士林思之

啓天

單鍾元 高安人
鄧時舉 靖州人

崇禎

黃聖年 有傳

周有紀 武昌人

馮應祥 江南人

毛應龍 石門人

王維翰 馬平人

熊化麟 建昌衛人

李應甲 廣西人

馬騰蛟 雲南人

周 劉

國朝

治順

黃鳴陽 蒲圻人

黃 序 漢陽人

王晉錫 咸甯人

饒亮士 崇陽人

梁光乾 竹山人

陳民懷 應城人
傅 彬 孝感歲貢頗得士心
辦差勤敏上憲嘉之

王禹書 湘潭人貢生
關陵志

易言鼎

張坦舍 漢陽人

蕭 藻 漢陽人
捐貢

鄧日璋

李 衰

當陽

縣志

卷之十

職官 儒學表

十二

宜昌印書館承印

雍正

涂華若 江夏人
拔貢

何人龍 漢陽人

汪之翼 漢陽人

危 銘 江夏人

劉元士 荆門人

余光耿 大冶人

孫天祿 黃岡人

周 鏞 石首人

劉正綱 崇陽人

馮 贊 棗陽人

程鳳翽 圻水人
乙酉科
遺拔

石堪立 興國州人
丙辰
恩科
舉人

衛天民 漢陽人
庚寅
恩科
舉人

郝 遴 雲夢人

隆乾

陳本立 江夏人
副榜

徐祖昌 江夏人
廩貢

方 璩 有傳

吳青選 黃安人
拔貢

徐永禧 漢陽人
拔貢

陶玉華 黃岡人
副榜

黃義峯 江陵人
廩貢

黃存憲 孝感人
舉人

魏 榮 施南人
恩貢

童 巒 副榜 圻州人

蕭文燦 漢川人

王成笏 拔貢 咸甯人

劉士儒 東湖人

王發邵 東湖人

彭可榮 黃陂人

陶顯宗 隨州人

許性華 黃岡人

王恩浩 歸州人

李 槐 羅田人

陳大浩 應城人

陳登雲 黃陂人

王麟兆 東湖人

張賜彥 鶴峯州人

蔣祥苓 天門人

金振基 廣濟人

部生榕 鶴峯州人

陳中欽 天門人

喻 賓 黃梅人

劉汝祜 崇陽人

余師江 大冶人

楊觀光 雲夢人

涂鳳友 咸甯人

石易誠 黃岡人

王慎修 監利人

陳桂辛 天門人

當陽縣志 卷之十

職官 儒學表 師範

師範傳

石巨川甯州人以舉人任邑教諭湛深理學燕居無惰容課士以敦本為先論文一軌先正士風丞變有蘇湖之遺風焉

王芳寶應人任教諭風格端凝誨迪有本司訓袁卒貧無以殮芳為經紀其喪復請於當事贈賻有差乃得扶柩歸其篤於行義如此

黃聖年字逢永南海人崇禎間由舉人授本邑教諭溫醇爾雅工古文詩詞著非有堂草邑志廢賴為編輯云 以上舊志

國朝

方璩漢陽人副榜乾隆庚午司邑鐸學問淵博士林推服邑志久未編輯璩遠搜近取詳加攷訂分門別類規模整齊雖未梓識者宗之 續舊志

續舊志論曰考兩漢書儒林傳賢人君子衆矣類多由教授列名卿然均非郡邑學博士惟有宋蘇湖美談千古矣近代郡邑志專門紀美者無聞焉豈寒氈官冷不足行其所學歟抑教本中庸無可炫人耳目歟雖然行爲時矩言爲世範吾師乎吾師乎邑固猶有不

朽者

武職表

國朝 守備

治順

孫光詰 中安協軍

熙康

龍英 中荆鎮營

吳世相 荆門營

劉守才

千總

方勝 四川人

楊士佐 遠安人

王明還 河南人

楊棧 大同人

姚希友 宜都人

潘士然

潘士選

陸鑑贊

姜應尙

劉公儀

駱尙賓

張之芳

范維堯 宜昌人

把總

雷鳳鳴 荆門營

嚴榮 酒江人

徐二 遠安人

黃文英 遠安人

趙陸 四川人

韓應鳳 永定人

趙棧 遠安人

王廷玉 遠安人

張朝柱 宜昌人

王賜爵 宜昌人

李春華 興山人

何存仁 遠安人

賈元瑛 施南人

當陽縣志 卷之十

職官 武職表

十四

宜昌印書館承印

隆乾

葉福 保康人

田藍珍 宜昌人

李蓮 宜都人

張岷 宜昌人

陳林烟 遠安人

彭商正 岳州人

魏廣揚 宜昌人

王啓龍 宜昌人武生在河

劉得春 施南人

劉德貴 施南人

張鵬翥 興國人

鄧高陞 世襲人

李道森 施南人

魏金榜 武昌人

張長春 施南人

德秀 字俊卿荆州駐防鑲白旗滿洲現任候選守備

楊正鳳 遠安人

蕭日明 宜昌人

姚國理 遠安人

魏定揚

慶嘉

光道

豐成

武職補遺

千總雷起龍

劉世寶

右二名俱在康熙十年以前
見玉泉志其實授署事未詳

當陽縣志

卷之十

職官

武職表

十五

宜昌印書館承印

封爵附

漢

劉

益封當陽縣侯

蜀漢

宋

楊安帝永甯元年遣大鴻臚持節至襄追封當陽縣侯

三國吳

姜

維三國志本傳亮辟維為倉曹掾加奉義將軍封當陽亭侯

晉

朱

然始封西安鄉侯改封當陽侯

晉

杜

預太康元年以平吳功追封當陽縣侯後贈征南大將軍諡曰成子錫國

晉

王

戎封當陽侯

陶

陶

臻長沙公侃兄子有勇略咸和中賜爵當陽亭侯為南郡太守

劉宋

劉

秉元徽二年以尚書令封當陽縣侯昇平元年與中書監袁粲謀蕭道成不克父子死之

梁

陳應叔

大始初封當陽縣子

梁

蕭大心

簡文帝第二子大通四年封當陽公大同元年出為郢州刺史

鄧元起

邑人天監初封當陽縣侯

樊子蓋

封當陽縣侯陳武帝時為郢州刺史

徐元孝


永平二帝以克三國功封當陽開國公

當陽縣志卷十終



當陽縣志 第四册

260.151
38.2
4



當陽縣志卷十一

選舉志

選舉之政今古異宜然歷久而法愈備也我朝開門籲俊非無遺雖最爾一邑而多士奮興亦能登賢書擢高第通經致用奚止閭里之榮舊志故多闕略茲掇其可考者著之於篇景仰前徽當亦知所觀感焉志選舉
薦舉

南北朝

鄧元起有傳

元

張灝有傳

進士

明以前不可考建文以後亦多闕略

李讓建文已卯舉人中永樂甲申進士任大理寺評事歷廣東右參議有傳

國朝

順治

當陽縣志卷之十一

選舉 薦舉

宜昌印書館承印

陳其美明崇禎壬午舉人中壬辰進士任浙江處州府推官有傳

楊州彥辛卯舉人中己亥進士直隸任邱知縣有傳

康熙

陳士敷丁卯舉人中丁丑進士任福建歸化知縣

雍正

郭孫俊丙午解元中庚戌進士江西安福知縣有傳

宋楚望己酉解元中癸丑進士江南常州知府有傳

乾隆

金維岱庚午舉人中壬申進士官至翰林院檢討移居鍾祥

舉人

明

建文

己卯李讓進士

壬午向治安江西建昌府教授

永樂

戊子

志四川井鹽訓導

戊子倪孝儒

申朱玉府天



嘉靖

西 姚 會 有 傳

隆慶

卯 聶 武 有 傳

萬曆

酉 李 應 麟 有 傳

天啓

卯 熊 穎 捷 有 傳

崇禎

午 汪 士 傑 山 西 靜 樂 知 縣

國朝

卯 辛 楊 州 彥 進 士

康熙

午 丙 張 且 生

雍正

卯 乙 張 楠 直 隸 宿 松 知 縣

卯 癸 周 仲 彥

卯 乙 栗 聯 芳

子 戊 周 際 明 廉 州 推 官

酉 癸 李 大 年 永 州 教 授

子 丙 王 鎬 有 傳

子 丙 郭 之 都 新 甯 教 諭

子 壬 陳 其 美 進 士

午 戊 游 逢 盛 授 內 閣 中 書

卯 丁 陳 士 敷 進 士

午 甲 郭 賓 泰

午 甲 永 聰 澄 州 學 正

當 陽 縣

志 卷 之 十 一

選 舉 進 士 舉 人

二

宜 昌 印 書 館 承 印

卯 癸 朱 樞 東 湖 教 諭

卯 癸 文 汝 蓀 涇 州 知 縣

辰 甲 李 作 人

午 丙 郭 孫 俊 進 士

酉 己 宋 楚 望 進 士

己 宋 中 山

乾 隆

酉 辛 林 可 法 仁 化 令 有 傳

午 庚 金 維 岱 檢 討

卯 癸 向 志 甲

子 壬 文 璣

道 光

同 治

午 丙 王 金 鍊 蒲 圻 教 諭

羅 驥 鳴 孝 廉 方 正

王 映 蘭 孝 廉 方 正

明

洪 武

劉 煥 山 西 接 察 副 使

張 濬 刑 部 員 外 郎

何 毅 漳 州 府 知 府

劉 謙 戶 部 員 外 郎

永 樂

尚 文 無 錫 縣 縣 丞

何 銘 慶 府 典 儀

蔣 賢 恭 城 知 縣

陳 福

正 統

褚 恭

劉 英 布 政 司 檢 校

李 峴

李 晟

王 讓

張 麒

張 憲

劉 富

劉 佐 濟 南 府 檢 校

唐 禮 上 高 縣 主 簿

曹 渙

魏 忠

鄭 經
分宜縣丞

周 冕
歸安縣

熊 泰 王 本

成 化

馮 亮
甯州判

趙 旭
唐縣主簿

何 源
宜賓縣主簿

向仕廉
順慶府通判

李 賢
崇甯主簿

宏 治

歐陽琦
有傳

李 慶

宋 輝

盧 綸

江 潮
汀州府照磨

賀 表
息縣縣丞

郭 儒

楊文心

曹 鼎
桐廬縣丞

何 聰

寧 璽
成都府經歷

正 德

宋端恕

唐 濟

曹 鸞
太平府經歷

黃 榮
華亭縣主簿

張 欽
知縣

李長春
理問

姚廷岡
有傳

鄭 儼
彭山縣訓導

曹 偉

嚴中泰

嘉 靖

許 翔
考授知縣

李太祥
候選縣丞

馮正經
候選照磨

馮正綸
候選府經歷

黃 冕
候選推官

李天祿
候選主簿

車必榮

楊孔麟
候選府經歷

鄭 芳
候選訓導

楊孔鰲
候選主簿

張 祥
候選訓導

吳 祚
候選主簿

陳 宣
候選主簿

張 琛
候選知縣

黃 裳
候選主簿

當陽縣志 卷之十一

選舉 貢生

三

宜昌印書館承印

周 憲

羅 鵬

黃 鰲
候選訓導

何 吉

廖 禎 李榮春

車 星
博學工文再遷鹽井衛教授

汪 璽

張大川
有文名

隆 慶

顧 仁
候選訓導

熊一鶚

母 壽
候選訓導

黃 元

萬 歷

劉東魯
鹽城縣丞

馮 元

葛希賢
有傳

曾 秉

龔 仕
巴東訓導

陳 旨
安陸縣丞

黎 獻
淹雅端凝不仕

母 儀

李應兆

周希文

史希楚
選貢有傳

吳九思
有傳

葛希俊
有傳

龔 偉

吳大濂

謝 滋
沈邱縣丞

李 深
崇陽縣丞

張耀然

馮世濂
有傳

周宏謨
順慶府教授

劉家相
饒州府教授

李 深

黃大中
墊江縣丞

鄭餘慶
有傳

梁國相
彭澤縣丞

梅遇春
補廩

補王 僖
恩貢選安縣令

王 任
竟陵訓導

泰 昌

黃之道
拔貢

天 啓

周 琮 拔貢 金大赤 甯州訓導 賀登元

崇禎 劉士奇 拔貢 羅繼思 殷 芝 歐陽煥 汝校知縣 梁 焜 己卯副榜

陶大賢 湘潭訓導 白之彥 拔貢 殷 萃 安陸教諭 金門彥 襄陽教諭 陳九章

國朝 順治 謝日藻 有傳 周毓鳳 恩貢 廖養義 枝江訓導 范文祖 恩貢直隸保定府通判 南新田教諭

陶 詰 恩貢 周敬修 德安訓導升直隸元城縣丞調山東益都縣丞 梁山金 有傳 范文叔 永州訓導

黃鳳岐 恩貢 張叶宿 劉陽縣訓導升山東德平縣丞 劉鴻儒 有傳 范念祖 恩貢直隸保定府通判 南新田教諭

康熙 栗引之 有傳 羅存素 范文英 通山訓導 張肇元 考授縣丞 熊 虞

曹嗣吉 學孝廉 魯若參 羅明慧 陳廷壁 原名一龍 辰溪訓導 李作朋 副貢 羅田教諭

汪宗熹 辦之父 陳大佑 郭祺賢 丙寅拔貢 以上舊志 曹之琦 移居鍾祥 李明廣 拔貢 雲夢教諭

汪 墀 辰溪訓導 胡作成 郭祺賢 丙寅拔貢 以上舊志 曹之琦 移居鍾祥 李明廣 拔貢 雲夢教諭

黃中行 遠安訓導 李宗蕃 周敬祚 張必達 熊遂生

李德敷 周卜年 黃安訓導 梁 星 有傳 王之臣 恩貢 李通理 石首訓導

許宗聖 劉聲美 牟萬鵬 有傳 牛天宿 公安訓導 熊之鐸 恩貢 文際時

陳士枚 熊荷生 有傳 李玉涓 熊之鐸 恩貢 文際時

雍正 王 炎 拔貢 有傳 楊枝蕃 有傳 李奏敷 郭祚賢 有傳 金秉祚 拔貢 有傳

郭禱賢 恩貢 衛之璞 文大遇 郭祚賢 有傳 金秉祚 拔貢 有傳

乾隆 廖宏敏 恩貢 文汝芝 劉續祖 有傳 趙州景 嚴 岱 鄧西訓導

羅宏訓 馮 袞 龔應奎 德安府訓導 鄭宗仁 有傳 楊昌明 拔貢

郭以正 李和煦 恩貢 有傳 印鍾芝 郭孫璟 恩貢 劉 寅

趙 瑄 南漳訓導 李自新 恩貢 葉文在 庚辰副榜 有傳 趙 統 符國瑾 安州史目

范于齊 吳士異 李光祖 任之朝 黃映芝 沈繼皋 有傳 劉邦輝

張鴻叙 有傳 施萬箱 任之朝 黃映芝 沈繼皋 有傳 劉邦輝

劉學朱 有傳 戴宗寬 張 金 郭孫瑛 黃映芝 沈繼皋 有傳 劉邦輝

張定謨 張起淵 劉學夔 羅啓繁 有傳 郭天問 李傑臣

當陽縣志 卷之十一 選舉 貢生 四 宜昌印書館承印

袁揆廷 陳學楷 張寬 李集堂 羅思泳乙卯副貢 余國柵乙卯副貢

嘉慶 徐開裕辛酉拔貢 廖文雄癸酉拔貢 林時芳 熊經壁 羅開曙 張致青有傳

道光 聶光炬 聶寅亮 嚴大箴乙酉拔貢 張繼坤 張文理 余映甲

熊問世有傳 黃金堂 王敬修嘉魚教諭 張金有傳 徐中慧乙酉副貢 常元楚

劉德華丁酉拔貢 朱省鈞 羅承志 林一枝 郭元鳴 姜大閑

牛大煊 鄭宗岱己酉拔貢 姚錦江 高士繩 熊孝珍 廖培蘭

咸豐 趙和玉 吳沛榮 林栖鶴 高士繩 熊孝珍 廖培蘭

同治 常元楠 賀緘恩貢 胡炳輝 張宗旭辛酉拔貢 高士楷

楊斂之石首訓導 曹雲衢 汪南金恩貢 賀繩 高士楷

武科 前代不可考

國朝 朱斌元癸卯科武舉 郭達丙午科 宋楚材

魏尙衢戊申科 樊兆瑞丙子科 郭鳴皋戊寅科 嚴昌輝己卯科 羅光福癸卯科甲辰進士

田長春辛酉科乙丑進士 孫錦章戊寅科 張文治己卯科 嚴昌輝己卯科 羅光福癸卯科甲辰進士

國朝 鄭遇霖字澤民明成化進士授侍衛致仕後居邑之柘林灘 康宿玉鎮羅定州副將 劉舉蘇州守備 楊文美大田所把總 楊大望新堤把總 嚴登榜均光營千總

岳生璧廣東督標守備 岳生璧廣東督標守備

雜選

明 黃榜

池州判

李棟

李科

張松

張校

李梁

宋庚

馮庠

張百川

張豹

汪玠

姚勝

饒銘

劉載

熊隆應

張偉然

徐文昭

聶登俊

黎敷化

熊隆應

李燿

范文釗

趙州牧

黎敷化

熊隆應

國朝

汪若淳

羅啓赫

符志著

田天華

羅思進

右二十五名見舊志

例職

趙元明

徐開第

符志著

田天華

羅思進

右七名見續舊志以後例職甚多不及備載

當陽縣志

卷之十一 選舉 雜選 封蔭

六

宜昌印書館承印

世職

關朝泰 江陵貢生 聖裔雍正十年巡撫王世俊 題准世襲五經博士

關濤 泰長子江陵生員於乾隆十六年襲職

關楫 泰長孫於乾隆二十五年襲職

關培先 楫長孫嘉慶二十五年承襲

關肇岱 培先長孫咸豐七年承襲

封蔭

元

金善 封武德將軍

金聰 封武略將軍

明

金鏞 封指揮僉事武德將軍

金珊 封指揮僉事武德將軍

金正權 襲錦衣指揮

國朝

金 瑤以孫秉祚官

誥贈中憲大夫

陳大優以子士敷官

勅贈文林郎

郭祺賢以子孫俊官

勅贈文林

宋士獻以子楚望官

誥封奉直大夫

金有聲以子秉祚官

誥贈中憲大夫

陳士敷

勅授文林郎歸化縣知縣

郭孫俊

勅授文林郎都昌縣知縣

宋楚望

誥授中憲大夫常州府知府

當陽縣志 卷之十一

舉選 封蔭

七

宜昌印書館承印

金秉祚

誥授中憲大夫徐州府知府

朱 櫛

勅授修職郎以上續舊志

樊安邦以子兆瑞官

誥贈武略騎尉

樊直祥以弟兆瑞官

馳封武略騎尉

向志甲

勅授文林郎其祖父待考

徐開裕

勅授文林郎

徐文翰

勅授文林郎

馮天盛以孫凌霄例職

誥贈奉直大夫

馮楚材以子凌霄例職

誥贈奉直大夫



當陽縣志卷十二

人物志上

宦蹟

仕宦之著稱非一端而已大者以文武方略炳旂常勒金石次者縮綬分符或守令丞尉所至皆能興造利澤遏絕弊端使吏民愛慕不衰又其次得博士官率諸生弟子稱述六藝砥礪名行此皆可以垂聲竹策輝映方來者也茲邑先哲雖宦轍區分咸彬彬乎質有其文萃而錄之使前者勿替後者是倣誠激勸之大者作宦蹟傳

梁

鄧元起字仲居少有膽幹膂力過人任俠好賑施鄉里年少多附之爲槐里令遷宏農大守平西軍事西陽馬榮緣江寇鈔率衆討平之遷武甯太守永元末魏軍逼義陽自郡援焉蠻帥田孔明寇掠三關率銳卒攻之頻陷六城餘悉散去仍戍三關爲平南中兵參軍事每戰必捷勇冠當時敢死之士樂爲用命者萬有餘人義師起蕭穎胄與書招之部曲多勸其還鄧元起大言於衆曰朝廷暴虐誅戮宰臣羣小用命衣冠道盡荆襄二州同舉大事何患不尅且我老母在西豈容背本若事不成政受戮辱朝幸免不孝之罪卽日治嚴上道至江陵爲西中郎中兵參軍加冠軍將軍與高祖會於夏口和帝卽位授假節冠軍將軍平越中郎將廣川刺史遷給

當陽縣志

卷之十二

人物 宦蹟

一一

宜昌印書館承印

事黃門侍郎中興元年以木號爲益州刺史仍爲前軍先定尋陽進至京邑建康城平進號虜將軍天監初封當陽縣侯進號左將軍刺史如故元起圍成都高祖赦劉季連罪卽日開城納元起送季連於京師元起之克季連也城內財寶無所私勤恤民事口不論財色性本能飲酒至一斛不亂及是絕之蜀士翕然稱之元起在荊州時與庾萼不平大軍至京師萼在城內甚懼及城平元起先遣迎萼因厚遺之少時又嘗至其西沮田舍有沙門造之乞元起問田人曰有稻幾何對曰二十斛悉以施之時人稱其有大度元起之至巴東聞蜀亂使蔣光濟筮之遇蹇喟然歎曰吾豈鄧艾而及此乎後果如筮子鏗嗣

元

張瀨至正中以材德舉任江西道廉訪使振揚風紀名震一時

明

李讓永樂壬辰進士性端恪躬自砥礪初授大理寺評事歷廣東右參議居官清慎有治聲卒於官

姚廷用字舜卿由監生授四川嘉定州同知時守尙嚴刻廷用以慈和濟之遷衛輝府通判卒於皖城佐州六載民甚德之

姚會字文甫廷用孫少就學性孝親疾輒侍立不寐無倦色嘉靖己酉舉人授四川嘉定州教



諭卽祖廷用舊治士民多敬愛遷南溪知縣有善政將奏績時有大宦歸里吏曰故事當執手版會怒拂衣歸士民思其德爲立祠尸祝之

聶武字仁卿隆慶丁卯舉人任陝西富平知縣不避強禦發摘如神有僧匿婦人經年無問者武廉得其狀置之法火其居一邑稱快後以不能阿上官遂告歸家居敦禮讓好施與里人重之

葛希賢字子良少工文年十四入鄉闈納卷時方伯見其幼奇之覽卷大驚賞旣入穀填榜方伯不覺喜溢曰葛生獲雋矣主者引嫌罷去相顧歎惋而已萬歷間以歲貢授浙江紹興通判斷事明決上虞民有殺人應抵者親識懷金爲其地賢怫然曰人命至重鬼神難欺汝將墨吏我耶其人慚而退會上官某索賂於屬賢持不可曰嚇我者此官耳吾安往而不得乃拂衣歸弟希俊秀水縣丞亦廉平有聲

李應麟字振公萬歷乙酉以選貢中順天鄉試性高介絕跡公府初任四川井鹽縣知縣清廉有惠政遷鎮甯知州卒於官貧無以殮

馮世廉字淡如貢生任浙江仁和縣丞有幹濟才疑獄一讞立決甫滿歲卽告歸優游林下二十年

吳九思字石泉以歲貢司訓萬岡俸入輒以資寒峻諸生鄒之易赤貧失偶九思助資爲之娶

當陽縣志

卷之十二

人物 宦蹟

十七

宜昌印書館承印

後之易成進士授合江令有士董翼者貧甚亦厚遇之及翼登第九思卒翼親拜其墓涕泣甚哀

史希楚字景猗選貢歷知莘縣敦俗勸學以德讓爲先後致仕歸里掃軌杜門吟誦不輟

梁國相字調元歲貢司訓萍鄉陞彭澤諭平易近人士林推重致仕歸里中後進多被其薰陶事繼母以孝聞卒年八十餘子焜耀皆有聲庠序孫山金甯國令

國朝

陳其美字公彥性孝友溺苦於學登順治壬辰進士司李浙江處州治尙清靜決獄多所平反分校秋闈稱得士年五十五卒於官櫬歸惟圖書數卷而已以上舊志

楊州彥子倩公一字宣樓少有才思援筆成文年十五補諸生中順治辛卯舉人已亥成進士西郡觀察王公辛卯主司也會大軍入山剿餘賊須材木構營房檄當邑發民夫運至郡彥力陳其不便詞甚切直觀察益器之時軍需繁重邑歲至四千餘金彥商推調劑省五之四民困以蘇丁未補任邱令明年河北大饑彥籍戶口上之大府家給米二石口多者倍之全活以萬計北地火耗故重每兩至二錢五分彥悉除之絲毫無所取後以疎節忤上官思中傷之任邱糧額不滿萬而誣以取耗二千五百胥吏被逮不勝其酷死者四人無一誣服者罷官歸復坐追償南馬價產爲之盡彥性瀟灑一令雅非所堪嗜酒能詩尤工書法取古詩自漢魏及唐日

誦數十首論析微芒手訂至數萬言年八十卒著有澹園詩文集

郭祺賢明孝廉之都子少通六經長工制藝康熙乙卯拔貢居家敦孝友和平接物閭里比之陳太邱後授雲夢教諭其課士先德行而後文藝在官十載作育甚多解組日諸生祖餞有感泣者子二長孫俊有傳次孫偉廩生

梁山金貢生授甯國令多惠政士民懷之子梁星司訓崇陽以實行課士多所造就自鬻其產捐修本邑學宮上憲嘉之嗜吟詠有種梅軒草妻齊氏亦工詩

郭孫俊字甸方一字章菴中雍正丙午解元庚戌成進士授刑部山東福建清吏司主事改授江西都昌知縣旋調安福署吉安分防府事所至以治稱性恬淡解組後嘯詠林泉游心經術爨烟屢虛泊如也鄉里薰其德而善良者多彷彿邵康節居洛時晚年主講迴峯書院出其門者皆知名士邑令衛蘭町贈以聯云渾金璞玉人之望霽月光風士所師所著有涉趣園詩卒年八十一子天問明經

宋楚望字荆川一字恆齋雍正己酉解元登癸丑進士初宰句容教民種桑勤耕織調丹徒令歲饑賑貸單騎歷窮鄉察奸豪民得實惠嘗手注聖諭十六條爲俚語使民易曉擢海州知州調太倉州請帑築海塘六十餘里民使之升知府奉檄查揚州水道時河道久塞累疏無效望往視旬日得其要領河督高公上其議奉詔報可遂疏舊海口去其壅諸水果達海授常州府

當陽縣志

卷之十二

人物 宦蹟

三

宜昌印書館承印

有政聲以親老乞歸養親沒終制適莊公容可自吳來撫楚重其才檄府促之仕署松江府數月案無留牘吏畏民懷境內大治調徐州府兼權淮徐道以年老乞致仕其留別詩有三章乞得老身閒之句士民攀轅祖帳幾半江南旣歸杖履自適事繼母以孝聞朔望必跪拜年八十執母喪哭泣躡踊弔者莫不感泣舉秋帆尙書時方撫陝千里歸賻誄以召杜遺思畢公名沅望收太倉時所器識也生平有人禽分途戒淫等書人爭誦之蘇撫陳公宏謀爲作序付梓金秉祚字琢齋雍正己酉拔貢授知縣補興化縣是歲淮揚大饑故事賑貸戶口分極貧次貧而次者常多祚獨籍極貧戶八萬餘口太府靳之檄道府往控汰僚佐幕客咸勸更籍免呵斥祚持不可抗言減貸民且立餓死情詞慷慨取所懷印置案上曰願罷歸不忍見此土人枕籍道上也道府無以奪卒如所籍調吳縣再調山陽山陽積歉地祚撤監員罷告許嚴印記里居敘次第經緯詳具以治行卓異擢邳州知州未幾升徐州知府徐州累歲災潦較淮揚尤甚祚浚蕭縣廟橋朔里等河開碭山義興永定諸渠通銅山塞河一百二十里濬范家窪蔡家莊引泗八道百姓稱便嗣因河決銅山境內去官詔仍留江南署穎州知府治如徐州卒於山陽寓館士大夫吏民皆爲之涕泣見通志

嚴岱字魯山一字惺齋性誠懇嗜學寒暑不輟致忘寢食爲文一準先正丙子選郎西訓導卒於官櫬歸里諸生歸購遮道泣送

林可法字行思一字恬菴雍正乙卯拔貢赴廷試肄業太學大司寇總理監事合河孫嘉淦稱其器宇深厚學有淵源拔魁多士中辛酉舉人丙戌選粵東知縣奉檄查海上鹽艘及瀕海編戶積署貯澳門同知授仁化令歲早設法撫恤歷窮鄉問民疾苦多所全活盜賊爲民害者悉除之境內肅然藩司歐公手書循良額以獎之在官三年移疾歸性端嚴然喜接引後進所著詩文人爭誦之子孫皆有聲庠序能以勤儉世其家

趙瑄字璧六一字介菴邑庠趙良貴之四子兄弟十人孝友無間言少能文弱冠補諸生授徒於鄉出其門者多列庠序以歲貢授南漳訓導品行端潔表率儒林其遊別足亭詩云懷璧誠有罪一獻亦已可胡不衛其足愚哉物喪我解組歸卒年八十一

鄭宗仁字蘭亭力學篤行清苦自勵受知於邑令衛蘭汀以歲貢授監利訓導成就人才甚多卒於任衛蘭汀助之資扶櫬乃得歸以上續舊志

徐開裕字兩臣嘉慶辛酉拔貢充武英殿校錄報滿議敘教職授巴東教諭巴東舊無書院自此創建裕贊成之顏曰信陵書院受聘主講席諸生從遊者衆裕爲之立條規端士習不徒以文藝爲先而文學亦蒸蒸日上士林益德之既歸授徒於家杜門讀書歷寒暑罔間年八十猶能燈下作小楷其書法亦老而彌工卒年八十二著有覺是山房文集

徐文翰字西林邑諸生嘉慶九年遵例就知縣職分發山西歷署十三縣及岢嵐州補岳陽縣

當陽縣志 卷之十二 人物 宦蹟 四 宜昌印書館承印

性廉而惠以愛民爲本興縣士民爲立德政碑去臨晉時民遮道留一犍以誌遺愛餘俱有循聲山西巡撫恆公稱爲循良最以勤勞卒於官櫬歸時士民夾道焚香數十里有感泣者
樊兆瑞字寶林忠義樊安邦次子中嘉慶丙子武舉授宜都營羊角洲千總洲介大江中爲盜賊出沒之地道光初特設汛員資彈壓瑞有勇略以除莠安良爲己任蒞任後再擒巨盜傾其巢穴上下百餘里江面賴以肅清俸滿奉文陛見擢守備回任候補以勞疾卒於官商民思之
岳生壁忠義岳士甲子以世襲補撫標千總道光二十九年選廣東督標守備明年帶兵剿賊廣西多所斬獲又奉調回廣東羅定州協勦凌匪屢立戰功咸豐元年以勞疾卒於軍事聞奉旨賜襲以八品監生子鳳鳴承襲所遺雲騎尉世襲長子鳳翔嗣

孝友

古者取士以六行而孝居其首漢世因之設科舉孝史家列傳於是有孝友之目大抵得成周遺意云夷考邑中人行應順德者亦何衆也不惟搢紳先生與讀書士君子卽閭閻小民其綢繆於毛裏顧復者雖值饑寒鋒鏑曾未少渝夫非風氣真樸天性肫摯發於不可遏之明驗與吁可尙也已彙次之爲人倫儀表作孝友傳

明

游龍飛邑人事母以孝聞人呼爲游孝子母有病割股奉之邑令 旌其門曰純孝

歐陽琦字獻修文忠公之裔祖希德自廬陵宦荊州因家當陽琦幼聰穎年十四饋邑庠宏治中膺歲薦或諷以仕琦曰吾有老母以祿養不若以色養也與弟珩朝夕膝下孝友之聲騰遠近晚年尤嗜學年八十有四自題墓碑而卒

國朝

郭毓賢邑庠生乙酉避寇以死免父難事詳藝文志郭氏孝子節婦烈女合傳

林大倫字序五邑庠生四歲父歿晝夜哀號若成人宗族咸異之及舅奪母志就傅外家稍長嗜學能自樹立弱冠入黌序有文名因少失怙終身布衣蔬食月必展墓歲時頻省問若不忍

當陽縣志

卷之十二

人物 孝友

五

宜昌印書館承印

暫離膝下者母歿私服三年大司成孫公嘉淦稱其孝行如徐仲車云子四可傳庠生可法登辛酉賢書可道廩生

朱康雪邑庠生性至孝父歿哀毀過禮廬墓三年空山中時聞虎哮處之泰然啜蔬食淡三年如一日時人或饋餉悉拒而不納

羅開斌邑合溶人母歿父守義不再娶斌抱痛益深躬侍父寢不入內者三十餘年父卒哀毀骨立前邑令周表其門曰孝行可風以上舊志

陳應倫邑農民母李氏孀居三十六年七十二久病不愈展轉床褥倫割股和粥以奉母病輒愈前令李獎勵之詳准上憲爲立孝子碑

張明詩邑鴻橋人幼失生母終身事嫡母無間言母齒脫詩日備糜糊親食母母臥病鄰遭火災幾及寢室詩呼天號泣風回火退無恙鄉曲以爲孝行所感云

沈集皋邑明經居大蓮總幼失恃事繼母如所生家塾距所居數里晨昏必歸省年逾七十猶手抄經義及史記數十篇以課子孫出其門下者甚衆及親沒飲食必泣奠三年不見齒一鄉歎服年八十三自營葬地忽一日正襟危坐朗誦孝經數遍而卒

周次韓邑小蓮總人父性嚴受杖怡然母老無齒飲食必親奉冬溫夏清無倦容嘗負母出周覽田園以爲樂及居喪哀毀骨立葬祭皆以禮卒年八十四

張塘邑庠生家素貧竭力供甘旨父病噎或日一飯塘亦一飯若數日不食塘不忍獨食也父

卒事母尤謹鄉里慕之

王國器邑官增總人五歲失恃八歲失怙繼母教之力學弱冠入邑庠追念劬勞之恩猶廬墓三年以酬厥志其事繼母甚謹生養死葬皆盡其禮云以上續舊志

王國鼎官增人性孝友父母有疾左右奉養常背負以行兄素愚而事之益謹析產後撫兄子如己子衣食必量給之及卒猶以友於勸其子焉

任之昇邑人居官增總父早卒母復多病昇竭力奉養湯藥必親嘗衾褥必親浣其婦不得代任之也其弟病疫方劇家人多避之昇往調治與同寢處卒無恙生平儉於自奉有餘輒周貧乏鄰里賴之

楊民遠官增總人年十四喪母其父有疾至老益劇不能起居者二十年家素貧遠勤耕作與妻馮氏日食饘粥以甘旨供其父晚年家漸裕子孫相繼列膠庠能以孝友世其家

嚴世寬官增人未讀書而篤於孝家赤貧每冬寒晨起衣母衣以溫之俟母起乃以溫衣衣母數十年以爲常母年八十卒寬卒亦年八十餘

張文彥邑庠生父開佐明經有傳父沒事母尤謹年既壯猶受杖責母若提其耳輒俯首就之其順親類如此性廉正爲人排難常得其平同里莫不敬服

曹思閻字克剛嘉慶三年陝匪入境閻負替母避亂山谷中隣里隨行者甚衆賊搜至積薪於

當陽縣志

卷之十二

人物 孝友

六

宜昌印書館承印

門將火之火忽自滅賊舍之去人以其孝行之報初閻居父喪甚哀晝侍替母飲食衣服必親奉之夜俟母就寢潛趨父墓三年無異及母卒廬墓亦三年平日睦鄉鄰周貧乏猶其餘事焉學使王給篤行貽麻額以獎之卒年九十

盧秉鈺邑明經 旌表節婦盧牟氏之子也教匪之亂母以年老誓死鈺率子弟泣請乃背負詣方山率居民就山立寨全活者以萬計後以功給五品銜固辭不受士林重之

馮天盛邑人居週二總家素貧而事親能竭其力嘉慶三年川匪入境居民皆引避盛從父母走數里遇險輒背負以行至得勝山回顧適見賊父母揮盛使避去盛不忍父母欲墮崖死盛

泣挽之伏大石間計惟有代親一死耳未幾賊騎至若爲弗見也者而過之既免人以爲孝行之報盛勤於耕作妻劉氏稱賢助自此家漸裕以甘旨奉高堂有餘則濟貧乏無吝色鄉里稱

善人卒年八十六以孫凌霄例職 贈奉直大夫妻宜人見壽母傳

盧秉科邑介賓持身端正篤於天倫其事親飲食起居必躬奉之數十年如一日嘗赴戚友家歸時河大漲行人皆阻科百計覓渡夜半得歸其須臾不忘其親如此

盧先佐邑人親老令佐與兄柝居分日供膳末幾兄漸貧佐獨養其親竭力供甘旨有餘則以奉其兄其篤於天倫如此里黨以爲賢

李億貴邑耆民其事親先意承志母年近九十飲食起居必親奉之昆季七人已晰居遇婚嫁

事必量加攸助未嘗分畛域母亦顧而樂之子萬瞻監生慷慨重義氣不墜先型爲同里所敬服

劉士純邑人事親以孝聞母病湯藥罔效純焚香籲天自割其股和藥以奉母母病愈卒享遐齡人謂孝心所感

佟金鏞邑廩生幼嗜學孺慕性成道光六年漳水大漲舉家沒於河鏞遇救登岸聞其父母俱沒號泣赴水死學使王表其門曰孝勇懷清

李傳祖邑桑林人四歲失怙家貧母曾氏撫育至成立性樸訥讀書不遇棄而爲農竭力耕作以供甘旨母教素嚴稍怒則長跪請命俟色霽乃起每出見蔬果有時新者必攜歸先以奉母孺慕之忱老而彌篤也卒年八十八子南金邑庠

鄭廷順邑人幼失恃父朝佐病啞弟廷槐尙幼家赤貧父子乞食於外至帽兒嶺父病且死順年十六負父屍行風雪中數日無容宿者夜則相守而泣凍餒幾死比至家手足皆裂觀者爲之流涕

國永德邑農人未讀書而篤於孝母老而性嚴偶因他事盛怒德必婉言慰之不從則長跪請命俟顏霽乃起鄉里賢之

當陽縣志

卷之十二

人物

孝友

忠義

七

宜昌印書館承印

忠義

嗟乎人誰不死或腐同草木或光爭日月豈非志士仁人尤爲難能可貴哉邑人士抗節致忠於前代者書闕有間矣自勝國至我朝乃最著地隘而衝頻有流寇邪教之亂其禍最深然邦之人往往援旗誓衆與賊酣鬪幸者村砦賴以保全不幸則裂軀湛族不返顧卽單羸寡弱亦奮其空拳必死爲期恥爲降虜嗟乎殺身舍生可以作懦夫之氣高烈士之風者矣連綴比次無俾湮沒作忠義傳

明

熊穎捷字非熊崇禎丁卯舉人署江陵教諭崇禎末闖賊屯襄陽捷入遠安鳴鳳山與都司方應新據險協守賊環攻之砦將潰遺書與兄曰朝廷不忍負祖宗何可辱投崖死入祀邑忠義祠

王鎬字世求崇禎丙子舉人主司吳偉業奇其文癸未闖賊屯襄陽僞徵下不應僞令械之去至清溪市鎬餉解者酒乘醉遁南漳山寺僞令索之急親屬皆逮繫鎬聞拍案大呼氣遂絕聶登樞字瞿行少穎悟年十九補弟子員每試輒冠軍闖逆僞辟至僞令強之衢痛哭髡其髮自號江籬和尙

金大赤字大純以明經歷任甯州華容教諭素以孝著年七十致仕母周氏年九十三崇禎甲

戍城陷賊欲刃其母赤臂賊與母及子鑰俱死焉入忠義祠

陶鑄及其弟陶冶邑人甲戌城陷俱被執不屈兄弟爭死賊兩殺之入忠義祠以上舊志

國朝

邱聯桂邑武生少有膽氣尤明大義嘉慶元年教匪先聚東門外楊啓瑞家謀不軌桂聞之挺身往諭以禍福語侵賊賊攢刺死即瘞於死所歲庚午邑令蔣遇春爲葺其墓立石以表之

熊經鹿一名映鑪字斷山性孝友持身高潔與兄經璧同入邑庠食廩餼授徒於家從遊者衆

嘉慶丙辰之難賊入城肆殺見士林有聲望者必屈辱之鹿知不免先令其次女自盡招所善

汪聖瑞痛飲徹夜約與授命次日投魚池中死其徒張致青爲作家傳載藝文志

汪聖瑞字不齋性聰穎出語必解人頗嘉慶丙辰城陷自投後園汗池中死姪孫天相亦以及

自刎死池邊

汪希夔聖瑞再從姪也與戶書賀國枏友善及城陷夔詣國枏痛飲相持而哭旋同縊於賀宅

賀國枏邑戶書少讀書艱於遇棄而爲吏性拓落嗜酒及城陷與汪希夔痛飲自縊死

張鴻鑑字沼亭少聰穎屢困童子試嘉慶丙辰城陷鑑同其繼母程氏姊節婦席張氏弟婦胡

氏朱氏黃氏皆自縊時稱爲一門忠烈其母以下入節烈傳

李學淵邑人少任俠能濟人之急嘉慶丙辰城陷淵懸綆於城縋居民以出之所全活甚衆未

當陽縣志

卷之十二

人物 忠義

八

宜昌印書館承印

幾賊覺執淵亡憤極大罵賊支解之

李焯邑耆民以忠厚世其家嘉慶丙辰城陷焯恐見辱與其嫂胡氏姪應台先後自縊死

羅啓鰲字鶴亭邑明經選應山教諭因病不能之官嘉慶丙辰城陷鰲杜門數日鬱鬱不食死

趙師彥紫蓋總民人旌表烈婦王氏之夫性醞謹貧無以自給單身入城爲儒學齋夫及城

陷役誓不辱自縊於席國正之宅

楊達天字磊軒性聰穎喜交遊能赴人之急一鄉稱之嘉慶丙辰城陷達與賊辯論順逆語侵

賊尋遇害其子永芳永華從死芳一名蘭幼嗜學工制藝屢困童子試及從父殉難聞者憐之

余國枏字琢山乾隆乙卯副貢家世業儒枏尤嗜學重義氣嘉慶元年教匪陷城枏團於鄉得

數百人三月初六日輸米詣行營且願助戰大帥義之會賊開東門拒戰官兵右移枏與數人

陷賊中被執入城枏知不免乘醉罵賊賊怒搜其鞞中得所團鄉勇名冊乃殺之解其尸投諸

城外同時死者文生郭其香監生余瑾思枏之從父也其餘數人今失傳

郭其香字琴亭邑諸生嘉慶丙辰之難香同副貢余國枏等領鄉勇赴行營賊突出掠入城香

誓不屈與枏等同遇害

余瑾思字懷玉邑監生嘉慶丙辰夏同副貢余國枏等領鄉勇赴行營爲賊所掠同遇害

張龍熙邑諸生嘉慶丙辰熙督鄉勇守卡東南繼以其衆攻城中砲死

謝方升字義池邑廩生居週二總好學能文尤工書法體素弱而義氣激昂頗有立功之志嘉慶丙辰教匪據城升率鄉勇效力行營嘗單騎至城下反覆譬以禍福賊不從繼隨官兵攻城爲士卒先屢厄於石矢大帥以重賞募壯士數升乃得免時官兵新集幕府需才文移往來多出升手以功給六品頂戴五月以勞瘁卒於軍

岳士甲邑人居沙溪總性誠篤膂力過人嘉慶元年率鄉勇隨營剿賊屢立戰功大帥特獎勵之稱爲奮勇最常身先登城投火球於百步之外燒殺賊甚衆以功授行營千總加五品銜六月初八日復登城殺賊焚賊棚砲臺賊攢矛刺之重傷死事聞奉旨照守備例議恤給予雲騎尉世職子生璧承襲

張有道邑人嘉慶元年充鄉勇隨營攻賊擒獲賊目周顯組等以功授行營外委乘間入城謀爲內應事洩賊支解之大帥奏其功奉旨給與雲騎尉世職

劉國隆邑人嘉慶初充鄉勇攻城嘗負土築砲臺避石矢爲賊砲所斃

汪炳珍邑人居呼兒總嘉慶二年領鄉勇千餘人堵賊於土地嶺賊由鄖陽山中竄出力爭此險鄉勇失利死傷殆盡珍被數十創猶扼險力戰及被執噴血罵賊遇害甚慘入祀荆門昭忠祠同時死者甚衆列名於後

杜啓瑞邑海堰人直而好義嘉慶二年堵賊於土地嶺戰沒入祀荆門昭忠祠

當陽縣志

卷之十二

人物 忠義

九

宜昌印書館承印

魏宗約滋泥總保正性勇敢好奇節言里中事甚公嘉慶初教匪蜂起同里有王某者兄弟皆賊目也嘗夜詣約誘以白蓮之術約怒縛送於邑邑令宥而釋之未幾城陷於賊王某者糾其黨將應之約團於鄉得數百人直入賊穴殲旂一鄉獲安約之力也三年春川匪入境所過焦土河溶巡檢夏永謙聞約名延至公廨與商防守約慨然曰諾迺以其義勇赴溶衆數百人會官兵失利賊冒其旗幟號衣晨趨溶巡檢以爲官兵也迎於道左尋遇害賊入溶肆殺一市鼎沸約衆方食倉卒不能軍死者大半約獨遇賊於賀家園賊以數十騎圍之約奪賊稍殺十餘賊餘賊引退約憊甚移時而死其子往收其骨猶身無寸傷云

張朝鼎字筠茂邑人居滋泥總性慷慨矜尙氣節嘉慶初充鄉勇搜賊黨於鄉多所斬獲三年春偕魏宗約應募守河溶詰朝賊猝至巡檢遇害鄉勇不支鼎陷圍中其族弟朝全拽鼎與俱去鼎奮然曰走而死孰若戰而死吾知不濟要當殺賊而死死無恨全既去遙望鼎格殺數賊尋遇害其子宏遠號泣而往不獲其屍乃招魂以葬

陶學孔邑諸生嘉慶三年爲賊所掠脅之使降孔抗節不屈賊支解之妻詹氏節婦子玉薰邑庠

袁志道邑增生居脚東總嘉慶三年川匪入境道舉家避林中賊搜得之欲掠以去道厲聲曰吾讀聖賢書豈視顏從賊者賊怒殺之一家七人同遇害一子甫四齡得免

傳行桂邑庠生家赤貧居密中讀書不輟嘉慶三年賊掩至桂正坐罵賊與妻王氏同遇害子大彥以身蔽父受傷幾徧絕而復蘇後十餘日里人為殮其屍見桂正氣凜然而面如生
羅文彬邑人嘉慶初教匪之變彬率丁壯籌防堵一鄉賴之三年賊大至執彬以刃脅之彬引領受刃至死無懼色年八十四聞者壯之

樊安邦字聞信邑武生性沉毅嫻於騎射嘉慶初率鄉勇圖建樹以功授行營千總二年奉檄領本邑及東湖宜都鄉勇守卡於宋家壘東湖地三載賊不敢犯升守備職五年春陝匪竄羅爾坪各卡戒嚴二月二十八日黎明天大霧咫尺莫辨賊冒霧繞出卡後卡勇不支邦力戰死之同時死者六品頂戴武生張順七品頂戴武生劉文祥監生王會元一名黃昌玉胡在朝陳時光鄉勇死者以千數本邑可攷者二百餘人名見後邑令汪開雲上其狀奉文賞給葬銀有差並入祀荆門昭忠祠

陳大有邑文童居普通總嘉慶初邑戶出一丁堵賊宋家壘大有代父赴卡五年二月賊大至同遇害
許文學邑人嘉慶初充鄉勇守卡於宋家壘五年二月賊冒霧繞出卡後鄉勇皆遇害學亦死黃義盛黃石總保正咸豐四年粵匪入境盛以鄉團邀擊於余家坂賊卒至盛衆未集身被七創猶奮臂呼殺賊移時而死

當陽縣志

卷之十二 人物 忠義

十 宜昌印書館承印

附載嘉慶初年鄉勇陣亡姓名

馮錫佩 楊輝國 王士孔 費尙義俱邑人 周 山江西人石工

右五名嘉慶元年二月在本邑乾溪總陣亡

汪炳紹 王之周 汪炳慶 汪炳珍 汪炳光 汪炳禹 汪廷陞 汪士純 汪之香 汪長青 汪之秀 汪士立 汪坤時 汪 棧 汪廷義 汪廷仁 汪炳福 汪士體 汪明倫 汪紹德 汪之士 汪士盛

汪炳煥 汪炳然 汪之睿 汪朝舉 傅天縱 傅啓官 汪士和 傅啓宇 傅天輔 傅啓鳳 汪之恆 汪廷全 傅朝耀 傅天榮

傅啓泰 傅朝緒 傅啓秀 傅天佑 傅貴英 傅朝青 羅應榜 田錦 劉宏才 劉 珍 陳明澤 李啓明 胡敏舉 陳啓法 向應

虎 向國星 向國明 陳邦輔 陳登秀 向國法 劉之心 丁明治 王可宜 方大星 黃元仁 曾廷貴 方有才 劉宗明 傅貴明

熊甯士 熊遠安 黃國治 黃允吉 楊 體 袁 朱 向應胡 陳啓星 郭 進 鄭可玉 周廷見 周宗禮 程宗早 謝盛魁 汪

明梓 陳明安 何正山 毛允鳳 劉占先 劉奉先 何 珍 胡士

榮 習文鳳 宋 珍 胡隆秋 王大榮 習光遠 汪炳貴 李中錦

杜啓錦 李啓哲 傅天柱 傅朝綱 汪炳信 曹玉章 劉日升

左明珍 夏明典 朱其進 尙德柱 朱在廣 盧效志 李其萬

袁中明 向 貴 盧秉仲 崔以德 周顯治 韓明綱 馮兆舉 代

光臣 盧炳志 李大信 伍登舉 李名山 熊啓榮 左明玉 李明

章 盧效仲 鄭金榜 周廷洛

右一百二十六名嘉慶二年在本邑土地嶺陣亡

王相 孔子贊 段 元 鄭元第 郭太文 謝賢光 楊宗福 劉

承遂 謝進思

右九名在本邑土地聖陣亡

姜必祥 程天錫 許光緒 詹正常 毛之湖 劉正仁 關足義 余

應理 胡敏士 盧秉謙 胡允錫 蔣文彬 葉天貴 易足清 涂朝

畢 代廷華 關開來 涂國俊

右十八名嘉慶三年在本邑張王廟陣亡

文國棗邑庠 余希明 張本乾滋泥 鄭光謨滋泥

當陽縣志 卷之十二 人物 忠義 十一

宜昌印書館承印

右四名嘉慶三年河溶殉難者

潘光甸 奚大德 許顯功 蔣洪遠 梁必輝 翁士榮 周廷松 洪

大國 宿應耀 尙萬太 石可文 丁在邦 施文朝 周俊璽 宋

相 汪炳潛 魏啓倫 劉萬禮 宋友焦 汪 潮 楊明相 余 成

齊之盛 羅國元 劉士學 王正升 鄒宋木 鄭君富 田良相

黃必富 艾純義 傅明遠 金日聖 張朝珍 梁應舉 何應順

劉國黥 李允萬 熊澤玉 陳士寬 朱啓典 蕭學堯 翁國璽 周

加官 沈明哲 洪大倫 胡 寅 余連虎 陳以進 金鳳林 史開

周 鄭文柱

右五十二名嘉慶三年在本邑河溶鎮隨同荊州副都統海陣亡

劉方太 趙廷恕 汪文全 黃茂清 謝起鳳 匡金貴 羅國太 廖

珍 王開禮 饒于龍 王開義 代盛傳 朱文邦 羅士富 王學

進 張在宏 雷勝宗 車允茂 李時鳳 王在富 朱文林 李志學

熊士祥 王文秀 劉先考 周道正 謝汝松 黃一甲 牛大常

黃文榜 雷天輝 楊宗樂 丁代傳 魏登梅 魏希達 吳學詩

魏希卓 吳學易 魏邦銳 魏邦模 魏邦宜 魏希正 魏自天 魏
 自宇 魏自統 蕭學文 楊聖重 劉文德 王良學 余秀生 張一
 清 夏年元 吳廷善 張耀山 劉要 馬大有 周文學 陳士方
 陳士珍 汪文龍 徐德美 胡全 王士高 馬廣勳 馬廣榮
 艾月山 陳克仁 周家福 代世昌 吳興國 胡啓鳳 黃國太
 喬博士 曾光龍 張正貴 翁長年 翁壽天 陳懷遲 呂應鳳 舒
 祥龍 王光華 鄭祿 席世龍 朱學志 陳大有 史允芳 劉士
 堯 靳洪福 徐懷明 楊士洪 劉允添 李士傳 熊澤書 賀天朝
 朱廷珍 葉啓云 許文學 陳方定 葛方采 盧昌仁 常車明
 蘇日春 杜美仲 杜美宣 陳茂謙 楊士高 陳士鳳 袁文燦
 國中臺 陳正照 陳華莫 譚開榮 李本貴 杜士亮 李興在 羅
 志萬 李清宜 羅興義 張豐太 石開金 謝大相 葉玷 程安
 邦 張向成 甘志化 甘德輝 李士剛 楊廣 張士倫 張鳳
 羅祖伯 王義寬 蘇獻瑞 徐素知 嚴大義 陳正仁 陳正烈
 廖朝大 劉大太 陳之仁 陳之朝 陳士宇 黃大金 黃子盛

當陽縣志 卷之十二 人物 忠義 十一 宜昌印書館承印

莊夫恆 陳之國 王廷英 葉尙禮 艾景福 陳之宛 金相吉 劉
 人進 李成周 柯之敬 韋國瑞 蕭汝珍 童士芳 洪廷順 黃大
 韜 朱日偉 陳時農 彭起國 魯習正 代良棟 胡澤明 代良文
 艾世法 代良卓 官起學 代良懷 鄒文學 代良壽 熊正國
 代勝舉 代大惠 代聖德 陳于耀 代勝傳 楊文榜 羅傳孔
 李成畢 代勝臣 何日迪 羅士連 羅永文 周尙潮 胡大興 周
 廷樑 許連佐 嚴向順 嚴正華 周廷棟 孫學元 陳得交 張榮
 貴 周添才 劉思 任光彩 黃祿 任光珠 黃中信 馮元勳
 鍾起榮 姚福 楊昌志 劉士才 金日聖 張榮朝 周廷現
 姚時清 尹洪昇 姚時隴 周廷卜 史天經 熊國珍 史大定
 周廷見 賀開文 張朝正 蔣治選 李萬潮 劉士明 趙希華 林
 本玉 曹煥文 胡士科 胡在文 胡才 萬文萬 梅在科 嚴向
 升 劉文志 吳三子 葉春 袁成 高升富 周加盛 陳宗効
 嚴相田 張宗義 吳文亮 王安錦 龔慶安 李潮思 梅士傳
 楊位珍 馬廣才 羅天瑞 僧本福 僧昌引

右二百五十名係邑人五年二月二十八日在宋家壘陣亡

附嘉慶初年兵丁陣亡姓名

王定平 馬貴 王成 李如春 黃升 張起雲 馬應圖

右兵丁七名邑人嘉慶三年在鍾祥石牌陣亡

關啓鳳 李明敖 嚴德勝

右兵丁三名邑人嘉慶四年在羅爾坪陣亡

李如翠邑人嘉慶五年在樂鄉關陣亡

以上十一名見荊門州志

義勇附

明

張一華邑人明季流寇之亂華率鄉勇捍賊身受重創弗恤也後遇賊至以身衛其母受傷幾斃竟以母免其勇於義如此

國朝

張良恕邑鴻橋人奇偉有膽略順治初餘賊小李二等伏西山出沒無常忽四路偵探警有則登高大呼居民皆引避一鄉賴之十八年 大軍入山搜勦餘孽恕詣軍門面陳形勢故得掃

當陽縣志

卷之十二

人物 忠義

十二

宜昌印書館承印

穴無遺邑賴以安 以上二名舊志列忠節傳

馮培乾溪總保正嘉慶元年二月教匪陳德本等自東湖來已據縣城遠安賊首趙之國聚其黨將應之道出乾溪培團於鄉得二百餘人夜襲賊於竹林口殺數十賊餘賊北竄鄉勇戰沒者邑人馮錫佩楊輝國王士孔費尙義及江西人周山山石工也精武藝培以大義激之願為先鋒以白巾抹額如賊狀躍入賊中所向披靡賊大亂鄉勇從之遂破賊餘賊竄至長嶺岡為官兵所殲 帶兵官 邱姓 城中賊勢孤旋就撲滅培與有功焉同時受傷成廢疾者有楊均世

周文榮與弟文成邑鴻橋總人貌魁梧多膂力嘉慶元年教匪已陷城四鄉團勇籌防培會有賊黨千餘自東來扛大箱十餘具陽為避寇者榮窺其箱中皆軍器亟與文成聚鄉勇數百奪其箱藏於漳水之濱將軍舒公聞而壯之召至軍前給以頂戴使率勇攻城每戰輒先登身被火槍彈入皮裏後成瘡卒年七十二

吳江泮邑漳河總人性勇敢能擊劍嘉慶初教匪新起官軍未集會有賊千餘自東來將與城賊合所過鄉里無敢詰者泮聚少年數百伏於漳水濱賊至突出奮擊殲旃

林可依邑人嘉慶初教匪之變民間習邪教有里黨皆然者依與鄰人姚啓惠率鄉勇捕匪黨於椒樹溝滅之繼隨官軍攻城有功授以官辭不受

王朝華邑人嘉慶初教匪四起各總設卡禦之華率鄉勇邀擊流賊千餘於腰店觀無一逃者

繼効力行營以功授六品頂戴卒年八十六五世同堂孫曾以下稱蕃衍云

王可法邑人嘉慶元年教匪之變率鄉勇殲賊於梅子壘繼赴行營以功授八品銜

楊盛世原名啓波邑武生嘉慶元年教匪猖獗世捐貲與族弟大望大第率鄉勇効力行營七月克復邑城餘賊西竄世追至十餘里擒賊首劉秀石以獻總督畢公嘉其功表授守備賞藍翎繼從將軍舒公剿川陝流賊所向有功以親老告歸大望大第俱授行營千總望後補新堤把總

曹思懋邑增生嘉慶丙辰與姪肇率鄉勇攻城賊潰圍出懋逐北至四十餘里以功給六品銜後授河南通判以疾辭

佟步萬字占千邑廩生精悍有才智嘉慶初教匪方據城州收張琴以兵駐萬家賊夜襲之爲萬所敗繼獻攻城策募壯士穴城西北隅納火器其中密與各營約七月十四夜穴中火器齊發賊踉蹌西奔兵勇逐之殲賊殆盡以功加六品銜後授豐州州同因病不能之官卒年五十四

傅志春邑人居胭脂總父資精武藝春尤魁偉有膂力嘉慶元年充鄉勇禦賊將軍舒公聞其勇署爲前鋒嘗巡哨猝遇賊從者皆散春挺身獨前奪賊砲手足俱傷竟以砲還營卒冒其功受重賞春無所爭人服其雅量

當陽縣志

卷之十二

人物 忠義

十三

宜昌印書館承印

嚴登甲與弟登榜俱邑武生嘉慶元年同領鄉勇攻城爲士率先及收復邑城以功授登蓋榜藍翎千總後補均光營千總升蘄州都司以事罷歸

雷啓輝邑人嘉慶元年輝率鄉勇剪除匪黨一鄉賴之後隨營攻城以功賜六品藍翎謝盛升邑人嘉慶初領鄉勇剿賊以功授行營千總子子坤鄉賓孫曾林立五世同堂衆至五十餘人

鄧芝瓊邑人嘉慶初領鄉勇堵賊以功給七品頂戴孫肇基庠生



當陽縣志卷十三

人物志下

篤行

昔王彥方以貞白居鄉里中不肖畏其知名司馬溫公誠信自然陝洛間化之知篤行之感人深也邑之文采風流較他邑未能競爽而敦禮教崇信義猶有古人之遺風焉矩矱法乎高曾聞望著於里黨視世之弋名釣譽矜尚浮華者相去遠矣採而錄之可以規一邑之士習民風云作篤行傳

國朝

謝曰藻字素生邑明經居合溶性謹厚明於大節明季流寇之亂藻載其宗譜掘地以藏之者三得不燬國朝定鼎後有薦藻於雲南逆藩者偽徵至藻力卻之子四其三子與兄子戲墮水死藻惟隱慟待兄子如初及長析產之半與之無稍靳壽至九十七三子俱邑庠孫永聰康熙甲午舉人舊志列忠節傳

劉鴻儒字介臣邑明經性倜儻明於治術邑令訪以時務必直陳利弊於地方大有裨益時論韙之授湘鄉訓導未就卒年五十九

張遷喬幼嗜學敦尚實行嘗侍繼母疾月餘衣不解帶性好施與鄉里貧乏者賴之每建議多

當陽縣志

卷之十三

人物 篤行

一

宜昌印書館承印

切時務當道常採用焉子孫遵遺訓能以詩書世其家

劉曰漢郡庠生幼力學小試輒冠軍父大名訓子有方漢率教惟謹一時稱其孝友性復耿介居城中不履公庭邑令益重之子六四列膠庠成明經者二

張泰郡庠生好學能文志行純篤日手一卷泊如也母病數年泰侍湯藥未離寢門及執喪哀毀骨立遂成羸疾未幾卒閭黨憫之

魏尙志邑庠生性沈潛篤於天倫以優行舉社學長其訓徒務崇實學遊其門者多謹飭士與兄同居家事必稟命館穀所入悉以歸兄自號許山樵子

楊枝蕃貢生前任印令州彥之元孫也家學淵源居心仁厚生平不喜聞人過每爲人排難解紛同里莫不悅服

馮袞邑明經立品端方平易近人與長兄相友愛終其身未嘗析居和樂萃於一門鄉里稱之宋士獻字徵可邑諸生性樸直喜藏書籍延塾師於家課親故子弟之貧者助膏火焉值歲歉爲饘粥以食饑者寒爲之衣疾爲之藥小惠幾徧鄉里也沮水西有楊五寺堤實居六堤上游丙子大水堤決數里下流盡爲洪濤獻倡議修復所費不貲及竣享其利者萬家以子貴封奉直大夫子楚望官至知府楚材武舉

郭袞賢邑明經明孝廉郭之都之季子伯兄毓賢以死脫父難見孝友傳仲兄祺賢以選拔任



雲夢諭有傳郭氏以詩禮世其家守訓尤謹子孫勝衣冠者雖燕見必冠家故饒子孫無衣
紈綺者族有佳子弟必成就之姪孫俊成進士衿賢力居多子八孫璟
恩貢生璨以文行重儒林有傳琦瑛皆廩生瑛貢生諸孫多列庠食餼當陽孝友文學之家必
首郭氏云

任宏仁性孝友兄宏韜遠出不歸仁貸資斧尋於江南及至兄已歿號痛幾絕與榧以歸後與
姪柝產推腹讓美無吝色鄉里義之子之朝明經之超之烈俱庠生

趙開祚邑廩生少穎悟工文小試輒列前茅屢膺薦性孝友立品端凝同里莫不敬服子州
傅明經

侯登元邑人父啓珏嗜酒好交遊家資幾盡登元善爲治所獲利多具酒食以娛父其善體親
心如此

任楚雄邑庠生弱冠能文八赴秋闈不售性尤樂施乾隆乙亥水泛朝陽山麓范家垸堤潰數
百丈陷爲巨潭楚雄星夜募夫每日設餐一次共計一萬三千餘工堤成建關廟於其上置田
五十畝以供香火復糾垸民築沿河堤三百餘丈范家垸始成樂土家貲半耗不計也

曹之冕字服周性淳厚其事親委曲承志終身無間遇歲不登寬周濟鄉鄰設饘粥以食餓者
分遣僮僕種蔬菜於涸澤中迨春二麥未熟飽菜羹以活者甚衆卒年七十

當陽縣志 卷之十三 人物 篤行 二 宜昌印書館承印

曹士焯邑監生負氣節重然諾能急人之難族弟士烈家赤貧或誣以盜幾不免賴士焯力事
得白生平義舉多類此

祁朝陽例職州同幼嗜學性謹厚其父早世事母以孝聞偶逢母怒卽以小杖奉願身受也性
尤好施遇歲歉出穀麥以濟鄉里至數百石無吝色一方賴之

張志毅字方引邑庠生孝友純篤博涉羣書從無疾言遽色對者矜平躁釋享年八十四子玻
孫崇職俱邑庠

黎适臣邑耆民性寬和持重尤喜施與生平領修橋梁甚多獨造結緣橋二有碑誌其事年八
十餘卒

蔣士英邑合溶人性端方不出戶庭喜建橋有募必傾囊應之乾隆二十三年捐銀購石重修
合溶上下街道及武公橋行人便之

楊永杞性醜古乾隆四十七八年大疫先後施棺百餘具親族不能嫁娶者必助之貲小惠幾
徧鄉里也卒年七十八

劉學朱邑貢生性孝友訓子孫力敦本行尤樂義舉贊建 學宮書院勞怨不恤晚年主講迴
峯書院獎勵後學甚多卒年七十五子經時邑庠生

劉九星字德軒邑耆民明山西按察副使煥八世孫也博學篤行翰墨自娛所居魚兒總壤地

交錯國初清丈田畝邑令造廬商推一總田賦井井有條皆其力也

黃映蓋邑庠生孝友樂善父早卒母教之嚴蓋率長跪待罪必霽顏乃起弟不善治生常私鬻其田蓋爲贖還監修 學宮書院經費出入絲毫無所紊關南建石橋蓋捐貲獨多或請立石傳其事蓋辭謝焉卒年七十二

何獻文邑耆民退讓急公時稱長者所居距城百里而遙邑令苗重其人諉以督修 學宮書院文竭力經營一年未嘗歸里同里有毀之者文輒自引咎子正楚邑庠

任哲雄邑人樂善好施嘗於柳林港倡建石橋行者便之從弟惠雄夭折遺孤僅三月哲撫育以至成立鄉里義之

楊先佑邑介賓慷慨好義乾隆甲寅方修邑乘佑襄其事不憚勤勞未幾卒前令黃爲作墓誌詳藝文中 以上續舊志

林一枝字桂亭 恩貢生家居授徒品學交勵及門列庠序者四十餘人晚年課益密所得修脯分資諸姪於族戚中孤寡者益加厚焉卒年七十三嗣子茂先邑庠生

曹世煥字永亨廩生力學負品望乾隆甲寅修邑志採輯北鄉事編次多出其手無溢美辭嘉慶初教匪起煥籌資募鄉勇堵要害縣北諸境悉賴以安總督畢公嘉其功給六品銜性復恬退每膺懋賞輒以疾辭卒年四十有八

當陽縣志

卷之十三

人物 篤行

三

宜昌印書館承印

羅有臨漳河人性孝友周恤貧乏無德色升斗之惠幾徧鄰里晚年好讀史晝夜不輟孫曾林立四世同居卒年八十六孫驥鳴同治元年登孝廉方正科餘多食廩餼能世其家法一鄉慕之

林時傑字豪士漳河人篤信和惠里黨之暴戾者悉感化之年八十有三子孫相繼列膠庠林大仲漳河人性廉潔取與不苟偶過市拾百錢於道知爲貧者所遺仲鵠立道旁待遺者至與之其謹厚類如此卒年八十有三

徐開祥邑廩生嘉慶初以軍功授六品銜性恬靜篤於天倫兄有疾親理湯藥左右扶持數年無倦色立家塾課子姪皆有聲庠序孫中慧道光乙未副貢中青庠生

鄭冕字禘周邑耆民年二十四妻黃氏物故冕誓志不再娶撫二子一女至成立持身高潔與物無爭鄉里稱長者守義至四十七年卒年七十子孫蕃盛能以耕讀世其家

牟登典字蓮溪性醇謹事親以孝聞嘉慶初教匪之難典隨父趨避中途相失號呼入賊穴賊脅讓而釋之比歸則其父已在門性好義與葉開道捐置義田以充里中公費嘗應試歸拾金於道知爲貧者所遺守而待之及哺遺金者至詢知爲人傭也悉以歸之未嘗告以姓字生平喜吟詠耕釣之外惟以詩酒自娛所交皆知名士唱和無虛日著有山水堂詩稿卒年七十有七次子經瑞庠生

葉開道字梅塘邑監生勤學好施嘗置家塾顏曰百穫堂以課子弟道光初與牟登典捐置義田三石作黃石總東甲公費一鄉稱之孫化中庠生

李祖修邑耆民居河溶鎮性端方好義舉嘗置田一頃施作義地監修河岸石磯勤勞七載經費不足則稱貸以濟之生平建橋樑修街道慷慨資助善行甚多卒年七十八子天保邑庠生郭元鳴字仁山邑明經父應運性純樸元能繼之篤於孝友待人無畛域卒年六十子壽壬廩生

楊永清字知白邑耆民父達天兄永芳永華俱於嘉慶初殉難時清尙幼上事母嫂下撫弟姪辛苦備嘗家故貧讀書不輟既老猶吟詠自娛子孫繼起五世同堂卒年八十

鄭若蘭貢生性謹厚不輕然諾鄉里爭訟者得其一言而解遇貧乏必任卹之咸豐六年大旱人畜皆渴蘭有水半塘計灌田可穫數百斛蘭坐視其苗槁以水濟飲一方人畜賴以全活鄉里以爲難

曹邦詔字晴嵐邑監生少失怙事母以孝聞嘉慶初教匪之變詔爲義勇長防堵有功將軍舒公奏給八品以母老不求仕持身端正與物無爭子女漢汝暄俱邑庠孫曾繼起五世同堂邑令方爲題額以表其門卒年八十七

鄭光耀議敘國子監典籍性孝友昆弟五人晰居後任卹無德色遇義舉必解囊飲助其好善

當陽縣志

卷之十三

人物 篤行

四

宜昌印書館承印

樂施爲鄉里所稱道卒年七十子以芬邑庠

羅驥鳴字雲騫幼嗜學年十五補諸生登同治元年孝廉方正科其事親曲盡其孝昆季相友愛常藹然如孺子時立家塾課子姪皆循循有法相繼列庠序咸豐初粵氛方惡遠近避寇者多主其家鳴力爲保護歷久無德色生平重然諾識大體凡邑中盛舉如賓興膏火及加廣學額皆竭力籌畫務求有益於士林邑令常倚任之歲在乙丑重修邑乘鳴襄理局務甫及開雕以勞疾輿歸賈志而沒聞者惜之卒年六十五

文苑

茲邦文章之士著錄自國朝始蓋前代俊流淪湮者多矣夫蜀得司馬相如始擅詞賦之聲
聞得歐陽詹始以古文明二邦之士自此含英咀華如雲而起矣無他鬱之久者宜必暢也
若茲邦者仰其山紫蓋玉泉孕靈而誕秀勝其川清漳曲沮噴珠而濺玉吾見自茲以往家
雕龍而人吐鳳也况紛紛宿彥名播簡篇者已導其先路哉未沫前芬方揚後馥作文苑傳
栗引之字長伯前明孝廉聯芳嗣子也博學多聞由選貢考授縣丞性曠達不樂仕進移居青
溪山中茅屋數椽泊如也每攜老僕背書囊入玉泉鬼谷諸幽處兀坐把玩發諸吟詠其陶寫
天真不染塵氛如此生平惟楊州彥稱莫逆交唱和無虛日初邑乘廢缺引之毅然重修兵燹
後搜訪維艱得殘篇於劉鴻儒家摩挲考究彙次成書一切治亂沿革瞭如指掌而於賦役風
俗土宜諸條尤三致意焉他如玉泉山志亦出手裁著有大雲樓稿子宗高亦以能詩稱

熊荷生字擔人邑貢生幼勤學爲文一軌先正家貧授徒於鄉出其門下者多知名士

謝申裔邑庠生篤學工文里黨知名
劉續祖字二史少失怙受學於許白雲未冠補邑庠嘗遊長林諸生方矜談石鼓文續祖證辨
妮匕聞者靡不傾折爲制藝規有明諸家神骨畢肖家貧授徒能誘掖後進一語之合必獎勵
焉初有志進取兩入都門艱於遇歸輒放情詩酒嘯歌清溪方山間所著詩古文辭獨闢畦徑

當陽縣志

卷之十三

人物 文苑

五

宜昌印書館承印

人爭傳誦卒年七十

牟萬鵬邑明經篤志於學師事長林胡念先研窮經義至於子史詩文經手考訂抉摘皆中肯
綮藏有磨心鏡教學譜

王炎字烈山雍正癸卯選貢少沈重寡言笑安貧嗜學尤潛心性理諸書發爲文字根柢深厚
無蕪雜影響之詞間形於詩歌亦質樸有理趣結廬江上生徒從遊者衆卒年五十餘

李和煦邑貢生少勤學敦孝友性復曠達不事生產作業授徒於鄉歷數十年所成就甚衆
黃大經邑廩生嗜學能文家故貧事繼母克盡其孝授徒數十年出其門者多知名士人謂文
行兼長云

嚴方英邑廩生少聰穎援筆能文爲士林所推重從之遊者皆有聲庠序未遇早卒
吳迪邑廩生立品端嚴不苟言笑一時從遊者多謹飭士前邑令王深器之

劉容字伯度邑廩生少勤學受業於季父續祖以孝友世其家讀書能強記周秦以下諸子史
雖隱僻叢雜事信手摺摭不譌一字其屬文苦心孤詣不落恆蹊以數奇艱於遇年四十七卒
郭孫燦字湘琳邑廩生天資沈敏爲文刻摯小試必列茅其事親躬扶臥起調飲食每得佳味
輒喜勸加餐友恭諸昆弟亦本至誠自顏其齋曰弟兄師友家藏外聞人有異書必借觀儀禮
通攷册府諸大部皆經手抄疾前二日猶搦管不輟年四十二賞志以歿

張開佐邑明經性沈靜七歲入塾卽正席端坐目不旁矚及長溺苦於學於大易啓蒙性理精義諸書尤潛心焉家居授徒以正誼明道爲本其爲文亦恬雅深醇著有真積堂文集

曹思濟字巨川邑廩生性豪邁博覽羣書詩古文詞乘興寫懷如風雨驟至晚年造詣一歸於正乾隆壬辰報明經旋卒

曹佩維字懋四邑廩生諸兄早逝撫孤姪如己出子弟有過不深責但令旁坐靜思各謝罪乃已其宗祠自明季燬於兵佩維捐貲倡建復捐田供祭祀有餘則以濟宗族之貧而賢者族中咸遵訓迪不肖者慚其知名恩誼之隆稱於里黨也爲文精闢峭勁懇切不可磨滅著有深柳堂文集

張鴻敘邑明經爲人沉靜簡默少孤貧遇書皆手抄窮年攻苦卒徵博洽爲文骨氣嶙峋不拘常徑以明經終邑人惜之

盧嗣遜字方舟邑庠生少孤銳志於學有文名家居授徒所成就數十人族隸軍籍遜爲置義田以濟漕運又清溪之義塚地方山之起鳳橋皆其倡置也晚年精於醫所濟甚衆舉鄉飲正賓著有方舟文集醫方解補藏於家年七十無疾而卒當暑三日及殮面如生子效棟庠生

上續舊志

葉文在字愛梅乾隆戊辰科副榜幼嗜學明于訓詁既而博覽羣書得其精義爲文一規先正

當陽縣志 卷之十三 人物 文苑

爲士林所傳誦從之遊者以品學相高後多爲名宿焉

胡作材字械村邑明經家貧嗜學小試輒冠軍前邑令衛肅才之稱爲士林翹楚性端嚴燕尼必正衣冠其屬文一軌先正不屑從時尙家居課徒以品學相規從之遊者多知名士既老蒔花種竹吟誦不輟爨烟屢虛泊如也卒年八十四

羅開泌字達泉邑明經性醇謹不以冥冥墮行遇事和平無疾言遽色其授徒精於訓詁最能啓發後進從遊者衆先後列庠序者七十餘人輯有西園講義待梓卒年八十一

張致青字涵清邑明經少有才思溺苦于學經史外惟嗜古人詩詞作賦必宗漢魏學使初公奇之稱僅見焉性高潔爲塾師必擇所爲主修脯非所計課讀之暇輒攜酒垂釣盡日忘歸其書畫皆有異趣晚年家益落衣食常不給惟日以翰墨自娛卒年七十

羅鵬程字雲岸邑庠生父承旨以篤學爲名諸生鵬程克世其業以禮法自持家居授徒喜獎勸後進一時從遊多知名士每自塾中歸先謁其兄侍坐移時太和之氣溢於庭除里中稱之李森桂字蘭蓀邑廩生幼失怙事母以孝聞嘉慶元年教匪之變桂奉母避山中險阻備嘗而定省無闕性聰穎援筆成文文亦清迥刻擊爲後學所傳誦

熊問世字子才邑明經家世業儒問世尤純粹道光中總督訥公閱兵過縣延致館舍訪以邑中故事晤對移時所陳皆有根據訥公深器之稱爲一邑名宿

嚴大箴字勤軒邑明經性醇謹溺志於學所作詩賦文詞皆有考據爲後學所傳誦書法亦工
卒年七十八弟大訓邑庠生亦以能文稱

張金字雲程邑明經居心謹厚和平接物爲生徒講學務發明經義不沾沾於制藝晚主書院
講席敦品勵學多所裁成卒年八十四子致峻致潔俱列賢序能以詩書世其家

聶子英字安業性沈靜持身高潔博覽羣書挾其精蘊嘗謂讀經如侍嚴師讀史如對法官人
能以史通經以經定史方不愧爲根底之學晚年益工詩自漢魏以降至唐宋各家皆詳加攷
訂論晰微芒閉戶吟詠垂四十年著有安業詩草卒年七十

張尙俊字梅岩性曠達喜吟詠所交皆知名士唱和甚多卒年四十七

李集堂邑明經性誠樸溺苦於學訓徒數十年門下多知名士卒年七十餘子嗣英邑庠

曹步瀛字星槎邑庠生幼英敏勤於學纂龍門史記百三十篇故其文皆有根據課徒於家從
遊者多列庠序卒年七十八

當陽縣志 卷之十三

人物 文苑 隱逸

七 宜昌印書館承印

隱逸

學古入官乘時利見士君子之恆軌也然堯舜在上下有巢許嚴陵處光武之世而以漁
隱終亦各行其志而已邑之山水佳勝靈秀所鍾自應代有偉人而見諸仕版者顧寥寥
焉知山林岩穴之間懷奇抱異甘心沉淪者爲不少也茲沿舊志掇其可考者得數人焉
於以表章潛德且可以愧天下之逐逐浮榮者矣作隱逸傳

元以前不可考

衛應辰邑人博學篤行隱居弗仕有古逸民風自號臨沮散人入祀鄉賢祠

明

鄭克昌字伯賢原籍福州祖崇進士官本學教諭因家焉克昌少爲諸生屢赴秋闈不售遂棄
去放浪山水間吟詠自適遠安鮑令墓其高數造訪皆不納本邑馮令思得一見終不報嘗采
禹貢周官及管韓荀賈諸篇彙爲一書皆有見地子餘慶字五雲歲薦歷歷任教諭篤行有父
風

楊誌字石父弟兄皆諸生誌獨嗜讀書工詩不屑習舉子業及壯好遊嘗至吳越蹤跡多在湖
湘間生平不喜見貴人長沙禹山宗王善詞賦誌乃以布衣取重郡邑有司造廬欲一見不可
得子弟疑其倨誌曰予布衣又腹大不能長揖庸倨乎一日於遊次覽鏡見白髭驚曰予老矣

堂上且有兩華髮人安可復出自是嘯吟田間十餘年卒年六十六誌爲詩澹宕有幽思無凄韻深得風騷之致遺草數卷大都沅湘間語多幽折田居語多和暢

張曰且邑鴻橋人敦倫樂道儉德傳家喜讀書年三十餘無意進取閉門卻掃凡五十一年自號雙河居士卒年八十四前數日呼子孫至榻前誦曲江感遇詩二章囑錄朱子儉德帖置座右以上續舊志

當陽縣志

卷之十三

人物

隱逸
耆壽

八

宜昌印書館承印

耆壽

三代最重養老漢遂承之頑肉帛酒醪徧及天下耆老此誠驅民壽域躋世福林之盛事也茲邑山川相繆民生敦龐閭閻高年多以壽攷著稱非獨得諸地氣其亦優游於聖仁德澤者深矣連類書之以徵休美作者耆壽傳

文太常邑沙溪里人年百三十一歲明 間授壽官孝廉瓚其十世孫也

張際太邑庠生年八十六性節儉燈下能作蠅頭小字乾隆庚戌恩賜衣帛米肉

楊正元邑人簡重端方乾隆四十三年壽至九十學憲洪錫以敦行壽臧匾額卒年九十五孫起崙庠生

莊方昇邑人好善樂施尊師重道晚年尤力行陰隲卒年九十二

林可裕邑胭脂總人性耿介耽經史隱居自適不求聞達終日危坐手一卷至老不懈

楊鉞字定西鄉賓楊先佑之祖端嚴和厚喜排難解紛卒年九十以上續舊志

朱在聘邑鴻橋人康熙時庠生好讀書而艱於遇家居授徒一以和鄉鄰息爭訟爲實務卒年

九十有二

劉鉅邑諸生居魚兒總伯父尙衡父尙典俱年逾八十鉅尤勵學鄉里稱善人夫妻齊眉卒年八十四子三祝議敘六品誥封奉直大夫現年八十三三世俱登上壽能以詩書世其家亦門

祚之庶者孫德華道光丁酉拔貢

朱玉成五總人性廉靜和睦鄉鄰年百有十歲邑令蔣遇春爲題養德天和匾額以表之

趙純懋安陸郡庠乾隆性廉介取與不苟孫曾林立五世同居卒年九十八

游于清宇春軒高祖逢盛康熙朝舉人清其元孫也生子五孫十四曾孫十七元孫四目擊先後七代所居猶是明時舊廬卒年九十八

林中文漳河總人性純孝耿介好義嘉慶初教匪犯境文負誓母走百餘里避之嘗充鄉勇防守有功年九十餘夫婦齊眉步履如壯者子栖鶴 恩貢生

柏山岱邑上總人性謹厚取與不苟不出戶庭者四十年見貧苦親鄰尤加周恤卒年九十王鳳字潔蘭秉性耿介取與必嚴五十始娶年九十七已抱曾孫邑令董文煜爲書熙朝人瑞匾額以壽之

楊嗣緒邑農民年九十有二子孫蕃衍以勤儉世其家

王可望邑漳河總人以耕讀爲業卒年九十子孫相繼列膠庠曾元以下日蕃衍云謝子周邑三洲總人以勤儉起家年九十有七

陳應書三洲總人守正不阿年九十有六無疾而卒

熊遠朝邑呼兒總人厚重端凝子澤興亦年八十有五孫曾以下稱繁盛焉

當陽縣志

卷之十三

人物 耆壽

九

宜昌印書館承印

龔忠貴邑農民性謹厚寡言笑輕財好義鄉里稱之卒年九十有六

張大定邑農民性嚴正識大義嘉慶元年設卡堵教匪匪黨潛竄秋家若負固不動大定偕雷啓輝謝盛紳陳啓鳳共率鄉勇數千破砦滅之道光元年卒年九十有六

雷興邦三洲總人性質樸五世同居卒年九十有六

汪長謨邑人居呼兒總性廉介閭黨爭訟者咸質成焉現年九十子孫二十餘人五世同居鄉里義之

汪士杰呼兒總人父早卒事母以孝聞置義田百畝以所入周窮乏不責其償四世同堂卒年八十二

余之瀛漳河總人性質樸與物無爭幼逮事祖父母晚年抱元孫親見七代曾元以下日繁盛年九十有八髮妻劉氏亦年九十二壽考齊眉一鄉慕之

杜宏器字玉華與弟宏文相友愛終身未析居子孫繁衍孝友一堂宏器議叙六品卒年八十八宏文舉仲賓卒年八十四

張自潔邑庠生少孤事繼母維謹數十年無間言性和寬與物無爭子孫相繼列庠序卒年八十七

賀志初邑庠生耕讀爲業不干外事卒年九十

曾志吉胭脂總人性溫厚能排難解紛子三孫九現年八十八猶稱康強云孫康明廩生曾紹典邑人少孤習於勤苦妻馮氏稱賢助典性正直言笑不苟年九十有六猶耳目聰明步履如少壯時子五俱登中壽孫曾日蕃盛云

何明宣邑農人現年八十九猶能負百斤終日不輟弟廷宣清宣俱年逾八十昆弟俱登上壽鄉里稱人瑞焉

宋良萬邑大蓮總人妻許氏勤儉起家夫妻偕老子四孫曾林立萬年九十六猶康強如壯者許氏亦享年九十三

張道成邑五總人居心謹厚篤於天倫嘉慶元年教匪之難舉家引避成年甫十七以一身保護之卒無恙生平課耕課讀政家肅然鄉里咸稱道焉卒年九十孫鳳寅文煥俱入邑庠文志國邑四總人嘉慶初充鄉勇勦賊以功授藍翎千總不樂仕進其居家急公好義卒年九十三

曹孫蛟邑胭脂總人慷慨樂施無吝色閭黨蒙惠咸稱長者卒年九十

當陽縣志

卷之十三

人物

耆壽

十

宜昌印書館承印

流寓

勝母則曾子不入朝歌而墨翟迴車古之人偶焉託足必慎擇其地里仁所以爲美也然風俗之轉移又往往視乎其人邑自仲宣作賦振起人文迨有宋名儒如唐質肅胡文定朱漢上諸公棲遲林泉以講明道學此邦之人承其餘緒百世下猶不失爲純謹之風蓋其薰陶涵育者深也憑弔遺跡心嚮往之矣作流寓傳

魏

王粲字仲宣山陽高平人獻帝西遷家長安善屬文蔡邕見而奇之曰吾家書籍文章當盡與之年十七辟黃門侍郎以西京亂不就鄉人劉表爲荊州牧往依之粲貌寢通脫表不甚重作登樓賦以自傷表卒劉琮降魏辟爲丞相掾遷侍中朝廷制度悉咨之建安二十三年從征吳道卒唐

孟浩然襄陽人好義節詩名重開寶間王維極推之隱居鹿門山嘗往來荆門漳沮間陪張曲江遊玉泉有詩

杜觀甫弟甫在蜀有績得觀書迎就當陽居止之作

五代

梁震蜀人後梁開平元年進士取道歸蜀時荆南節度使高季昌僭號開府荆臺慕其名留之

欲辟爲判官恥不就曰震素不慕榮利明公不以爲愚願白衣從事許之震止稱前進士季昌亦禮重之稱爲先輩而不名昌卒子從誨時過其廬贈遺特厚後固請退築室於上洲嘗乘黃牛披鶴氅間詣村墅自號荆臺隱士

宋

唐介字子方江陵人嘗客當陽讀書漳水上仁宗朝登進士爲武陵尉歷平江任邱令入爲御史裏行轉殿中侍御史劾宰相文彥博彥緣宮掖諫官吳奎表裏觀望帝怒甚將遠竄介徐曰臣忠憤所激鼎鑊不避何辭於謫帝亟召彥博入介責之曰彥博宜自省卽有之不可隱彥博拜謝不已帝怒益甚貶春州別駕帝旋悟明日取其疏入改置英州而罷彥博相吳奎亦出帝慮介或道死有殺直臣名乃命中使護之由是直聲動天下數月起歷邠潭復諸州尋復原官入對帝曰卿遷謫以來未嘗以私書至京師可謂不易所守矣久之請解職出知揚州徙江東轉運使及彥博再相薦介曰何介所言誠中臣病尋進天章閣待制復知諫院多所論劾旋請外職英宗立召爲御史中丞明年以龍圖學士知太原府夏人數擾邊境多築堡介悉撤之諭以利害不致動神宗立以三司使召尋拜參知政事帝欲用王安石介言難大任安石好學而泥古論議多闕使爲政必多更變帝弗聽自是數與安石爭辨帝主其說介不勝憤疽發於背卒年六十諡質肅子淑問義問孫恕皆有名

當陽縣志

卷之十三

人物 流寓

十一

宜昌印書館承印

胡安國字康侯涿子也生有異質年十七入太學與伊川門人朱長文靳裁之講論學問日遠登紹聖四年進士崇寧間提舉湖北學使事抵官改湖南爲蔡京所擠除名退居漳濱迎父就養定省外惟經籍自娛宣和末廷臣交薦上坐便殿虛懷勞問甚渥奏曰明君以務學爲亟聖學以正心爲要上首肯之以足疾乞歸至襄陽虜已薄京城時長子寅校書中祕賓客爲之憂安國愀然曰主上在重圍卿大夫之辱也余恨效忠無路敢念子乎聞者感動及高宗卽位復論政有九失召爲給事中凡三辭紹興中促召未至復除給事就職旬日遂以疾求去有旨令纂修春秋以進先是王安石廢春秋防禁益甚安國獨留心是經研窮三十餘年曰此傳心要典也至是繕寫奏御上屢嘉歎有經筵正論武彞集貲治通鑑補遺行世卒諡文定從祀孔廟子寅甯宏從子憲俱名儒

朱震字子發荆門軍人政和進士仕州縣以廉稱胡安國一見大器之薦爲司勳員外郎稱疾不至會江西制置使趙鼎入爲參知政事上諮當世人才鼎曰臣所知朱震學術深博廉正守道士之冠冕使位講讀必有裨益上乃召之既至問易春秋之旨震以所學對上悅擢祠部員外郎兼川陝荆襄都督府詳議官多所建白後謝病乞祠命知禮部貢舉會疾卒震經術深醇有漢上易解大旨宗程傳兼邵張之論上采漢魏吳晉下逮有唐及宋包括同異而於象數加詳云震嘗讀書玉陽學者稱漢上先生

侯仲良字師聖河南人嘗寓當陽顏其居曰時習乃二程之甥得其傳胡安國子宏師事之朱子每稱其人清端勁直不愧師門云

何參彝陵人博學孝義不求聞達隱居當陽稱處士云

舊志列隱逸傳

袁宏道字石公登萬曆壬辰進士歸益鍵戶讀書除吳縣聽斷敏決案無留牘未解官起順天教授歷國子助教禮部主事歸臥柳浪湖上凡六年以清望推吏部驗封主事改文選尋移考功員外郎立歲終考察羣吏法疏上報可遂爲定制遷稽勳郎中移病休沐不數月卒於家年四十三萬曆中年王李學盛行宏道昌言排擊以爲唐自有古詩不必選體中晚皆有詩不必初盛歐蘇陳黃皆有詩不必唐人唐詩色澤鮮妍如且晚脫筆硯者今詩纔離筆硯已成陳言豈非性靈剽擬所從來畏乎一時聞者神解翕然宗之石公與弟小修嘗讀書玉泉柴紫菴又最愛紫蓋青溪往來嘯詠甚多

袁中道字小修公安人十歲著黃山雪二賦五十餘言長通經史游情詩酒以豪傑自命嘗泛舟西陵走馬塞上窮覽燕趙齊魯吳越之地足跡幾半天下而詩文亦日進歸學李龍湖有志出世操觚應舉懷利刃切泥之歎久困銷圍流離世故有憂生之歎萬曆丙辰始成進士授徽府教授遷國子博士乞南得禮部儀制歷官郎中旋乞休以疾卒年五十四有珂雪齋集朱彝

當陽縣志

卷之十三

人物 流寓

十一

宜昌印書館承印

尊謂其才不逮中郎而過於伯氏蓋定評云

以上續舊志

仙釋

考諸史冊仙釋多不載義綦嚴也然羽客縉流間有超越塵俗為士君子所樂道者如太白之於元丹邱昌黎之於大顛子瞻之於了元參寥輩酬答往來形諸歌詠初何嘗以異端棄之邑之林泉幽邃為修真逃禪者所爭趨方外奇蹤益令山川增勝矣擇其尤者附載於篇庶足以資博覽云作仙釋傳

仙

漢葛鉉字孝先句容人稚川從祖也有道術遇親朋輒邀止折草刺樹以杯承飲皆旨酒又取瓦礫草木之實勸客皆脯棗嘗修真於邑之紫蓋山煉丹井存焉又有孝先閣

晉張驚喜字彥悅冀州人張華族也永康中隨父任當陽棄俗修真南游至寶慈觀仙去

梁胡伯女年十四有悟遊當陽圓臺山築室環列羣書居七十年蛻解去

唐司馬子微臺州人嘗隱於內方及邑之三星山後人因名其地曰馬仙村李白云余昔於江陵見天臺司馬子微謂余有仙風道骨可與神遊八極之表乃著大鵬賦以見志

樊夫人劉綱妻綱為上虞令能檄召鬼神嘗與夫人較術卒不勝後偕仙去貞元中夫人遊湘潭隱姓字但稱湘媪止人舍十餘載以丹篆療病後里人棹媪之洞庭遇道士始知為樊夫人也傳於紫蓋山飛昇云舊志

當陽縣志

卷之十三

人物 仙釋

十三

宜昌印書館承印

玉真公主唐睿宗第九女開元時嘗修煉於邑之圓臺山今燦霞觀其遺蹟也

曹何二仙姑莫詳其始有洞在九子山麓暝且時常以鐵舟浮堰中云

明朱風子不知何許人狀類顛者居青溪言人禍福多奇中時行乞於鄉有餘則以給衆丐一日謂土人曰我且死幸瘞我衆從之歲餘有見風子荷擔於道者衆駭之發其塚空穴而已

按郢書云朱顛者不知何許人萬歷末往來荊楚間衣百結寒暑不變不乞食與之食則食嘗臥叢蘭寺殿角下風雪累日弗起咸以為死視之酷睡如故性嗜飲每出必醉匕則裸而舞口喃喃歌如云海外玉皇披象皮不知何謂羣以顛目之袁中道嘗遇於當陽燈市見其醉中自語云且混且混因問燈佳否曰燈甚明路不平燈甚明眼不靈袁歎為異人焉有謀以酒困之者笑曰神仙醉不死費乃變頭矣一日肩短椰挂不借之朽者十餘兩別所短入山去好事者從而蹤跡之見其行甚徐而衆奔馳莫能及移時不知所向或曰朱乃中州諸王孫殆亦謫仙玩世之流與以上仙

釋

晉慧遠雁門樓煩人姓賈氏師事釋道安及石勒將亂安與遠偕衆渡襄陽襄陽陷乃振錫南遊常倡道於邑之廣福山今清溪龍泉圓通諸寺皆其道場也後結宇廬山不復出八十三終隋智者禪師名顛本陳氏荊州公安茅穗里人祖梁封益陽侯父起有子二次即顛童時出家

從師南嶽誦法華經獨具慧悟將復遠遊母止之曰甘旨誰供顛指茅化為稻指水化為油遂入天台又居金陵光宅寺隋開皇初晉王廣既平陳迎顛西上止玉泉山因為表請立寺居數年復還天台示寂於石城

唐宏景玉泉寺僧懷讓惠真皆師之詔居京師主法席後偕道俊還山中宗命朝士賦詩以餞別

神秀河南尉氏人本李姓少為諸生游學江表年五十始受具於東都天宮寺問法於黃梅宏忍大師忍歎曰吾度人多矣懸解圓照無如秀者東山之法盡在子矣儀鳳中結廬玉泉之東曰度門蘭若天后召至都許肩輿上殿命於舊山置度門寺中宗尤加禮重神龍二年示寂於天宮寺壽百餘歲諡大通勅歸葬楞伽峯之麓張說撰碑文盧藏用書禪門傳北秀南能兩宗分列獨孤及云秀公師弟兩京法主三帝國師度門之盛如此而曹溪寂如矣

按禪門謂神秀與惠能同師宏忍七五祖也秀為北宗能為南宗俱稱六祖云

一行內黃人張公瑾孫初隱嵩山後住當陽山曾奉勅考正前代歷法造開元大衍歷五代齊已俗姓胡益陽人性耽吟號詩囊與鄭都官谷相友善晚年託跡江陵作渚宮莫問篇十五首以見志常往來玉泉題吟甚多著有白蓮集十卷孫光憲為之序

宋道悟婺州東陽張氏子神姿挺異精修梵行初棲禪於邑之柴紫山學徒嚮風時裴均尹江

當陽縣志

卷之十三

人物 仙釋

十四

宜昌印書館承印

陵問法勤至師坐而揖之裴愈加飯向後歸荊州天皇寺元和丁亥四月示寂

慕容玉泉寺僧宋天禧末詔修玉泉寺賜三千金置常住田並賜龍眉龍角鎮寺

元廣鑄號鍾山玉泉寺住持時唐賢詩碑蕪沒於荊門鑄請昇回本寺

明正誨號無跡邑人劉氏子幼讀書多解義十歲祝髮於石寶山年二十詣荊南訪天柱和尚柱器之留三年遍閱大藏柱沒乃之兩都登講席慈聖太后賜千金修玉泉寺正誨自都歸省訪度門於玉泉東七里見古寺荒涼榛棘滿目慨然修復遂老度門閉關靜修天啓六年正月先期告逝至期端坐說偈說畢而逝塔於楞伽峯神秀塔旁著有八識略莊子註及諸文諸稿

以上釋



地260115
382
15



當陽縣志第五册

當陽縣志卷十四

列女志

節婦

婦人之義從一而終不幸而琴瑟分離悲歌黃鵠命也安於命而持之以禮飲冰茹蘖之死靡他其一念之精誠足以格天地而泣鬼神雖古之忠臣義士何以加焉已蒙旌表者尙矣而窮簷陋巷中保無湮沒而不彰者光潛德樹風聲又烏可忽哉作節婦傳

明以前無考

盧友傑妻曹氏曹勝之女居清溪里宏治十六年傑死氏矢志守節嘉靖十八年奏請旌表建坊

李宗濂妻宋氏監生宋明之女適李生子燿年二十七而夫故氏守節課子由庠入監任楚府審理卒年五十八

庠生劉拱辰妻王氏年二十二夫死守節事繼姑克盡其孝萬歷中事聞歲給庫銀二兩學使者屢表其門卒年七十三

庠生張銑妻羅氏貢生羅鵬之女生子如松一歲而銑死氏年二十七守節至六十一年卒汪珣妻吳氏荊州衛職吳綱女歸汪一年珣死氏年二十守節至八十六卒

當陽縣志

卷之十四

烈女

旌表節婦

宜昌印書館承印

汪銳妻王氏年二十夫故家貧無子勵志苦守嫁二女無所昵撫嗣子慈愛不啻所生以上五名待旌

國朝

廩生梁暹妻陳氏貢生陳大佐之女年十八適暹二十八而寡守節四十八年乾隆十年旌表

鍾汝清妻朱氏年二十六而寡守節四十六年乾隆十二年旌表

庠生王杰妻莊氏年二十六而寡守節四十九年乾隆十四年旌表

王之培妻張氏年十九培亡守節三十二年乾隆十四年旌表

熊韜章妻杜氏年二十五而寡守節三十二年乾隆十六年旌表

賀君毅妻劉氏年二十七毅亡氏力持家政撫子永奏以諸生列成均子死與媳郭氏冰蘖共

勵媳卒氏無依立嗣孫傳祖以終餘年乾隆十七年旌表

監生賀永奏妻郭氏貢生郭祚賢之女年二十三夫故遺一子歲餘而天氏痛孀姑無依苦心

供養三十載氏年五十四卒與姑劉氏同奉旌表建坊

儒童張經度妻楊氏年十九于歸三載度亡苦節三十餘年舅姑有疾日侍湯藥後奉繼姑亦

如之撫孤鴻紱至成立列明經乾隆十八年奉旌表

儒童張暕斗妻熊氏于歸四載斗亡一子甫六月氏孝養翁姑姑病親嘗藥餌訓子坤度慈嚴

兼至苦節四十餘年乾隆十八年奉旌表



楊一愈妻林氏年二十二夫故無子撫嗣子瓊林林受室旋夭媳葉氏葉廷棟女青年苦守立嗣續祀孝養孀姑姑病日侍湯藥衣不解帶稱孝婦焉兩世艱貞閭里重之乾隆三十六年旌表

陳先覺妻汪氏于歸三載夫亡遺子方襁褓養育辛勤無如雙目皆盲子死又撫童孫荼苦備至乾隆三十三年旌表年八十六歲

李氏一門三節李本培妻吳氏年二十六夫亡遺子愷尙襁褓氏孝事翁姑撫兩叔本坊本均備嘗艱苦本坊妻李氏年二十一夫亡無子立愷次子久潤爲嗣本均妻孔氏年二十四夫亡夫病篤時屬以無嗣同撫姪孫氏剪髮自矢與吳氏李氏同勵冰操先後濟美乾隆三十九年旌表

旌表

監生陳建中妻梁氏通道教諭梁最之女年十九適陳二十三而寡矢志守節撫遺孤學良受室而天立姪學重爲嗣飲荼茹藥艱苦備嘗乾隆二十八年旌表卒年八十三

席久祚妻田氏年十八祚歿遺子位榮甫三月氏教育至成立事翁姑以孝聞乾隆年旌表卒年七十九

儒童羅詔妻李氏邑庠李映臣女年二十四詔歿一子繼天立兄子維藩爲嗣娶媳毛氏未幾維藩夭折毛氏年二十立姪思進爲嗣姑媳同心相依爲命及李氏歿毛氏盡哀盡禮獨居課

當陽縣志

卷之十四

列女 旌表節婦

一一

宜昌印書館承印

子紡績不輟無何思進又亡氏年已七十撫嗣孫焉聞者憫之乾隆五十五年同奉旌表以上已旌者伍應蓮妻萬氏年十九于歸三載蓮亡撫孤至成立苦節三十九年卒年六十餘乾隆二十八年學使爲題匾額以表之

龔洪睿妻曾氏龔洪典妻趙氏睿典相繼亡睿有遺孤典立嗣子兩氏一心冰蘖同苦數十年如一日邑令爲表其門曰一門兩節

庠生李唐祚妻楊氏生一子而祚亡庠生李應昆妻龔氏無子而昆亡娣姒矢志共撫一孤補諸生娶媳宋氏未幾子復夭宋氏苦志奉姑邑令王其表門曰兩世三節

趙珥妻劉氏年二十二珥卒遺腹生一子撫育至成立其事親竭力供甘旨有疾則親侍湯藥邑令周表以瑤池冰霜卒年六十四

趙璣妻宋氏年十九于歸未幾夫亡氏撫孤子力砥清操備嘗艱苦邑令鄭以冰霜勁節表其門卒年五十四

曾應元妻李氏年十八于歸未幾元亡守節五十八年邑令鄭給以皓首全貞匾額卒年九十儒童曹佩綬妻陳氏于歸四載綬亡氏上事翁姑下撫二子及翁姑相繼歿營產以葬克盡其禮子亡復撫孫卒年七十八邑令衛爲題額以表其門

張天德妻郭氏開崇之嗣母歸張三載德亡遺腹生女旋歿氏輟泣慰翁姑以婦而兼子道焉

翁姑沒夫弟悅尙幼氏爲之延師課讀及悅成立事之如母前學憲吳公額以惠質冰心

李延裕之妾房氏其妻慎氏之媵也年四歲侍慎慎無出及房長裕納之三載而裕故時房年
廿慎以其少也曰吾不忍汝留房涕泣誓死靡他慎益敬之孝廉林可法標其門曰南國雙貞
儒童劉出震妻阮氏年二十三而寡撫子及孫抱曾孫焉邑令 表以松年筠節卒年九十子
釋祖妻李氏年二十四釋祖亡氏養姑撫子克繼其志邑令額以守歲寒心卒年八十五孫媳
林氏二十四而寡上事王姑及姑下撫幼子孝慈兼盡時稱爲一門三節

楊景顏妻劉氏年十八顏亡苦節二十餘年立姪承嗣學使李額以節操松筠

黃文元妻灰氏年二十適黃黃貧而貌寢氏敬之四載而元沒氏撫孤至成立翁年八十餘氏
奉甘旨無缺值歲寒遺其兄以裘敝氏泣曰翁姑衣敗絮忍著此耶督學李公爲題額以獎之
邑庠姚士珩妻周氏年二十四而寡矢志柏舟子櫟亦入邑庠學使額以柏節松齡

邑庠余占鰲妻游氏年二十三而寡孝養老姑撫嗣子國枌教有義方補邑廩生學使吳公
表以敦節維風 國枌後中副貢有傳

羅宏徽妻趙氏年二十四而寡孝事翁姑義方教子次子開雋補諸生邑令舒給以壺則聿昭
額

儒童王烈妻田氏年二十六而寡苦節撫一子事翁姑以孝聞邑令苗表以節壽雙輝卒年八

當陽縣志

卷之十四 列女 節婦

三二 宜昌印書館承印

十四子家珍妻田氏年二十四珍亡田氏節孝不愧其姑云

葉開明妻胡氏年二十明故撫子光德旣婚而亡未幾孫亦殤立嗣孫撫子邑令額以冰操鶴
算

儒童傅一傑妻吳氏年二十八傑亡家赤貧氏拮据撫孤皆得成立學使初 獎以玉潔冰清

金鑑妻何氏門昌之嗣母年二十二夫故無子氏奉養翁姑立嗣承祀前令苗額以節勁如松
苦節五十餘年卒年七十三

李蓉妻哀氏庠生李世標之母年十七生標未滿月而蓉歿氏養親撫孤勞瘁備至學使胡錫
以閨闈完人額

監生劉元吉妻齊氏年二十七夫亡遺二女立姪承祀學使衛以松青玉潔表其門

郡庠龔兆魁妻楊氏魁卒翁姑欲奪其志氏以死誓食必祝其夫歲饑晝夜紡績易菽奉翁姑
自啖橡實姑老不能食以口哺之卒年四十七

潘成名妻李氏年二十八名亡家貧勤於操作易粟以奉公姑撫二子一女至成立苦節五十
二年卒年八十

郭孫傳妻李氏年二十四而寡事翁姑以孝聞撫嗣子及一女艱苦備嘗守節三十二年卒年
五十六

儒童張錫玠妻熊氏庠生熊文泉之女歸張八載而寡值姑病日侍湯藥不離寢門課二子嚴而有法守節三十餘年卒

羅文錦妻楊氏適錦八年而寡遺孤甫一齡撫之成立卒年七十四

岳子靜妻馮氏年十九靜亡堅貞自矢翁年六十爲置側室生子氏亦立嗣承夫祀焉

張榮昇妻章氏年十九歸張三載而寡遺孤甫一歲撫育至成立卒年八十

胡景旦妻靳氏年二十六夫故遺腹生子松長教育至成立卒年七十餘

徐士信妻張氏庠生張邦傑之女年十九適徐二載夫故遺腹子三歲而歿撫嗣子觀國列膠庠卒年七十三

陳慎移妻劉氏年二十而寡無子立嗣以承祀苦守三十九年卒年五十八

庠生陶方旦妻王氏及其媳汪氏先後皆以青年喪夫矢志柏舟兩世同心時稱爲一門雙節李希聖之妻童氏年二十二而寡遺腹生子撫育至成家貧氏苦節數十年聞者憫之

宋廷爵妻嚴氏年十九而寡守節數十年其子因服賈死於蜀媳馮氏亦青年苦節能繼姑志李石文妻鄒氏年二十而寡子友松既婚而夭婦馮氏亦年二十冰操相繼兩世一心

熊錫爵妻王氏庠生王維成之女年二十四夫故氏上事翁姑及繼姑克盡其孝卒年七十一子之泉庠生

當陽縣志

卷之十四

列女 節婦

四

宜昌印書館承印

高光祖妻林氏庠生林大倫之女年二十八而寡苦節三十四年子永崇庠生

盧宗融妻林氏庠生林大倫之次女年十八適盧二年夫故氏上事重闈曲盡色養殫心茹苦三十年如一日子嗣顯邑庠生

羅曰元妻龔氏庠生龔種瓚之女年二十二元亡一子又歿家赤貧年六十尙以縫紉自食

邱宗儒妻朱氏年二十七而寡苦節五十七年卒年八十四子龍文邑庠生

范萬應妻鄭氏年二十四夫歿守節撫一子艱苦備嘗卒年六十餘

賀志永妻陳氏年十七歸永未一歲而永卒遺腹生一子教育至成立卒年六十餘

陳學文妻李氏歸陳兩載夫故氏矢志堅守撫遺腹子課讀維艱卒年七十餘

余瑄妻曹氏笄年歸余七載瑄亡一子死立姪承祀卒年六十餘

賀士儂妻徐氏年二十二而寡守節六十三年卒年八十五

閻成龍妻劉氏夫故事舅姑以孝聞家貧值歲饑則携兩孤採蕨爲食苦節四十餘年卒年七十餘

劉憲祖妻傅氏庠生傅純璞之妹年二十二而寡一子又夭氏事繼姑蠶針帶以奉甘旨卒年六十

高光國妻張氏年二十九夫故氏與子紡績爲生苦節三十一年卒

黃映葵妻李氏庠生李應春之女年二十五而寡無子立姪爲嗣守節三十三年卒年五十八
楊珣妻劉氏荊門貢生劉效祖之女年二十七夫亡氏矢志柏舟及舅姑卒鬻田營葬課子永
霖補邑庠苦節三十年卒

胡正言妻戴氏年二十九而寡家貧氏守志奉姑克盡其孝撫嗣文舉至成立卒年六十餘
孫傳一妻楊氏年二十九而寡上奉祖姑及翁姑下撫幼子艱苦備嘗卒年六十餘

監生戴宗逸妻王氏庠生王兆富之妹于歸六載逸亡氏奉姑撫子冰操自持卒年六十

張正迪妻焦氏年二十三而寡家貧事姑維謹訓子有方苦節四十七年卒

周常承妻袁氏年二十七承故氏竭力奉姑守節不渝卒年七十

張堂甫妻李氏于歸二載堂亡遺孤甫六月鞠育至成立子死復撫孫守節四十年卒

張士林妻曹氏年二十二夫故無出家故貧竭力奉姑年六十卒

阮大維妻袁氏年二十五而寡撫子瑄補諸生次子瑾卒媳李氏立嗣承祀時時稱雙節袁年
七十三卒李歷三十餘年卒

廖羽妻羅氏二十七夫亡無出家貧紡績自給苦勵清操預鐫姓氏於其夫墓碑上誓同穴焉

胡景瑗妻李氏年二十三而寡事翁姑撫嗣子零丁孤苦卒年七十

阮璠妻饒氏于歸五載璠故氏奉親撫孤未幾子歿立嗣承祀卒年六十餘

當陽縣志

卷之十四

列女 節婦

五

宜昌印書館承印

侯之偉妻羅氏庠生羅日省之女年二十二偉歿氏矢志奉親以猶子承祀卒年七十

庠生李元勳妻羅氏年二十六而寡苦節三十四年卒年六十一

李述燾妻向氏年二十二燾亡氏奉翁姑撫孤子清貧苦守卒年六十

汪睿妻周氏年二十四夫亡無子氏苦節奉姑年七十卒

楊志高之妻王氏年十八適楊未幾夫早亡撫子際彥既婚而天與媳盧氏共矢志操課孫士

林補郡庠守節六十一載卒年八十七

朱亭泗之妻熊氏邑庠熊文泉之女年廿四泗亡矢志守貞奉姑撫子孝慈兼盡卒年七十一

丁正度之妻杜氏邑庠杜開蔭之女年二十三而寡矢志撫孤孤亡無依咽苦食淡縫紉自給

卒年六十

劉世成之妻潘氏年二十七成亡奉姑撫子勤儉治家卒年六十餘

饒大申之妻金氏年十七適饒八月申故遺腹生一子安貧守志竭力奉親苦節二十九年卒

劉之屏妻王氏年二十九而寡家貧子幼艱苦備嘗不渝其志

王士祐妻熊氏年二十五夫故氏奉姑撫子鞠育孤姪皆得成立卒年六十餘

趙榮妻羅氏年二十二而寡家貧氏奉姑撫子矢志不渝卒年七十一

李文任妻聶氏任亡氏守貞不渝事翁姑以孝稱苦節三十年卒

舒清和妻陳氏年二十五夫亡舒清順妻李氏年二十四夫故娣姒同居殫心茹苦各撫一孤俱得成立

楊宗孔妻劉氏年十八適楊二十八而寡氏撫遺孤苦節三十五年卒

李如瑛妻胡氏瑛亡矢志撫孤備嘗艱苦守節三十三年卒

郭孫儻妻李氏歸郭三載儻亡遺一子復歿立嗣勸問教育有成及子入邑庠氏嘗恨不得親奉翁姑每言及必泣下苦節二十年而卒

林紹祖妻馬氏年二十五而寡守節四十六年卒年七十嗣子昌世著聲膠庠孫上多亦補郡庠

邑庠張光國妻周氏夫亡無子立嗣承祀守節八十五年卒

程之璜妻江氏于歸五載夫亡僅遺一女家貧紡績自給苦節二十六載

趙瓊之妻嚴氏邑庠嚴承烈之女適趙三載而寡遺孤元位僅逾月氏上事翁姑下撫弱子冰霜勵節艱苦備嘗歷二十八年卒

羅希頤妻陳氏歸羅七載頤亡僅一女女適魏學棧亦二十四而寡姪女適張鳳楷年二十楷亡青年矢志同勵清操

張錫瑞妻范氏適張七載而寡遺孤承烈僅五齡辛勤教育後入邑庠苦節四十一年卒

當陽縣志

卷之十四

列女 節婦

六

宜昌印書館承印

吳之璧妻屈氏年二十四璧亡家赤貧歸依母家紡績以爲食上奉其姑下撫二女苦節四十六年卒

趙良瑛之妻楊氏庠生楊春景之姊年二十六而寡撫子奉姑備歷艱苦卒年七十三

郭應享之妻劉氏年十八適郭甫一載享亡矢志靡他事親以禮立孫承嗣苦節四十三年

張國珂之妻傅氏邑庠傅正誠之女年二十珂亡撫幼子事嬸姑苦節三十八年

張茂之妻曹氏年二十五茂故氏矢志靡他上奉兩姑一門敦睦撫幼子至有成苦節四十九年卒

段大秀妻吳氏年二十三而寡矢志奉姑立嗣承祀守節二十七年

李天倫妻戴氏貢生戴宗寬之妹十六適李三載夫亡矢志撫孤子歿繼嗣承祧冰操不渝卒年六十

庠生賀志尙妻趙氏年二十七夫亡奉翁姑以孝撫二子以慈守節三十年

文倫之妻龔氏年二十六倫故奉親撫子潔守不易子卒遺兩孫復天氏與媳張氏立嗣續祀

吳澤元妻愼氏年二十六夫故撫二子以次子爲夫兄治元嗣治元妻萬氏亦早寡娣姒同心冰霜共勵年皆八十餘

甘士吉妻龔氏庠生志龔宏之姊年二十七吉歿氏矢志撫子事祖姑及舅姑克盡其孝卒年

劉邦興妻張氏年二十六與歿奉雙親撫二子守節五十年卒

庠生張錫攻妻郭氏貢生郭禧賢之女年二十九夫故側室汪氏年甫二十三共勵冰操白首相依子承楚孫永明相繼入邑庠

趙文魁妻龔氏年二十四而寡敬奉翁姑撫育兩子守節三十一年

彭朝右妻謝氏廩生謝樹之姊右亡遺子尙幼家赤貧氏備嘗勤苦守節三十三年

賀志毅妻趙氏歿遺子甫一歲家貧紡績度日撫孤成立苦節三十年

于亦可妻郭氏年二十二夫亡一子甫離襁褓田僅四畝氏養親教子苦節六十餘年

徐天介妻王氏生子數月而介故氏撫子成立既婚而天立嗣承祀姑媳相依紡績以為食卒年七十一

傅登璠妻朱氏庠生朱輝若之女年二十六夫亡遺三子一女舅姑衰老竭力養葬後三子俱歿本支無承祧者依贅婿焉苦節四十九年

嚴以臨妻李氏于歸四載臨故氏勵志冰霜敬事翁姑撫一子至成立苦節三十六年

彭朝尊妻郭氏庠生郭禧賢之女年十八適彭生一子而夫亡子既婚而天立嗣承祧守節三十三年

當陽縣志

卷之十四

列女 節婦

杜祥開妻張氏年二十二而寡奉親克孝訓子有方守節四十一年子士成入太學

庠生杜祺開妻張氏年二十六開故孝親撫孤守節二十七年

王之瑛妻莊氏年二十三瑛亡無子氏安貧苦守節三十四年

張方吉妻高氏年二十六夫故一子復夭立繼承祀守節二十八年

朱玉倫妻徐氏年二十三而寡守志事姑嗣子歿撫孫男至成立苦節四十四年

趙元星妻胡氏十九歸趙四載星亡遺一子一女苦志撫育歷三十五年

張文興妻曹氏年二十三夫故氏矢志柏舟清操自勵計守節五十一年

曹思忠妻李氏年二十七夫故氏勵志冰霜歷三十七年

邑庠曹之欽妾馮氏欽亡氏年二十四同嫡葉氏勵志苦守沈歸愚修賢媛志按其節狀比之宋伯姬而所處尤當卒年六十五嗣子兆庠生遷居鍾祥亦編鍾祥列女志以上舊志

王錫鼎之妻莊氏鼎童年入泮氏年十六歸鼎生子甫一歲而鼎亡氏孝養翁姑喪葬皆如禮子元旦入邑庠

羅啓牖妻江氏年二十二牖沒孤子開浩甫二歲家貧姑性嚴氏孝養倍謹守節數十年因泣血過度兩目俱盲

儒童任宗太妻胡氏年十八于歸六月宗太亡遺腹子世芳教育至有成守節四十五年

儒童趙州儒妻謝氏年二十于歸四載儒亡氏誓志撫孤事舅姑克盡其孝亡年八十四子錦
監生孫熙成元偉俱列膠庠

儒童鄧慶壽妻謝氏年十八于歸未一載壽亡家貧紡績養姑撫夫弟允康入邑庠立嗣承祀
儒童席位寬妻張氏于歸七月寬亡氏時年十七孝事翁姑撫嗣子訓迪維嚴詳見後烈婦傳

儒童曾宗道妻杜氏年二十五而寡無子立嗣孫焉守節四十五年卒年七十一

楊正苾妻李氏年二十一夫故苦節撫子終身不渝

楊枝綱妻張氏年十九而寡家赤貧氏撥蔬養姑教子有方子列邑庠

林大樂妻張氏年二十三夫故止一女衣食不給紡績爲生

劉宗之妻魯氏年三十無子而寡家素貧守節七十一卒

庠生劉佑世妻史氏佑卒氏年二十八安貧守節不易其操

吳一鵬妻劉氏年二十五而寡撫子育孫卒年七十

陳 妻吳氏年十七適陳未經年夫遠出家貧歸依母家紡績自給獨居數十年

曹之蓮之妻向氏年二十七而寡無子苦節六十三而卒

徐士仁妻曹氏年二十而寡仰事俯畜孝慈兼盡年四十八卒

當陽縣志

卷之十四

列女 節婦

八

宜昌印書館承印

儒童賀雋聯妻劉氏年二十六生子五月雋歿氏守志奉翁姑姑病願以身代翁姑歿葬之如
禮性喜施予聞有義舉必捐資助成

蔡文道妻盧氏年二十道歿遺腹生子家貧氏守節奉姑溫清無缺姑病侍湯藥不懈其節孝
皆本於至誠云

焦正元妻馮氏年二十一而寡撫子育孫俱至成立

庠生吳觀國妻郭氏年二十六而寡守節三十二年卒年五十八

儒童郭紹周妻宋氏武舉宋楚材之女年二十一周亡一子國模目盲氏守志撫孤備歷艱苦

儒童郭紹雍妻劉氏庠生劉曰漢之女年二十四而寡遺腹生男國賓既婚而天與媳同守稱
苦節焉

苦節焉

馮祖孔妻吳氏孔亡氏年二十四家貧遺腹生子俊年三十始娶婦未幾俊亡撫孫至成立

姚皓妻閔氏年十九而寡立姪之狀爲嗣

楊枝遠妻王氏年二十二夫故無子立嗣旋亡撫孫民柱衣食維艱

趙文遂妻李氏年二十二而寡親老子幼守節四十五年

儒童龔洪雅妻陳氏年二十二而寡家貧撫孤苦節四十八年

儒童李信臣妻龔氏于歸半載臣亡寡年九十五姑七十四氏孝養不懈立嗣億傑旋歿僅遺

一女氏復立嗣孫以承祀

庠生楊盛光妻劉氏年二十六光沒子甫七歲氏事祖翁姑暨翁姑生養死葬皆以禮守節三十九年

李相朝妻劉氏年二十一而寡無出立姪炳道爲嗣紡績爲食矢志彌堅

庠生羅開楚妻戴氏年十九而寡父母慮其少諷以意氏以死誓紡績養親卒酬其志

儒童任士鉉妻莊氏年二十二鉉亡苦守數十載

熊經科妻張氏年二十二科亡無子立嗣承祀家赤貧苦節不變

曹思祖妻李氏年二十三寡子邦仁甫四歲氏孝養翁姑撫子至有成

張逢吉妻周氏二十六吉亡子甫二齡撫育至成立及老子媳俱亡復撫孫備歷艱辛卒年八十四

張之佩妻王氏年二十八佩歿無子立姪爲嗣守節數十年

任宗桂妻陳氏年二十而寡無子立姪世型爲嗣同里有逐妾者氏見而留之令子招其人至處以別宅使家焉至生子乃歸其人德氏如母云

任土方妻侯氏于歸三月方亡家貧曲盡其孝及姑歿哀毀骨立立嗣延祀卒年五十三

任元雄妻談氏年十九而寡立嗣子三皆夭苦節六十歲立嗣孫焉

當陽縣志

卷之十四

列女節婦

九

宜昌印書館承印

儒童鄭天壽妻謝氏年二十而寡遺腹子病氏百計調護得成立事公姑以孝聞卒年七十二
袁述韜妻林氏年二十而寡撫子璋亡撫孫啓龍龍亡撫重孫龍妻林氏亦二十六而寡矢志守貞無愧祖姑焉

席國選妻胡氏年二十七夫故家貧勤於操作事姑以孝撫一子至成立

孫正容妻馮氏容有廢疾立姪爲嗣畜育無異所生年二十八容故家貧紡績教子稱賢母焉

任書雄妻徐氏年二十夫沒僅一女倚壻爲生數載壻女俱歿氏紡績養姑克盡其禮

張琳妻馮氏年二十夫亡無子家赤貧事姑以孝聞

盧嗣泗妻李氏年二十三而寡家貧奉養翁姑甘旨不缺撫幼子至於成立

羅一讓妻夏氏性貞靜年二十六讓亡子天成甫一歲家貧事姑以孝聞躬親紡績凡讓所負債盡償之其教子亦有義方云

楊永相妻李氏年二十五相亡子光煥甫二齡未幾翁亦亡氏展轉奉姑依母兄爲命不三年

兄又亡自處斗室紡績爲生守節二十餘年

趙師表妻饒氏饒應洲之女年二十六而寡事翁姑惟謹繼姑性嚴能曲意奉之教子亦循循有禮法

謝希任妻高氏年二十八任亡遺一子僅七齡薄田數畝矢志守節卒年七十一

儒童陳維宅妻李氏年二十四而寡家貧事姑委曲就養一子文桂讀書能文未幾歿撫孫焉
卒年七十

劉學富妻胡氏年二十四夫亡家赤貧僅一女氏紡績自給形影相弔不易其操

儒童范明斯妻徐氏年二十四而寡家貧撫子養親紡織不怠

儒童劉鴻禮妻左氏年二十二禮亡子女俱夭孝養翁姑立嗣孫焉
宋光彝妻郭氏廩生郭孫燦之女邑紳宋楚望之次子婦也略涉羣書雅嫻姆教生子未一歲
而夫亡事祖姑暨翁姑以孝聞訓子嚴不幸天同里紳議舉節孝氏聞之泣曰苦節命也孝益
不敢蓋其至性如此

葉開德妻胡氏年及笄適葉二載而寡遺腹生一子十二歲歿是時祖姑已年近九十氏奉養
不稍懈

周大璽妻劉氏苦節三十六年

劉春耀妻艾氏苦節三十年

孫維道妻楊氏苦節五十六年

王應瑞妻龔氏苦節三十五年

王國鎬妻鄧氏苦節三十七年

當陽縣志

卷之十四

列女 節婦

十一

宜昌印書館承印

馬宗熹妻張氏苦節三十七年

張友熙妻許氏苦節三十五年

張復祥妻呂氏苦節四十五年

趙純妻袁氏適趙四載夫亡遺一女家貧姑久病奉湯藥年餘不怠立嗣承祀未幾子婦俱亡
撫嗣孫焉卒年八十

高開國妻徐氏年二十一夫歿翁年八十餘家貧氏紡績供甘旨立嗣宗一未幾天復撫孫備
歷辛苦

李文亮妻張氏年二十而寡生子尙品甫一歲撫育成立娶婦王氏逾四載尙品歿無出與媳
同守卒年五十七王氏年五十二卒

儒童張師程婦齊氏年十九而寡立姪公智承祀娶媳生孫未幾智又亡一門兩節共矢堅貞
朱之典妻羅氏年二十二夫亡無子紡績以養姑立姪爲嗣承夫祀焉

張氏一門三節督糧分府張子堯之子婦及曾孫婦也長子觀國之妻王氏年二十三而寡性
孝其姑目盲委曲奉之且教子有方子 恩襲世職暨曾孫俱邑庠次子化國之妻馬氏年二

十二而寡克勤婦道立王氏仲子九鼎爲嗣弱冠補諸生孫四列庠序者三邑令獎以松勁冰
操觀國孫士琦妻林氏邑紳林可法之女子歸後士琦苦學成疾而亡氏守志三十九年撫嗣

若已出自奉儉而好施與有賢聲

郭世安妻阮氏夫沒僅一女苦節二十八年

趙師曾妻張氏年二十夫沒立嗣啓智智又天氏撫嗣孫紡織自給

史昌泰妻張氏年二十四夫沒事孀姑惟謹以上續舊志

萬國寧之妻楊氏守節 十 年嘉慶十年奉 旌表

儒童盧效梧妻牟氏年十九夫故氏奉養舅姑曲盡其孝後其繼姑病氏晝夜扶持至以手承

痰姑爲之感泣守節五十六年嘉慶十一年奉 旌表子秉鈺邑庠生

皮朝祚妻盧氏年二十三而寡上奉翁姑下撫弱女勤勞備至守節四十七年嘉慶十年奉

旌表

盧珍妻姜氏年二十四夫故仰事俯畜艱苦備嘗守節六十八年卒年九十二嘉慶十五年奉

旌表

王進佩妻姜氏孝子映蘭之母也年二十三而寡矢志柏舟治家勤苦映蘭早列邑庠以孝行

奉 旌表復登同治元年孝廉方正科皆閨訓之力也計守節四十年亡年六十三道光二十

年奉 旌表

盧先純妻曹氏嘉慶三年其夫隨父乘鉦領鄉勇堵賊氏在家盡姑常背負奔走以濟於厄九

當陽縣志

卷之十四

列女 旌表節婦

十一

宜昌印書館承印

年夫故氏年二十六仰事俯畜艱苦備嘗子永楷入邑庠計守節三十六年道光二十年奉

旌表

王心亮之妻劉氏守節六十年卒年八十四

陳學典之妻詹氏守節六十九年卒年九十七

鄭楚略之妻譚氏守節五十二年卒年七十四

郭其香之妻白氏守節六十年卒年八十五

黃汝芝之妻許氏守節四十二年卒年六十六

文志邈之妻熊氏守節五十五年卒年七十六

文志潢之妻王氏守節五十二年卒年七十

趙春林之妻熊氏守節四十九年卒年七十

廖軌之妻王氏守節五十六年卒年八十九

羅廷柱之妻謝氏守節四十五年亡年七十

傅若衡之妻孫氏守節三十二年亡年五十一

盧秉福之妻宋氏守節四十八年亡年七十四

王宗義之妻郭氏守節五十八年亡年八十四

盧先振之妻李氏守節四十一年亡年六十七
曹思賈之妻趙氏守節四十九年亡年七十
朱均任之妻熊氏守節二十四年亡年四十七
曹思略之妻陳氏守節二十四年亡年五十一
潘榮桂之妻曹氏守節二十六年亡年四十一
黃鉞之妻杜氏守節三十四年亡年五十八
王進瑚之妻郭氏守節七十一年亡年九十九前任撫部院胡公給有百年一日匾額
張永福之妻任氏守節三十九年亡年六十一
張開秀之妻莊氏于歸三日夫卽故守節三十八年亡年五十五
張開彬之妻莊氏守節三十八年亡年六十二
曹思介之妻張氏夫死無出立邦珊爲子珊復夭折氏撫童媳王貞姑立嗣孫焉守節四十五年亡年六十六

曹引綱之妻姚氏守節三十三年亡年五十二
張宏太之妻梁氏守節五十一年亡年七十一
謝世壯之妻徐氏守節四十三年亡年七十一

當陽縣志

卷之十四

列女 旌表節婦

十一

宜昌印書館承印

張開倫之妻王氏守節四十六年亡年七十四
陳魁印之妻黃氏守節六十七年亡年九十四
王德選之妻陳氏陳魁印之女與其母黃氏先後皆以節著鄉黨稱之守節三十六年亡年六十一

韓明鑑之妻嚴氏守節三十一年亡年五十六
張子柱之妻周氏守節三十八年亡年五十九
嚴太魁之妻慎氏于歸八月夫卽物故計守節五十年現年七十一歲現存歲數依咸豐十年詳案清冊後做此

張錫麟之妻陳氏守節三十一現年五十三
胡秉周之妻郭氏守節四十三年現年六十五
文志勳之妻黃氏守節四十三年現年六十四
張運化之妻汪氏守節三十年現年五十四
王光燦之妻席氏守節五十五年現年八十三
張子孝之妻李氏守節四十五年現年七十
李國全之妻雷氏守節四十年現年六十六
余天申之妻羅氏守節三十三年現年六十

林時鵠之妻曹氏守節四十二年現年六十三
武生韓朝炳之妻張氏守節三十一年現年五十五
楊紹清之妻尙氏守節五十六年現年七十九
曹邦指之妻李氏守節五十年現年七十一
嚴昌義之妻余氏守節四十年現年六十
張文守之妻林氏守節五十五年現年七十八
傅志達之妻張氏守節三十一年現年五十三
林時燮之妻羅氏守節三十二年現年五十七
林永坦之妻萬氏守節三十七年現年五十八
高元吉之妻李氏守節五十四年現年八十
張敬善之妻鄧氏守節六十年現年八十一
魏大象之妻姜氏守節三十一年現年五十四
鄭永桐之妻賀氏守節五十四年現年七十五
鄭光謨之妻王氏嘉慶三年謨充鄉勇守河溶陣亡氏年二十四守節六十五年現年八十九
徐廷符之妻郭氏守節三十九年現年六十四

當陽縣志

卷之十四

列女 旌表節婦

十三

宜昌印書館承印

熊永湘之妻鄭氏守節三十一年現年五十
鄭松先之妻熊氏守節三十六年現年六十
楊正書之妻侯氏守節三十一年現年五十
羅傅琳之妻李氏守節四十五年現年六十五
楊守基之妻樊氏守節三十一年現年五十
賀希均之妻黃氏守節三十四年現年五十四
陳魁全之妻凌氏守節三十一年現年五十三

以上六十三名咸豐十年彙詳題奉 旌表建總坊已故者入節烈祠

程榮德之妻傅氏守節五十三年亡年七十六
汪在堂之妻程氏守節三十六年亡年六十
張開仕之妻趙氏守節五十六年亡年八十
李大千之妻鮑氏守節三十六年亡年六十
羅傳名之妻齊氏守節二十九年亡年五十二
周廷浦之妻魏氏守節五十六年亡年七十六
傅天文之妻陳氏守節三十七年亡年六十

熊運富之妻汪氏守節三十九年亡年七十二
謝子敏之妻傅氏守節二十九年亡年五十三
曹家煥之妻佟氏守節三十三年亡年五十七
汪睿之妻周氏守節四十七年亡年七十
黃法唐之妻席氏守節三十五年亡年六十一
李成文之妻梁氏守節四十二年亡年六十九
劉國成之妻傅氏守節五十七年亡年八十一
傅天祐之妻汪氏守節六十年亡年八十七
宋傳遠之妻馮氏守節三十四年亡年六十一
黃法顏之妻席氏守節四十七年現年七十二
席久定之妻嚴氏守節三十六年現年六十
劉明保之妻程氏守節二十八年現年五十二
文生尹及鋒之妻許氏守節二十二年現年五十一
楊盛德之妻羊氏守節三十五年現年五十九
談國榮之妻姚氏守節三十八年現年六十一

當陽縣志

卷之十四

列女 旌表節婦

十四

宜昌印書館承印

王光林之妻羅氏守節三十六年現年六十
王邦瑞之妻劉氏守節二十五年現年五十三
汪長明之妻鄧氏守節四十九年現年七十
汪明長之妻熊氏守節五十年現年七十二
杜映蘭之妻王氏守節四十三年現年六十三
汪之林之妻鄧氏守節四十二年現年六十六
汪明輝之妻李氏守節五十一年現年七十四
李萬全之妻林氏守節三十二年現年五十三
齊永鑑之妻陳氏守節三十二年現年五十四
劉宗科之妻李氏守節三十四年現年五十九
羅聚茲之妻林氏守節三十年現年五十

以上共三十三名同治四年詳請 旌表建坊已故者入節烈祠

以上已 旌者

陳華峴之妻席氏守節六十二年亡年八十八
賀文治之妻黃氏守節五十三年亡年八十七

許文學之妻馮氏守節五十八年亡年八十二
吳大耀之妻慎氏守節五十八年亡年七十八
陳華菽之妻文氏守節五十八年亡年七十七
王宏道之妻李氏守節四十三年亡年七十三
趙師舉之妻張氏守節三十七年亡年六十一
趙邦林之妻王氏守節二十八年亡年五十二
趙師訓之妻牛氏守節三十七年亡年五十二
陳華崙之妻袁氏守節六十七年亡年八十八
陳孝忠之妻靳氏守節五十六年亡年八十一
張文書之妻宋氏守節五十三年亡年七十一
陳華英之妻尙氏守節三十八年亡年六十八
陳懋昭之妻賀氏守節四十八年亡年六十七
朱日珩之妻賀氏守節三十四年亡年六十二
孫國祥之妻陳氏守節四十一年亡年六十一
祁子林之妻賀氏守節三十年亡年五十九

當陽縣志

卷之十四

列女 旌表節婦

十五

宜昌印書館承印

陳友樾之妻胡氏守節三十年時年五十三
苗天佐之妻陳氏守節四十九年時年七十一
沈文燦之妻黃氏守節三十年時年五十
劉述林之妻談氏守節三十年時年五十
劉文祥之妻甘氏守節二十八年時年五十
樊恭寬之妻何氏守節二十三年時年五十
張致純之妻何氏守節三十年時年五十三
魏開科之妻符氏守節三十年時年五十三

按以上節婦二十五名俱於道光六年經學使王題額示獎次年由縣造冊彙詳因冊式未合屢奉藩署札發更換茲查卷宗未見旌表明文姑依詳案入志其現存年數亦依原冊登載

孫儒明之妻盧氏守節六十二年亡年八十二
向德純之妻朱氏守節六十三年亡年八十三
周長紹之妻孫氏守節三十年亡年四十七
袁紹玉之妻鄭氏守節三十五年亡年六十二
王世成之妻馬氏守節三十七年亡年五十九
王正材之妻黃氏守節五十八年亡年八十一

李文達之妻張氏守節三十一年亡年五十七

楊永成之妻童氏守節六十一年亡年八十四

黃鈺之妻金氏守節五十九年亡年八十六

祁子元之妻文氏守節五十八年亡年七十七

劉先仕之妻張氏守節五十年亡年七十二前學使王題額以表其門

王廣仁之妻劉氏守節四十四年亡年六十九

楊永芳之妻劉氏嘉慶元年教匪陷邑城與弟永華從父死見忠義傳劉氏矢志節守事姑以孝教

子有方子泰然入邑庠前學使王賞題匾額計守節五十年亡年七十九

汪學夔之妻黃氏嘉慶元年教匪之難夔抗節捐軀時氏年二十矢志柏舟立嗣續祀前學使

沈賞題匾額計守節六十年亡年七十九

趙啓綱之妻熊氏年二十一夫故無出時姑已沒乃為翁續娶生子啓梅氏撫之及梅生子萬

碩以為夫嗣計苦節五十二年亡年七十三

曹長金之妻慎氏守節四十五年亡年六十六

魏光全之妻王氏守節三十九年亡年六十

楊啓聰之妻陳氏年二十二夫故氏撫孫子及孀媳艱苦備嘗守節五十年亡年八十二前縣

當陽縣志

卷之十四

列女 旌表節婦

十六

宜昌印書館承印

林曾表其門曰貞壽之門

楊民德之妻牛氏即啓聰陳氏之媳也年二十二而夫故氏繼姑志孝慈兼盡守節四十年亡年六十

姚成之妻許氏嘉慶元年成遇賊害氏事姑以孝聞守節五十七年亡年八十

劉德修之妻楊氏守節三十四年亡年五十二

張士秀之妻盧氏守節五十八年亡年七十八

羅應榜之妻張氏嘉慶二年榜充鄉勇堵賊陣亡時氏年二十二矢志守節歷六十二年亡年

八十二

羅應朝之妻汪氏嘉慶二年應朝堵賊陣亡時氏年二十四矢志守節歷六十年亡年八十四

龔顯貴之妻周氏守節四十年亡年六十六

張必秀之妻陳氏守節四十八年亡年七十四

史崇義之妻曹氏守節五十六年亡年八十

汪文耀之妻傅氏年二十四而寡子宗綱甫三歲撫之成立守節四十七年亡年七十

鄧世詹之妻汪氏守節五十二年亡年七十六

鄧盛槐之妻王氏于歸六月而寡遺腹生子廷瑞撫之成立守節四十二年亡年六十一

朱維然之妻張氏守節六十五年亡年九十有四

周國文之妻彭氏守節五十三年亡年八十

李方白之妻陳氏守節五十九年亡年八十有六

楊達約之妻席氏守節五十八年亡年八十二

陳大有之妻熊氏年二十三夫堵賊宋家聖陣亡苦守二十餘年卒

杜啓瑞之妻傅氏嘉慶初瑞充鄉勇守卡陣亡氏立嗣續祀苦守六十五年亡年九十

劉登之妻留氏年二十七夫故氏事翁姑撫孤子躬親耕作辛苦備嘗守節二十年亡年四十七

劉三錫之妻溫氏守節十七年亡年四十六

劉錫之妻嚴氏守節四十五年亡年七十一

楊祖德之妻孔氏守節六十六年亡年九十一

劉明慶之妻杜氏守節五十二年亡年七十七

李越之妻羅氏于歸八載夫故苦節至七十四而卒

張志遠之妻章氏守節七十年亡年九十四

雷作材之妻陳氏守節四十六年亡年七十二

當陽縣志

卷之十四

列女 節婦

十七

宜昌印書館承印

監生汪芝耀之妻盧氏守節五十一年亡年七十三

鄭永昌之妻汪氏年二十七夫故至道光八年守節已三十一年學使王爲題匾額以獎之

尙勝祖之妻孫氏守節四十七年亡年七十前學使王題額以表其門孫兆熊邑庠

龔兆魁之妻楊氏守節二十七年亡年四十七有碑記載州志

張本乾之妻鄭氏嘉慶三年乾以鄉勇赴河洛陣亡氏年二十一子鴻元甫數月氏撫之成立

入邑庠計守節六十三年亡年八十四

莊敷華之妻姜氏守節六十八年亡年八十七

傅天周之妻汪氏年二十二而寡守節四十二年亡年六十三

汪廷秀之妻王氏嘉慶三年秀堵卡陣亡氏年二十四負尸歸葬誓以身殉其姑慰止之逾三

月生子長城撫育至成立孫曾繼起以耕讀世其家皆氏詒謀之力也守節五十五年亡年

七十九

趙榮之妻羅氏年十九夫故子甫一歲守節數十年前邑令苗題額以表其門孫啓暄職員

張永燦之妻徐氏守節四十年亡年六十五前學使王題額以獎之

曹思才之妻周氏年三十夫故守節三十七年亡年六十六

羅士棠之妻國氏守節六十三年亡年八十四

張學文之妻聶氏守節四十六年亡年七十
汪明德之妻曹氏守節五十二年亡年七十七
鄧芝萱之妻史氏守節二十七年亡年五十二
雷興太之妻傅氏守節五十二年亡年八十
謝世壯之妻徐氏守節四十三年亡年七十一
徐中倫之妻田氏邑進士田長春之女前岳陽令徐文翰之長子婦也翁以清廉卒於官自此
家益落氏事姑以孝聞未幾夫故時氏年二十七守節三十三年亡年六十
童士成之妻曹氏守節五十六年亡年七十有三
王學周之妻姚氏守節五十二年亡年七十有九
吳江藻之妻何氏守節四十年亡年六十有三
魏登選之妻王氏守節三十八年亡年六十有四
周國恆之妻李氏守節五十四年亡年七十有七
李傳綱之妻張氏守節三十五年亡年六十八
劉永立之妻王氏守節五十年亡年七十八
曹引紳之妻嚴氏守節三十三年亡年七十

當陽縣志

卷之十四

列女 節婦

十八

宜昌印書館承印

席學侃之妻祁氏守節五十餘年現年八十餘
劉仁年之妻金氏守節四十七年現年七十二前撫憲胡公爲題匾額以表之
魏開棟之妻蔡氏守節四十二年現年七十
汪長順之妻傅氏守節四十九年現年七十
朱希斗之妻曹氏守節五十年現年七十五
雷作亨之妻鄧氏守節四十七年現年七十一
鄭以美之妻魏氏守節五十年現年七十五前學使江給以匾額
何之重之妻趙氏年二十而寡姑老且病氏侍湯藥至廢寢食課子讀書備歷艱苦守節四十
八年現年七十五前學使馮 題額以表其門
劉選慶之妻常氏守節四十六年現年六十八
王志德之妻趙氏守節三十八年現年六十三
鄧盛虞之妻郭氏守節三十六年現年六十
熊盛林之妻李氏守節四十八年現年六十八
林時祥之妻常氏守節三十八年現年六十
李良現之妻黃氏守節二十八年現年五十六

馮正德之妻蔡氏守節二十八年現年五十六
苗鈞元之妻劉氏守節二十九年現年五十六
唐宗欽之妻趙氏守節二十八年現年五十二
彭有珍之妻金氏守節三十年現年五十二
趙萬釗之妻文氏守節三十二年現年五十五
符大煒之妻徐氏守節二十四年現年五十一
蕭光慶之妻陳氏守節二十四年現年五十
韓維忠之妻萬氏守節二十七年現年五十
朱本望之妻朱氏守節二十六年現年五十
張繼香之妻朱氏守節二十六年現年五十
陳有詩之妻王氏守節三十四年現年五十八
李春福之妻劉氏守節三十三年現年五十五
儒童慎其仁之妻李氏年二十六夫故無出立姪世延爲嗣娶婦萬氏未幾延故萬氏亦青年
潔守李氏現年七十五萬氏現年五十二
符大瑚之妻洪氏守節二十六年現年五十三

當陽縣志

卷之十四

列女節婦

十九

宜昌印書館承印

傅治安之妻陳氏守節二十三年現年五十一
汪作球之妻嚴氏守節二十年現年四十八
姚永魁之妻陳氏守節三十年現年五十七
劉在紀之妻楊氏年二十六而寡家赤貧養殮不給而矢志彌堅苦節三十年現年五十五
李廷香之妻張氏守節二十九年現年五十五



當陽縣志卷十五

列女志下

烈婦

嗟乎結髮而稱未亡已不幸矣一旦惡氛驟迫白刃縱橫或強暴突起於不意非禮見侮以孱弱之軀抗摧折之凶雖號為烈丈夫猶凜凜焉當是時潔與汙直俄頃間事耳婦也慷慨奮起拒之肉可糜名不可玷骨可碎心不可撓此則極事之尤不幸然名益高心益白矣邑中烈婦若而人皎々焉與岷玉秋霜比潔彼鬚眉男子覩認求生者將自居何等哉感之作烈婦傳

明

蕭宗禹之妻龔氏庠生龔種德之妹也歸蕭甫半載禹故氏矢以身殉不食七日死

栗春芳之妻劉氏歸栗生二子其次子升之甫七日而芳故氏年二十六矢志柏舟及崇禎甲

戌流賊陷邑城氏抗節不屈與二子俱死

邑庠劉賢之妻鄭氏崇禎甲戌城陷賊欲脅之氏入室舉火自焚侍婢奪其懷中子逃出不知

所終賢亦死祀遂絕

邑庠汪若溶之妻張氏甲戌城陷罵賊死之以上舊志

當陽縣志

卷之十五

列女 烈婦

宜昌印書館承印

劉鴻儒之妻鄔氏明末流寇之難儒以鄉勇從督帥楊昌嗣討賊賊入境訪儒室蒸之氏抗節

不屈遇害甚慘

國朝

庠生郭毓賢之妻陶氏甲申流賊之亂毓賢以身代父陷賊中氏伏叢葦間得免及聞夫去撫

膺號泣曰我夫義士必死於賊尙冀生還乎沈水死詳見藝文郭氏合傳

林春報之妻汪氏及其弟春卉之妻任氏賦性幽貞素明禮教甲申流賊之亂娣姒同避河干

蘆叢中為賊所掠義不受辱路過深潭同躍入水死之賊歎息而去至今死處猶稱兩烈故蹟

云

王明遠之妻馬氏為強暴蕭某所侮氏力拒憤而死前邑令范廉其狀實蕭於法事聞奉旨旌

以貞心炳日

趙師彥之妻王氏家貧勤於操作有強暴王某誘以金且逼之氏含憤投水死師彥鳴於官王

某逮誅事聞乾隆四十二年奉旨旌表建坊入祀節烈祠詳見藝文建坊序

李作材之妻高氏年十八于歸甫一載材故氏誓以身殉絕口不食七日家人強進以勺漿旬

餘歸甯蓬垢弗飾其父母慰之但泣不言夜靜投繯死以上續舊志

張程氏張鴻鑑之母嘉慶元年教匪陷城氏與其媳胡氏朱氏黃氏女席張氏闔門自縊子鴻



鑑見忠節傳女席張氏有傳

席位寬之妻張氏本節婦嘉慶丙辰之難氏適歸母家同母縊死十年詳奉旌表 互詳前卷節婦傳
李杜之妻嚴氏杜故氏撫三子至成立嘉慶丙辰教匪入城氏令其子俱避去旋入室自縊其
長子世珍之妻金氏次子世蘭之妻李氏同日仰藥死

楊國昌之妻馮氏節婦也居負郭與賊目楊啓瑞爲鄰嘉慶元年賊謀益露氏懼禍作徙城中
避之及城陷閉門自縊其二子尙幼卒免於難

吳正風之妻李氏年二十五夫故氏矢志守節正氣凜然嘉慶元年教匪入城氏恐見辱以其
子玉恆託其族長令避去閉門仰藥死時年三十一道光十年詳奉 旌表

楊昌祖之妻孫氏孫碩敏之女也乾隆三十一年歸楊嘉慶三年川匪擾河洛氏厲聲罵賊遇
害甚慘咸豐十年詳奉 旌表

羅德新之妻聶氏邑庠聶子英之女歸羅年餘德新物故氏不食數日死子英哭之以詩曰千
秋稱烈婦一死作完人如此光門戶何須淚滿巾

鄧昌憲之妻李氏年二十三夫故氏誓以身殉既葬數日潛赴墓側自溺於水

當陽縣志

卷之十五

列女

烈婦

二

宜昌印書館承印

孝婦附

高士策之妻周氏于歸後克盡婦道姑病三載百藥罔效氏焚香默祝自割其股肉以奉姑病
尋愈前邑令王爲題苦孝二字以表其門值歲歉復給米以卹之 舊志載節婦中

趙師槐之妻白氏事姑以孝聞姑陳氏至九十一年氏左右奉養常夜起進膳數十年不倦卒
年八十一子啓瑄例職

庠生杜寶田之妻徐氏孝於事姑姑盧氏病甚湯藥罔效氏割股肉以進病得愈然祕而不言
也既卒寶田哭而誄之邑庠徐中青李天保作詩以誌其事

馮正舉之妻符氏姑病篤氏割其股肉和藥以進姑得愈現年六十八
監生楊玉溪之妻劉氏性貞靜言笑不苟姑楊氏病甚醫藥罔效氏默祝於神割股以愈姑後

玉溪病危氏復割股進之亦得愈其孝行出於至誠鄉里以爲難現年四十四
王廣攀之妻李氏孝廉方正映蘭之子婦也于歸後克盡婦道姑病割股以愈姑現年三十

貞烈

女未結褵而自誓守貞雖過高之行然聖人猶予之若衛共姜是已其有待字閨幃粹與賊遇懼辱身遽死之此其志節益峻矣雖以之刻若華銘彤管可也茲邑靜女以貞烈者聞者不一其人豈非圖史之光哉亟登之庶久而益彰作貞烈傳

貞女

李絳邑人李愷之女幼字儒童楊昌慶未婚昌慶夭女年十七聞之但飲泣念楊氏祀絕因適楊爲之立嗣毀容易服執喪甚哀其宅爲鄰火所延女撫棺號泣風返火滅聞者異之守貞數十年足不踰榻有遺宅值四百金捐其半以廣黌宮雲路乾隆中經儒學牒縣詳奉 旌表

汪蘭英汪良構之女幼字傅經國之子啓立未婚而立天時女年十五守貞不再字固請歸傅執子婦禮傅故寒素其姑憐其少也將改字之女執不可卒成其志立從子潮甫爲啓立後前學使吳公倡置義田詳見藝文碑記嘉慶十七年題奉 旌表時女年七十有一計守貞已五十七年矣亡年未詳

黃二姑黃鉦之女守貞不字亡年四十八咸豐十一年詳奉 旌表

郭大姑郭宗順之女性沉靜夙嫻姆教幼字儒童陳文容將笄而容故女誓志守貞父母不能奪送歸陳入門拜翁姑執子婦禮撫嗣子以奉陳祀子天撫孫四以至成立數十年未嘗過戚

當陽縣志

卷之十五

列女 貞烈

一一

宜昌印書館承印

家通慶卽歸省亦未嘗信宿母家晚年家益落衣食常不給躬親操作辛苦備嘗道光六年沮漳汎濫夜溺於水明晨拯出經時復蘇人以爲貞節之報計守貞五十七年卒年七十有五前學使王公爲題松貞永茂以表其門咸豐十一年題奉 旌表

王貞女王開道之女幼字節婦曹張氏之子邦珊女年十三就養於曹曹母愛之若已出未婚而珊夭女年十七不忍離其母也守貞不再字立嗣撫之咸豐十一年詳奉 旌表時年五十七計守貞已四十一年矣現存年數依詳案清冊

彭貞女彭啓瑞之妹幼字汪汪遠遊不歸時女年及笄守貞不再字嘉慶五年其兄守卡陣亡女上事父母下撫兄子家事皆身任之及兄子成立事之如父亡年八十餘

烈女

郭二姑孝廉之都之女順治甲申歲流寇入境舉家避亂舟中女年十七爲賊所掠脅之以刃女泣且罵曰恨我爲弱女子不能殺賊言未竟賊刃其首奄奄兩日死詳見藝文志三烈合傳李姑李良忠之女嘉慶三年川匪入境舉家避難中途相失女年十八與母盧氏一媵一嫂兩弟一從妹匿尙家岩山谷間賊搜得之以刃脅女欲載以去其母叱賊賊殺之女呼天大罵手石擊賊與諸人同遇害一弟創而復蘇歸述其變父兄收而殮之

賢母

孟母之賢弗可及也已卽丸熊畫荻亦不數數觀是何閨訓之有傳有不傳也夫必有令子而後能顯揚其親子以母賢母亦以子賢矣爲人子者可以勸哉茲沿舊志作賢母傳廩生趙開祚之妻汪氏邑庠汪振新女明經州傳之嫡母也幼精內則能誦毛詩註祚早亡遺子州傳氏撫之不啻己出躬自課讀如塾師然稍長始令就外傳弱冠游泮叨歲薦及氏沒傳每言及必涕泣學憲于爲題柏節松齡額以表之

邑庠熊健中之妻羅氏鄉介賓羅謹女明經經壁之母也年三十夫亡氏上事繼姑下育幼子擇師課讀晚歸必親課之尤以安貧勵其子子經壁映鏤同食廩餼氏日以課讀爲樂孫繩世亦髫年遊泮

張姚氏邑庠張大慶之母荆門貢生前臨淄令姚相帝之孫女也識字解書蒙養諸子字畫必教以楷正長就外傳偶歸省必促之赴塾宗黨賢之

廩生曹佩維之妻饒氏荆門進士饒應賢女孫也幼嫻內則年三十患目疾主中饋精潔如常割肉未嘗不正其長子入庠時維已亡氏戒以不與外事每朔望焚香拜祖訖旁立令子孫庠拜垂老無間年五十日復明卒年六十八

孫江氏廩生孫斯亨之祖母性慈惠好濟窮乏同里有蔣姓者貧且病癱自投於水氏呼僕拯

當陽縣志

卷之十五

列女 賢母

三

宜昌印書館承印

起飲食之二年無德色其族姪孫亦病癱爲之延醫一載得愈其善行類如此卒年八十

張曰旦之妻朱氏貢生開佐之母也家初貧氏事翁姑能先意承志教子力學聞子有名師友至則喜極供盤餐常夜坐聽子孫誦讀獎勤警惰若嚴師焉卒年八十二

曹佩綬之妻徐氏王監生士焯之母也性儉素識大義佩綬早世時焯尙幼氏治家勤苦教子有方七十後猶夜績不輟卒年八十以上續舊志

邑庠高元燮之妻陳氏于歸後事姑維謹及燮卒氏仍躬親操作訓子讀書至成立次子士純邑明經四子士楷廩生敦品勵學無墜先型皆氏闡訓之力也卒年八十

監生文璜之妻蕭氏邑庠子潤之母也性端嚴以勤儉治家次子步雲由邑庠貢成均皆闡訓所致卒年七十三

壽母附

庠生曹之睿之妻靳氏性恭謹慈愛生子七人友愛無間癸未年氏年九十子孫拜祝長子年七十少亦五十餘孫二十曾孫四十餘元孫九五世同堂鄉里慕之卒年九十四

曹項氏增生曹思慤之祖母性嚴肅門內整潔諸孫聞訓迪無敢怠者卒年九十三

莊昂明之妻胡氏生員莊士榜之母孝事舅姑生養死葬竭力治家義方教子卒年九十餘

以上續舊志

孝義馮天盛之妻劉氏 誥贈奉直大夫楚材之母也馮故貧氏勤於耕織艱苦備嘗中年家漸裕無何夫與子相繼沒氏撫兩孫至成立家事無鉅細必躬親之生平自奉儉約而周濟貧乏至老無吝色曾元繞膝五世同堂卒年九十二以次孫凌霄例職

誥贈宜人

邑人陳士元之妻楊氏忠義陳大有之母也嘉慶五年川匪竄楚境其子守卡宋家聖陣亡士元以憂死楊氏撫節婦熊氏孫光宗至成立初氏以哭子喪明既老康強卒年九十六

張楊氏維仕之母年十七夫故守節撫子至成立卒年九十八

邑仲賓杜宏文之室王氏性慈惠好施與課子孫讀書端品子德中監生次映蘭邑庠三映藻由廩貢候選教諭孫曾繼起循匕有家法皆闡訓所致也卒年八十九

當陽縣志

卷之十五

列女 壽母

四

宜昌印書館承印

邑庠郭藩周之母程氏性慈而和勤於持家子家孫日蕃衍卒年九十二

馮孝之妻王氏精一之祖母也勤儉持家慈惠待下既老猶勤紡績以故家漸裕孫曾繼起循循有法皆氏詒謀所致也現年九十四



當陽縣志卷之十六

藝文志

立言居不朽之一文詞特其末爾然大者闡明至道潤色王猷次亦摘華採藻照耀簡編並為邦人所艷稱茲邑自仲宣作賦首振大雅逮燕公曲江襄陽諸賢碑碣詩歌輝映川巖至漢上易胡氏傳出則羽翼六經挾精蘊超百家矣士生其間景慕前徽而沮漳二川揚清匯淑輔以玉泉紫蓋諸峯磅礴元氣含孕秀靈於是懷文抱質者不啻人擷春華士藏秋實采其尤者著之於篇令稽古振奇之士雖千百世文采有所表見焉志藝文

藝文志上

當陽縣志卷之十六

藝文

序

登樓賦

宜昌印書館承印

登樓賦

魏王

粲字仲宣山陽高平人

登茲樓以四望兮聊假日以消憂覽斯宇之所處兮實顯敞而寡仇挾清漳之通浦兮倚曲沮之長洲背墳衍之廣陸兮臨皋溼之沃流北彌陶牧西接昭邱華實蔽野黍稷盈疇雖信美而非吾土兮曾何足以少留遭紛濁而遷逝兮漫踰紀以迄今情眷乚而懷歸兮孰憂思之可任憑軒檻以遙望兮向北風而開襟平原遠而極目兮蔽荆山之高岑路逶迤以修迥兮川既漾而濟深悲舊鄉之壅隔兮涕橫墜而弗禁昔尼父之在陳兮有歸歎之歎音鍾儀幽而楚奏兮莊烏顯而越吟人情同於懷土兮豈窮達而異心惟日月之逾邁兮俟河清乎其未極冀王道之一平兮假高衢而騁力懼匏瓜之徒懸兮畏井渫之莫食步棲遲以徙倚兮白日忽其將匿風蕭瑟而並興兮天慘慘而無色獸狂顧以求羣兮鳥相鳴而舉翼原野闐其無人兮征夫行而未息心悽愴以感發兮意切怛而慚惻循階除而下降兮氣交憤於胸臆夜參半而不寐兮悵盤桓以反側

紫蓋山賦

以丹崖百丈翠萬尋爲韻

廩庠郭孫燦

佇中區以元覽景高岸之華丹陰陽闔闢而莫究元氣變化而無端融而爲川瀆結而爲峯巒
嗟紫蓋之奇挺實神明之大觀配十大而稱勝與六六而共蟠結根比於華岱之廣博直指倅
於九嶷之巔岢挾清漳之通浦倚曲沮之長湍明月亭亭而直炤堆藍巍比而屈盤爾其山之
爲狀也則岩嶢岌業絕壁斷崖岑峯菲鬱崗巒崔嵬彩借雲霞碧分蘚苔含谿藏霧觸石雲開
青青秀出丹氣聚隈洞嶮岧以杳冥紛轆轤其若迴綠嶂數重青山萬堆企木之猿百臂相接
歸飛之鳥千翼競來怪石嶙峋孤峯累百嵐烟飄渺紫氣滿壁交錯紛亂之勢盤礴峻削之迹
惟茲山之秀峙冠荆南而獨闢獸嘯龍騰風雲之所吐納霓裳鶴蓋神仙之所窟宅泐天台與
四明疑蓬萊與方丈石壁堅杰而雄聳衆山奔騰而直上峭崿崢嶸穹窿疊嶂白雲靄翠於幽
草青松垂黛而蕩漾廣大無垠萬籟絕唱惟燕語之綢繆聆泉聲之響亮其山所產則栝柏冬
青榧楠夏翠燦奇葩於幽谷聳修幹於岑蔚遠而望之若瑤林琪樹凝雪霜之菁英近而卽之
若珠宮玉闕蓄金銀之瑞氣飄渺兮同廣寒清虛之府皎潔兮似麗三素之異爾其大概也
則羣峯皆紫林石盡碧時而翠微隱見時而嚴厲峭直時而窈窕幽深時而童顛堆綠時維春
也則淡冶而如笑時維夏也則蒼翠而如滴秋則明淨而如妝冬則慘淡而蕭瑟四時佳景氣
千萬南望巫峽江流斷岸北倚方山千峯爛爛東界綠林之險西枕青溪之觀極盼眺於中天

當陽縣志

卷之十六

藝文

紫蓋山賦

一一

宜昌印書館承印

窮江山於一覽妙不能盡之於筆奇不能寫之於腕爾乃釋域中之常轡暢超法而高尋踞虎
豹之嵯峨披蒙茸之荒榛踐莓苔之曲徑搏壁立之翠屏攀栖鶴之危巢瞰仙人之層城一縱
一橫兮石碁未改或飛或瀑兮丹井猶存過靈溪而一濯滌煩囂而神清倚幽巖而凝思臨清
流而朗吟辭曰蔚矣名山亭亭拱秀千峯目擊萬嶺神逗彩霞下拂神泉旁漱元聖所棲仙靈
所伏元玉爲膏芝粒作糗洞天福地比跡句漏遊覽既周風生兩袖清虛自娛喬松比壽

玉泉寺智者禪師碑文

隋皇甫昆當陽縣令

蓋聞乾元資始三辰著象於天坤道資生萬物動行於地皇王於是建國賢聖所以垂文起名
教而莫同制威儀而有別至如畫卦觀爻蓋取隨時之象綜經緯會通為政之辭大禮同和
大樂同節安上治民移風易俗斯迺生前者略矣可言死後之間仲尼弗語縱使絳雪縈空
玄霜拂樹餌金丹而九轉吞玉髓而千年乘雲也駕九色之絃龍游漠焉控三山之素鶴逍遙
瑤臺之上容與珠闕之間未窺解脫之門終趣蓋纏之境唯正覺淵冲真如妙有不生不滅無
相無言隨緣應質則假色成形隨類觀音則因聲亦說故有白銀千尺之體紫金丈六之身八
部般若之文四種悉檀之義神道自在慧力無窮因導化行開示悟入皈依者盡發菩提迴向
焉普登常樂是以獼猴建塔遂生忉利之天野雁銜華復往彌陀之國豈直日藏沙門孤遊正
道月光童子獨見如來四生因茲度脫六道藉此超蘇實火宅之高車昏河之大筏若乃周室
昭王之世影奪恆星漢朝明帝之時光夢如日使旋西域化漸東都實像南宮中心北而自摩
騰入洛羅什遊秦名教更宏道風斯熾經臺像閣寶塔香山麗溢巖阿綺盈都邑豈期後魏眞
君之歲後周建德之年靈廟一除伽藍再滅形容廢毀文字散遺響落瓊鐘聲沈寶鐸修禪者
舊卷其舌而不談護戒先賢毀其形而晦影世絕調心之路時虧汲引之途無出世之津梁失
生民之大望我隋皇帝乘乾御宇握鏡披圖友愛蒼生君臨赤子天地同其大德日月合其重

當陽縣志

卷之十六

藝文 智者禪師碑文

二

宜昌印書館承印

光鼓之以雷窟潤之以風雨除暴亂致太平張四維朝萬國功成作樂治定制禮正道無爲區
寰有截闕泥淖之路開般若之門宣十二分之經流四千年之法精勤耆舊捨俗歸僧淨住初
童持心秉戒非直法輪再轉法鼓還鳴四海於是無虞兆民因而有賴委羽乘毛之國慕風化
以來庭靈禽嘉祝之祥應圖書而萃苑薺也非境智之思量蕩也乎豈言談而能盡玉泉寺
者基此山焉智顛禪師之下居也救旨正名著額其山嶺嵒嵒嶙峋嶙峋嶙峋嶙峋嶙峋嶙峋似覆
船巨力窮奇之象洪崖譎詭之形岡曲抱而成垣水縈迴而結乳一爲啼碧樹之間日月爲
之蔽虧霄液由之散聚前瞻江路卻望荆岑左帶昭丘右通巴峽禪師本姓陳氏穎川人也少
稟生知童眞剃落從師南嶽蘊道天台睿智洪才之響非直播於江南知機妙辨之聲固亦聞
於河朔皇帝次子太尉公晉王性稟孝慈情包惻隱能臣能子匡國匡家蘊神機之智垂汎愛
之心布君子之風偃生民之草往以偽陳納版受律行師策妙指縱威稜江海遂剋定金陵化
平銅柱三吳霧卷百越塵清師乃因王利涉王遂因師受戒師至此而投院王奏聞而起寺於
是異域才情之客慕其道而雲臻他鄉鍊行之僧味其風而雨集師精研道理盡意談元語證
禪支心開定本幽宗博義若挹海而無窮辨句清辭似懸河而自瀉居朋之友雖盈量以爭飯
處少之徒從窮崖而莫反爾乃信心檀越積善通人咸施一材俱授一瓦憑茲衆力事若神功
營之不日而成飾以經時而就層臺迥閣複殿連房寒暑異形陰陽殊制雕簷繡柱與危岫而

爭高鑿礎鑄基共盤巖而等固風光出其戶牖雲霧生其棟樑華炫耀於金盤氣芬芳於玉樹
工圖相好湛若金僊匠寫真容凝如滿月殿起三層之柱籬懸自響之鐘堂開千葉之華蓮捧
飛來之座燈光不滅灌海逾明利柱俱低承幡自舉吉祥柔滑之草爛熳依庭逆風和氣之香
氤氳滿院斜迥洞穴直注凝泉色似琉璃味同甘露波投鼎沸浪瀉陸堂飲腹消疴洗軀愈疾
石柱銅梁之狀影入蓮池桃源菊浦之華香浮柰苑可謂山類耆閣寺同離越似龍宮而出現
疑鹿野以飛來竊以前王鑿鼎惟論體國之功令共刊碑永記菩提之道余任宰屬城寺居所
部文雖寫意書不盡言其詞曰二儀開廓四氣氛氳方以類聚物以羣分通賢通聖明后明君
隨機設教觀化垂文樂章既造禮儀方制定彼親疏決茲疑滯披圖辨物屬辭明例唯化一生
不論三世玄都玉簡紫闕銀經解尸遺骨飲液吞精乘龍萬紀控鶴千齡終非實相猶是塵情
唯有大雄湛然常住不生不滅無來無去千門妙旨一音演諭度脫衆生涅槃雙樹夢通劉后
感應姬王恆星掩耀滿月澄光寫形東國指聖西方慈悲願海善逝津梁法顯還音摩騰入洛
花散經臺香流像閣釋教鬱起桑門盛作露泣珠幡風吟寶鐸眞君建德運鍾滅道淪沒四生
毀除三寶我皇啓聖德侔蒼昊妙法更宏眞儀再造陳氏僭號王赫斯征句吳霧卷閩越廓清
因逢智者延謁山庭珠生浮漢玉出深荆華峯崑屹石洞淵懸芬芳菊浦滴瀝瓊泉盤瀉似谷
覆嶺疑船來儀宴坐觸地蕭然妙辨悉檀深窮般若緇素雲會挹其河瀉或施之材或投之瓦
當陽縣志

當陽縣志

卷之十六

藝文

智者禪師碑文

四

宜昌印書館承印

經始不日翻成大廈更起龍宮還開鹿野山連紫蓋江抱黃牛西臨月峽東接昭邱春窗夏牖
水殿山樓旃檀圍繞琳碧還周座吐芙蓉龕懸石鏡白毫相好紺髮輝映銀燕徘徊錦鱗游泳
騰猴心靜怖鷗影定猗歟哲王命也蕃屏自天生德孝誠俱秉且爽非儔何平詎並出總連營
入調鐘鼎構此伽藍實資力請魔殿巉巖須彌鬱律倏覩劫終俄看燒訖豈如彼岸生死皆出
金石不朽天地可畢鐫勒岩阿永垂懋實

度門寺大通禪師碑文

唐張

說字道濟洛陽人左丞相

夫總四大者成乎身矣立萬始者主乎心矣身是虛哉即身見空始同妙用心非實也觀心若幻乃等真如名數入焉妙本乖言說出焉真宗隱故如來有意傳要道力持至德萬劫而遙付法印一念而頓授佛身誰其宏之實大通禪師其人也禪師尊稱大通諱神秀本姓李陳留尉氏人也心洞九漏縣解先覺身長八尺秀眉大耳應王伯之象合聖賢之度少爲諸生遊聞江表老莊玄旨書易大義三乘經論四分律儀說通訓詁音參吳晉爛乎如襲孔翠玲然如振金玉既而獨鑒潛發多聞旁施逮知天命之年自拔人間之世企聞圻州有忍禪師禪門之法墉也自菩提達摩天竺東來以法傳惠可惠可傳僧燦僧燦傳道信道信傳宏忍繼明重跡相承五光乃不遠邇阻翻飛謁詣虛受與沃心懸會高悟與真乘同轍蠶指忘識湛見本心住寂滅境行無是處有師而成即然燈佛所無依而說是空王法門服勤六年不捨晝夜大師歎曰東山之法盡在秀矣命之洗足引之並於坐是涕辭而去退藏於密儀鳳中始隸玉泉名在僧錄寺東七里地坦山雄目之曰此正楞伽孤峯度門蘭若蔭松藉草吾將老焉雲從龍風從虎大道出賢人觀岐陽之地就去成都華陰之山學來如市未云多也後進得以拂三有超四禪升堂七十味道三千不過是也爾其開法大略則惠念以息想極力以攝心其入也品均凡聖其到也行無前後趣定之前萬緣盡閉發慧之後一切皆如特奉楞伽遞爲心要過此以往未之

當陽縣志

卷之十六

藝文

大通禪師碑文

五

宜昌印書館承印

或知久視年中禪師春秋高矣詔請而來趺坐觀君肩輿上殿屈萬乘而稽首灑九重而冥居傳聖道者不北面有盛德者無臣禮遂推爲兩京法主三帝國師仰佛日之再中慶優曇之一現然處都邑婉其祕旨每帝王分座后妃臨席鷓鴣四布龍象三繞時熾炭待曠故對默而心降時診饑投味故告約而義領一雨溥濡於衆緣萬籟各吹於本分非夫安住無畏應變無方者孰能至爾乎聖敬日崇朝恩代積當陽初會之所寘寺曰度門尉氏先人之宅寘寺曰報恩軾聞名鄉表德非擬爲厭誼輦長懷虛壑累乞還山既聽中駐久矣衰憊無他患苦魄散神金形遺力謝神龍二年二月二十八日夜中顧命跌坐泪如化滅禪師武德八年乙酉受具於天宮至是年丙午復終於此寺蓋僧臘八十矣生於隋末百餘歲未嘗自言故人莫審其數也三界火心四部水背橫崩梁壞雷動兩泣凡諸寶身生是金口故其喪也如執親焉詔使弔哀侯王歸期三月二日册諡大通展飾終之義禮也時厥五日假安闕塞緩及葬之期懷也宸駕臨訣至午橋王公悲送至伊水羽儀陳設至山龕仲秋既望還詔乃下帝諾許冥遂宿心太常卿鼓吹導引城門郎護監喪葬是日天子出龍門泣金權登高停蹕目盡迴輿自伊及江伏道哀候幡花百輦香雲千里維十月哉生明節舊居後岡安神起壇國錢嚴飾賜逾百萬巨鐘是先帝所鑄羣經是後皇所錫金榜御題華幡內造塔寺尊重遠稱標絕初禪師形解東洛相見南荆白露積晦於禪山素蓮寄生於坐樹則雙林變色泗水逆流至人違代同符異感百日卒哭

也在龍華寺設大會八千人度二七入二祥練縞也成就西明道場數如前會萬迴菩薩乞施後宮寶衣盈箱珍價敵國親舉寵費侑供巡香其廣福博因存沒如此日月逾邁榮落相推於戲法子永戀宗極痛慈舟之遽失恨涌壙之遲開石城之歎也不孤廬山之碑焉可作竊比夫子貢之論夫子也生於天地不知天地之高厚飲於江海不知江海之廣深強名無跡以慰其心銘曰額珠內隱匪指莫效心鏡外塵匪磨莫照海藏安靜風識牽樂不入度門孰探法要倬哉禪伯獨立天下功收密詣解卻名假詣無所得解亦都捨月影空如現於悟者無量善衆爲父爲師露清熱惱光射昏疑冀將住世萬壽無期奈何過隙一朝去之嗟我門人憂心斷續進憶瞻仰退思付囑靜不離定空非滅覺念茲在茲敢告無學

當陽縣志

卷之十六

藝文

大通禪師碑文
玉泉關廟碑記

六

宜昌印書館承印

重修玉泉關廟碑記

唐董挺大理寺評事

玉泉寺覆船山東去當陽三十里疊嶂回擁飛泉迤邐信荆人之淨界域中之絕景也寺西北三百步有蜀將軍都督荊州事關公遺廟存焉將軍姓關名羽河東解人公族功績詳於國史先是陳光大中智顛禪師者至自天臺宴坐喬木之下夜分忽與神遇云願捨此地爲僧坊請師出山以觀其用指期之夕萬壑震動風號雷虩前攀巨嶺下堙澄潭良材叢樸周帀其上輪奐之用則無乏焉惟將軍當三國之時負萬人之敵孟德且避其鋒孔明謂之絕倫其於殉義感恩死生一致斬良擒禁此其效也嗚呼生爲英賢沒爲明神精靈所寄此山之下邦之興廢歲之豐荒於是乎繫昔陸法和假神以虜任約梁宣帝資神以拒王琳聆其故老安可誣也至今緇黃入寺若嚴官在榜無敢褻瀆荆南節度使工部尚書江陵尹裴公均曰政成事舉典從禮順以爲神道之教依人而行攘彼妖昏祐我蒸庶而祠廟墮毀厥懸斷絕豈守宰牧人之意也耶乃命邑令張慎始經其事爰從舊址展式新規模博敞容衛端肅唯曩時禪定之樹今則延袤數十圍矣神明扶持不凋不衰胡可度思初營建之日白龜出於剎橋若有所感寺僧咸見亦爲異兆尙書以小子曾忝下介多聞故實見於紀事文豈足徵其增創制度則列於碑右真元十八年辛卯

加封英濟王碑記

宋荆門軍蕭軫

爲臣而忠於君世固有之均於忠而處之難者爲可尙衽金革至死不厭非難也當其利義之未分是非之莫辨而見之在我者一定誠難也胥不盡忠於楚而盡忠於吳不足推也平不謀於頃而謀於劉義不足取也三國鼎峙漢祚已移天下英雄豪傑雲合響應孰不願爲曹公執鞭弭以驅馳者壯穆嘗受曹之恩矣是其於先主君臣之分未定也惟於主不渝其初非見之明守之確行之剛者詎能爾耶天數人事不符功業垂成山虧一篑遺英餘烈猶足爲千載之福澤何其盛哉記謂能禦大災能捍大患者祀之邦人於王食焉必祀事焉必否奚求弗獲奚禱弗應曰雨而雨曰暘而暘王之力也疫厲不作饑饉不臻王之恩也盜賊屏息田里舉安王之陰隱也淳熙十四年襄陽王公銖世其家擁郡麾謂王之有功於民也遂列其狀於部使者上之朝廷以求加封褒崇節概不吝爵號贈曰英濟寵渥極矣誥命以十五年十一月二十四日下奉命之日遐邇歡騰老稚夾道縱觀舉手加額咸曰非王之受其賜民之受其賜也其得民之深也如此哉王廟食當陽覆船山之玉泉寺住山比丘慶思來請記于軫且以彰王之德侈朝廷之命於王之墓古人觀書之際辨姦諛於既歿表忠義於已往不於此記而又奚記茲軫之心亦太守王公之心也故書淳熙十六年正月上元吉

當陽縣志

卷之十六

藝文

英濟王碑記

七

宜昌印書館承印

當陽縣儒學碑記

元無名氏

學以化民縣以長民而民地之本也當陽望邑古爲平州事簡俗醇先王道化之國宋慶歷中州縣立學教養生息英才如菁莪樸槭之盛厥後漢上朱公震以易名世同時文定胡公安國時習侯公仲良講道於龍潭之上河洛之學被於東南大賢倡之也中更分裂重以乙未兵火邑境遂墟衿佩桃達田卒污萊廢已久矣大元混一崇儒重道詔江南興學校立提舉獨徭役有司祇若德意惟謹獨當陽生聚僅完學未遑也至元丁丑保定張公奉命佩印來職長民所部荒落塵氓七家公勞來還定百爲克開不數年間戶增七千有奇慨然又曰斯民既庶且富教可緩乎乃議興學縣尹王君元賓實贊其謀於是景岡相基得遺址於玉州之陽几山清爨帶水環會雖寸鏹粒粟役甚難也公赤手經營視爲已任爲有王事屢輒賢勞於外未嘗一日不衡厥心薦領省符董餉數萬事畢還邑謂學之建非吾責耶晨夕坐于學躬蒞其役寒暑易節堅忍督勵用不足割俸以濟工不給捐膳以周材弗備厚直以充惟誠惟一感動人心僚吏協贊士民畢力鄉社以下不調而服勤不徵而恭事會按察使者行縣勉勵序公勤勞而亟成之遂旣厥役正殿儼如廊廡翼如有宏其門有殖其堂營創規畫視舊加壯廟貌禮器率應圖式正朔款謁二丁奠祀春誦夏絃有典有則盛事鉅觀燦然復舉而人不知勞豈勢迫之哉蓋得人之深樂爲用也昔周大夫不說學閔子馬憂之戰國時不信道孟軻氏距之學乃人心天理於不遑暇之中自有不容已者况公未嘗爲言語文字之學始建成邑而能約已自厲以敷教勸學爲心所就乃爾若其弄筆以徼利達莫適於用可少愧矣張公此舉賢於人矣夫使人如公用心何患美化之不行也列治狀告之司學轉於憲臺將聞諸朝廷以俟褒嘉公論雖之舍榮考成興學之士蒲英等辭曰子立學者也宜記敢摭實而書至元二十八年辛亥立

重建明倫堂碑記

元徐 驥邑人

在昔聖人申命司徒敷教寰宇厥後家塾黨庠術序國學風化以陶人倫以厚潤澤漸被靡間遐邇古者門閭有塾里中有道德者教焉業擅專門生則師沒則祖而祭故三代詳於設學漢唐是因選賢興能文翁治蜀常哀師闕事業有成芳潤青簡唐武德中詔州及鄉皆置學宋仁宗二十有三年復詔州縣立學時守令自置而構由菑而穫家詩戶書文風郁郁故實可攷今也混同文軌惠恤章縫內而辟雍外而侯泮以及州邑罔不修舉崇化興賢四方風動而當陽西枕峽山東帶漳水古曰玉州始因兵燹士民挈徙隣郡逮至元丁丑郡邑政平還定安集遠近聞風負粒屬襁烈市受塵剪蕪別蒼日就倫理夜無犬吠春有讀耕邑令王君元賓議教化本原莫重於學乃相舊址始建禮殿宮門伉作東西追述前軌嚴嚴翼翼制度復舉奠祀有義厥後銅梁趙珪繼任其事始構堂設講席衿佩來遊執經待問矣歷歲滋久風雨震凌邇來略施營飭簡陋猶故棟折榱頽勢將就圯咸謂弗加作新胡以經久至順初元秋九月縣監侯某資性通敏器局整嚴爲政有經臨事有畫衆服其信今年春謂縣直李茂實曰國家以法化爲宏綱台省以學校爲機要當陽小邑甚簡而靜今前廟謹嚴獨明倫堂左欹右側弗稱瞻視吾將撤而爲新然學計涼薄奈茂何實對曰茲事舍公其孰爲自有胸中樓閣奚憂地上宮室哉侯哂曰固當勉爲匪唱孰和乃縮俸金屬寓士衛琦是贊毗由此士友聞者樂奉芝楮願相其

當陽縣志

卷之十六

藝文 明倫堂碑記

八

宜昌印書館承印

成獲多助矣匠石行山訪求大木拔尤良者不足則遠市江濱瀟湘良材度可給用審視舊規湫隘爰加恢拓畫工於堵斧斤刀鋸昕夕展力旬月就緒柱石平平正梁棟窮隆陶瓦幘幘氣象巍峨庭宇軒豁如跋斯翼如羣斯飛聯聖膏澤光彩輝映師氈增高賓席加整先進後進各以序次肇工於癸酉暮春之初底績於是歲八月既望不擾不煩事皆克集將涓吉日合樂以落之在鄉善士謀曰是舉也邑長首建嘉謀同寅官屬羽翼宏多蓋識其事爲吾邑榮僉言曰然衛琦來諗曰邑庠堂成大夫張主力也彌縫纖悉夙夜究心職教力也頌書以示來裔敢草創以請驥以老疾辭不獲而曰聖道行乎天下日月有明容光必照詎以郡邑爲間哉昔子游宰武城聖人樂聞其絃歌學道愛人語意深遠則知治邑必有教晉杜預以平吳大功封當陽侯則知當陽古爲名勝地時宰不以及瓜爲傳舍而以修泮爲急務真見超卓遠邁時流矧今朝政嘉靖化瑟更張文科取人一十載餘矣士由是途紺青拖紫者衆吾玉州士來遊來歌如琢如磨升斯堂者巍冠而講唐虞州貢鄉英身登高第足躡亨衢必有自楚望出者吾黨懋哉元統元年十一月

重新宋胡文定公廟碑記

劉績字用熙

人生所以參贊天地者也六經載參贊天地之道者也六經無傳則人道滅而天地或幾乎息矣故天地不能一日無人人不能一日無六經述者發揮經旨亦不能一日忘功不祀也周衰孔子道不行取魯史成事筆削寓至當之理立不易之法教末世陷溺納而歸文武之道孟子以其功並禹周公蓋無位則明道正人心有位則行道去人害一而已矣後莫究其說左氏敘事雜以俗禮公穀釋義多拘日月斷斷焉後世甚至人主不得聞謀說學士不得相傳習至宋高宗時胡文定公奉詔著述用事精嚴發意暢快謂是書乃百王之法度萬世之準繩可以處大事決大疑得作者心於千載上破蒙者惑於千載下然後大綱炳炳如日星微公則是經不傳矣公沒去今三百餘年墓在當陽北十五里成化丁亥有司奏請立廟像於側春秋祀以少牢越四十年憲剛安成劉君時讓讀公書師其人觸權貴屢與觀風過拜遂拓舊址有寢有堂有廡有廳官屬其役民樂其事不日克成以安公靈非以圭爵而尊非以族屬而親是故澤在本支有時而斬動在社稷有時而泯功在六經則歷千萬世猶晨昏也公諱安國字康侯建寧崇安人地志謂父淵寓蹟荆湖間至公為蔡京惡退居當陽之漳濱淵墓在焉誌傳父沒築室墓傍耕種自給若將終身即今龍泉寺所墾田也公自云平生出處內斷於心浮世名利如蟻蠟過前其行可知矣作楚歌使土人享公辭曰漳水濛濛兮遠公瑩骨肉野土兮氣昭明鬱金酒兮灌地寶燎蕭光兮達紫庭求上下兮不可得公何之兮憂增內華兮外夷君尊兮臣卑道亨莫享兮此時公復來兮何期松柏兮挺然獨秀遺像兮生氣若舊食此土兮非能天壽從則吉兮悖則凶世復世兮人心同

當陽縣志

卷之十六

藝文

胡文定廟碑記

九

宜昌印書館承印

重修漢壽亭侯廟碑記

明孫繼魯號松山雲南人提學副史

松山子校士過當陽自彝陵午憩玉泉寺周覽壯麗特勝荆南以覆舟山祀漢壽亭侯也乃詣玉泉觀侯廟將頹於草木莽莽中乃言曰山如覆舟玉泉出焉侯致命地也玉泉寺勝以侯致命覆舟山則寺因侯勝多年矣浮圖立不經說誣侯願護法玉泉弗治其廟豈知所自與乃屬承天知府吳君惺督知縣侯嘉祥董沙門修葺之尋落成時予期月竣事全楚歸節武昌嘉祥以知府意來求記予惟古今人臣未有不本於精忠而能射精光於霄壤與日月爭明者也侯之精忠從昭烈於四海鼎沸顛沛流離中雖操權百計私交不一少渝從致昭烈跨有荆益祀漢偏安固孔明籌策庸公而侯之熊虎疆場真如雲雨擁翠蛟龍此其功豈小補於昭烈哉及以新得荊州留侯鎮後天若祚之則威震華夏有終荊州之軍必向宛洛益州之衆得出秦川乃高帝南鄭入關中光武南陽定河北算也而孔明草廬計不徒矣無何吳魏合謀掩侯不備孔明所謂擁百萬之衆不可與爭鋒賢能為用而不可圖者一旦戮力傾侯矣使昭烈悉蜀土甲兵恐亦應援之難觀於幸峽窺吳一面往事可知矣况侯困樊倦罷孤軍當此兩雄乎其致命覆舟山者天也故侯亡則荊州失荊州失則宛洛無東向之望宛洛無東向之望則益州之衆竟不能出秦川而與漢室也昭烈孔明所以竭力經營者末捷無成焉耳已此侯亡漢室不興之兆先見矣何待永安駕晏渭濱星殞哉故侯之精忠信昭當年其精光宜射霄壤間與日月爭明者也魯愛侯廟成輒論其大較俾良牧奉之覆舟山以表侯精忠精光以風天下後世為人臣者因以警玉泉寺俾勿壞侯廟毋重忘所自毋誣侯願護法嘉靖廿二年癸亥正月

重建義勇武安王廟碑記

明徐階華亭人
大學士

義勇武安王有廟在當陽縣之西五里蓋王於是葬焉古所謂章鄉者也廟始建於成化丁亥幾日殿者三日門者二日堂曰祭臺者各一請於朝詔得以春秋薦俎豆事載於碑其後屋漸圯而有司莫能葺嘉靖丙辰春司禮太監黃公太保都督陸公出其祿賜之餘得白金二千五百兩屬守備太監張公方撤而新之又建坊於其前作鐘鼓樓作諸廟祀之具咸備繚以周垣而守之以僧若干人其冬十月告成事昔韓昌黎推尊孔子以爲祀而徧天下者惟社稷與孔子爲然按史王葬於漢建安二十四年至於今千四百歲矣其褒贈之典代以益崇而廟祀亦徧天下與孔子等何其盛也自古有功德於人者死則必食其報然其功德有及有不及則其廟祀亦必因之獨忠義之士接於耳目而有激於心則不必功德之及我而慨想感泣自有曠百世而不能已者所謂民之秉彝也當漢之季謀臣策士知天下之勢必歸曹操而王獨以正統所在委身照烈及爲操所執操禮之甚厚而王迄無二心去強歸弱繼之以死非忠義之尤者乎孔述六經垂訓萬世感人以功德王感人以忠義其廟祀徧天下固宜也世或疑孔明翼德與王同事昭烈其忠義亦同而廟祀之盛皆不及王以爲事同而報異者夫翼德非王比也孔明之事著在蜀爾王始見執於操其刺顏良舍而歸蜀魏之人舉能言之至降于禁斬龐德操欲徙都以避而吳之君臣日夜謀王以死爲快王歿操日以強吳亦遂臣於魏識者於是咎

當陽縣志

卷之十六

藝文 關廟碑記

十

宜昌印書館承印

陸遜而思魯肅之慮遠則吳之人又無不知王者父老子弟轉相告語傳之四海流及後世而各有激於秉彝之良此王所以著於孔明者歟故曰王廟祀徧天下宜也廟繫牲有石二公請予書其重建之歲予因論王所以至此者系之詩俾歌以祀王黃公名錦在司禮務德而奉公陸公名炳有文武才其志在安社稷觀於茲舉可以得其人之概矣詩曰王之廟兮何所枕崇岡兮俯遙浦左旗張兮右懸鼓王廟兮儼然生中處兮神在天從昭烈兮日周旋邦之人兮聚正氣春秋兮奉王祀牲牲肥兮酒醴旨自天兮來下青龍刀兮赤兔馬長髯飄兮顏渥赭王王至兮入廟鑿鼓喧兮管噉噪飲且食兮不嘖以笑於嗟兮明神下爲河岳兮上爲星辰伊降福兮獨此邦之人扶天常兮植人紀億千萬年兮相我天子秩廟祀兮自今維始嘉靖戊午仲秋

重建儒學碑記

明王在晉字帖雲黎陽人尚書時為督學

當陽舊有學宮居縣右偏風氣宣囂會臬署雲漢比肩並峙形家言縣治匪宜右昂學宮當徙而之他地脈綿薄已又遷之郊出郭六七里已又遷之城南學蓋三徙矣城南面北榛棘中雍築為宮垣棟傾鑽窪衢墊側棗盛之妥越在草莽廣文之甍寄於蕭寺被衣冠而咏聖術者與收樵之趾交錯於塗諸生時從沙中聚語曰先王之道不北面大學之禮雖詔於天子無北面文明向離而幽之其奚以安素王之靈去習坎而應重明之運盍徙諸諸士子以告令君令君曰諸當事曰經始勿亟其計所以程材鳩工之費令君揖而前願自克任毋煩我穠民於是舍故墟易地直捐月俸錫鍤金以茲役而諸學博亦減苴蒨之需佐土木之急卜基縣治之左筮吉陽月望辰羣力畢張戒期立庇櫺星門內闢為廣術饗殿聿成兩廡并列啓聖祠明倫堂兀坐後山敬一亭尊經閣雄鎮左角鑿泮池開雲路沮漳之流繞焉湮鬱壅闕之氣朗然宏達矣廟貌既飭官師之長率子弟詣督學使者請有言以紀成事使者日懿燦哉令君之有是舉也藉地靈之羸羨補人力之纖嗇人文其有興乎多士其彬彬競奮乎荆山之陽有美玉焉探其穴挾其藏而靈奇珍異造物不能以自秘故大塊間氣之鍾必有人以宣之導之有開必先開人者天也成天者人也荆郢之墟埒于神皋奧壤先皇帝乘乾應運天紘地維揭揚震厲山川苞孕亦既雲興飈發矣茲邑分荆郢之餘毓清英之秀層巒疊嶂從西陵飛度轟接巫雲南

當陽縣志

卷之十六

藝文 儒學碑記

十一

宜昌印書館承印

標紫蓋西挺冠玉綵水珠泉清空激艷巴蜀荆襄之絡繹而江漢沮漳之紆縈傳稱楚望詎不信然余以沅湘雲夢蒐獵楚材以及竟陵雲杜之豪其能抽演微言敷揚藻麗者京潛荆沔之間得巨擘焉然京潛荆沔士材固張士氣稍溢風會之靡波流之返而安居百里之地猶存渾噩樸愿之遺夫樸者至文所由生而真材之所輩出者也在中之美含而未露得人以宣之導之而連城之寶現矣道不虛行時維有待諸士不聞爾邑寓賢所為漢荆州文學記者乎有漢荆州牧則象天地軌儀憲極設教導化敘經志業用建雍泮焉立師保馬宣德音以贊之隆嘉禮以範之五載之間道化大行童幼猛進武人革面總角佩觸委介免胄比肩繼踵川逝雲涌疊々如也兢兢如也於時當長坂戎馬在郊而立教興賢博求儒術聞人流寓名士雲集負書荷器自遠而至者三百餘人保釐一方六路咸秩而矧大道中天聖化昭明之日乎令君嘉惠人文裁盈數畝布以施立豐其堯宇勤其教植濟濟莘莘爰居爰處勤學謀議庖廚六經異饌百家詳延方聞之士咸登諸朝漸漬被化者奚啻三百竟陵纖杜之豪不得獨擅其美矣故以地氣之奇羸補人力之纖嗇責在令君因地氣之纖嗇振之以人力之奇羸責在多士荆山有珍吾將剖之清廟瑚璉有所底授豪傑之士必應運而興予於令君及諸學博翹首以觀其成焉是役也所費八百緡為時六月令君李啓元福建安溪縣人教諭舉人余蛟咸寧人訓導陳大賓永州人廖世卿石門人督工生員劉家相李琛黃大中梁國相金大赤耆老羅世卿王大節栗實美例得并書萬曆庚戌仲春立

修城四公祠碑記

明東莞人龔袁昌祚號堯沙
陵知州

余自鄂渚還西陵方濟漳水望玉山之陽屹然崇墉其下有祠趨而問之曰以城祠也夫城也百堵畢力民顧不稱勞焉而祠之此何以故其士民曰茲四公之大有造於吾土也其敢以忘報祀曩日者劉石挺亂阻兵襄漢之郊暨施南土孽憑恃其篁竿谿谷梟張橫噬而當陽以無城故日岌岌也然此猶以震業之時言之爾今天子卽位詔天下郡邑城及江南郡邑適承平之弗戒盜掠其藏累繫窮逸於是沛然下令薄責諸守宰及按布之使者更寘之而當陽故曠然備術也縣官慄匕恐不足以固膺固其齊民蒿然慮不足以慎蓋藏成夙夜屬其力以守而未暇也自中丞趙公問俗下邑始畫城議而守藩巡臬及我郡伯先後協謀以授事於任參軍而祇役焉負山帶河緝以堤防其上環數百雉司警之子持柝而夜擊則狂夫瞿然無敢易慮故縣官得以安意齋閣而一其政齊民得以安居於坐息而奉其教則四公之遺也其敢忘報祀余語之曰有功於民則祀之禮也顧四公所爲功容有大於斯者卽若祠豈直爲當陽尸祝哉荆襄表介江漢扼東南上游而當陽中距若牙樞焉臂引宛洛腋控秦韓背洞巴蜀膺拊襄沔脈維吳越蓋昔人所稱用武之國也昭王紹霸始築麥城自伍子胥有驢磨之役而麥城弗守王奔於隨迄於三國則關某糜芳保阻築渠稱重鎮矣國家旣平劉石之亂尙書白公始議緣漳河實封人徙遠安數百戶守之而城未之議也肅皇帝昭受天命而當陽始隸興都爲湯

當陽縣

卷之十六

藝文 四公祠碑記

十一

宜昌印書館承印

沐邑視昔彌重乃歲未有城懿惟四公始協謀而墉之用以拱翼陵廟而施及於東南非淺渺也故曰卽若祠豈獨爲當陽尸祝哉於是士民喜曰吾儕知報功未識其大信若是言是四公大有造於家國也其敢以忘報祀祠之制中丞趙公居中守藩王公巡臬鄧公左右之郡伯趙公又左之皆同堂異室各正南面距玉山之陽其上爲三公之臺以中丞及藩臬二公向問俗登茲山設甲帳云參軍旣畢城又能世四公之功於祠中其能足紀因並紀之趙公名賢汝陽人王公名堯太康人鄧公名林喬內江人

重修儒學碑記

楊州彥

卜子夏序詩至鄭之第十七篇曰子衿刺學校廢也廢學校有利則興學校其有美矣我四明俞公令吾邑以下車之次日昧爽謁文廟肅躬展拜詣講席博士弟子員以次問業已周視廊廡顧諸生曰宮圯矣不葺將頽俯仰移時意擬約計其所以鳩工程材者諸生退而喜曰頽宮起色矣越數月吾友易公巽倩適司邑之鐸與令公茶酒間咸有馬廐蔬園之歎曰載色載笑實在我侯余雖減盤中苜蓿坐客甑寒亦勉出家布不以土木費獨累長官也各捐俸有差計所新曰櫺星門曰正殿曰明倫堂而啓聖祠拓地若干晦爲垣幾十丈工告竣問記於余七謂浮屠家創構叢林其間比邱二六時之課誦昏定曉報之鐘聲生人齊邀令單有假僧院多喧衆卽金棖玉題可稱清淨道場吾今辟雍鐘鼓蘇爾復興尙冀棟宇修而多士之廉隅亦修俎豆飭而多士之簞簋亦飭當必好文學敬長上肅政教順鄉里出入不悖所聞如漢公孫宏之所云者將處爲理學出爲名臣勿負令君與司教者植樸作人至意予日望之

當陽縣志

卷之十六

藝文

重建儒學碑記
迴峯書院碑記

十三

宜昌印書館承印

迴峯書院碑記

楊州彥

古今之氣運係文章人物之鍾靈由山水在昔之不敢以名字呼者率志以地東萊之呂廬陵之歐陽眉山之蘇氏父子昆弟無智愚皆然者言其受是氣也當陽幅員縱橫不百五十里而泉巖競勢頰甲諸邑往余讀書山寺涉青溪水望瀑布溜痕頰波秀壑令人悽澹迤邐走鳥道往復玉泉老谷堆藍名泉珠泂不能自絕於其側或復攜酒紫蓋峯頭氣象渾大樸老而尊莽七蒼蒼不可涯淡蓋嘗歷四時之變以盡其態大約於草木青溪蘭蕙玉泉菡萏紫蓋禿松於文字青溪諸子玉泉左國紫蓋六經於世代青溪魏晉玉泉秦漢紫蓋鴻濛且迺水會漳沮平分楚望氣候所鍾自應清慧而文而科第晨星幾疑維嶽降神生甫及申之句詩人臆說矣歲丁巳四明俞公尹吾邑勸農之暇登高按眺遍遊境中佳勝謂邑之三面環山而東南獨敞拽雲巖巖奔走江陵水如絃直不稍濳洄爰聚士大夫與上下降觀喟然曰馬之逸也銜控之客之酒闌也轄投之腴理之不密也葭苳補之僉議於郭關外鎮以文峯城之南隅枕以書院工告竣院額迴峯堂則主敬則麗澤塔則青雲青青子衿悠悠我心侯用是良苦矣繼自今都人士尙其力敦理學勿以雕蟲爲絕業勿以誠意正心爲迂談俾濂洛關閩復見今日行將絃誦之聲聞於比戶尼父驅車當爲我侯莞爾一笑也院鳩工於某年月日成於某年月日爲室若干楹例應書於碑陰

當陽縣北十五里龍泉上有胡文定公墓與春秋祀自明成化三年始也余令當陽在康熙十年丙辰四月時彝陵逼近敵壘軍需蟄集未暇考稽先賢古蹟至秋八月余又公出越明年二月余親奠墓所見周遭有古松三四十株護之有聲墓之外荒煙蔓草矣余佇立歎歎者久之邑有先賢而春露秋霜祇餘此一坏土也有司之過也又邑西三十里有玉泉山亦邑勝概也他日至玉泉見有負擔紛紛運木石工料者匠斲之聲響振山泉問之曰某官某將某士大夫捐銀若干兩修玉泉寺也余曰嘻吁哉道之不明也如是夫文定公功在萬世春秋二百四十年褒貶予奪爲仲尼冢子夫人而習之矣不待余言獨怪吾儒博衣韋帶講仁義號道德者不知凡幾而食六經之澤者撮巍科取明經衣綺縠食梁刺肥詡詡然誇里小兒嚇人酒食錢財問之吾某科習某經起家也獨至先賢遺蹟崩圯泯沒令出一錢得多少潤飾不墜則却顧搖頭蹙額而去而緇流羽客走人如鶩如所謂玉泉寺者自王公大人以至窮鄉野老不憚捐項踵脫婦人簪珥如雲如雨竭蹶奔事不極其華麗不止曰此某某所建功業也何說也豈吾儒之道如日經天如川行地反無以聳動天下不敵彼功果二字歟非也吾儒之道堯舜禹湯文武周公孔子之道也堯舜禹湯文武周公孔子之道如天之元氣也元氣貫春夏秋冬四時四時調百物若萬彙日食元氣之福不覺也如鑿井耕田出作入息帝力何有於我之說也天

地有戾氣疾風暴雨驚雷震電陰霾瀟野黃霧染塵人鮮不慄慄危懼若有罪戾犯天譴者今緇流羽客走人如鶩亦猶天地之戾氣乘人也若吾儒區區與彼爭形跡之末則亦淺矣此文定公之遺蹟零落於荒烟蔓草祇餘此一坏土者正所謂吾儒之教也吾儒傳心也彼二氏所以走愚夫愚婦者傳迹也若並其迹而沒之則佛老二氏漸滅久矣然則天地之戾氣不能盡絕而二氏之形迹終不漸滅也無怪也然老之教曰清淨佛之教曰慈悲亦未可盡非也獨怪夫今之王公大人卿大夫長者皆坐而食彼暑雨祁寒胼手胝足嗽七待哺之民耳取彼暑雨祁寒胼手胝足嗽七待哺之民之財之力以重崇建某寺某寺曰我功果也不極盡輝煌壯麗之觀不止夫功愈大則民益殘費益囂於彼清淨慈悲之旨安在爲此者或亦二氏之罪人也余因感胡文定公之墓之勝蹟不存也并及此所以明吾儒之道如天地元氣亦不在其跡之存與不存也而不可不修飾使不至於泯沒者吾儒企慕先賢之意也余令當不及一載遂罷去亦不及修今於閏八月余行矣屬余同年友楊宣樓名州彥爲余構石記其說俾後之覽觀者知吾儒固不與二氏爭形迹之末而亦不可不修飾不至於泯沒者以重吾企慕先賢之意也

楊公祠碑記

邑增李希晟代

余不之茲土者二十載矣昔人所云政通人和百廢具興者未之遇也而有志焉然往往有蒐羅所不及至於遲久而復謀興復者如洛鎮楊公祠是也余嘗閱邑志知明季有楊公諱正芳者艱難捍賊以身殉國宜其歿而崇報載祀典中而有缺焉殊為恨事雍正元年冬余以修理塘汎至洛士民環集請曰觀音閣之右原有楊公祠堂三間以祀楊公當明季逆賊猖狂殺人如刈草公以鎮竿副總提一旅師來駐合洛以少擊多每以奇兵取勝公體貌魁梧長鬚髯賊經累敗望輒奔潰公適他征賊乘虛來圍洛市有壯士掛長髯建楊公幟鼓噪而進賊疑公猝至皆驚走其先聲奪人如此洛之生靈卒賴保全以有今日皆公之所留貽也而公戮力逐賊汗甲捐軀遂死王事洛士民不忍忘立祠報德國朝初猶架有數椽士子課會其中經歷歲月風雨漂搖棟折椽崩久之而昔賢尸祝之所浸至為今人射利之場願我侯其復之甫白其事而昔年木主忽得之佛龕塵封中豈公之靈爽實式憑耶衆議僉同舊主可稽爰捐一月之俸修復祠宇設新主而奉之嗚呼公功在國家澤在斯民雖人往風微而士民感泣未忘猶踴躍圖報瞻斯祠者忠義之心可油然而興矣余因諭以前地暫借為營防而士民竊有疑焉恐其以塘而妨乃祠也余曰不然祠為政而塘特權宜之計耳塘可易而祠必不可易也異日者洛之士庶嚮義恐後大其棟宇高其閨閤更足以誌楊公於不朽是尤守土官長所厚望也因紀石以垂永久焉祠地坐觀音閣右前中俱六弓一尺後三弓一尺中長三十五弓四尺

當陽縣志

卷之十六

藝文

楊公祠碑記
重修關陵碑記

十六

宜昌印書館承印

重修關陵碑記

吳省欽

臣舒常言當陽章鄉有關帝寢墓以後裔世襲博士一員奉祀屆春秋官祀縣令來詣行禮伏思我皇上崇德酬功於關帝再加號諡尤昭誠敬當陽既有寢墓與他處僅有祠廟者不同請以距當陽百二十里駐守之宜昌鎮及該管之安陸府就近輪往承祭以昭敬重制曰可越二年舒公與今巡撫姚暨藩司永公捐廉倡輸自堂斧兆域暨門塗垣棟齋房庖湔之所靡不整治如制蝟蛄疇蟻式憑儼若省欽謹記之碑曰周官禮小宗伯職成葬祭墓為位家人職凡祭為尸註一以謂先祖形體託于此地故祀其神以安之一以謂禱祈蓋家人之職於始禘為后土之尸於凡祭亦為后土之尸曰凡祭則非一祭乃二鄭以墓祭無明文故不敢曰墓祭而第曰禱祈自宋儒主古不墓祭之說謂始自漢明帝之上陵然間考武王行軍祭畢曾子言椎牛而祭墓孟子言東郭墠間之祭者皆在漢明帝以前若魯世世相傳以歲時奉祀孔子塚光武祀李通父塚則不特子孫固祭墓即遠而國人上而天子亦得祭墓致禮誠以體魄所藏視廟中之祀其精氣無所不之故禮不容以闕也今京師府州縣衛下至百家之聚遠絕異黨之域胥立廟祀關帝其長吏所治尊曰武廟與文廟等然武廟立自唐開元中祀太公尙父取名將十人為配建中初顏真卿請以名將六十四人圖形配享帝始與焉宋開寶中詔定前代功臣烈士二十三各置守塚三戶而帝復與帝有墓在華陽見趙忭成都古今集記序至今巋

時往嘗展拜而記之而章鄉之兆於禮得尊曰陵裴松之所云孫權葬以侯禮者於是乎在樵蘇有禁香幣有司迨至我朝數典綦備我皇上懷柔昭格事神如在既册加封號以祇答乎帝之靈其史臣舊諡得旨改諡忠義布告天下釐正籍版夫乃知壯繆之稱即使從後鄭繆穆通用之訓而仍不足以誅行也信者民之所以立也亂臣賊子天討之所不赦也帝不幸生亂臣賊子之世而氣塞天地光爭日月惟此春秋之志焉今春秋官祭與上丁並垂而章鄉一邱孔林是埒墓祭之典隆誼美陵與廟亦於是乎訖工然則審禮文之譌而紀崇祀之盛視學者可得辭其責耶廟殿二重門三重陵高測計二丈縱廣三百二十步率前人姓氏官籍并錢各老干詳具他石董是役者湖北永方伯慶武昌汪太守獻琛爲時凡七閱月云

當陽縣志

卷之十六

藝文

重修關陵碑記

十七

宜昌印書館承印

義田碑記

公置汪貞女義田碑記

吳省欽

貞女汪氏名蘭英父良構母袁以乾隆七年壬戌生蘭英字傳經國子啓立啓立殤蘭英固請歸傅守志時年僅十五姑汪老且病薄田四畝饘粥不繼蘭英樵蘇灌汲夜績輒達曙越三年姑憐其少與經國弟竊許陳氏子蘭英覺而赴水急救始蘇俾遂其志養姑十餘年送死無闕禮辛丑冬予歲試安郡蘭英從兄炳科者諸生也請予匾獎予以嫁殤非古而艱貞致孝蘭英更爲其難詢之郡縣人不啻口出其明年五月按科試予以二十八緡倡置義田令諸生之應試者人率數十百錢權太守富公惠率其屬又得二百九十三緡檄當陽范大令鐸置田膳俾都人士女於孝義廉恥之行舉有感起云

新建考棚碑記

知縣董文煜

國家以經術取士萃天下之人之秀而文者俾童而習之於四子五經之書而所學一軌於正及其含英咀華而發爲文章則周情孔思佐之以濂洛關閩之緒言故能駕漢軼唐爲不朽盛業而其取之之法又甚詳縣試其首重者也當邑舊無試院余蒞任來典試者四試之日多士例於縣署露坐湫隘喧雜至不可名狀又往往爲風雨所妒則掩卷疾書而出余茲憫焉比年來歲幸屢豐瑞麥嘉禾三兩其穗閭閻頗覺饒裕乃以公餘觴邑中父老謀所以位置多土地者咸踴躍稱善遂營治之東厥位面陽鳩工庇材爲號若干坐踰年成夫勤恤民隱廣厲士風者守令之責也令爲天子親民之官凡一切養之教之之權胥於令是寄爲令者必周知百姓患苦乃不負一官又其上者則雅意作育俾多士鼓舞奮興爲國家蓄有用材故漢制守令特重詔舉孝弟賢良茂材異等亦卽責之郡縣有司漢以此多循良吏余之令是邑也愧無以休養吾民而兢兢營此者亦欲使都人士知所觀感益以蓄道德能文章沃其根以埃其實無微不至利達無謀躁進庶通經致用不負聖朝尊賢養士之至意此則余之所厚望者爾多士其各自愛無迂吾言且是舉也其費不貲余大懼無以副士庶望而邑之人醵金無難色且若因之德余者亦可見我國家之教澤深溥涵濡於數百年之久而窮鄉僻壤風化亦駸日上也余且以是卜當邑士風矣於其成也爲片語以誌諸石時咸豐二年壬子仲秋月

當陽縣志

卷之十六

藝文 考棚碑記

十八

宜昌印書館承印




當陽縣志第六册

62260-155

28.2

72-56

6



當陽縣志卷十七

藝文志中

唐賢留題玉泉詩序

宋張田大理評事謫鄂



田少與中州士人品第天下佳山水處或道荊門之玉泉昇之棲霞齊之靈巖臺之國清諸寺以爲四絕景德中天子知其地勝異率詔擇名僧居之明年復表其額故結方外之遊者一或不至不足爲好事慶歷七年冬田自武當再謫鄂且走荊州甯母兄荆去玉泉方再宿心竊幸之意平昔之慕今遂適焉又明年春始造山山之雄絕岫峻上薄氣象長松萬株夾道十里如六師介冑申令既令奮然將作高盤孤撐虎鳳軒翥寺掛巖腹翠微旁來危樓橫橋下走清瀨一徑西北玉泉之源纍纍明珠直出數竇風霽月皎鑑人毛髮時無友人獨攜二三子留山中攀幽覽勝下上晦顯或嘯天外卻醉水邊回頭身世使人羞恥之郢之明日道出軍下軍守曲臺謝公好古博雅君子也喜田之遊且曰玉泉予之境土恨守符未能往前使寺僧錄唐賢留題自曲江而下止近代浮屠齊已方得八篇僧云異日詩殊多第往天水漂去予惜其遂散亡欲鐫石以紀其事予爲我序焉敢拜命因道山之崖略慶歷八年七月七日謹序

當陽縣志

卷之十七

藝文

唐賢詩序

宜昌印書館承印

爲烈婦王氏募資建坊序

謝方升

烈婦姓王氏紫蓋總民人趙師彥之妻也族本寒微秉性幽貞年十七歸趙敬事翁姑踰年而姑逝家故貧婦勤於操作俾薪米無闕稱賢婦焉值歲歉翁就食西山中其夫亦外出婦與夫弟師材居材甫七歲耳有強暴王某突入其室擲以金因諛誘之婦方業履變色而作厲詞以拒王怒挽其袿將強之婦奮呼力拒衣碎乃得脫奔訴母家母家惟一季父時方醉坦然置之婦憤極氣絕移時復甦奮袂而出沿途號泣過清水潭以石鎖業履於岸而慷慨赴水死師彥歸鳴於官官以公出故經五日始驗寒潭澄澈砂石洞明見婦屍端坐水底浪湧不稍移拯而出置之正氣凜然而生觀者莫不感泣既葬數月精靈不遽泯每午夜輒聞號冤聲迨定讞強暴於法聲始寂然邑令上其狀大憲聞於朝乾隆四十三年冬奉旨旌表給銀建坊并入祀節烈祠師彥以貧故建坊未果然其心終不敢忘也今師材亦漸長矣兄若弟欲並叩仁人義士助之資以玉成之而先囑余爲之序嗚呼其烈也其天地之正氣也通都大邑衣冠名流一遇禍難猶或有所遷就而失之而窮鄉僻壤衣敝食淡之弱婦獨能潔身取義視死如歸雖古之忠臣烈士何以加焉既蒙恩獎足以光潛德樹風聲又得所資助以底厥成俾乾坤正氣常昭然於斯民耳目之間而後起皆有所矜式其有關於風化豈淺鮮哉凡我同人其竭力焉是爲序

鍾山長老獻關廟鎮物記

无僧寶淵玉泉寺僧

皇慶改元壬子歲春孟玉泉當代住山佛光慧日普照永福大師鍾山長老鎮山壽亭侯印龍眉龍角繪寫寺圖赴宣政院蒙開府儀同三司上柱國太尉平章政事會福院使宣政院使安晉國公導趨鳳闕瞻觀龍顏捧一瓣香祝萬年壽親聆天語顧問丁寧宣賜金盃甘露馬乳奏降御寶聖旨護持住山謝恩而歸爾時姑蘇靈巖堂上止巖禪師同在京城賦詩餞別錦還荆楚榮播江吳遠近禪門次韻贊慶繼而荆門太守奉直杜公州判忠翌李公泊諸名儒賡和盈軸通泉懶翁先生妙語題跋增重叢林寶淵藏拙西寮獲觀盛事歡喜踴躍亦曾續貂邇者當陽達魯花赤那懷忠翌公勸諭立石命敘原起斐狀直述題於端云癸丑歲皇慶二年良月既望當山首座比丘前往建康能仁禪寺古源寶淵謹題

高陽縣志 卷之十七

藝文

獻關廟鎮物記 唐賢詩稿記

二

宜昌印書館承印

移立唐賢詩稿記

元衛應辰邑人

僕嘗聞昔唐太師顏魯公製祖亭文勒石於江州祖將軍廟其後典州吏遷此於九江驛磨之以刊其修驛之功歐陽詹作文以弔之蓋痛前賢芳跡不幸而泯而悼小人無知殊不辨乎蘭鮑之美惡也荆門之玉泉為天下名山四絕之冠有唐賢曲江張丞相及孟襄陽諸公留題詩韻備道其美宋慶歷間郡守謝公好古博雅君子也始命匠鑄碑文請於大理評事張君為文序之以立石於荆門蒙惠二泉之側用增江山之勝俾往來賢士大夫游者獲為美觀兵火以來屹然獨在若有神明護之莫之廢也元運更新車書混一郡治復古碑乃棄然豈謂有負力遷之他所欲泯其舊而圖其新幾與顏魯公祖亭碑者同罹其害當代住持鍾山長老聞之見義必為不遑他恤亟到州命徒挽歸龜趺如昔而立石焉此較於顏魯公祖亭碑何當時不辛而張曲江孟襄陽諸賢碑文雖經異世塵劫獲遇斯人而何其大幸也歟吾聞君子樂道人之善吾黨不可無一語以述其事因不自揆為其概並借張丞相留題五言古風詩韻聊成一章以頌其美知我罪我幸無以其僭為諂云

出當陽城西陟重阜見諸山最負象時而其中一峯尊特竦秀氣宇如玉妍美如冠者卽玉泉山也其上時有異氣非煙非霧如兜羅綿與諸山特異山以泉得名故二十里外得泉爲入沮道皆莽莽修澗至已公嶺下西泉之水繞度門而出會於玉泉其水較洪岸畔多石水始汨汨有聲從此兩掖多坦迤之山泉出其左遊人不復與泉相捨時見磚堦皆先朝所修馳道近寺得嶺如龜背起村市駢列逾此如一竇諸山左右障泉聲始厲嚙右壁半落如赤霞左爲諸山窮處得圓阜以精瑯治窳坡其上中如永巷是謂寺門入門泉自東來帶寺有危牆正殿依山如屏兩峯袖遶上有智者道場四字黃太史筆昔智者從天台歸荊州登紀山望當陽山色如蓋上有紫雲輪囷如蓋遂杖策孤征過玉泉至青溪欲建道場意嫌迫隘遂還玉泉止金龍池跌坐枯樹中致關公皈依冥建福庭湫潭千丈化爲平址棟宇煥麗巧奪人目昔王尊立水瓠子堤完眞王應運滹沱冰合世法猶然况人天眼目百靈護持者乎當時尺一有事出神心理應望表語而畫家亦傳關將軍起玉泉圖良亦有以其後北秀復居此地天后作檀越金襴玉題侔於鬼工是固一時也宋明肅劉后蜀人少隨其父入都過此寺僧慕容禪師見而異之爲之禮及撫育仁宗正位長秋大加護持重爲嚴飭是又一時也浸至近代僅存一殿欹側欲顛跡公居度門傷其荒蕪有志繕修北走神京大開講肆時黃平倩及予兄弟三人過之跡公言

當陽縣志

卷之十七

藝文 遊玉泉記

四

宜昌印書館承印

及此寺幾欲墮淚於是平情中郎各草一疏不盈一期官府朝野金錢麇集其始終營綜中郎極爲苦心今遂煥然復還舊觀雖不同當時之靈必亦大有異緣山後一壁舊多喬木作殿時伐以資用正如剪髮紉衣甚可悼惜近禁采屢年穉松嬌斃能增黛色寺固大龍湫也雖累土爲基今尙如珠在甌拾級登後山始可瞰遠尙存大士閣基夫殿不毗陽以含冲氣閣不毗陰以矚原隰闕一不可姑待來者殿左有吳道子畫大士碑作天男像衣褶最古殿右爲藏經閣尙方新頽金疊爛然左右各一池清泉從殿後出匯爲池注於玉泉或云那伽之宮在焉故一山出泉瑩之以種芙蓉最佳相傳卽金龍池出護寺殿得前橋復與泉遇東行二百餘步爲乳窟窟中石作珂色懸乳如蠟淚前一壁如幻霞玉泉之水嚙其根而後出時作壯籟其絕壁有坎相當云前人穴以架閣下隱隱有字盡駁予謂是張孟及元微之所書自可惜若是俗筆能疥烟雲冰霜苔蘚亦大解意憶元微之遊此山詩云松門接官路則當時官路原在門外曰泉脈過僧房則當時僧房正對清泉水周於戶下光景可想今重牆圍裹惟恐見泉乃知填蟬翼帖規方竹杖者何代蔑有過洞兩岸多石骨較狹累以石丸渡至響水潭有巨石亘溪中去地丈餘泉從石墜忽作大聲墜而復躍激爲浪花濤雪沾濡衣履山行稍倦童子以蒲團從坐泉上稍瞑目疾雷破山急雨隨之大似振秦皇帝驅山鐸也過此兩崖愈狹雷泉以出石骨爲泉所蝕作篆籀文乃捨溪復上山徑至關侯廟前水始寂是謂泉源過橋撫掌皆如珠串上沸

侯所封當爲漢壽之亭侯而宋紹興中洞庭漁人網得一印上一鈕方二寸有奇其上一大環徑四寸下連四環皆繫印上製甚奇文爲壽亭侯印不知何故豈唐宋間不識字入作贗物以入神廟者耶廟外列名人詩碑依稀見張孟等字不暇讀去廟數十步泉聲甫寂而石浪逼人矣道有二其左卽走蠶叢道也其右往智者洞諸嶂圍之從一罅入如花源道旁怪石磊砢色或如墨如烟可坐可臥其立而歌者下可逃雨右嶺上爲宋修傳燈錄院今廢又里許至智者巷旁爲智者洞石理甚堅若夏屋洞下有井與大江爲盛衰吞水漲通於玉泉爲洪流緣洞後登山石欹不受足屢陟至一處稍平卽朝曦閣舊基萬山層疊中忽見山口近林遠水甚暢迹公與予議復之以祠中郎覺孤危難住下智者洞右得少平地乃喜曰蘭若在是矣相與少坐洞中予謂迹公曰此地是與吾邑人有緣蓋智者亦公安人也智者俗姓陳父名起祖梁封益陽侯居公安以公安卽舊華容地故亦曰華容人有二子長曰靈次曰道光道光卽智者其母夫人釜鬻在公安牛頭里今猶稱聖母塢旁有智者所建報恩寺其爲邑人無疑若祠中卽於此信乎與邑人大有緣矣尋舊路歸復於乳窟看月泉得月如曉溪濃雪晚宿於講經臺

遊紫蓋山記

袁道

住玉泉入春數日走度門商略遊事首紫蓋度老不能從與僧寶公偕沿途多峻嶺回望玉泉甚尊特其後爲青溪茅平諸山上帶殘雪日光映射寶公云大似晴雲映覆山巒予曰雲色稍陳不若雪山之鮮霽照人也過聖水寺相傳葛稚川鍊丹於此取水又數里爲吳玉墳釜隆隆

當陽縣志

卷之十六

藝文

遊玉泉記

遊紫蓋記

五

宜昌印書館承印

起吳王不應葬至此豈吾王之訛耶楚都在沮漳間宜此地有王家陵墓所云昭邱皆相去不甚遠也此地望沮漳兩岸之樹分行交樾不可紀極路從山後以達於寺蓋自大行少室伏牛元嶽諸山蜿蜒而行至此地忽止其前平原千里江南諸山皆不可指數若天日晴明可望見江上風帆數目滿眼峯巒忽見平曠如掌亦覺爽豁往時有客至玉泉清溪紫蓋來者吾卽問三山孰佳答曰皆佳不能優劣及予親至然後知品題煙雲非慧人不能大都紫蓋寬博玉泉尊特青溪秀媚紫蓋門戶也玉泉堂奧也青溪園囿也游者以漸而入彌深彌妍若欲紫蓋爲青溪是以亭臺花木之娛而實之懸旛列戟之處亦少蘊藉矣此山爲三十三洞天以南北二山四垂如蓋林石皆紺故名紫蓋予自山後嶺上來不見垂蓋之美而林石亦無紺者所云綵水甘馨亦僅存智井爾山頂有仙祠卽葛稚川鍊丹處予記列仙傳鍊丹紫蓋乃葛稚川祖爲僊公鉉字孝先非稚川也孝先旣行屈氏二女作履施之後分餌丹二女皆仙去至云山主爲劉綱樊夫人劉綱爲上虞令亦非是中人不應作山主俱誣甚且此寺肇基於遠法師天竺悟從荊州天皇寺移居此往時樹木極茂後盡伐去今新栽松矯桀如綠雲寺僧等頗嚴守護不過十餘年後又成佳叢林矣夜宿於藏經樓下曉送寶公歸公安予歸玉泉行嶺上復望見遠山晴雪殊快至聖水寺從徑路趨玉泉與中於諸山外見玉泉屹立有若久客望故鄉暢適不可言喻豈非宿願過金家溪畔兩水台流處得一小菴少憩過此山峯多茂樹無童者踰光石嶺石淨滑不受塵下嶺卽玉泉寺田

元荊門州守聶韞夫先生墓記

教諭南海人黃聖年字永

當陽城西十五里黃沙鋪有元荊門守聶先生之墓焉即先生致命之也地先生沒至今殆三百年先生之廟食當在本州而封樹於茲不宜闕然即志牒亦僅辨先生姓名而已至於先生之行履文章邑之人固未之詳也余小子職在掌故讀先生之文竊感先生之節而懼是邑之文獻未周先生之封樹或弗戒也稍爲增治蓬穎拂拭遺碣因采拾先生之大都以驗於邑之人焉按傳先生姓聶諱炳字韞夫江夏人元泰定四年進士初授承事郎同知平昌州事先生早孤母改適自平昌還始知之即迎母以歸久之轉寶慶路推官會峒徭寇邊遷湖廣行省理問官時悍卒多掠民爲俘先生言於禿赤釋其無驗者數千人至正十二年遷知荊門州纔半歲淮漢賊起荊門不守先生出募土兵得衆七萬復荊門又與四川行省平章咬住復江陵其功甚多既而蘄黃安陸之賊復熾俞君正合兵來攻荊門先生率孤軍晝夜血戰援絕城陷爲賊所執極口罵不絕賊以刀抉其齒盡乃斷左臂而支解之先生登第時試大別山賦其文曰厥功馮翼孰元孰黃清濁既凝高下以彰融然而江河流液時焉而山岳儲祥維大別之名山獨巋然於南荒爾其氣通淮漢勢壓荆楊總江陵之統會奮衡岳之輝光深根浸淫乎后土雲彩洞燭乎圓蒼高標迥出於九嶷倒影傍接於三湘昔聖賢之經歷雖千載而不忘爾乃層巒崿嶽翠障巔岫石痕欲駁土花若殷藍膏綠液紅注碧珊瑚樓臺羣飛於翠崦石梁龍矯於蒼灣

當陽縣志

卷之十七

藝文 聶公墓記

六

宜昌印書館承印

浮屠聳其側僊臺峙其間勝靈柏之茸匕雜蒼苔兮班班幽芳野草秋菊春蘭至若地利之富物產之珍以守則阜以財則殷殊形詭狀不可殫論靈蹤神跡曷可並陳吾嘗凌絕頂賦遠遊呼鵬鳥以逍遙招黃鶴而夷猶酌宋玉於秋興之亭邀太白於卽官之舟洞庭之水未波蒼梧之雲不流烏林烟滅曹瞞之魂已冷赤壁風高蘇仙之句嘗留登高作賦把酒澆愁嗟乎娛樂則有加矣感慨亦有之矣其有德神禹之德而憂神禹之憂者乎當其九州爲壑四海一堙而神禹出焉巨靈奔天吳翻截天柱之巉峒擎蒼翠之嶙峋其導水之功孰爲之耶然吾徒今日得囿於禮樂之教者非前日手胼足胝之功徃於衽席之安者非前日克勤克儉之庸乎噫嘻時移事殊風流雲往撫乾坤其瞬息觀古今於俯仰蓋猶迹神禹之迹於千百載之下矣豈無心神禹之心於千百載之上也哉嗟乎卽先生斯賦其浩氣奇節固已概見矣輓近之士競驅馳於尺幅一受事輒苟且持祿及至危迫首鼠反面者毋論卽捐七尺以殉亦計無復之爾非能盡力竭謀至于莫可爲而後已也以視先生收拾餘燼於屠城敗邑之後晝夜攻禦力盡舌繼甘受支剝之慘而靡餘憾焉其名實相去何如也嗟乎若先生者無愧其文矣享於斯土者若關壯繆若胡文定以坏土之故有司得以請於朝飭廟貌祠春秋而先生至今闕如也毋亦掌故之失職以至是雖然先生之節義文章久而彌著讀其文聞其風將必有表章先生而俎豆於關胡之列者余小子又焉能爲有無時崇禎庚午十一月朔日記

方山以宋賢唐子方讀書名下有清溪鎮居民鱗集其間善陶朱術者代有人而能如古讀書方山者則自國初迄今寥七焉幸得一二雋才矣卒累市井習不得成或成矣復短折說者謂文風不振故壬子冬居人士謀即故雲樓遺址建青雲閣高數仞以茹納清溪之水內祀文昌以木主取星神照臨爲萬里雲程計也閣建屬余記余曰是則然矣邑之書院名迴峯近東城上建文昌閣峻宇隆起望似尖峯聳秀直過沮流胥此意也風水形家言誠有之第讀書種子不絕者不徒以形而以心果心在斯文乎自必尊師重道而善端起矣父兄以善氣薰子弟子弟以善氣承父兄自必上邀神鑒冥冥中若啓若翼行見戶誦家絃直與方山讀書之流風餘韻相接續於登青雲也何有不然文昌星也光在天幽隱靡不燭所謂祿命將相甯於不善讀者命之祿之乎卽以後世道家言梓潼帝君主文昌文梓潼帝君晉人也以忠死英靈不沒或有之然讀陰騭文觀功過格諄諄三致意者正有在是欲振文風勿謂閣之建遂可續讀書種子也語及此衆躍然曰然哉然哉盍并記之令後之人益以心力挽頽風也閣始於吳君山柏房兄清如成於張君良臣房姪端熊子文哲嚴君允中堂姪中孚補遺

遊萬壽山記

吳沛榮恩貢

方山之陽重岡疊阜蜿蜒七八里屹起而聳秀者萬壽山也三面壁立頂坦夷如盤可坐千餘人其上有寺相傳爲有明時始建鄉先生輩率以佛堂爲學舍知名老宿多出其中曾生東明山主人也家於山之麓余過其家卽欣然登山拾級數百步至寺中摩挲殘碣周覽殿廡雖不逮玉泉紫蓋規模宏偉而數楹完整蓋自崇禎八年重修而後風雨兵燹土人又幾經葺而新之矣山之左爲南北通衢行人絡繹其下聞山上咿喔聲輒佇立久之然後去其右則近山一水潏洄有泉自山下出者名胭脂湖深數尺廣數丈袤十餘里其流四時不涸可濯可釣石橋橫亘其中俯瞰清波如明鏡照人間產玉蝦晶瑩晃朗隱約水濱漁人網得之稱奇欲獻瑞焉湖外平原千頃烟樹蒼茫村莊歷落綠野芳疇舉堪指數又若香爐一峯對峙於東青谿諸山列障於西而漳河如帶環流其間凝眸斜陽中遙見風帆上下遊興爲之一暢斯則茲山勝概矣抑余思之山靜鎮有常何山不壽而茲獨以萬壽名意山之靈者人自傑其鍾毓之奇居人士騰茂蜚英必有特壽於天壤者若二史恬菴之學有淵源南堂三山之競爽濟美殆皆秉茲山之秀而卓卓當時者歟然是遊也適與曾主偕生夙慧而早達者也其接武數先生而後先爭耀者乎則庶足增光是山而不負是遊也已

天下曷爲重讀書者哉重其能用世重其能傳世尤重其述他人之事而爲文以傳於世不然古人之遺聞何以瞭然於今日也且窮鄉僻壤苟無讀書者處其間何以寂寂無傳人也紫蓋山左王氏者其先隸楚襄王麾下後析居半徙於此數世孫名志遠年一百四十餘或云年一百有八十正德朝方啓壽宴帝經其門題聯云壽逢三甲子眼觀七代孫並勅建老人府當時榮之國初吳三桂兵屯紫蓋府燬於火歸然存一樓耳樓之脊飾以鐵羊角俗稱爲鐵角樓旁有樹數株皆合抱葉三尖兩叉因呼極杖樹地近山坑遂以王老名迄今三百年樓無恙焉夫得山川之間氣者恆主壽願絳縣疑年商山高隱其人初不顯當世而獨能以壽傳何志遠之壽至一百有奇而邑志未之登知採訪所不及必其鄉無讀書者矣志遠裔孫香晚徵君工文章稽掌故將葺是樓而新之爲余道梗概其鄉自有明中葉以來果少讀書者讀書者自徵君始而余之得聞志遠之年也亦自徵君始甚矣書固不可不讀而足爲一鄉之人所賴也記此以勸來者

郭氏孝子節婦烈女合傳

沈德潛

郭之都字石乳湖廣當陽人也中崇禎丙子鄉試行己端潔以忠孝節烈訓其家歲甲申值鼎革流賊破當陽所在殺戮城中無子遺居人避寇乘小舟栖泊港汊蘆荻間冀翳蔽免禍賊至

當陽縣志

卷之十七

藝文

老人府記

八

宜昌印書館承印

郭氏合傳

搜貨財斷肢體血流於湖濤浪半赤時之都偕其配汪暨子諸生毓賢媳陶氏女二姑共乘一舟賊至舟大呼獻金全爾命之都噤不能言示腰間橐賊不待解橐卽割及破之攫其金兼脅使去時子在旁默揣父去賊必置之死已無金必不免欲乞哀救父恐賊不知天倫難以情理動因睨視父若漠不相關者語賊曰此翁羸老隨將軍去安能併力殺人予有力願隨將軍往賊不知爲子也因釋翁及媪擄子去平定後竟不歸知必死於賊方賊始至舟陶氏竄身叢荻淺水中得免賊散僕救之登舟問僕曰相公安往僕應不知或給之曰去卽歸耳氏且泣且望久之終不得音耗因拊膺長號曰我夫守義必不與賊俱死賊手矣尙望生還日乎沉水死前此賊擊舟時二姑年十七賊曰爾願生抑欲死姑曰生死由汝賊曰從我去生不則死姑泣且罵曰恨我爲弱女子不能殺賊言未竟賊以刃斫其首首幾平分奄奄兩日死至今死處風雨夜隱隱聞嗚咽憤恨聲後王師平定之都歸里側室生子二俱明經今孫曾三傳有以文行聞者宋州牧楚望同鄉人也恐其事久而湮沒乞予作傳予舊史臣有發潛閩幽責因節其語傳之以告天下後世之偷生而棄倫常者

論曰明季當思陵死社時天地易位平日居高位負盛名侈言氣節者或至蒙面喪心矣乃士人婦女能子死全父妻死殉夫女死守志一門之中人道備焉且天佑善人卒昌其宗郭氏之興卜其未有艾也嗚呼人如郭氏一門始可以死然人如郭氏一門至今未死

熊斷山先生小傳

張致青 補清

吾師熊公諱經鹿庠名映鏡字景朱號斷山玉陽宿儒而嘉慶元年殉二月之難者也公祖籍江西自始祖成化二年遷當陽傳三世庠生五玉公爲公高祖拔貢我復公爲公會祖庠生仁輔公爲公祖增生綱菴公爲公考綱菴負士林望年踰三十早逝自綱菴出者長耕心先生次則公也母羅孺人長育教誨皆及成立事實詳載邑乘賢節志及湖北通志公生而穎異甫學爲經義便脫去凡蹊諸先輩歎謂生氣鬱然定決遠到乾隆乙未公與畊心先生同遊泮旋食餼五試棘闈不售遂絕意進取友有勸駕者公則所然笑曰此事思之爛熟公舊廬在城教誨猶子繩世等而從學者日衆公亦不拒循匕無倦垂二十餘年歲甲寅元旦詩有云安貧兼守拙知足不求餘舌畊田是硯學殖圃惟書竊意公卽不出而得所處也乃今春教匪陷城而公竟以身殉焉其絕命詩曰皇王恩父母德一死何足以塞責顧予體之孱弱兮欲求生而不得兄其善事老母兮委曲以延先澤勿疾惡之已甚兮致令宗絕而祀滅按城陷在二月十五日午時公招所友不齊汪公飲酒徹夜相約同死十六日晨刻薨至青家慘然謂青曰汝善謀我將死也比歸羅孺人適憤絕於地公與畊心先親生歿畢取族譜授畊心先生旋令次女自盡旣羅孺人復甦公已端坐金魚缸死矣公事親孝一言笑惟恐逆其意與畊心先生友愛無間負性高簡持身端謹雖極放蕩者見之皆自斂善書兼及畫蘭或有乞者未嘗必擇人鄉黨有

當陽縣志

卷之十七

藝文

熊斷山小傳

九

宜昌印書館承印

婚娶喪葬事未嘗不酬應也至良辰美景登高臨流凡吹笛鼓琴蒔花養魚諸韻事恆樂而忘疲是以人敬公之介而益愛公之和黃太史曰視其平居似無所表異於俗人臨大節而不可奪人弗之及也歲寒知松柏洵有然歟公座右銘云凡事較之最苦則樂一生聽之有命則安嗚呼公眞安命者矣公死難事青較諸弟子知最悉故敢僭述之以俟後之操觚者時嘉慶元年歲次丙辰仲冬月

王母姜太安人傳

袁瓚

安人姜氏爲當陽王徵君映蘭母年十九歸贈公鳴珂越五年贈公歿家固稱小康顧孀姑年高子女幼弱安人性樸誠力不能禦外侮值饑歲貧戶就食者常盈室無虛日焉嘉慶辛未至甲戌尤荒歉寇盜四起安人徹夜紡績召戚族之困乏者與之食而預爲防幸無事而家計漸中落矣自是晝夜操作勤苦倍於前輒以一身兼數人之勞而未之或倦徵君年既長令就塾師有戚好至必延至家設饌以禮之其事師之加敬益不待言訓女嚴于歸於陳奩具外無私與徵君爲之請弗答也女亦以爲固然者不缺望於母知其秉母教深矣夫大廈之重一木不能支疾風之來勁草當其變安人守節閱四十寒暑其所任也重其應變也難慮患操心積而成痼疾雖饗餐不乏與苦節何殊鄉之人述安人之事姑能盡孝述徵君之事安人與安人之事姑同徵君不言人固罔弗知宜乎舉孝子登孝廉方正科也余與徵君善爲作傳敘梗概以示其子若孫子若孫其敬識之安人歿年六十有三

當陽縣志

卷之十七

藝文

姜太安人傳
李貞女墓誌銘

九

宜昌印書館承印

李貞女墓誌銘

衛天民

方公名璩者與余同里言李貞女事甚悉余時爲諸生聞而異之歲在癸卯適授是邑司訓蒞任後睹恩建石坊離巖宮數武知卽貞女宅也過其門肅然起敬楊李兩姓戚族多列膠庠爲余道厥始終迺知貞女生於雍正甲寅年其聞訴歸楊也在乾隆辛未歲冰霜自矢有烈士風躬理家政井然有條嘗以不得孝養翁姑爲痛其立嗣延祀也在甲申歲嚴慈並用期於成立雖受室生子不忘教誨論者輒比諸陶歐云後經闔邑紳士公舉由學申詳各憲題請旌表維時貞女年未五十奇節已達天庭矣而貞女旋於癸卯臘月棄世其子盛智將以甲辰孟冬謀合葬焉請誌於余夫砥礪廉節此學校事也闡揚潛德由學官始也往者方公所撰編入邑志待梓已久余豈敢有異詞爰就貞女之始終於楊氏有功於名教者而爲之紀其歲月焉爾銘曰貞魂已仙貞心不滅何以擬之冰清玉潔鬱鬱佳城在岷在岵既固且甯嗚呼千古

歲辛亥余膺簡命宰是邑公餘間與士人接見楊君咸齋脫略不羈語言質直心異之後過邑之官增鎮君率其子弟來謁觀其氣象類皆恂恂雅飭詢知伯叔兄弟不異財男女數十口雍睦無間益重之壬子冬上憲徵邑志余擬開局纂修計理局事非強有力者不能勝特延君君即毅然曰是在我此盛典也文獻攸關當事有大於此者乎亦曠舉也百年未輯當事有急於此者乎於是勞怨不辭凡局所需無大小身任之癸丑春三月稿成時局與君永朝夕者曹生世煥也歸爲余言局無此人不得然病矣憊欲梓志速爲之余心識生語而猶以君氣厚神健必可畢乃事詎逾數月而君病革矣其姪盛世以行狀隨進哀而請誌於余嗚呼君死矣余以爲雖死而未死也聞疾革諄諄不忘遺令子啓淵延匠治棗梨俟省鑄工至卽赴局董厥成君何勇於義雖死不貳如此耶嗚呼世之知巧者多矣讀書考道議論風生以析是非宜不難乃知當爲之而卒背而去卽不背而去而有初鮮終又不解其何以故况時當易簣方寺亂矣遑計公若君者其亦人傑也哉孔子曰見義不爲而勇也君之勇於義其亦死而不死者哉向使策名太學卽走京師與當世賢豪遊以此不貳之誠益以學任天下事必可觀惜乎止於是悲夫然余以爲有其所不朽者君之志此志與志並存焉可也夫余宰是邑凡賢者皆欲表而出之爲邑勸則君之見於余文也又其宜也君諱先佑字克聲咸齋其號也膺鄉介賓以癸丑冬月卒銘曰孰不死君自別見之明爲之決以此銘也名不滅

當陽縣志

卷之十七

藝文

楊先佑墓誌銘

十一

宜昌印書館承印

舊志田賦論

舊志田賦論

栗引之

當陽去郢二百里而遙四封不越一同大都東南易潦西北易旱每春夏間沮漳兩岸萬山層疊土枯石瘠小曠輒槁其沿陂堰而耕者一當淫雨汪洋澎湃陵谷異狀若滋泥魚兒水天一色矣其平原沃壤半屬廢藩強軍民之操畚鍤而從事者不過山谿間搗搗終歲猶時有崩塌之苦至若荒石諸山皆不毛地明萬歷清丈時以刁民告訐皆得攤糧一登籍遂爲成案矣至箕斂之法最甚者當年斗級兩差十年輪應一歲之費咸出其所籍甲日久弊滋已派而重派小費而大派暫行而久派私事而公派糧之所徵有定額民之所納無成科破產流亡率多坐此幸司邑者憫其苦上聞檄下盡革之規爲畫一自康熙五年始抑聞之賦於常賦之外謂之續使里胥仍得以爲政其欲不譁而爭也得乎當陽之病不在賸理或且治其標方治標而雜投方餌其爲生也幾何矣畫一之說治標之說也按脈察微而調劑之是所望於醫之聖者早設事焉庶其有瘳爾

舊志防禦論

栗引之

郡邑立民壯凡以衛民也乃昔以禦民矣設之以爲禦也而得禦焉奚賴此民壯爲哉當陽斗邑上下千餘年間亂多治少大率荊豫梁益有事則此土首當其鋒他不具述清興乙酉之變舉數十萬衆潰不旋踵較三國南宋時受禍更烈然後知當陽徒有百年之險實無一朝之恃也聖天子軫念疆域伏莽已翦凡郡縣扼要處所皆令置兵偵守誠安不忘危如欲以追呼之能而望以防禦前之爲謀不甚踈哉

當陽縣志

卷之十七

藝文

舊志防禦論
舊志人物論

十二

宜昌印書館承印

舊志人物論

栗引之

或疑陳仲弓亦太邱長耳苟非門第高顯苟陳文譽亦安能聲施至今乎余曰是誠有之然苟以高顯而已何復有公慚卿卿慚長之論故知太邱之德不可誣也叔孫穆叔以德功言爲三不朽余以爲總一不朽耳世固有無德之功無德之言亦安在其不朽也茲數公者惟鄧以功著其他皆以德重不竟其施其文詞亦不顯於世然余以爲有其一不朽矣故論著之窮鄉孤嫠飲泣沒齒彼豈有觀於後世顧其志操雖與日月爭光可也余因次於士夫之後非徒女訓亦爲烈丈夫勸焉

邑之民食其土之毛利不出四封而四方之異物無從至化居惟視合溶然米鹽布帛外亦無奇貨可居曩有保甲之設弭盜也今則疲於句攝矣復有鄉約之設宜諭也今則扑之公庭矣孔子有言觀於鄉而知王道之易易也夫王道者修其教不易其俗齊其政不易其宜故易易耳觀於鄉者不於其鄉也夫亦知所從事矣

當陽縣志

卷之十七

藝文

舊志鄉市論
玉泉關異說

十三

宜昌印書館承印

玉泉關異說

李遙

天下何正人君子明智特達之人不概見而愚夫愚婦去正入邪厭平常喜奇異惘惘汨沒於誕漫不經之說蓋未聞堯舜禹湯文武周公孔子之道中庸至正之理也惟精惟一允執厥中君子中庸君子而時中帝王聖賢授受相傳之旨君子而外人未知也若夫關夫子三國人傑值羣雄角立之日識天下正統慨然以恢復漢業爲己任終其身至殉難而死浩氣孤行流貫今古由侯而王而帝凜凜與日月爭光迄今千百年自天子以至庶人自中國以至蠻貊浸入乎人之神明激發乎人之志氣也尊禮與孔子等何浮屠創云智者從天台歸荊州望當陽山色如藍杖策過玉泉至青谿欲建道場嫌迫隘還跌坐枯樹中關公稽首皈依冥建佛庭一夕湫潭千丈化爲平址棟宇輝麗巧奪人目噫此巫覡跳神符咒之說欲以愚鄉里愚夫愚婦恍惚人耳目攫人金錢粟帛耳又何異於徐福入東海求藥誑秦皇李少君變大之所以愚漢武翩然神仙可下能致不死也然玉陽好巫得無沙門好事者創爲此說以愚其俗與否則智和尚故爲荒唐之言以籠罩隋皇也考玉泉寺歷唐而宋元而明或頽或廢或圯於飄風疾雨或零於蔓草荒煙修建殊代改觀易故不知凡幾豈帝顯神通變化驅鬼役靈一夕所建金玉道場皈依沙門之處任樵牧兵火風雨崩塌必藉後之人修葺補綴方得以不墜歟何顯靈於前而偏不顯靈於後也抑神之靈有時靈有時不靈歟無是理也惟帝之有顯靈諒不飯

依釋氏也大抵異端之鼓惑天下必思所憑故學二氏者動假吾儒以爲說關佛則有傅奕與韓愈矣後魏後周靈廟除伽藍形容廢毀文字放佚矣至若帝之威神固與日星河嶽並明並麗並流並峙者也千百世而後或有不信佛法毀玉泉寺者曰此關帝冥建所也鮮不消然阻矣此浮屠家創爲誕漫不經之說之原也凡鬼魅魍魎依草附木之妖誘惑世人莫不假作人形或託爲神語否則人得羣而指之矣夫何惑之有今智者玉泉寺爲關帝冥建之所亦猶草木魍魎鬼魅之妖假人形託神語以愚當世也余令當陽洞察其事因闢其說俾後之學者知非堯舜禹湯文武周公孔子之道皆可絕之非中庸至正之理亦當絕之也或曰此不但鄉里之愚夫愚婦崇信卽能文章講道理赫赫有聲者亦不乏余曰此亦鄉里愚夫愚婦之說也天下有正人君子明智特達之人自有以伸吾言矣

當陽縣志

卷之十七

藝文

玉泉關異說
胡侯惠政紀略

十四

宜昌印書館承印

當陽胡侯惠政紀略

明朱光祚號上愚江陵人尙書

先是萬歷壬子春余以奉常使獻陵取道當陽遊玉泉不勝穆然咨嗟歎寺僧之無與講淨業也哀哉欲淨而不能有驅之者矣於是方丈爲傳舍二三 芻日操刀行屠伯事哀哉安得惠人而與之引噴珠之泉洗生殺之業乎暇讀李本甯太史遊寺詩飯牛依磬鉢收豕辦租庸酥酪清齋少袈裟俗禮恭歲當饑饉後地扼往來衝上客頻傳食空王豈素封是詩也可以興矣歲維癸亥去余經行之年一紀有蜀德讓君子胡君謁選宰當陽過而問余余曰此去以不忍人之心行不忍人之政當戒殺玉泉罷僧寮續食爲第一義君額之今甲子九月余駿七蒙惠道中聽輿人之誦廩廩德讓者必曰胡君曰胡君會地擔里門有子衿數輩揖余而曰先生有大造於吾邑也夫何以故曰吾邑侯賢何賢乎曰悉數之不終其姑舉大略如革合溶地保革催糧排年收頭革玉泉僧人供具墾荒田抵積負而通民不擾平百貨之價而市不知有官嚴保約而人爭孝弟力田野息荏苒之警至羣諸士於仲宣樓作賦論文剖俸授精則又非治辦俗吏所能企然侯皆不言所利而曰先生之教是先生有大造於吾邑也余避舍而曰夫政言之非難行之爲難令君以忠厚敏肅之資行清甯惠一之政蓋天錫非人力余何力之與有然以數百年無人肥梳之痛癢余誠言之侯聽之輒決江河以行之不可不紀雖然見任官例不得立碑聞諸輿事觀察使君允移刻榜夫榜以木不終歲之計惟石乃永夫永非以爲侯也爲有害已而去其籍使後之人無所考據者設也卽欲不碑不可得矣此邑人自爲意非以爲侯余亦爲當陽之人不爲侯故庀政燬不具書侯名如川宇汝濟蜀之安居人

唐賢詩碣跋

元僧廣鑄號鍾山玉泉寺僧

玉泉覆船蓋龍神宅也自智者大師開山二神護法高僧碩德繼續提倡遂為楚漢叢林之首由古而今殿堂樓閣歲時增修曩昔方丈而上峭然懸崖亭觀相望曰楞伽峯曰慈雲曰山月曰松風曰惺惺曰彼岸曰寒亭危徑曲折迥隔塵凡巨棟飛甍修篁古木突兀於烟雲杳靄間得唐代名公曲江諸賢題品而覆船之名增重於晉迨宋朝真宗景德初元頒加寺錫寘茅瓦二莊田地實慕容禪師住山時也越四十餘載慶歷八年荊門太守謝侯命當代悟空本禪師抄出唐賢題詠八篇大理評事張公為之序鑿石於郡之泉亭至大辛亥又歷二百六十餘年矣近歲泉上碑刻率皆散失而此碑亦為好事取去深慮珠璣錦繡久則漫滅殊負前賢立碣之盛心於是請於郡侯奉直杜公迎載而歸蕩拭塵垢表而出之以補山中之缺文至大四年辛亥良月既望

當陽縣志

卷之十七

藝文

唐賢詩碣跋
隋鐵鑊字跋

十五

宜昌印書館承印

隋鐵鑊字跋

阮元

丁丑春余過當陽玉泉寺得見隋鐵鑊字榻之凡四十有四字每字方徑二寸許其文曰隋大業十一年歲次乙亥十一月十八日當陽縣治下李慧達建造鑊一口用鐵今秤二千斤永充玉泉道場供養考此鑊乃彼時民間所造民間所寫其寫字之人亦惟是當時俗人其字亦當時通行之體耳非摹古隸者也而筆法半出於隸全是北周北齊遺法可知隋唐之間字體通行皆肖乎此而趙宋各法帖所稱鍾王者其時世遠在此等字前何以反與後世楷字無殊耶二王書猶可云江左與中原所尚不同若鍾書則更在漢魏之間其偽也不爽然可想見乎

邑志前不可考明萬歷丙子留後參軍五安任公夢榛城功既竣曾事纂修越崇禎庚午郡別駕海澄曾公應賓攝邑篆踵而新之時學博南海黃公聖年偕諸胄彥遍探博采書成視昔稱備清興二十年伏莽在郊舊章放佚司邑者奚暇談及文治西征一舉兇壘悉平殘編剩簡尙越在草間丙午檄徵當志始購求遺籍得之劉子鴻儒笥中多散蔓錯謬不可讀如理敗椽蟲爲補葺而已功未就也已酉夏五月州司馬山陰婁公會縣正缺來茲土登眺之暇喟然歎曰江漢沮漳楚之望也當其古邑哉仲宣有樓子方有臺武安文定松柏存焉俯仰今古髦乚然以修廢爲念而邑志尤其首務爰命小子暨我師友裒輯前文旁搜近蹟歷年屯兵百戰由亂就治諸大事更爲加詳公復參以郡乘繁者削之漏者補之手編成帙授諸梓以備輶軒之采嗟乎自丙子至今百餘年志凡三修皆觀成於代署者之手斯文廢興良不偶矣周公瑾曰哀定多微詞有所避也牛李有異議有所黨也是舉也據事直書無黨無避則公之大造於吾邑不徒以簿書爲功徵發爲能已昔楊堯臣諸人作唐書歐陽公以宋祁共事久遂得列名人謂其能讓善余小子濫竽論次俾附簡末諒亦諸君子遜美之意也夫時康熙八年己酉孟冬月吉日

按楊堯臣三字疑有誤考歐陽永叔代曾公亮進新唐書表內稱編修官歐陽修及宋祁

當陽縣志

卷之十七

藝文 舊志跋

十六

宜昌印書館承印

范鎮王疇宋敏求呂夏卿劉義叟未有楊堯臣其人也當時曾公亮乃提舉官故表用其名又按楊堯臣或是陳堯咨王堯臣之誤抑此二人同時在史局檢校耶

書熊斷山先生小傳後

嚴壽春公安

嗚呼安貧致命非得志於時者之所爲也陋巷之子不與賓興西山之士不銘旂常愚於斷山熊子而悲其遇之窮也雖然張君稱熊子之爲人也高簡端靜介中有和閒居教授泊於宦情授命之日以母囑兄以死命女師弟朋友雅歌言別非真有得於中者未能超逸安詳若斯也夫士生已不能益於時而孑然孤行夫已意不爲名愚不爲死推所謂行已有恥不辱其身者非與熊子亦復何恨於窮厄哉抑愚尤有疑焉當陽之被賊也其先時絕少傳聞其亦變起倉卒或魍魎潛形使人不覺致一時名流玉石俱焚耶乃張君於熊子之死歲時日月所誌綦詳而城陷之由未有原及遂令讀者哀賢者之時窮節見而有幾事未早之痛焉則又史氏之缺筆也悲夫

當陽縣志

卷之十七

藝文

書斷山小傳後

十七

宜昌印書館承印

書熊哢心先生詩後

黔南劉廷模

方予未至當陽已耳書院掌教熊哢心先生名知爲一邑文獻甫履任卽訪先生於家接晤之下歡若平生不啻霽月光風朗我懷抱因仍聘主講席以爲後學模楷繼乃出其所爲嘉慶元二年間教匪陷城殉難諸公詩予受而卒讀之竊悲夫諸君子慷慨激烈之志百折不回下至婦人走卒亦能奮其忠義之氣以與賊抗是蓋秉彝之良時窮乃顯而國家久道化成涵濡教澤之深更有以培民風而端士習故能深死生於呼吸之際而不爲少挫然古今來遇難捐軀名湮沒而不彰者何可勝道莫爲傳之孰從信之則是詩一編實可以當信史其所關豈淺鮮哉異日太史陳風卽以上備轡軒之採而修復邑乘者更資考證焉此數十人者固將藉先生名作以傳而先生之志切表微樂道人善亦於斯略見云時嘉慶乙亥季秋月

當陽縣志卷十七終



當陽縣志卷十八

藝文志下

四言古

贈士孫文始

士孫明字文始年十五能屬文初父瑞知王允必敗命將家屬至荆州及天子都許昌追論誅卓之功封明為濟津亭侯當就國案贈以詩此因詩中有遷於荆楚在漳之淵二語故錄之

漢王 粲

天降喪亂靡國不葬我暨我友自彼京師宗守湯失越用遁違遷於荆楚在漳之淵在漳之淵亦克宴處和道窳墳比德車輔既度禮儀卒獲笑語庶茲永日無讐厥緒雖曰無讐時不我已同心離事乃有逝止橫此大江淹彼南汜我思弗及載坐載起惟彼南汜君子居之悠悠我心薄言慕之人亦有言靡詰不思矧茲嫵婉胡不悽而晨風夕逝託與之期瞻仰王室慨其永歎良人在外誰佐天官四國方阻俾爾歸藩爾之歸藩作式下國無日蠻裔不虔汝德慎爾所主率由嘉則龍雖勿用志亦靡戒悠々澹澹鬱彼唐林雖則同域邈其迴深白駒遠志古人所箴允矣君子不遐厥心既往既來無密爾音

當陽縣志卷之十八

藝文

四言古
五言古

一一

宜昌印書館承印

五言古

過龍泉寺精舍呈易業二公

唐孟浩然

停午聞山鐘起行散愁疾尋林采芝去谷轉松翠密旁見精舍開長廊飯僧畢石渠流雪水金子耀霜橘竹房思舊遊過憩終永日入洞窺石髓傍巖采蜂蜜日暮辭遠公虎谿相送出

答族姪僧中孚贈玉泉仙人掌茶并序 李白

余聞荊州玉泉寺近青溪諸山山洞往往有乳窟窟中玉泉交流中有白蝙蝠大如鴟按僊經蝙蝠一名僊鼠千歲之後體白如雪棲則倒懸蓋飲乳水而長生也其水邊處處有茗草羅生枝葉如碧玉唯玉泉真公常採而飲之年八十餘歲顏色如桃花而此茗清香滑熟異於他者所以能還童振枯扶人壽也余遊金陵見僧宗中孚示余茶數十片拳然重疊其狀如掌號為仙人掌茶蓋新出乎玉泉之山曠古未覩因持之見遺兼贈詩要余答之遂有此作後之高僧大隱知仙人掌茶發乎中孚禪子及青蓮居士李白也

嘗聞玉泉山山洞多乳窟僊鼠如白鴟倒懸深谿月茗生此中石玉泉流不歇根柯灑芳津采服潤肌骨叢老采綠葉枝々相接連曝成仙人掌似拍洪崖肩舉世未之見其名定誰傳宗英乃禪伯投贈有佳篇清鏡燭無鹽顧慚西子妍朝坐有餘興長吟播諸天



玉泉道中作

元稹

楚俗物候晚孟冬纔有霜早農半華實夕水含風涼遐思雲外寺峯巒渺相望松門接官路泉脈連僧房微露上弦月暗焚初夜香谷深烟靄淨山虛鐘磬長念此清境遠復憂塵事妨行行且前路勿滯分寸光

題文定公書堂

宋張栻

入門認碧溪循流識深源念我昔此來及今七寒暄人事幾經變寒花故猶存堂堂武彝翁道義世所尊永袖霜雪手琴書實邱園當時經行地尙想笑語溫愛此亭下水炯若玻璃盤暗看浪花涼靜見潛鱗翻朝暮迎日月俯仰鑑乾坤因之發深感倚檻更無言

登玉泉來青閣

明雷思霈蘇陵人翰林

石磴幾千級滂勃夾長柏奔泉冷山骨臥聽知永脈夕陽空翠生滿身變衣色倏鼓豐隆怒四顧膚雲黑驚起老蛟精倒捲銀河瀉素朝天開霽亭檻俯石壁乍聞深澗濤吼山山欲劈峯饒林木青溪藉沙路白我家萬山中終日對山碧別來已四載見此欣有得塵土污緇衣城中車馬客

遊紫蓋山

楊讚邑庠

我望紫蓋山朝朝山色紫及乎陟其嶺漠漠蒼煙裏丹泉瓠飲豐盈虛有至理凭閣呼孝先孝

當陽縣志

卷之十八

藝文 五言古

十五

宜昌印書館承印

先呼不起一練裊秋空居人指江水

宿龍泉寺

柏溪

仗劍賦遠遊名山資幽討側聞龍泉勝江山愜夙好列嶂獻奇姿千峯勢相抱碧澗蟠蛟龍青林隱獲鳥山嵐滋石芝晴日曛瑤草雲封石門幽月傍佛樓小老衲解人情石榻爲予掃煮茗薦松花焚香分麝腦平生西方願稽首白足老暫謝塵世心跏趺坐青曉何時解天刑繕性息煩惱古鼎篆煙殘鶴夢青未了

謁關侯墓

黃聖年

立志在春秋取義愜幽獨凜凜烟霄間耿光灼人目矧茲登崇封森森羅宰木靈衣颯神爽閔宮敞肅穆驚飊紫駟怒陰靈寶刀煜流呵感霸圖山川阨全蜀漢燼自不然丹心此焉爛誰云數尺土英聲馳九服

坐東郊

楊誌字石父邑人

人境各氛雜絕無開口笑蕭七草莽間寂寂抱幽妙藉地作穩眠登高極清眺俯仰從所欣滄浪與同調宿鷺解避人潛鱗不上釣所以山澤心何曾慕廊廟有酒滿青巵欲醉復大叫何物送殘杯明月出孤嶠

遊玉泉山

國朝陳大佐邑庠

西來千萬峯堆藍獨尊特在昔鬢齒時亂離走澤國飽聞玉泉勝蠟屐殊未得乘間采真來會
際烽煙息翻如遠游人鬚眉乍相識石壁俯清泉蒼松染黛色茫茫壁馬中靜喧分晷刻何時
賦歸田誅茅北山北結伴隨流世路任傾側

丁丑八月再往玉泉山有作

李 遙 邑令

病廢從人嬾肩輿往玉山目極秋郊迥數峯出雲間哀蟬厲清響春燕已知還高下路透迤溪
流水潺湲青林茅舍出空谷足人煙領略成佳趣突兀已在前昔遊何倉卒形拘區內緣始信
達生者逍遙反自然

和李襄水明府遊玉泉見寄

楊州彥邑進士

巖壑有佳處領要唯異鄉嗟彼住山人不知山低昂誰能解此趣吾聞李隄陽案頭厭公事率
性解要章走馬忽西來披榛踰崇岡脫鞍踞石坐秋水照衣裳冥心託長嘯天宇曠茫茫賦詩
紀山志聊寄劉柴桑

寄玉泉般若上人

方 瓊 字深柳邑學博

堆藍以樸尊層嵐森卓絕鬱鬱復蔥蔥中含太古雪一井傳珍珠四時長清冽曩爲智者居隋
唐等一瞥我來黃鐘候正值吹葭節萬木漸就彫孤峯如立鐵樸被憩僧寮霜月兩澄潔赤髭
頗解事玉筍爲余設所愧手版疲腰瘦向人折不作桑下戀一宿遂長別幾思續前遊塵網苦

當陽縣志

卷之十八

藝文 五言古

三

宜昌印書館承印

羈紲猶記登般舟卻喜逢圓澤握麈妙談空坐永爐烟滅回首已三年南華徒願切會復打包
來重理無生說爲我致山靈幸勿掃車轍

漳上耕讀吟

林可法 邑孝廉

詩書饒寂寞稼穡亦艱難漳上多舊族星棋住河干家世習耕讀途徑詎云繁朝向家塾裏夕
從陌上觀學殖防將落田功課未完兼營誠所誠交資得永安不讀墮俗流輟耕貽饑寒勿謂
儒術闕聖謨昭簡端邠風深可味無逸卷非殘休明治禮樂穡事實琅玕富教何循匕王道異
申韓重知詩書旨一唱復三歎六經眞世業百畝繞文壇農譜須成誦硯田肯暫乾勤勞應思
善吾伊足承歡懇勤督子孫他道從此刊謀身惟兩策並作一體看伏則稱良士出不愧衣冠
珠玉荒年給河洛指上攤及茲日華富努力勉加餐志莘復希顏野巷天地寬古人樂斯在尙
與共盤桓

登西屏山

葉文在 邑副榜

巉匕西屏高仰窺一線路捫蘿梯絕巔目眩回頭顧攀危困力稀隨意歇雙樹突起雉驚鳴逢
人緩似怒偶爾喚老僧老僧知何處但見白雲陰紛紛結寒霧

題郭孝廉傳後

許廷鏞

民生無節孝何以立人羣至性誰不具臨難喪其眞當陽郭孝廉家訓夙所申數窮節以見灑

血扶大倫妻也爲夫死子也代父身娥娥小弱女罵賊雙目瞋賊怒揮白刃螻首竟平分至今
風雨夜冤憤聲如聞三綱漸凌替一旦光乾坤節孝自古難而乃聚一門激昂表風烈百世垂
後昆

弔趙師彥事詳忠節傳

熊經壁邑明經

醴泉本無源芝草詎有根正氣之所毓何必屬清門師彥寡人子食力住荒村其婦曰王氏辛
勤共晨昏忽遭狂且侮一旦折雙鴛澄潭風雨夕歷歷泣煩冤邑侯廉其實次第達至尊繫匪
實之法錫旌沛殊恩名標列女志至今生氣存師彥苦無室饑驅那足論側身入城市饜官效
趨奔大亂一朝起學舍成賊屯斯文眞掃地到處賊語喧行行值空宅結繩繫高軒從茲辭人
世地下晤眞魂卿既不負儂儂敢效犬豚各還清白體同是玉無痕作詩紀芳行長令風教敦

玉泉山寺雨中卽事

張致青

山低雲幕天春風夜陡怒雨挾溪聲飛客同山僧寤斷續上方鐘到枕風吹去曉起怯輕寒啜
茗繞廊步時聞山鳥聲來自空濛處卻愁溼雲重壓折山頭樹

胡文定公書堂

呂紹新潤門人

古樹傍檻青亂山當戶紫我來訪遺蹤臥荒苔裏憶昔推大儒著書標宗旨論事本春秋魄
令奸佞褫代遠復年湮父老談芳軌高風不可追斜日淡遺址

當陽縣志

卷之十八

藝文 五言古

四

宜昌印書館承印

黃安宅先生事詳忠烈傳

王懷孟四川舉人

人生僅百歲疾病免不得朝廷萬萬世那使全無賊賊平亦已久馬散犁銷鐵驅車玉泉山緬
彼死臣節黃公余長親卓犖人中傑操刀宰當陽時逢潰瘡裂太平百餘年做戶夜不竊誰知
白蓮池汎濫蒼生血白蓮根蔓延鬼道煽羣孽公實擒其渠投教狴犴囓手無尙方劍擅殺不
能決一旦起白巾野火燒城熱城中穴鼠狐城外環犀兕空有張睢陽竟乏霽雲使十上請兵
書不會到一紙搥胸可奈何坐殉空城死公子欲相從公曰胡爲爾執取漢節歸爲余報天子
擊鼓坐堂堂虎口磨牙齒罵賊如罵奴臣力盡於此紫骨斷蔣侯碧血濺朱泚趙璧澄臣心泰
山重青史畢公秋帆先生收當陽屠鯨等斬豕快哉無一逃白骨高熊耳天子嘉死綏雲騎錫恩旨
丹旄若長虹馬革還桑梓我來訪遺愛巷祭尙不止忠魂定未歸日落關林紫

登玉泉山頂

聶子英邑庠

入夢不記年而今乃一踐所求雖已獲所歷非一險一身旋若蝮萬山翼如卵古來人何處茫
茫不勝感

珠泉三首

姚錦江邑明經

朝陽輝山頂堆藍成畫圖蒼翠撲人面幻成色有無清音忽到耳泉來自西隅遊人一鼓掌纍
纍如貫珠

其二

球圓可以掬曲水穿其曲智者握智珠何能混魚目秋來此挹爽爽籟亭中宿塵世只等琴空
山有琴筑

其三

人生不百年苦以忙易閒誰知出岫雲不及在山泉泉清珠錯落泉沸珠盤旋問珠來何處疑
是合浦還

長板雄風

盧永楷 邑庠

託孤白帝城顧命諸葛輔長板微子龍蜀漢無後主前後兩託孤子龍先報補不獨仰雄風忠
義足千古

長板

陳啓瀛 湖南諸生

將軍昔熊虎孟德其如何重圍不能困所至胥倒戈膽氣褭敵魄英風留山坡我來懷往事長
板碣摩挲太息經百戰扶漢功居多

丹井

仙人豈有術此翁但全真所以凡骨換相傳金丹神紫蓋玉之陽當年春復春鉛汞不復留古
利荊榛汲井井其智茲事徒惑人

當陽縣志

卷之十八

藝文

五言古

五

宜昌印書館承印

七言古

謁關帝祠

明余一龍 新安人

天不少延赤帝子雲長事業空傳史麟經幾向夜挑燈漢鼎那容人染指威懾阿瞞避欲遷神
誅吳將封還死當陽遺墓尚依然寄語奸雄休過此

遠公洞

明張松 邑令

天作法洞亦太奇金巒玉嶂相參差石臺啓兮雲爲扉鴻濛開闢伊誰爲僕人篝火乃敢入洞
裏一徑何逶迤縱目春光真浩蕩丹青圖畫未可狀松濤萬斛吼如雷彷彿飛泉巖壑上伊予
乘興一朝來躡衣拉拉友步莓苔洞裏乾坤長不老壺中日月且常開瑤草瓊花儘堪掇森芝秀
蕨亦堪頽忽聽元鶴唳九皋又見神蔡飲泉冽間日遠公傲紫霞搗鍊山中歲月賒丹成白晝
乘雲去洞口猶開昔日花山寺盤迴幽且僻探奇索異多騷客題鐫何妨破石雲酣飲始知月
既白幾載提攜方外遊局促猶愧親行役躊躇把酒問春暉遠公丹竈今曾赤

黃平倩至玉泉以書見邀倍道趨之馬上感舊有作

袁宏道 公安人

曉枕濃和發清曉知是家人呼我字翻然一鶴自東飛銜得巴江牋子至臘花滿幅堆明巒邀
我共蹋青溪翠怒帆一掣截長波馬不待鞭捶以轡頽藍疊綠瀉平田纈林稠葉點青膩當時
京國好兄弟謝堂佳月城西寺幾年拋沒歎吹雲又作飛鴻留爪地老去怕逢緣熟人夢回每

年歷成毀雌雄難辨非與是不然可有豐城劍對壘長埋待雷煥闔斂精華歲月多夜深氣應
冲霄漢冷七野曠山鬼驚光芒曾有幾人見吁嗟乎蒼梧峯九疑風景繫人思瞞家七十二徒
貽後世喘蒼涼望古移情久俯仰千載曷勝悲春風霎時飄不住翛然詠人前村去

玉泉鐵鏞歌

劉續祖邑明經

渾淪一點胎胚結五行斑駁陰陽血天物精多暴則殃楊家阿廢真橫絕鳳舸龍舟木欲竭鑿
汴浮鵝水土裂金火再恣樓上屏餘殃又冶堆藍鐵哆然一腹飽千髡指疊饗餐應萬劫禍炭
災柴知歲時棄擲荒郊成跛驚霜月煎熬秋復秋贏得遊人認大業人生今古何分別古非獨
巧今非拙愚智由來邪正歧歧陽石鼓千秋烈

祝家坂古松

郭孫俊

孤根盤鬱旁無倚屹立一幹竄空時虬枝倒披逼層霄龍鱗半蝕枯不死爪拏煙雲勢伸縮籟
發天風浪奔駛黛色年深成老翠犯雪干霜不知紀憶昔展齒暫經過下馬摩挲情無已浪跡
歸來鬢欲斑柯葉不改尙如此世途平頗多殊形大運升沈靡定理功名事業貴有終慚對貞
松汗欲泚

關陵聽灘水

張鴻敍邑明經

灘水薄暮起烟霧淒聲偏向帝陵訴西嶺寒鴉驚滿樹臨流聽此誰忍渡

當陽縣志

卷之十八

藝文 七言古

七

宜昌印書館承印

題郭孝廉傳後

徐堂元和人

乾坤正氣鍾碩彥奇行表彰逢世變勁草無風等凡卉志節多由亂離見當明西賊流南東襄
陽既破傾藩封萬落千村遍荆杞烽烟處處途路窮當陽郭丈丁動勤孝廉船泊蘆葦旁舊傳
一經無長物賊至束縛嗟無償有子毅然請行役一去不還良可傷婦悲夫去神魂失回首小
姑禍倉卒罵賊祇愁爲賊汚水火刀兵非所怵翁家不幸蒙艱貞惜哉野乘無其名佳傳幸得
大手筆讀之齒頰猶餘馨君不見倪尙書劉中允一門殉節並多人至今青史名耿耿

遊遠公洞

金國瑞新安人候選縣丞

沮北龍泉之西山峭壁寒巖千尺懸巖半有洞險而仄蒼茫薄暮浮層烟扶醉笑問遊山侶云
是遠公跌坐所中有殘碣臥莓苔模糊不解作何語伊予探奇輕躋攀捫蘿緣磴何其難撫碑
長詠聲激越石竇響應羣峯寒悵悵面壁人何在洞口雲影空盤桓

題郭氏三烈合傳後

馬棟大興人邑尉

汾陽著姓稱舊族孝義貞節本世篤當陽孝廉曰之都守此傳家講求熟苦遭明季百六時流
寇焚掠最慘酷買舟密竄叢荻間冀同兒女免屠毒詎料瞰蹤邏卒來罄橐獻金未饜足吟喝
翁媪隨之行一時口噤計窮蹙賴有孝兒名毓賢願代父行無穀棘烈女二姑年十七賊復持
刀脅使逐聲聲罵賊語森嚴頭顱倏破遭其戮賊去翁媪迺倖存有媳陶氏遁蘆澳歸舟聞夫

爲賊俘秀才此去安可贖義不從賊必受戕破鏡復圓事難續毅然沈死沮水濱孝子被擄卒未復吁嗟爾時國運衰君父扼腕少心腹甚且偷生闖賊前對此能無增慚惡一門三烈何其盛死而不死人競述迄今事隔百年餘令我津津仰芳躅

弔張沼亭名鴻鑑事詳忠節傳

熊經壁

君之祖母我族姑秋霜烈日節堪俱芳名已入烈女傳帝錫崇坊表通衢從來苦節無不報一子篤生五丈夫五人之中君其長少小人誇汗血駒文場馳突輕餘子理窟貫穿愧老儒無奈大器說晚成滄海年年泣遺珠居家惟事耕與讀兄弟和樂及妻孥大亂一遭起倉卒合家聚泣淚眼枯君忽大言謂諸弟祖宗禮祀宜早圖諸弟倉皇舍君去細弱安能涉危途次第投繯七共結玉隕珠碎在斯須君親見之乃大笑理繩從容自捐軀人生自古誰無死用文文山句節烈自與常人殊地下重逢君祖母悲不待言喜何如

沮漲行

張致青邑明經

丙子六月朔五日黃雲壓城雨不息殷空動地聲驚雷濁浪浮尸排山來橫溢勢欲汨山城長官冒雨拖泥行手把朱提催舟子爾多拯人多予爾邑侯石公名鼎捐銀百餘兩錦屏山南長坂北男婦奪出蛟龍窟誰何上樹誰升屋呼號聲聽不得爾漿少緩篙少停樹連根拔牆屋傾絆得長官駐沮西沮東還倚鄭公堤須臾忽報古堤潰奔流下與溢水會東北鄉連浩漫漫城頭聚觀空駭歎

當陽縣志

卷之十八

藝文 七言古

八

宜昌印書館承印

部屋千家久安堵河伯噴怒爭此土我指洶湧問父老乾隆辛卯災較小翼日逢人慶無恙又聞漳江同日漲田禾園蔬歸沙泥今不苦寒亦苦飢罪彼陽侯聊作歌福星移照當如何

弔戰場過當陽作

王懷孟

弔戰場戰場非往古曰蓮禍發始於楚傷哉吾鄉之人罪罹苦峻嶺深山養豺虎豺虎之先小於狐與鼠一朝野火不撲滅從此三州震金鼓蒼生百萬賤如蠱鬼神造劫天無語冤魂鬱鬱守骨不肯散日月爲之變風雨天子神明立當宁虎臣桓桓士卒武九年征討十年平宇宙瘡痍元氣補至今人還鄉物歸主惟有戰場草猶腐亂墳壘埋不盡未必兒孫識宗祖朱睛惡犬不避人咆哮聞醒向風舞劫灰盪盡血未消此間萬古多紅土

擊賊行爲李烈女作良忠之女有傳

聶子英安業

漳之水日東注一村一姓水邊住李家有女穠如華豈知心是後彫樹戊午三月蝘賊來黃霧連朝天不開倉皇知誰落虎口全家骨肉散如灰阿女娉婷阿母老驚魂飄向荒山道傷心賊更恣窮搜山靈不護幽蘭草刀光如雪繡領邊有心人肯作瓦全但恨不得甘心死阿母咫尺賊馬前兒死何敢累天只老人早辦一身死奮唾賊面不顧生死後但求作厲鬼白髮枉觸虎狼威斯時兒尙顧阿誰自忘雙腕生來弱九泉不肯束手歸手石擊賊鬼神泣可憐身死猶握石尸香數日何足論石上血痕今猶積男兒枉自誦詩書貪生畏死何足無君不見逆豎頭破

段太尉千載幾人扶大義

關陵

李暎棻字香雪四川記名道

萬古詩人難下筆公名大與尼山匹我特蜀人敢妄言拜公如拜天中日公之忠義滿天宇公之精神貫今古彝陵雄郡古荊州知公死不忘斯土斯土遙遙障蜀東當年伐魏表精忠天下三分心一統我所見武侯同可惜襄樊功頓棄捧頭痛哭見高帝直拚一死殉中原凜凜千秋有生氣何物仲謀太無恥么麼安足令公死覲顏偏肯拜曹瞞甘作亂臣與賊子花草吳宮豈尙存百世唾罵江東孫恨不收聚六州鐵鑄彼阿蒙跪墓門墓門屹對當陽縣俎豆江山長不變永安風雨惠陵烟忠魂夜夜往相見靈旂拂拂捲風雲曰帝曰王豈樂聞不見墓前一片石特書大漢前將軍將軍往矣聲靈在位號重重加歷代玉泉山畔土一坵婦孺咸知望陵拜丹心浩氣干雲霄今代神功尤顯昭臆語測公公應笑煌煌漢統在熙朝

石龍灘

王焜耀邑庠

飛湍激波散作兩股若雷聲急若鼓由來有龍臥中流流欲直趨龍不許龍形之高一丈餘龍勢蜿蜒畫不如沙爲鱗甲石爲首中有魚口口多魚漁師日日跨龍背捕魚喜看魚爭避儵然一葉劈流來懸空陡落驚心碎見說巫山三峽長更聞灘瀨並瞿塘灘勢不知誰險易我欲與此相較量奇險似經神禹鑿龍門突兀噴珠瀑呼起灘頭漱石人爲霖徧錫蒼生福

當陽縣志

卷之十八

藝文 七言古

九

宜昌印書館承印

過土地嶺有感在呼兒山而與遠安接壤白巾之變鄉人設禦於此死節者甚衆縣令汪曾查勘詳報先載州志

汪培鑑邑附貢

西風聖上雲堆墨蟻聚蜂屯白巾賊猖獗遙從川陝來旌旗蔽空山嶽黑卓哉我民矢盡忠子有袍澤我與同裹糧擐甲伺嶺側誓將一戰殲羣兇無那鄉團疏步武匪徒詭譎馳如雨烽飛綠野矢流星血染青山淚沾土淒風苦雨剩荒邱定有英魂此去留栽得空山松竹滿貞心勁節幾千秋

五言律

送沙門宏景道俊元獎還荊州應制

宏景玉泉寺僧先是景表請高僧十四人同住寺

唐宋之間

一乘歸淨域萬騎餞通莊就日離亭近彌天別路長荊南旋杖鉢渭北限津梁何日舒真果還來入帝鄉

宿玉泉寺

周 樸

野寺度殘夏空房欲暮時夜聽猿不睡秋思客先知竹迥煙生薄山高月止遲又登塵路去難與老僧期

題玉泉大師智者影堂

五代僧齊己

大化鍾華頂靈蹤亦玉泉由來負高尙獨向好山川洞壑藏諸怪松杉列瘦烟千秋空樹影猶似覆長禪

玉泉寺

明張四知

寶地何年結祇園此日逢泉流飛瀑布塢勢湧芙蓉野鳥來深竹閒雲出遠峯塵纓如可謝從此託孤蹤

玉泉寺

李維楨字本密京山人禮部尚書

策馬不能去徘徊雙樹間地偏芳草台天迥白雲間開徑惟聞鳥閉門猶見山長松挂明月一

當陽縣志

卷之十八

藝文 五言律

十

宜昌印書館承印

鶴夜深還

其二

西來山盡好復此一峯幽水月心俱寂金銀氣自浮嵐光晴不夜春色淡如秋雙頂青冥上孤雲任去留

過關王廟

楊 洲

三國由來遠英雄跡未沈西風吹雁過黃葉擁階深山帶吞吳氣天知復漢心當年有遺憾憑弔欲沾襟

清晨登玉泉山先日大雨

孫文龍常熟人木府知府

雨過溪流急山開曙色分寒烟依澗樹飛旆出松雲鍾乳清猶滴仙茶翠不聞玉泉疑倒噴晏坐欲斜曛

平將軍祠

黃 輝南充人翰林

嗚咽沮流過低徊椰陰攢一坏存化碧百戰付圖丹有子宜陪食無人語禮官未應忠孝魄長共國殤寒

正月四月紫蓋道中

袁中道

野客遊山興還隨春草生近雲遮馬過遠樹照人明西嶺眉如疊南田掌似平斷鴻零落甚仗

有道林兄

胡文定墓

袁中道

長袖峯如折寒枝翳古邱徑荒麋跡亂階淨鶴翎留風氣有時息松聲不肯休春王正月裏一
盞耐康侯

題聖水寺

無跡法師薙髮地有田四十畝

雷思霈

聖水何年寺深山半夜鐘有僧開法席無地即田農天眼千山月潮音兩澗松僧來籠小栗爲
說草茸茸

遊慈化寺

雷思霈

一入臨沮境嵐烟似黛髮村村皆佛土處處是仙山暮雨隨舟至春雲逐鳥還漫遊存野性濁
酒笑醜顏

初夏偕栗生聯芳遊紫蓋

李

達字生培安居人御史

紫氣蒸如蓋雲鬢插翠峯藤深無徑入丹熟有人逢榻靜閒敲月風輕漫度鐘伊人知有在且
自溯徊從

登孝先閣

任紫蓋寺

栗聯芳邑孝廉

閣在最高頭江帆一望收石林虛綵水烟樹臥荒邱境僻堪逃夏樞空別貯秋孝先呼可起肯

當陽縣志

卷之十八

藝文 五言律

十一

宜昌印書館承印

令此生浮

玉泉寺

栗聯芳

曲澗流泉白重巖野洞幽燈懸雙樹曉葉落萬峯秋冬至風常冽春來草自柔那知生滅相無
不是浮醜

遊麥城

楊志邑人

霽色分江口長歌走麥城野花誰是主芳草不知名路轉人烟隘沙乾馬足輕勝遊咸已醉村
笛兩三聲

望音寺崖

僧正誨

說是隋朝寺稜稜在幾層村連雲起伏山接水奔騰覆嶺千盤樹橫崖一挂藤半峯荆棘路歷
望不堪登

將發玉泉

徐

鑛字眉雲江陵人吏部

曠遠江城北名山望已通稻翻千頃綠花發一溪紅晚照人行處春光鳥語中前村好問宿籬
落霧濛濛

聖水寺尋遍雲和尚結菴處

國朝栗引之邑選貢

絕頂流清梵梯危費討尋山能豁鈍眼水亦壞塵心落葉三秋雨奔濤一帶琴茅菴何處是洞

口暮雲深

夜宿紫蓋精舍兼懷深柳

王廷相邑少尉

恐負山靈意禪房借榻眠俗情除筆底吟興動燈前月上昏如曉雲開洞有天勝游思友共遲舞讓先鞭

迴峯書院對月

方璣

玉陽長作客漸減故園情對此瑤華夜偏令旅思生乾坤雙鬢白江海一輪明不礙微雲點何嘗滓太清

方山

劉續祖

探奇曾種種晚乃得方山塵自無緣入高非不可攀竹青光欲滴松老韻都閒祇有雲來往勿庸更閉關

其二

一意成孤眺放懷天地寬人家住山脚鳥路入雲端烽火勞宸慮阜圖鞏石磬清時真有味白首欲彈冠

三公臺晚眺

張鴻叙邑貢

凌空氣象開羣嶂抱高臺沮水碧千頃錦山翠一堆暮雲寒樹影粉堞時烟限幽賞情無已數

當陽縣志

卷之十八

藝文 五言律

十二

宜昌印書館承印

聲牧笛來

真武洞

邱種芝邑貢

真武何年洞今來興自賒雲飛常近壁樹老自生花別蘇看殘碣捫蘿帶斷霞徘徊無限意寒堞夕陽斜

佛耳巖

葉文在

路僻行人少洞深暮靄多黃茅如細麥碧蘚似圓荷山鬼深藏箬野猿渴飲河鵠灘清見底坐石濯流波

玉泉寺贈闍曙上人

李奏敷邑貢

亭午啓松關閑來參老禪金池堪掬手鐵塔任當肩空盡想非想再開天上天長留獅子窟勿負此山泉

西屏山

李青

素心依白社曲徑接層巒怪石封苔古孤雲出岫寒雨過鐘響靜風細鳥聲歡問法逢支老秋高興未闌

春日遊西屏山

熊經壁

漸覺行人少山雲冷未開平岡將盡處一面破空來隱約浮嵐氣分明絕點埃登高須踴躍歧

路莫徘徊

其二

到來渾不見野店兩三家竹外鷓呼雨壚頭客喚茶巖分山骨斷徑劈石梯斜甫覺危坡盡奇峯一望賒

弔賀國楠事詳忠節傳

熊經壁

賀監蕭疏甚終年在醉鄉危能敦大節行不厭清狂伴自生前結名因死後芳一言聊慰女愛子幸無傷

弔楊磊軒名達天事詳忠節傳

熊經壁

往事從頭想論交子最真那堪尋舊夢不復見斯人慷慨翻成累聰明乃喪身人生誰不死慘酷實傷神

其二

更有傷心事臨危兩子從巢傾完卵少雪積肅霜重白骨支頽壁秋風語亂蛩可憐泉路客聚首恨何窮

其三

長子予高弟能文世共知方期成遠大不道值艱危熱血應成碧書腹定化芝及門重聚首遺

當陽縣志

卷之十八

藝文 五言律

十三

宜昌印書館承印

事豈堪思

弔謝義池事詳忠節傳

熊經壁

大義人皆識申明實賴公讀書方樂道聞變即從戎灑淚羣心奮橫戈膽氣雄三月初六日賊由東門出倉卒無備東營幾潰

其二

兩至危城下心雄命轉輕高談羣賊怖策馬萬人驚大帥資籌策殊方識姓名可憐身死日功已居垂成

登堆藍山頂

張致青

搔首青天近羣山倒地平帶長曲沮水丸大玉陽城往古人何在臨風我欲行悠然盪臆胸靄靄白雲生

玉陽八景錄二首

堆藍晚翠

王朝枏邑令四川人庶吉士

好山如畫裏晚景倍清酣落日含蒼翠諸天擁蔚藍泉聲爭漱玉塔影倒遮嵐指點郵亭路征人欲解驂

鵝岸漁歌

兩岸漁歌起扁舟下急湍幾家楊柳曲十里蓼花灘午夢驚醒秋聲和雁酸好攜黃鶴侶醉舞傍江干

過當陽長坂

刑部主政王柏心子壽監利人

得人似高帝強對憚曹公夏口奔難達滎陽厄正同蛟龍乏雲雨豚犬誤英雄回首橫矛處千林激大風

同馮展雲學使遊玉泉寺

王柏心

鷺嶺鬱蒼蒼諸峯拱梵王法雲彌鄧都山翠壓沮漳鐵塔風煙古花臺澗壑芳昨聞青過犢龍象竟無傷

其二

曲江吟賞後使節復登臨各有陽春奏同追大雅音高軒停壑谷遊履歷山林野客才衰謝徒然喜盍簪

借觀珍珠泉

王柏心

漱玉臨丹壑跳珠溼白雲光激寒愈潔響細靜方聞鳳利垂空映虹梁界道分未能尋乳窟仙掌閱靈芬玉泉山有乳窟產茶名仙人掌

當陽懷古

李暎棻

當陽縣志

卷之十八

藝文 五言律

十四

宜昌印書館承印

蒼莽當陽縣沮漳楚水通崎嶇歷長坂喪敗哭英雄生死妻孥寄君臣患難同我今尋舊壘一路捲悲風

丹井

姚錦江

仙蹤滯嶺巒紫氣孕金丹妙悟花千疊功成月一丸松雲護春曉梧雨滴秋寒莫作非非想心清慧葉完

仲宣樓

賀 緘邑明經

倒屣憐才子登樓一愴神文章高漢魏書劍老風塵烽火秦川路烟花楚塞春王孫歸未得惆悵曲沮濱

張燕公碑

在度門寺

賀 緘

萬里銜王命諸天列上方泥封傳絕塞手筆冠三唐苔蝕豐碑古花開驛路香龍蛇遺蹟在山翠映沮漳

唐子方讀書臺

賀 緘

白髮江湖老丹心魏闕憂九州傳諫疏一代仰清流野寺寒烟外荒臺勁草秋讀書期報國嘯傲寄滄洲

玉泉寺

賀 緘

梵宇知何處疏鐘出遠林山隨雲影活春到寺門深隋鑊荒苔暗唐碑古道尋珠泉清淺水一
爲洗塵心

登萬壽山

劉在鎔邑庠

百丈渺雲際倚欄澄遠眸林圍空外障廟占古時秋地僻書聲迥天低鳥語幽胭脂湖上望新
月朗如鉤

當陽縣志

卷之十八

藝文

五言律

十五

宜昌印書館承印

五言排律

五言排律

紫蓋山還經玉泉寺

唐張九齡

指途登楚望策馬傍荆岑稍稍松篁入冷_匕澗谷深觀奇逐幽渺歷險忘嶮嶽上界投佛影中
天揚梵音焚香巖在昔禮足誓來今靈異若有對聖僊其可尋高僧聞逝者遠俗是初心蘇駁
經行處窅啼燕坐林歸真已寂滅留跡豈湮沈法施自此廣何云千萬金

陪張相公祠紫蓋山遊玉泉

孟浩然

望秩宣王命齋心待漏行青衿列胄子從事有參卿五馬尋歸路雙林指化城聞鐘度門近照
瞻玉泉清皂蓋依巖憩緇徒擁錫迎天宮上兜率法界豁幽明欲就後焉志先聞智者名人隨
遊水沒山類覆舟傾想像若在眼周流空復情謝公還欲臥誰與濟蒼生

遊玉泉寺僧談征調供億之苦因賦

明李維禎

徑曲泉能遶山迴寺忽逢舟誰藏大壑玉自削羣峯翠壁蒼苔淨丹崖紫氣重登高窮下界選
勝擬南宗梵宇隋唐構伊蒲楚蜀供嵐沈不辨塢風定一聞鐘樹古曾棲鶴溪深尙臥龍殿陰
寒靜荔簷際墮芙蓉薛駁生金_山藤羣化石松天花春已樹雲碓夜猶春藻井纏蟲網珠林過
虎蹤傳燈遙乞火伐木近支筇問道無閒士營生亦老農飯牛依磬鉢收豕辦租庸酥酪清齋
少袈裟俗禮恭歲當饑饉後地扼往來衝上客頻傳食空王豈素封攢眉今夕酒蓮社暫相容

文廟告成恭紀十四韻

國朝方 璣

十載 覺宮念今朝喜落成賢侯倡締造多士費經營樞戟規模大齋庖結構精昔年傷草茂
一旦見芹清馬肆方無歎奎文煥可驚但期斯道重頗覺此氈輕傳舍奚容戀甘棠永足貞
聖靈自茲安愚懷不忘誠咸仰膠庠肅還看孝秀盈窮經爲正業講藝乃餘情惟在敦儒行何
嘗薄世榮曩賢崇廟學後代艷科名輪奐勿徒羨淵源好自宏關閩多墜緒紹述望羣英

春日登玉陽山

黃映芝 邑廩生

最是探春好玉陽高處行提壺邀舊侶步履趁新晴小阜多幽徑單椒半倚城川遙吞漢河洞
古翳榛荆荒利寒烟靜殘碑野蕪橫曠觀情獨渺憑弔興彌清二妙欣能聚四難喜得并歸來
不厭晚鉤月女牆生

當陽縣志 卷之十八

藝文

五言排律

十六

宜昌印書館承印

七言律

覽玉泉張孟二公題版

五代僧齊已

高額雙懸張曲江聯題兼是孟襄陽後人才地誰稱短前輩經天盡負長勝景飽於閒採拾靈
蹤消得正思量時移兩杖成塵迹猶掛吾師舊影堂

報恩寺

明沈 慶 餘杭人副使

荆楚西南第一峯梵宮森列案重重聞經清唳松陰鶴聽法香翻鉢水龍徑曲每憐蒼樹合林
深時有白雲封凭高撫景情無盡回首楹廊遞晚鐘

報恩寺步沈公韻

鄭 崇 懷安人進士本學教諭

梵宮深隱玉陽峯駐馬閑登紫翠重祇樹風生聞唳鶴空堂雲出見降龍地幽應少紅塵到砌
古偏多碧蘚封自是勝遊歸路晚半林殘照度疏鐘

龍泉寺

方 豪 開化人僉事

爲訪高賢駐使車因愁落日造禪廬龍潭夜逼軒窗冷鼉鼓秋傳澗谷虛竹徑獨行僧定後松
花飽啖月明初吾生未必真凡骨何事頻年理簿書

仲宣樓

童 時

登樓四望欲銷憂極目平原草木秋歲月忽驚人已遠江山如待客重遊峽中水接濤聲迫城

上雲連樹色稠公暇幾回傷往事不堪爲客更淹留

謁關帝廟

鄭克昌

英雄非數誰能死拭淚封陵倍慘愴衰祚三分噓火德
一線繫春王青天燭照丹心色白
日爐焚汗血香堪笑孫曹多智意揮揄蹤跡總荒涼

度門漫興

僧正誨

天詔曾聞下玉泉一回經此一潸然斷碑有字埋荒草廢壇無名起暮煙衣自六傳滄海變法
當千載鬼神憐今人不識唐朝寺只把金沙作墓田

同雷大史徐上舍宿紫蓋寺

劉芳節 宜都人孝廉

衡岳飛來第一峯峯形如蓋紫蒙茸樵山舊侶迎徐孺蓮社新盟得次宗百丈倒窺丹井碧一
龕深照佛燈紅松簧也解膺禪韻卻共簷鈴話夜風

百家洞

栗聯芳

望中雲窟出巖巖馳馬還從頂上旋一壑朝來能盪日千山圍處不遮天只堪樵徑依雲闌恰
好僧房對月眠已識周何皆有累誓於此地學參禪

登仲宣樓

劉楚先 字衡野江陵人大學士

西京新命重鳴騶何向危城作寓遊輦衛顛虞傷去漢詞人通倪尙依劉疏楹自拭昭邱月離

當陽縣志

卷之十八

藝文 七言律

十七

宜昌印書館承印

黍空含渭井秋名在江山猶借勝芳華遙挹麗譙頭

龍泉寺過胡文定公墓

楊誌

羸馬迢迢一徑偏萬峯深處見諸天山頭白鶴飛來雪潭底金龍噴作泉叢桂有情留小隱松
楸勿語怨南遷登臨莫問興亡事烟雨霏霏度石田

登仲宣臺

黃聖年

彈丸四塞本巖疆荊首西來抱玉陽編郤陰森權口遠沮漳迢遞楚陵荒金砂漫意仙攀井石
馬猶驚古戰場惆悵王孫歸計錯山川搖落賦空長

遊紫蓋寺

國朝梁焜

古道青莎過雨痕上方登步未黃昏禪心不比階前草逸興偏尋嶺下源春至藥苗常自種夜
來貝葉幾人繙櫜槍四合天難問且坐山扉聽鳥言

遊紫蓋寺

汪士傑

策杖閒探紫蓋奇白衣隨處染松脂遊山戴雨頻侵骨載酒逢僧不綉眉採藥問人收幾種談
禪傍我坐三尼夜深頓覺諸緣靜疑是雪峯星見時

謁胡文定公墓

楊州彥

西風颯沓弔忠魂閒拂殘碑剔蘚痕蔡耿深譏名愈重春秋絕學道長尊千層嵐影留華表一

脈泉流繞墓門舊是先生結茅地亂鴉古木正黃昏

其二

皂帽青衫拜棘叢忠魂應繞舊邱中循環治亂今同古挽轉艱難我夢公龍老臥殘徒噴沫松
寒禿盡尙號風深山是處傳豺虎愁近黃昏山月空

堆藍山

楊州彥

到處名巖推險峭堆藍翻以樸成尊安禪跌坐降諸衲短髮蒼顏俯衆孫亂石觸泉醒鶴夢
雲巾樹冷山魂幾時移向濤聲裏小結茅亭倒挂門

玉泉寺

梁山金

欲譜名山恨未全堆藍絕勝可人憐細尋石路無雙寺不讓茶經第一泉意到忘時方味佛身
經劫後且逃禪從今穩作烟霞計載酒長吟踞此巔

玉泉寺

栗引之

堆藍不與衆峯羣涎玉沫珠眼底分雲裏鐘聲衝斷壑樹迴嵐氣湧層雲典型拜指前朝鼎苔
蘚斜封短碣文萬古名山誰護法臨風卻憶漢將軍

智者洞

汪鴻映邑庠

春深人事頗從容信步禪扉問北宗怪石巉巖蹲虎豹蒼藤曲曲舞虬龍佛書讀罷山花落僧

當陽縣志

卷之十八

藝文 七言律

十八

宜昌印書館承印

飯熟時客逢跌坐伊人不可見空餘洞口暮雲封

尋桂過大通寺

李芳邑令

公餘耽靜不開扉爲訪天香到翠微十里坡長官路窄三家店冷野田肥丹楓半染黃沙樹夕
照前堆藍水磯雙桂千年山寺裏大唐留碣長苔衣

萬壽觀

劉續祖

當年先子藏修處他日哲人提命堂謂徐白雲已向夢中悲手澤還從笛裏哭山陽蛙鳴湖水依前
綠雨過山松照舊蒼回首生成空彷彿何堪燈火影涼匕

玉泉後山道中

李作人邑孝廉

朦朧曙影啓霜天蹋蹋衝寒向玉泉松響千山成爽嘯野燒十里剩孤烟藤蘿仄徑我初入虎
豹沿溪人蚤還策馬雲窩翹首望羣峯四合總蒼然

登三星寺後山

李作朋副榜

葛衫箬笠手相牽喘步巉巖倒地眠茗椀清涼來下路漁舟款乃指前川荒邱一碣魯魚字狡
窟千年野狐禪蹋到絕巔談往事三星可摘欲捫天

郵亭夕照玉泉寺

郭孫俊

斜日諸天已半昏空亭殘照帶山門泉沈霞影凝花片烟鎖林光作雨痕倦客指村急飛鳥野

樵歸徑亂啼猿上方鐘磬松梢度晚誦遙應貝葉翻

楚昭王墓在城東北八十里

林可法

漳濱立馬望昭印封樹依然傍細流溪水有情咽今古土人無事話春秋賢將六百崇書社教及三千重楚侯南國舊成文物地未應齊魯是中州

謁葛真人廟

王廷相

不能皈佛擬依仙洗洗塵襟叩洞天千古雲霞常會合兩山龍虎自盤旋疏鐘古磬風聲遠豐草長林日影遷丹竈久無智井在許誰重達已枯泉

長坂懷古

劉學朱邑貢生

坡前聞說舊軍屯血戰當年蹟尙存長使精誠迴日月直教膽氣壯乾坤祠堂擬報千秋烈營壘難招萬古魂憑眺茫茫無限感鴉聲歷亂正黃昏

拜聶韞夫先生墓

劉學夔邑貢生

雲斷寒空滿目秋閒來別薛拜荒邱粉身惟有丹心在血戰長將浩氣留漠漠山猿啼夜月冷花雨淚溪流低徊欲作招魂賦黃葉西風一片愁

郵亭夕照

葉文在

蒼涼古道置郵亭落照茫茫滿野汀客子愁聞楊柳曲老僧高說涅槃經空山寂歷人全少野

當陽縣志

卷之十八

藝文 七言律

十九

宜昌印書館承印

店蕭條戶半局莫道夕陽歸去早晴空水浸一天星

仲宣樓懷古

李玉林知縣

沮漳流水自悠悠人往風微盛概留當代英雄能輔漢天涯才子不依劉一篇錦繡傷心賦萬里河山極目憂割據興衰長已已山城千載仲宣樓

拜聶韞夫先生墓

楊宗濂荆門人

艱難未造一身輕坏土千秋浩氣生孤挺黃沙支大廈滿腔赤血奮長城雲旗尙繞蒼碑斷古賦堪澄漢水清公有大別山俎豆荆南綿永祀冠裳一望肅尊榮

弔馬雲浦少尉夫婦事詳忠烈傳

熊經壁

一失孤城萬姓殘呼天空自泣卑官漫言事急捐軀易須識時危措手難白練雙投千古恨黃泉對語兩心酸褒譏自有公評在若問臣衷死即安

弔羅鶴亭事詳忠節傳

熊經壁

名場耆舊悵惆殘遺恨如公死豈安辛苦半生方入選纏綿一病未之官身當危處眉長鎖賊盡誅時骨已寒最是諸兒勞記念無家空自告人難

玉泉山寺醉中書懷

張致青

狂歌走入梵王宮兩耳非因棒喝聾陳迹偶然留勝土公安袁中郎兄弟本邑栗宋諸先生名山自古屬英雄漢前將從軍祠

來憂樂關天下多少榮枯在眼中醉裏夢魂都不擾塵寰毀譽任雷同

麥城弔古

聶子英

白衣搖櫓沂江波奈此芳仁貳賊何受敵磨虛謂驢城悲氣數出師宛洛恨蹉跎兒童尙說還魂記謂演義諸奇蹟草木疑揮落日戈杜宇千年啼不斷吳宮魏闕總成莎

遊玉泉山甲寅亂後作

李映葵字香雪四川人

九死餘生萬念刪驚魂纔定且躋攀泉聲綠瀉鱗鱗玉樹色藍堆面面山漢將丹心靈蹟在隋僧白足道場間經樓悟得無生旨欲買楞嚴日閉關

九日與諸友人登玉泉山

賀絨

選勝攜朋興不孤斜斜野徑問樵夫路途鳥讓風還阻人似蛇行屐并無小住半山分石坐病身一葉仗雲扶松濤響處泉聲細蕭寺回頭似畫圖

其二

相對茫茫百感生登臨到底是間情無窮心事拚成醉如此溪山竟得名草白憐將秋色老時清剩有陣雲平英雄幾點千秋淚灑遍楓林一路橫

玉泉東堂桂花

賀絨

鼻觀微聞風露涼木樨參透費思量花從僧舍開無俗樹帶秋容病亦香樹病蟲葉盡脫僧以硫黃薰之得愈招隱許

當陽縣志卷之十八

藝文 七言律

二十

宜昌印書館承印

同孤月靜留人遍閱使星忙高齊往來皆館其中前身我是如來否金粟叢中態更狂

石龍灘

王廷彥

千尋石脈走來龍有客觀瀾此拄筇風捲浪花驚雨洒日圍樹影有雲從濤頭直接寒山雪岸脚如喧古寺鐘間抱一竿垂釣便灘前鱗鬣挺長松

盤龍山在小坂窩山勢起伏如龍之盤

汪金南邑恩貢

青山一帶擁峻嶒龍脈離奇澗氣騰本有風雷生四壁也教鱗甲露千層君真高臥同諸葛我本無才愧李膺出岫有雲能作雨應多膏澤慰黎蒸

白龍洞

胡炳暉邑貢生

黃茆秀出與天齊繞郭人家一望低象嶺西來饒爽氣獅山東駐壓深溪狂風捲水驚龍化華表千雲想鶴棲勝境留人重轉眼翠微深處草萋匕

白龍洞

鄧肇基邑庠

仙源高迴水溶溶自是天開第一峯此地幽棲疑鬼谷何年騰躍見神龍石懸鐘鼓隨聲應山溜金銀照眼濃靈物雖然飛去也千秋未了白雲封

遊玉泉山寺

賀繩邑明經

劫換紅羊古蹟空堆藍不與衆山同唐碑字沒蒼苔裏隋鏡光騰夕照中西望彝陵嵐氣合東來漳水淡煙籠晨鐘暮鼓泉聲外喚醒途迷恨不窮

五言絕句

堆藍

朝自堆藍去暮自堆藍還堆藍無所慮祇慮樹遮山

明袁中道

乳窟月下聽泉

一月在寒松兩山如畫朗欣然已成行樹影寫石上

袁中道

仲宣樓故址

東景已西馳南樓懷北鳥空憐倒屣迎疇達薦賢表

聶登第

梯兒巖

朝看山色青暮看山色紫山色本無情余心得妙理

王應麟
邑庠

其二

烟深山徑幽葉落風林響一旦步階梯直到青雲上

國朝聶子英

玉泉山中早起得句

曉起山雲白對面失山樹野鳥無數啼聞聲不知處

聶子英

入玉泉山效袁公安體

歷歷路旁山重重山上路尋山未到山喜見山頭樹

當陽縣志 卷之十八

藝文 五言絕句 七言絕句

二十一

宜昌印書館承印

七言絕句

寒亭 在玉泉山

朔風凜凜雪漫漫未是寒亭分外寒六月火雲天不雨誰君來此凭欄干

無名氏

四賢堂

父子康侯朱弟兄象山輩出號明經直言抗疏燈籠錦諸老遺風尙典型

劉巽
邑貢生

白社

易貌凝鉛妙出神玉津不夜枕長春瀟巾白甌林泉隱千載高風白社人

劉巽

報恩寺留別鄉僧

仲宣樓下水如烟細草平沙接梵天老去蜀僧歸未得清秋魂斷楚雲邊

任翰

子胥港

春漲瀟瀟帶雪流柳陰終日繫扁舟伍員已去英名在都付溪翁看白鷗

孔克孝

初得玉泉響水潭

到處名山策杖行歸來還愛玉泉清乞錢買得蹊三畝流水聲中過一生

僧正誨

其二

斷巖曲水石磷砒好向茅廬寄此身綠樹不翻紅葉雨青山還照白頭人

歸經玉泉

鍾惺

猶是山中九月秋來時流水夜中幽泉聲不在有泉處曾向林蟬嶺月求

大水謠

邑令區懷瑞

九子山中鳩亂啼合洛鎮上馬頻嘶淫霖十日沮漳泛時有衙官來護隄

紫蓋晨鐘

國朝方 瓌

繖蓋垂垂護紫峯洞天舊有葛仙蹤曉風乍起晨鴉醒時送一聲雲外鐘

龍泉夜月

月到上方分外妍尼珠朗朗映寒泉當年文定讀書地惟剩清光照墓田

堆藍晚翠

松風石鼎妙聞香頻歲南華願渺茫曾記覆舟山下宿半天空翠落禪堂

長坂雄風

突出重圍絕代雄錦屏草木識英蹤至今長坂坡前路膽落常山趙子龍

鵲岸漁歌

鵲灘彷彿舊烟波客是當年張志和為愛漁舟爭唱晚西屏山下夕陽多

錦山牧遂

當陽縣志

卷之十八

藝文 七言絕句

二十二

宜昌印書館承印

彌望寒山掛落暉無腔短濠放牛歸牧童那識興亡事閒逐飛鴉下翠微

玉橋秋雨

紛紛落葉滿山椒一帶寒林已半凋無限客心淒絕處秋風秋雨玉陽橋

金嶺朝煙

數聲喚起攪人眠鳳嶺春光覺早妍一片迷離三月暮垂楊垂柳帶寒烟

方山八景

錄二首

劉續祖

化鶴歸來應自傷何須世事歎滄桑只今瘞劍曾留石劫火燒殘字幾行

黃冠斷碣

七級何年筆太空亭亭描雨復描風仗伊還點東山景界破斜陽兩半紅

夕陽塔影

梯兒巖

宋光鰲

山寺層層傍水灣雲樓百尺起松閒客來漫透憑高目獨鶴秋空意自閒

夏日珠泉卽事

熊經壁

活水溪邊一徑斜寒巖古木護僧家風來檻外輕如許醉後呼童好試茶

秋日憩鳳凰山麓

熊經壁

滿岫歸雲掩復開長歌隨意蹋蒼苔牧牛兒向山邊笑沽酒人從郭外來

鍊丹井

張致霄 邑庠

紫蓋峯頭一井乾仙人曾此鍊金丹祇今勺水歸何處化作石林烟雨寒

望青溪

張致霄

一抹白雲西復西遙從天半認青溪不知古木森森處若箇幽人得所棲

漳上詞

錄二首

聶子英

二水中間古麥城岸花汀草帶愁生孤舟莫向城邊泊夜月千家擣練聲
仙女廟前草長時昭姬港上柳如絲掃蠶須趁清明好莫怪農家上塚遲

俗以清明日上塚

方山雜組詞

錄二首

張致青

秋江淼淼峭帆行上水船輸下水輕日暮煙籠烏柏樹門前立地望歸人
登山臨水春復秋間披青史挹風流醉中忽抱千年恨百尺臺傾未補修

玉泉大士閣

二月十九日燒香詞

錄二首

張致青

菩提菴址石重重智者洞門鬼斧工人語不知何處落山樵立在翠微中
遊塵攪亂一溪雲顯烈祠高護紫氛何處健兒飛馬到觀音不拜拜將軍

葛仙樓

方外清 蓮

爐中仙藥足延年一度烹來一度然想見功成丹出鼎香飄何止徧山川
慈雲片匕護春田不負農家拜井泉一掬能分千頃潤綠楊村落雨如烟

每逢早時鄉民禱於丹井甘霖即至

當陽縣志

卷之十八

藝文 七言絕句

二十三

宜昌印書館承印

石龍灘

王汝章 邑庠

禹鑿龍門雙石破茲灘之石尚猶龍浪花吹作條條雨溼透溪雲第幾重

望青溪

汪培鑑 邑附貢

疊嶂層巒望欲迷白雲深處是清溪而今講易人何在惟聽猿聲不住啼

響水潭

在呼兒山南溪有石龍水流響徹數里

汪煥然 邑庠

鳳凰山下水潺湲前有風不減廬山瀑布泉俗耳箏琶都洗盡聲聲漱玉徹雲天

風山



當陽縣志卷末

雜錄

叢談

明洪武十三年邑既徙復舊治其萬城甃石移修荊州藩府毀至北門忽有毒蜂擁出紛紛整人懼而止或謂此乃高氏舊城其上有關廟爲神靈所憑云今北門尙存

永樂辛卯元旦治北沮水之東忽有三虎同行共逐不知所往是科則李讓向志倪孝儒同舉於鄉人以爲三虎之應

大通寺塔前相傳有謀侵其地者以火蒸張說碑忽雷雨滅火懼而止

隆慶丁卯方開學有一兔自樵星門躍出共異之學諭吳瑞云此科中式必卯生者及邑庠聶武中式果辛卯生

玉泉山有獸狀如鹿上下陵谷如飛每鳴於澗谷則雨鳴於岡阜則有高軒過驗之不爽

萬歷乙卯五月玉泉柴紫菴老桂忽花大小各一枝寺僧以報邑令令曰雙桂聯芳此科中式必栗生矣及秋栗聯芳果獲雋明年公安袁中道亦登春榜此菴乃袁氏所建也以上俱舊志

國朝

榴花總白鶴山側有井相傳井中有異物一夜山僧夢物告之曰浹旬我當行汝等可遠避且

當陽縣志

卷末

雜錄 叢談

宜昌印書館承印

以語村人夢亦同有道人教以犬血瀝之覆以鐵釜石磨須臾有赤水湧出如血近水草色皆赭至今雖大旱井不涸號曰龍井

乾隆丙子歲邑合涪民人向先時家喪婢既殤二日有聞其壙內作號咷聲者以告其家亟掘塚視之女已微起且云板壁甚緊喊不出得青衣媪助我耳負歸形容如舊以上續舊志

乾隆五十九年有妖降於西門外順城街狀如人惟不見其首聲如老者言禍福多中繼令居人分日供茶稍褻則詬之甚至火其居其人謝罪火立止衆苦之居數月衆以鼓吹送之河干見其渡沮水而去未幾有丙寅城陷之變



補遺

方輿古蹟

唐吳道子畫觀音像石刻在玉泉寺

三星院石塔省志云在當陽舊墟其石柱刻云唐貞元十七年葬智壽和尚舍利塔

方輿祥異

道光十年五月陰雨浹旬玉泉山生大菌徑尺餘厚五寸許高尺有五寸面白如銀裏赤色味甘而芳

建置堤防

永興菴堤在河溶上游漳水之西距沮水里許每決則水匯於沮下流淤塞舟楫不通道光十六年邑令王朝枏倡率修復水患稍弭二十九年邑令董率士民加修遂稱鞏固云

職官循良傳

周眞 人乾隆中任邑令勤慎愛民有古循吏風初河溶苦徭役眞悉爲蠲除溶人思其德常尸祝之今木主猶存

職官忠烈傳

夏永謙河溶巡檢事詳本傳有墓在河溶鞏阜門外

當陽縣志

卷末 補遺

二

宜昌印書館承印

選舉

張定謨恩賜舉人年代未詳盧秉鈺 林時純 羅開泌以上俱嘉慶貢生

人物孝友

張士孔鞏河人事母以孝聞母有疾割股愈之後母臥病三年孔奉侍湯藥無一息廢離成豐十年詳請 旌表

人物忠義

李成文邑兵書嘉慶元年教匪陷城邑令黃仁遇害文倚縣署頭門指賊大罵賊支解之至死罵不絕口

列女節婦

王德耀妻張氏年二十五夫故長子二歲次子遺腹生翁姑皆年過八旬氏孝慈兼盡備歷艱苦守節五十三年同治四年 旌表時年七十九

文生陳鳳鳴妻王氏年二十九夫故氏奉侍孀姑愛敬不衰督其子精一刻苦力學早列巖序守節三十五年同治四年 旌表現年六十五

何先鳴妻黃氏年二十夫故時姑患腫病子在襁褓氏仰事俯育極盡其道守節四十年同治四年詳請 旌表現年六十

藝文

義勇武安王墓祠記碑二在 關陵內一為明成化十六年湖廣提刑按察司副使薛綱撰刑部主事吉水周巽書一為成化十八年湖廣布政司右參議秦和楊珺朝用撰文並篆重修關王廟記在 關陵明宏治十年縣學教諭孟鎮撰知縣劉和書主簿處 篆額

唐賢留題玉泉詩八篇序見藝文志中

張九齡祠紫蓋山途經玉泉寺載藝文下五言排律

又冬中至玉泉寺屬窮冬冰閉崖谷無色及仲春行縣復往焉故作此詩

靈境信幽絕芳時重暄妍再來及茲勝一遇非無緣萬木柔可結千花敷欲然松間鳴好鳥竹下流清泉石壁開精舍金光照法筵真空本自寂假有聊相宣復此灰心者仍追巢頂禪簡書雖有畏身世亦俱捐

孟浩然陪張丞相祠紫蓋山途經玉泉寺見藝文下五言排律

常建留題玉泉

清晨入古寺初日照高林竹路通幽處禪房花木深山光悅鳥性潭影空人心萬籟此都寂但餘鐘磬音

白居易留題玉泉寺

當陽縣志

卷末

補遺

三

宜昌印書館承印

雲樹玉泉寺肩輿半日程更無人作伴惟共酒同行新葉千萬影殘鴛三兩聲閒遊意未足春盡有餘清

周朴留題玉泉寺

寺還名玉泉澄水亦遭賢物尚猶如此人爭合偶然溪流雲斷外山峻鳥飛前初日長廊下高僧正坐禪

南嶽僧齊已題玉泉大師智者影堂見藝文下五言律

又已丑歲十一月二十六日因禮大師真迹獲覽張丞相孟襄陽二公聯唱題板遂有降歎而作是詩見藝文下七言律

僧齊已

通志論曰碑在當陽玉泉中乃皇慶元年本寺住持廣鑄重立者碑載唐張九齡以下詩八篇然常建白居易二首尚屬假借也其旁刻云萬歷元年御史中丞西蜀張佳允新安任參軍夢榛同觀湖北金石存佚攷

謁雲長祠四絕石刻在墓門右

明邑令張松泐源

一瓣心香酒一尊臨風何處覓忠魂停杯話到當年事長嘯山空氣欲吞古柏青葱帶曉烟祠堂秋老一荒天維持漢鼎名猶在花自清香水自潺松杉鬱鬱護雲邱斷續江雲去復留滿地午陰清唳鶴一聲驚醒夢中愁蓋世英雄奠在茲穹碑讀罷令人思卻憐四蜀三吳日惆悵西風酒一卮 當陽縣志卷末終



卷首勘誤表

頁	面	行	字	誤	正	頁	面	行	字	誤	正
序一	一	三	二八	○	簡	一	二	三	八	戍	戍
二	一	四	八	寶	寶	三	一	八	二二	間	間
六	二	五	一八	人秀	秀人	七	一	一三	二五	板	坂
八	一	四	三二	之今	今之	八	一	五	二八	戍	戍
八	一	八	一九	迴	迴	八	二	一四	七	戍	戍
修志姓	一	九	一	邢	刑	一	二	一	五	德	志
氏一	二	中	七	姓志	修志	氏一	一	一	八	名	氏
一	一	二	二〇	舊書志	舊志	二	二	一五	九	賓鄉	鄉賓
凡例一	二	九	二二	問	問	二	二	一三	一四	安復陸	安陸

卷一勘誤表

頁	面	行	字	誤	正	頁	面	行	字	誤	正
一	一	六	一六	爲初	析爲	一	二	五	一	爲	曰楚
一	二	七	六	防	防	三	一	四	八	治	治
三	一	四	二二	曰化	曰慈化	四	二	一三	一四	安復陸	安陸

卷二勘誤表

頁	面	行	字	誤	正	頁	面	行	字	誤	正
一	一	八	三一	支玉	支爲玉	一	一	一〇	一	鳳	鳳
一	二	四	二八	玄鍊	鉉鍊	四	一	一	八	母	母
四	一	四	八	沱	沱	六	二	一三	二九	荆北	荆門北
七	一	七	二八	三古	古三	八	一	六	二二	何也何也	何也
九	一	一〇	二二	壺	壺	一〇	二	三	二	鶴	鶴
一一	一	二	二四	物爲	物之爲	一一	二	三	六	戍	戍
一二	一	四	六	戍	戍	一二	二	六	六	戍	戍

卷三勘誤表

頁	面	行	字	誤	正	頁	面	行	字	誤	正
一	一	三	四	戍	戍	二	二	四	六	里	重
四	二	三	二四	○	川	五	一	五	六	戍	戍下同
五	二	四	二二	○	防	七	一	一	一	處	○

卷四勘誤表

頁	面	行	字	誤	正	頁	面	行	字	誤	正
---	---	---	---	---	---	---	---	---	---	---	---

一	二	一	一	四	戀	一	二	三	五	〇	五
三	一	一	四	一	〇	四	一	一	〇	〇	一
四	二	二	二	二	額	七	二	九	二	九	數
二	八	七	七	三	戊	一	三	三	三	接	按
一	二	八	七	一	〇	三	一	三	三	〇	

卷五勘誤表

頁	面	行	字	誤	正	頁	面	行	字	誤	正
一	一	一	六	〇	五	一	二	三	八	坊樞	坊於樞
一	二	二	九	〇	五	二	二	七	三	〇	租
三	一	七	六	房三	房各三	三	二	四	九	籽驗	驗籽

卷六勘誤表

頁	面	行	字	誤	正	頁	面	行	字	誤	正
二	一	一	〇	防	汛	三	一	六	一	〇	堡塞
三	二	二	一	里小	里山小	四	一	一	一	一	奔
五	一	一	〇	軍內	軍政內	五	二	一	一	三	戌
五	二	七	一	常陽邑	常邑	五	二	一	五	一	三

卷七勘誤表

頁	面	行	字	誤	正	頁	面	行	字	誤	正
三	二	二	二	殺	殿	三	二	三	七	一	身
三	二	一	五	司者帛	司帛者	七	二	一	三	一	正
一〇	一	一	四	邾爲國公	爲邾國公						
一	一	六	六	先位	先賢位						

卷八勘誤表

頁	面	行	字	誤	正	頁	面	行	字	誤	正
三	一	一	二	桑	桑	五	一	三	二	五	祀典
七	二	四	二	戌	戌	七	二	七	七	日	月
七	二	八	一	壇	壇同	八	一	二	二	一	尺長
八	一	九	五	麻	麻						尺五長

卷九勘誤表

頁	面	行	字	誤	正	頁	面	行	字	誤	正
一	二	九	一	械	械						

卷十勘誤表

頁	面	行	字	誤	正	頁	面	行	字	誤	正
一	二	九	一	械	械						

卷十八勘誤表

頁	面	行	字	誤	正	頁	面	行	字	誤	正
一	中		一四	二	一	二	一	一〇	一九	永	水
二	中		一四	十五	二	二	二	一三	一〇	潛	潛
三	一	三	一〇	伴隨流	伴隨流	四	一	七	三五	官	官
四	二	一	一	黃	黃	五	一	七	二	板	板
五	一	八	一二	板	板	五	一	〇	二	板	板
五	一	二	一	板	板	五	一	一五	二	刺荆	刺荆
七	一	六	三一	餐	殘	七	一	三	二九	人	人
一〇	一	六	二九	止	上	一〇	二	八	九	獎	獎
一〇	二	一四	四	月	日	一〇	二	七	一七	木	木
一五	二	一三	二	薛	薛	一四	一	七	三四	過積	積過
一八	二	一	四	時客	時野客	一六	一	七	一二	壺	壺
二〇	二	五	一七	金南	南金	一九	二	四	一三	已	矣
						二二	一	五			落玉陽八景四字